

詞
錄

光緒乙酉春
張月如署檢

序

自有詩而長短句即寓焉南風之操五子之歌是已周
之頌三十一篇長短句居十八漢郊祀歌十九篇長短
句居其五至短簫饒歌十八篇篇皆長短句謂非詞之
源乎迄于六代江南採蓮諸曲去倚聲不遠其不即變
為詞者四聲猶未諧暢也自古詩變為近體而五七言
絕句傳于伶官樂部長短句無所依則不得不更為詞
當開元盛日王之渙高適王昌齡詩句流播旗亭而李
白菩薩蠻等詞亦被之歌曲古詩之於樂府近體之於
詞分鑣並騁非有先後謂詩降為詞以詞為詩之餘殆

非通論矣西蜀南唐而後作者日盛宣和君臣轉相矜尚曲調愈多流派因之亦別短長互見言情者或失之俚使事者或失之伉鄱陽姜夔出句琢字鍊歸於醇雅於是史達祖高觀國羽翼之張輯吳文英師之於前蔣捷周密陳允平王沂孫張炎張翥效之於後譬之於樂舞筭至於九變而詞之能事畢矣世之論詞者惟草堂是規白石梅溪諸家或未闕其集輒高自矜詡予嘗病焉顧未有以奪之也友人朱子錫鬯輯有唐以來迄於元人所為詞凡一十八卷目曰詞綜訪予梧桐鄉予覽而有契於心請雕刻以行朱子曰未也宋元詞集傳於

今者計不下二百家吾之所見僅及其半而已子其博搜以輔吾不足然後可予曰唯唯錫鬯仍北遊京師南至於白下逾三年歸廣為二十六卷予亦往來茗雪間從故藏書家抄白諸集相對參論復益以四卷凡三十卷計覽觀宋元詞集一百七十家傳記小說地志共三百餘家歷歲八稔然後成書庶幾可一洗草堂之陋而倚聲者知所宗矣若其論世而敘次詞人爵里勳讐同異而辨其譌則柯子寓匏周子青士力也

告

康熙戊午嘉平之朔休陽汪森書于裘杼樓

詞綜後序

往歲壬子錫鬯偕青士過余商榷詞選稍引其端而未究其緒既而青士去館桐川余與錫鬯奔走四方碌碌無寧晷越七年所汪子晉賢增定詞綜告竣復寓書于余相參詮次之故余惟詞學在廢興間者數百年良以表章無人整齊莫自故散而無統邇者海內風氣攸開從事者衆茲編蒐羅既廣潛隱靡遺其亦可以豁詞林之耳目使不蔽於近矣然所患向來選本或以調分或以時類往往雜亂無稽凡名姓里居爵仕彼此錯見後先之序幾於倒置况重以相沿日久以譌繼譌于茲之

選可無詳訂以救其失如李珣之作李詢鹿虔扈之作
扈虔扈王觀之作王冠此姓氏之當別者也李白蜀人
一云山東人歐陽炯中書舍人一云大學士此里與爵
之當攷者也徐昌圖宋殿中丞而或列之唐仇遠元儒
學教授而或列之宋此世次之當審者也又若同一張
先也而一為博州人一為吳興人同一孫氏也而一為
黃銖母一為鄭文妻此當析其人之同者也白玉蟾之
即葛長庚顧瑛之即顧德輝此當釐其號之異者也至
如蘇庠養直為蘇堅伯固子而云蘇庠字伯固朱敦儒
字希真朱秋娘亦名希真而遂以敦儒樵歌為秋娘所
作此當辨其舛誤之最甚者也種種混淆未克枚舉今
為博證史傳旁考釋乘參以郡邑載誌諸家文集彙而
訂之姓氏之下著其地爵仕之前序其世贈謚稱號撰
述繫之爵仕之後無所依據者姑闕之由是先後之次
可得而稽詞人之本末可得而尚論也間欲窺其寄託
致其抑揚求如元遺山之中州集錢虞山之列朝詩選
序例實慚謏陋有所未遑若夫溯詞旨之源流採之精
而取之粹晉賢氏固已論列甚詳余又何贅焉嘉善柯
崇樸

詞綜發凡

朱彝尊纂

唐宋以來作者長短句每別為一編不入集中以是散佚最易常熟吳氏訥彙有宋元百家詞抄傳絕少未見全書近日毛氏晉刻有汲古閣六十家宋詞頗有裨于學者是編所錄半屬抄本白門則借之周上舍雪客黃徵士俞邵京師則借之宋員外牧仲成進士容若吳下則借之徐太史健菴里門則借之曹侍郎秋岳餘則汪子晉賢購諸吳興藏書家互為參定其已經選輯者南唐二主詞集一卷馮延巳陽春錄一卷潘閔逍遙詞一卷林逋和靖先生集詞晏殊珠玉

詞一卷歐陽修六一居士詞三卷王安石半山老人
詞一卷晏幾道小山詞二卷張先子野詞一卷柳永
樂章集九卷蘇軾東坡居士詞二卷黃庭堅琴趣外
篇二卷秦觀淮海詞三卷晁補之詞一卷陳師道後
山長短句二卷李之儀姑溪集詞二卷賀鑄東山寓
聲樂府三卷毛滂東堂詞二卷杜安世詞一卷黃裳
演山集詞二卷葛勝仲丹陽詞一卷周紫芝竹坡居
士樂府三卷謝逸溪堂詞一卷謝邁竹友詞一卷葛
郊信齋詞一卷廖行之省齋詩餘周邦彥清真集三
卷晁端禮閑齋琴趣外篇一卷徐伸青山樂府一卷

呂渭老詞一卷徐積節孝集附詞陳瓘了齋詞一卷
王安中初寮集詞一卷向子諲酒邊集四卷蔡伸友
古詞一卷王庭珪盧溪詞二卷葉夢得石林詞一卷
王之道相山居士詞二卷向鎬樂齋詞二卷沈瀛竹
齋詞一卷劉弇雲龍集詞一卷汪藻浮溪文粹附詞
趙師俠坦菴長短句一卷陳與義無住詞一卷劉一
止茗溪詞一卷趙長卿惜香樂府十卷王灼頤堂詞
一卷張綱華陽老人長短句岳飛金陀粹編家集附
詞張元幹蘆川詞一卷鄧肅栢欄集詞一卷劉子翬
屏山集附詞張掄蓮社詞一卷朱敦儒樵歌三卷曾

觀海野詞一卷楊無咎逃禪詞三卷侯寘嬾窟詞一卷曾惇詞一卷朱雍梅詞一卷辛棄疾稼軒樂府十卷范成大石湖詞一卷黃公度知稼翁詞一卷葛立方歸愚詞一卷張孝祥于湖詞一卷程垓書舟雅詞二卷韓元吉焦尾集詞一卷周必大近體樂府一卷倪偁綺川詞一卷姚述堯簫臺公餘詞一卷京鏜松坡居士樂府一卷朱熹晦庵詞一卷洪适盤洲集詞二卷吳儆竹洲詞一卷楊萬里誠齋樂府一卷李處全晦庵詞一卷丘宓文定公詞一卷羅願鄂州小集附詞劉克莊後村別調一卷趙彥端介庵詞四卷

管鑑養拙堂詞一卷張鑑玉照堂詞一卷劉擬招山集樂章程泌銘水集詞一卷王千秋審齋詞一卷姜夔白石詞一卷陸游渭南集詞二卷陳亮龍川集詞二卷劉過龍洲詞一卷楊炎西樵語業一卷張輯東澤綺語債一卷謝懋靜寄居士樂章二卷黃機竹齋詩餘一卷劉鎮隨如百詠吳禮之順受老人詞五卷許棐梅屋詩餘一卷戴復古石屏詞一卷毛玕樵隱詞一卷洪咨夔平齋詞一卷郭應祥笑笑詞一卷盧祖臯蒲江詞一卷高觀國竹屋癡語一卷史達祖梅溪詞二卷汪莘方壺存稿詞二卷吳潛履齋詩餘三

卷李昉英文溪詞一卷趙以夫虛齋樂府二卷陳經國龜峰詞一卷方岳秋厓先生小稿詞四卷張榘芸窗詞一卷洪瑛空同詞一卷方千里和清真詞一卷楊澤民續和清真詞一卷盧炳哄堂詞一卷沈端節克齋詞一卷黃昇散花庵詞一卷嚴羽滄浪集附詞王以宣詞一卷吳文英夢窗甲乙丙丁稿四卷蔣捷竹山詞一卷陳允平日湖漁唱二卷周密草窗詞二卷王沂孫碧山樂府二卷張炎玉田詞二卷石孝友金谷遺音一卷林正大風雅遺音四卷張矩梅淵詞陳德武白雪遺音一卷文天祥文山集詞一卷王鼎

翁遺集附詞何夢桂潛齋詞一卷李清照漱玉集一卷朱淑真斷腸集一卷惠洪石門文字禪附詞葛長庚海璫詞二卷韓玉東浦詞一卷段克己遜齋樂府一卷段成己菊軒樂府一卷元好問遺山樂府二卷許衡魯齋集附詞程鉅夫雪樓集詞一卷王惲秋澗集詞四卷趙孟頫松雪詞一卷劉因樵庵詞一卷汪宗臣紫岩集附詞吳澄草廬詞一卷虞集道園學古錄詞一卷宋駿燕石集詞一卷劉詵桂隱集附詞曹伯啓漢泉漫稿詞一卷許有壬圭塘小藁詞一卷薩都刺雁門集詞一卷張翥蛻岩詞二卷袁易靜春詞

一卷沈禧竹窗詞一卷洪希文續軒渠集詞一卷張
可久小山樂府二卷喬吉惺惺老人樂府一卷張楚
古山樂府一卷倪瓚清悶閣詞一卷顧瑛玉山璞附
詞陶宗儀南村集附詞邵亨貞蛾術詞選四卷凌雲
翰柘溪集詞一卷王行半軒集詞一卷張雨貞居詞
一卷凡百六十餘家雖已覽觀未入選者楊杰無為
集徐經孫文惠集徐鹿卿清正集魏了翁鶴山詞王
義山稼軒類稿又順齋樂府虛靖真君詞洞元珠玉
集凡八家

藏書家編目錄詞集多不見收惟莆田陳氏書錄解題

論其大略鄱陽馬氏采入通考志中所載晁冲之具
茨集王觀冠柳集趙令時聊復集蘇庠後湖集万俟
雅言大聲集陳克赤城詞康與之順菴樂府趙鼎得
全居士集劉光祖鶴林詞左譽筠菴長短句姚寬西
溪居士樂府蘇泠然閣集嚴仁清江欸乃詞孫惟
信花翁詞魏子敬詞王武子詞李洪兄弟花萼集吳
激東山集蔡松年蕭閒公集舊本散失未經寓目或
詩集雖在而詞則闕如僅於選本中錄其一二至于
汪元量水雲詞蔡桄浩歌集黃人傑可軒曲林黃定
鳳城詞曹冠燕喜集馬宣祖退圃詞吳鑑敬齋詞袁

去華詞侯延慶退齋詞黃談澗壑詞林滄定齋詩餘
鄧元漫堂集王大受近情集張孝忠野適堂詞劉德
秀默軒詞鍾將之岫雲詞徐得之西園鼓吹李叔猷
東老詞方信儒好菴游戲陳從古洮湖詞韓子耕蕭
閒詞隻字未見此外軼者尚多海內收藏之家或有
存本倘許借觀願仿曾氏雅詞之例別為拾遺附于
卷末

世人言詞必稱北宋然詞至南宋始極其工至宋季而
始極其變姜堯章最為傑出惜乎白石樂府五卷今
僅存二十餘闋也東澤綺語債傳亦寥寥至施乘之

孫季蕃盛以詞鳴沈伯時樂府指迷亦為矜譽今求
其集不可復覩周公謹陳君衡王聖與集雖抄傳公
謹賦西湖十景當日屬和者甚衆而今集無之花草
粹編載有君衡二詞陸輔之詞旨載有聖與霜天曉
角等調中語均今集所無至張叔夏詞集晉賢所購
合之牧仲員外雪客上舍所抄暨常熟吳氏百家詞
本較對無異以為完書頃吳門錢進士宮聲相遇都
亭謂家有藏本乃陶南村手書多至三百闋則予所
見猶未及半漏萬之譏殆不免矣

古詞選本若家宴集謫仙集蘭畹集復雅歌辭類分樂

章羣公詩餘後編五十大曲萬曲類編及草牕周氏
選皆軼不傳獨草堂詩餘所收最下最傳三百年來
學者守為免園冊無惑乎詞之不振也是集兼采趙
宏基花間集黃昇花庵絕妙詞中興以來絕妙詞陳
景沂全芳備祖樂府元好問中州樂府彭致中鳴鶴
餘音鳳林書院元詞樂府補題許有孚圭塘欸乃集
顧梧芳尊前集楊慎詞林萬選陳耀文花草粹編沈
際飛草堂詩餘廣集茅映詞的卓人月詞統諸書務
去陳言歸于正始至如曾慥樂府雅詞天機餘錦采
入花草粹編趙粹夫陽春白雪集見李開先小山樂

府後序則諸書嘉隆間猶未散軼而天機碎錦片玉
珠璣二集聞江都藏書家有之又如百一選曲太平
樂府詩酒餘音仙音妙選樂府新聲樂府羣珠樂府
羣玉曲海之內定有詞章可采惜俱未之見也

向客太原見晉祠石刻多北宋人唱和詞而平遙縣治
西古寺廡下有金人所作小令勒石嵌壁令工人搨
回經十餘年簡之故簾則已為鼠嚙盡是集成未克
採入深以為恨計海內名山苔龕石壁宋元人留題
長短句尚多好事君子惠我片楮無異雙金也

詞有當時盛傳久而翻逸者遺珠片玉往往見于裨官

載記是編自百川學海古今小說唐宋叢書曾氏類說吳氏能改齋漫錄阮氏詩話總龜胡氏茗溪漁隱叢話陶氏說郭商氏禪海陸氏說海陳氏秘笈外繙閱小說又不下數十家片詞足采輒事筆疏故多他選未見之作庶幾一開生面佐予討論編纂者汪子而外則安邱曹舍人升六無錫嚴徵士孫友江都汪舍人季月宜興陳徵士其年華亭錢舍人葆勸吳江俞處士無殊休宐汪上舍周士季青錢塘龔主事天石同郡俞處士右吉沈上舍融谷繆處士天自沈布衣覃九葉舍人元禮李徵士武曾布衣分虎沈秀才

山子柯孝廉翰周浦布衣傅功暨門人周瀟岳也鏤版未竟而錢葉二君相繼奄逝可為泣然

詞人姓氏爵里選家書法不一先系爵後書名者花間集中州樂府體也書字於官爵下者絕妙詞選體也書名者全芳備祖體也書字者草堂體也冠別字於姓名之前者鳳林書院體也至楊氏詞林萬選陳氏花草粹編或書名或書字或書別字或書官或書集覽者茫然莫究其世次甚有別本以朱三十五樵歌為秋娘作者良可大噓是集考之正史參以地志傳紀小說以集歸人以字歸名得十之八九論世之功

柯子寓匏有焉

周布衣青士隱於塵市於書無所不闕辨證古今字句音韻之譌輒極精當是集藉其校讎如史梅溪綺羅香後闕還被春潮晚急原係六字為句草堂坊本脫去晚字諸本因之周晴川十六字令眼月影穿窗白玉錢原係眠字為句選本譌作明字遂以明月影為句歐陽永叔越溪春結語沈麝不燒金鴨玲瓏月照梨花並係六字句坊本譌玲為冷瓏為籠遂以七字五字為句德祐太學生祝英臺近那人何處怎知道愁來不去譌不為又一字之乖全旨皆失今悉為改

正他如蘇子瞻念奴嬌則從容齋隨筆汪彥章點絳脣則從能改齋漫錄王晉卿燭影搖紅則從漫錄去其前闕李后主臨江仙則從者舊續聞補其結語其餘糾定難更僕數坊間雖有圖譜倚聲者宜攷質焉四聲二十八調各有其倫柳屯田樂章集有同一曲名字數長短不同分入各調者姜石帚湘月詞注云此念奴嬌之高指聲也則曲同字數同而湘月念奴嬌調實不同合之為一非矣詞固有一曲而各異其名者是選悉依集本不敢更易審音者度無勿知似不必比而同之也

張子野弔林君復詩烟雨詞亡草更青蔡君謨寄李良
定詩多麗新詞到海邊一篇之工見之吟詠山林微
雲秦學士露華倒影柳屯田曉風殘月柳三變滴粉
搓酥左與言一句之工形諸口號當日風尚所存甄
藻自爾不爽故是集多綴宋元人評語有明用脩元
美諸家品隲容有未當或置不錄焉

宣政而後士大夫爭為獻壽之詞聯篇累牘殊無意味
至魏華父則非此不作矣是集于千百之中止存一
二雖華甫亦置不錄也

元人小曲如乾荷葉天淨沙凭欄人平湖樂一名小等

桃紅

調平上去三聲並用往往編入詞集然按之宋詞如
戚氏西江月換巢鸞鳳少年心惜分釵漁家傲世集
中諸關已為曲韻濫觴矣是集間有采錄蓋倣楊氏
詞林萬選之例覽者幸勿以詞曲混一為訛

言情之作易流於穢此宋人選詞多以雅為目法秀道
人語涪翁曰作豔詞當墮婢舌地獄正指涪翁一等
體製而言耳填詞最雅無過石帚草堂詩餘不登其
隻字見胡浩立春吉席之作蜜殊詠桂之章亟收卷
中可謂無目者也甚而易靜兵要寓聲于望江南張
用成悟真篇按調為西江月詞至此亦不幸極矣是

集於黃九之作去取特嚴不敢曲徇後山之說

宋人編集歌詞長者曰慢短者曰令初無中調長調之目自顧從敬編草堂詞以臆見分之後遂相沿殊屬牽率歲在癸丑舍館京師宣武門右與葆勸舍人戶庭相望予輯是書葆勸輯詞曠辨晰體制以字數多寡為先後最為精密計一千調編為三十卷比年聞更增益予所見鳴鶴餘音洞元金玉集及他抄本曲調異同詞曠未經采入者約又百餘惜未遑郵寄今葆勸逝矣遺書在笥雕刻無期誠倚聲家之闕事也花間體制調即是題如女冠子則詠女道士河瀆神則

為送迎神曲虞美人則詠虞姬是也宋人詞集大約無題自花庵草堂增入閨情閨思四時景等題深為可惜今俱準集本刪去

明初作手若楊孟載高季迪劉伯溫輩皆溫雅芊麗咀官舍商李昌祺王達善瞿宗吉之流亦能接武至錢唐馬浩瀾以詞名東南陳言穢語俗氣薰入骨髓殆不可醫周白川夏公謹諸老間有硬語楊元修王元美則強作解事均與樂章未諧然三百年中豈無合作當遍搜文集發其幽光編為二集繼是編之後古今詞話一書博訪未得詞人瑣事散見各家詩話及

傳記小說中摭拾需時是集未能附綴將仿孟啓本
事詩計敏夫唐詩紀事別為一集以資談柄近吳江
徐徵士電發著詞苑叢譚一書可云先獲我心當讓
其單行矣

竹垞太史詞綜一書搜採宏富選擇精允第坊本頗有
訛誤并衍文脫字暇日手錄一通取見於集本及他本
者詳為校正自餘疑似處一時無從核對者姑仍其舊
原本三十卷後序稱旋得宋元小集二十餘種及絕妙
好詞翰墨全書梅苑鐵網珊瑚等續輯補遺六卷今補
入三卷揆時代列入前編補詞三卷併入一處為卷仍
三十並非缺逸發凡所稱未見隻字者若汪元量水雲
詞蔡桼浩歌集韓子耕即韓翥蕭閒詞陳從古泚湖詞
補入內已有四家今均移列前編非矛盾也自來選家
每置婦女於末卷然予觀關雎柏舟諸篇皆婦人女子

之作聖人且列為風首後人先釋老而後閨閣名義未
當今遵史例移列女於內官僧道之前是集所未採及
者余所見陽春白雪樂府雅詞及鮑氏叢書等尚不下
數十家而絕妙好詞亦尚有十餘家詞均媚雅不知因
何挂漏至若金白樸天籟集張炎山中白雲詞均經竹
垞訂定而樸詞不載玉田綠意詞仍列無名字中則想
在詞綜刊行後未及改補耳吾鄉陶梁有詞綜補遺予
未之見所見王昶續補人兩卷載有宋吳則禮北湖集
附詞李呂詞胡銓澹庵長短句程大昌文簡公詞曹冠
燕喜詞韓泂澗泉詩餘趙磻老拙庵詞袁去華宣卿詞

黎廷瑞芳洲集附詞李好古碎錦詞以及潘良貴李光
揚冠卿劉學箕等詞元姚瑞詞朱晞顏瓢泉吟稿附詞
以及王結陸文圭吳存各詞原集均未見而所選頗多
庸劣之作又魏了翁虛靖真君兩家亦濫竽其間拾唾
餘為淵博良亦可哂而發凡所云未見之袁曹兩家袁
詞蘊藉曹詞亦平平全集不知若何故概未鈔錄容俟
續有所見詳加選擇別為外編附錄於後爾時
光緒乙酉三月上巳吳縣張履恆月如書於芍藥山房

詞綜總目

卷一	唐詞六十八首	嘉興 周 質	辨謔
卷二	五代十國詞七十二首	嘉善 柯崇樸	編次
卷三	五代十國詞七十六首	嘉興 周 質	辨謔
卷四	宋詞七十三首	休寧 汪 森	增定
卷五	宋詞七十六首	秀水 朱彝尊	抄撮

卷六

宋詞六十六首

卷七

宋詞七十六首

卷八

宋詞六十六首

卷九

宋詞五十八首

卷十

宋詞六十七首

卷十一

宋詞七十九首

卷十二

宋詞七十六首

卷十三

宋詞七十九首

卷十四

宋詞八十六首

卷十五

宋詞八十四首

卷十六

宋詞八十二首

卷十七

宋詞八十首

卷十八

宋詞七十四首

卷十九

宋詞七十八首

卷二十

宋詞八十首

卷二十一

宋詞八十五首

卷二十二

宋詞七十三首

卷二十三

宋詞七十四首

卷二十四

宋詞一百首

卷二十五

宋詞五十七首

卷二十六	金詞七十六首
卷二十七	元詞七十首
卷二十八	元詞六十八首
卷二十九	元詞七十三首
卷三十	元詞八十首

詞綜目錄

卷一

昭宗皇帝	李白	張志和	韋應物
戴叔倫	王建	韓翃	白居易
劉禹錫	溫庭筠	皇甫松	鄭符
段成式	司空圖	韓偓	張曙
呂嵒	柳氏	王麗真	無名氏

卷二

後唐莊宗	蜀主王衍	蜀主孟昶
南唐中宗李景		南唐後主李煜

和凝

韋莊

薛昭蘊

牛嶠

毛文錫

牛希濟

歐陽炯

卷三

顧夔

鹿虔扈

闕選

魏承班

尹鶚

毛熙震

李珣

孫光憲

張泌

馮延巳

成幼文

耿玉真

卷四

徽宗皇帝

高宗皇帝

徐昌圖

潘閔

夏竦

寇準

王禹偁

錢惟演

晏殊

賈昌朝

王琪

林逋

李遵勗

葉清臣

聶冠卿

李師中

韓琦

范仲淹

宋祁

蘇舜欽

鄭獬

韓縝

韓維

韋驥

張昇

謝絳

歐陽脩

梅堯臣

石延年

司馬光

王安石

范純仁

卷五

晏幾道

張先

柳永

卷六

蘇軾

黃庭堅

秦觀

晁補之

張耒

陳師道

李易

李之儀

卷七

賀鑄

毛滂

劉燾

王仲

杜安世

李元膺

孫洙

朱服

章棨

舒亶

李清臣

王詵

趙令時

王安禮

王安國

曾肇

晁冲之

秦觀

卷八

王觀

孔平仲

米芾

滕宗諒

鄭僅

黃裳

張景修

孫觴

程過

解昉

陳亞

張舜民

王雱

蔡挺

汪輔之

蘇庠

劉涇

潘元質

蘇過

秦湛

許庭

葛勝仲

李冠

張表臣

查荃

周紫芝

謝逸

謝邁

葛郊

趙鼎臣

廖行之

卷九

周邦彥

晁端禮

田不伐

曹組

万侯雅言

徐伸

卷十

陳克

李祁

吕渭老

趙企

李持正	王采	韓駒	徐積
何籀	蔣子雲	宋齊愈	李甲
夏俛	沈會宗	廖世美	林少瞻
何大圭	沈公述	魯逸仲	何臬
陳瓘	蔡桄	張履信	王安中
楊适	方喬	李玉	波子山
謝克家			

卷十一

向子諲	蔡伸	王庭珪	葉夢得
王之道	向鎬	沈瀛	李邴

卷十二

劉夔	汪藻	曾紆	徐俯
趙師俠	陳與義	劉一止	趙長卿
王灼	張綱	王十朋	陳濟翁
趙鼎	岳飛	李彌遜	朱翌
張元幹	洪皓	呂本中	鄧肅
劉子翬	張掄	朱敦儒	康與之
歐陽澈	胡舜陟	胡仔	倪偁
姚述堯	湯思退	吳億	曾覲
闕蒼舒	左譽	陸凝之	楊无咎

阮閱 侯寘 曾慥 曾惇
朱雍 姚進道 劉之翰 江緯
黃公度 葛立方

卷十三

辛棄疾 范成大 張孝祥 姚寬
程垓 周必大 京鏜 尤袤

卷十四

韓元吉 仲并 朱熹 真德秀
趙汝愚 洪适 洪邁 吳儆
楊萬里 李處全 張震 羅願

崔與之 劉克莊 樓鑄 吳玕
趙彥端 管鑑 魏子敬 甄龍友
俞國寶 衛元卿 李石 張鎡
杜旟 劉凝 岳珂 程秘
王千秋 程先 蘇洵 劉圻父
魏杞 牟璣 王自中 王岵

卷十五

姜夔 陸游 陳亮 劉過
楊炎 張輯 黃機 韓翬

卷十六

謝懋	危稹	馬莊父	李浙	嚴仁	王壜	章穎	羅椅	翁孟寅
止宓	吳禮之	李洪	鄭域	易袞	曹豳	郭應祥	楊伯高	趙汝堯
姜特立	劉光祖	李泳	戴復古	趙善扛	洪咨夔	陸淞	周晉	馮去非
劉鎮	閻邱杲	李漳	黃銖	毛玕	趙汝迂	姚鏞	楊纘	許棐

十七卷

盧祖皋	高觀國	史達祖	汪莘
吳潛	李昉英		

卷十八

趙以夫	劉褒	史雋之	章謙亨
陳經國	方岳	張榘	洪璚
方千里	汪暉	尹煥	馮取洽
陳以莊	盧炳	沈端節	潘枋
馮艾子	黃昇	文及翁	李芟子
嚴羽	李廷忠	王以宣	陸叡
蕭泰來	趙希邁	趙崇璠	王藻

趙潛 鍾過 張樞 趙希彭
李演 黃簡 李振祖 陳策

卷十九

吳文英 蔣捷

卷二十

陳允平 周密

卷二十一

王沂孫 張炎

卷二十二

石孝友 孫惟信 張槃 潘希白

湯恢 張矩 汪元量 趙耆孫

翁元龍 李肩吾 毛翊 施岳

覃懷高 趙旭 樓扶 楊彥齡

李珣 方有聞 汪存 陳德武

周格非 陳襲善 丁羲叟 呂直夫

王武子 趙君舉 王文甫 施芸隱

鄭覺齋 王月山 房舜卿 林正大

薛夢桂 曾揆 黃孝邁 江開

卷二十三

文天祥 鄧剡 王鼎翁 何夢桂

李南金

莫崙

趙與鉞

樓槃

徐一初

劉辰翁

黃公紹

康仲伯

李彭老

李萊老

王易簡

馮應瑞

唐藝孫

呂同老

練恕可

趙汝鈞

唐珏

李居仁

王夢應

譚宣子

陳逢辰

樓采

奚滅

趙聞禮

丁宥

史介翁

周端臣

何光大

劉瀾

張龍榮

王億之

余桂英

卷二十四

胡仲弓

柴望

王奕

王同祖

張林

張桂

趙崇霄

趙與仁

朱藻

黃鑄

尚希尹

朱昇孫

吳大有

范晞文

曹良史

王茂孫

鄭斗煥

湯彌昌

趙必璩

楊澤民

陳先

陳紀

東從周

李震

李銓

陳從古

鄭子玉

寇寺丞

陳參政

杜郎中

德祐太學生

無名氏

李清照

朱淑真

卷二十五

盧氏

舒氏

魏夫人

延安夫人

阮逸女

幼卿

吳淑姬

蔣興祖女

鄭意娘

慕容嘉妻

孫道綯

鄭文妻

陸游妾

美奴

王清惠

徐君寶妻

金德淑

章麗真

袁正真

琴操

盼盼

聶勝瓊

蜀中妓

玉英

吳城小龍女

赤城韓夫人

衛芳華

紫姑

裴湘

僧揮

祖可

惠洪

清蔡真

于真人

葛長庚

乩仙

卷二十六

完顏瑀

蔡松年

吳激

高士談

劉著

李晏

趙可

劉仲尹

王庭筠

劉迎

王特起

韓玉

趙秉文

高憲

党懷英

王渥

景覃

王礪

趙攄

折元禮

李獻能

高永

段克己

段成己

李俊民

元好問

王予可

鄧千江

卷二十七

許衡

張宏範

耶律楚材

劉秉忠

燕公楠

許謙

程鉅夫

盧摯

劉敏中

楊果

仇遠

李冶

王 暉

張可久

劉 因

趙孟頫

梁 曾

馮子振

白無咎

陳 孚

汪宗臣

姚雲文

詹 正

吳 澄

應法孫

喬 吉

李 琳

何繼高

陳 深

劉忠之

歐陽元

王 連

卷二十八

趙 雍

彭元遜

羅志仁

韋居安

趙 文

宋 遠

周 景

劉將孫

蕭 列

司馬昂父

王學文

彭芳遠

危復之

顏子俞

劉景翔

吳元可

劉 鉉

蕭允之

黃子行

彭履道

李裕翁

段宏章

劉天迪

周伯陽

尹公遠

曾允元

李天驥

劉應幾

周孚先

尹濟翁

王從叔

蕭漢傑

彭泰翁

趙功可

戴山隱

姜介翁

卷二十九

虞 集

鮮于樞

宋 瑩

劉 詵

曹伯啓

許有壬

許有孚

馬 熙

許 楨

薩都刺

張 翥

袁 易

沈 禧

洪希文

楊立齋

孟 昉

舒頔

舒遜

何可視

袁華

于立

陸仁

張遜

石民瞻

郊韶

柯九思

王逢

何景福

卷三十

張楚

吳鎮

倪瓚

顧瑛

陶宗儀

汪斌

邵亨貞

沈景高

羅慶

唐桂芳

凌雲翰

王行

錢抱素

錢應庚

楊樵雲

周晴川

吳瓘

王蒙

陸祖先

王燧

張翥

金細

張半湖

蕭東父

黃水村

馬致遠

王容谿

傅按察

無名氏

管道昇

劉燕哥

陳鳳儀

夢庵

張雨

滕賓

詞綜卷一

唐詞六十八首

昭宗皇帝 二首

張志和 二首

戴叔倫 一首

韓翃 一首

劉禹錫 二首

皇甫松 五首

段成式 一首

韓偓 一首

李白 五首

韋應物 一首

王建 二首

白居易 五首

溫庭筠 三十三首

鄭符 一首

司空圖 一首

張曙 一首

唐昭宗

呂品一首

柳氏一首

王麗真一首

無名氏一首

昭宗皇帝

巫山一段雲 題寶雞驛壁

蜨舞梨園雪鶯啼柳帶烟小池殘日豔陽天
苧蘿山又山青鳥不來愁絕忍看鴛鴦雙結
春風一等少年心閒情恨不禁

菩薩蠻 登華州城樓

登樓遙望秦宮殿
茫茫只見雙飛燕
渭水一條流
千山與萬仞
遠烟籠碧樹
陌上行人去
安得有英雄
迎歸

大內中

唐詩紀事作何處是英雄迎儂歸故宮按尉

華州韓建迎歸郡中帝鬱鬱不樂每登城西齊雲樓遠望明年秋製此詞云

李白字太白蜀人一云山東人供奉翰林

菩薩蠻

平林漠漠烟如織
寒山一帶傷心碧
暝色入高樓
有人樓上愁
玉階空立
宿鳥歸飛急
何處是歸程
長亭更短亭
玉階一作闌干更一作連湘山野錄云此詞撰魏道輔泰見而愛之後至長沙得古風集於曾子宣內翰家乃知李白所撰

憶秦娥

簫聲咽秦娥夢斷秦樓月
秦樓月年年柳色灞陵傷別

樂遊原上清秋節咸陽古道音塵絕音塵絕西風殘
照漢家陵闕

清平樂

禁闈秋夜月探金窗罅玉帳鴛鴦噴蘭麝時落銀燈香
燭女伴莫話孤眠六宮羅綺三千一笑皆生百媚宸
遊教在誰邊

桂殿秋

仙女下董雙成漢殿夜涼吹玉笙曲終却從仙官去萬
戶千門惟月明

又

河漢女玉鍊顏雲駟往往在人間九霄有路去無跡
裊

裊香風生珮環吳虎臣云此太白詞也有得于石刻而

張志和字子同金華人擢無言倚其聲歌之音極清雅

漁歌子

西塞山前白鷺飛桃花流水鱖魚肥青箬笠綠蓑衣斜

風細雨不須歸黃魯直云

又

松江蟹舍主人歡菰飯蓴羹亦共餐楓葉落荻花乾醉
宿漁舟不覺寒

韋應物京兆人官左司郎中歷蘇州刺史

調笑

張志和 韋應物 戴叔倫 王建

河漢河漢曉挂秋城漫漫愁人起望相思塞北江南別
離離別離別河漢雖同路絕

戴叔倫字幼公金壇人官撫州刺史
封譙縣男遷容管經略使

轉應詞

邊草邊草邊草盡來兵老山南山北雪晴千里萬里月

明明月明月胡笳一聲愁絕

王建字仲初潁州人大曆十年
進士太和中為陝州司馬

調笑

團扇團扇美人竝來遮面玉顏憔悴三年誰復商量管

絃絃管絃管春草昭陽路斷

又

蝴蝶蝴蝶飛上金枝玉葉君前對舞春風百葉桃花樹

紅紅樹紅樹燕語鶯啼日暮

韓翃字君平南陽人天寶十三載進士
以駕部郎中知制誥終中書舍人

章臺柳寄柳氏

章臺柳章臺柳往日依依青青今在否縱使長條似舊

垂也應攀折他人手

白居易

字樂天其先太原人徙下邳貞元十四年進
士歷官中書舍人出知杭州以刑部尚書致

仕卒贈僕射謚
文有長慶集

花非花

花非花霧非霧夜半來天明去來如春夢不多時去似朝雲無覓處

憶江南

江南好風景舊曾諳日出江花紅勝火春來江水綠如藍能不憶江南

又

江南憶最憶是杭州山寺月中尋桂子郡亭枕上看潮頭何日更重遊

又

江南憶其次憶吳宮吳酒一杯春竹葉吳娃雙舞醉芙蓉早晚得相逢

長相思

深畫眉淺畫眉蟬鬢鬢雲滿衣陽臺行雨迴 巫山高巫山低暮雨瀟瀟郎不歸空房獨守時

劉禹錫 字夢得中山人貞元中進士仕為太子賓客會昌中檢校禮部尚書

春去也

春去也多謝洛城人弱柳從風疑舉袂叢蘭裊露似沾巾獨坐亦含顰

瀟湘神

斑竹枝斑竹枝淚痕點點寄相思楚客欲聽瑤瑟怨瀟湘深夜月明時

溫庭筠

本名岐字飛卿太原人官方山尉有握蘭金荃等集

黃叔暘云飛卿詞極流麗宜為花間集之冠

菩薩蠻

小山重疊金明滅鬢雲欲度香顚雪嬾起畫蛾眉弄妝梳洗遲照花前後鏡花面交相映新帖繡羅襦雙雙金鷓鴣

又

水精簾裏頗黎枕暖香惹夢鴛鴦錦江上柳如烟鴈飛

殘月天

藕絲秋色淺人勝參差剪雙鬢隔香紅玉釵

頭上風

又

玉樓明月長相憶柳絲裊娜春無力門外草萋萋送君

聞馬嘶

畫羅金翡翠香燭銷成淚花落子規啼綠窗

殘夢迷

又

牡丹花謝鶯聲歇綠楊滿院中庭月相憶夢難成背窗燈半明翠鈿金壓臉寂寞香閨掩人遠淚闌干燕飛春又殘

又

滿宮明月梨花白故人萬里關山隔金鴈一雙飛淚痕
沾繡衣 小園芳草綠家住越溪曲楊柳色依依燕歸
君不歸

又

寶函鈿雀金鸂鶒沈香閣上吳山碧楊柳又如絲驛橋
春雨時 畫樓音信斷芳草江南岸鸞鏡與花枝此情
誰得知

又

竹風輕動庭除冷珠簾月上玲瓏影山枕隱濃妝綠檀

金鳳凰

兩蛾愁黛淺故國吳宮遠春恨正闌情畫樓

殘點聲

更漏子

柳絲長春雨細花外漏聲迢遞驚塞鴈起城烏畫屏金
鷓鴣 香霧薄透簾幕惆悵謝家池閣紅燭背繡簾垂
夢長君不知

又

星斗稀鐘鼓歇簾外曉鶯殘月蘭露重柳風斜滿庭堆
落花 虛閣上倚闌望還似去年惆悵春欲暮思無窮
舊歡如夢中

又

玉爐香紅蠟淚偏照畫堂秋思眉翠薄鬢雲殘夜長衾
枕寒 梧桐樹三更雨不道離情正苦一葉葉一聲聲
空階滴到明胡元任云庭筠工於造語極為奇麗此詞尤佳

歸國遙

香玉翠鳳寶釵垂景殺鈿筐交勝金粟越羅春水綠
畫堂照簾殘燭夢餘更漏促謝娘無限心曲曉屏山斷
續

又

雙臉小鳳戰篔金颿豔舞衣無力風斂藕絲秋色染

錦帳繡幃斜掩露珠清曉簟粉心黃藥花靨黛眉山兩
點

酒泉子

楚女不歸樓枕小河春水月孤明風又起杏花稀 玉
釵斜篸雲鬢重裙上鏤金雙鳳八行書千里夢鴈南飛

南歌子

手裏金鸚鵡胸前繡鳳凰偷眼暗形相不如從嫁與作
鴛鴦

又

似帶如絲柳團酥握雪花簾卷玉鈎斜九衢塵欲暮逐

香車

又

倭墮低梳髻連娟細掃眉終日兩相思為君憔悴盡百
花時

又

轉盼如波眼娉婷似柳腰花裏暗相招憶君腸欲斷恨
春宵

又

懶拂鴛鴦枕休縫翡翠裙羅帳罷爐薰近來心更切為
思君

河瀆神

河上望叢祠廟前春雨來時楚山無限鳥飛遲蘭棹空
傷別離何處杜鵑啼不歇豔紅開盡如血蟬鬢美人
愁絕百花芳草佳節

又

孤廟對寒潮西陵風雨瀟瀟謝娘惆悵倚蘭橈淚流玉
筋千條暮天愁聽思歸樂早梅香滿山郭回首兩情
蕭索離魂何處飄泊

女冠子

含嬌含笑宿翠殘紅窈窕鬢如蟬寒玉簪秋水輕紗卷

碧烟 雪胸鸞鏡裏琪樹鳳樓前寄語青娥伴早求仙

玉蝴蝶

秋風淒切傷離行客未歸時塞外草先衰江南鴈到遲
芙蓉凋嫩臉楊柳墮新眉搖落使人悲斷腸誰得知

清平樂

洛陽愁絕楊柳花飄雪終日行人爭攀折橋下水流鳴咽
上馬爭勸離觴南浦鶯聲斷腸愁殺平原年少回首揮淚千行

遐方怨

憑繡檻解羅幃未得君書腸斷瀟湘春鴈飛不知征馬

幾時歸海棠花謝也雨霏霏

訴衷情

鶯語花舞春晝午雨霏微金帶枕宮錦鳳凰帷柳弱燕交飛
依依遼陽音信稀夢中歸

思帝鄉

花花滿枝紅似霞羅袖畫簾腸斷卓香車迴面共人閒
語戰篋金鳳斜惟有阮郎春盡不歸家

夢江南

梳洗罷獨倚望江樓過盡千帆皆不是斜暉脈脈水悠悠
悠腸斷白蘋洲

河傳

江畔相喚曉妝鮮
仙景箇女采蓮
請君莫向那岸邊
少年好花新滿船
紅袖搖曳逐風軟
垂玉腕腸向柳絲
斷浦南歸浦北歸
莫知晚來人已稀

又

湖上閒望雨蕭蕭
烟浦花橋路遙
謝娘翠娥愁不銷
終朝夢魂迷晚潮
蕩子天涯歸棹遠
春已晚鶯語空腸
斷若耶溪溪水西
柳隄不聞郎馬嘶

蕃女怨

萬枝香雪開已遍
細雨雙燕鈿蟬
箏金雀扇畫梁相見

鴈門消息不歸來
又飛迴

又

磧南沙上驚鴈起
飛雪千里玉連環
金鏃箭年年征戰
畫樓離恨錦屏空
杏花紅

荷葉杯

鏡水夜來秋月如
雪采蓮時小娘紅粉
對寒浪惆悵正
思維一作相思

又

楚女欲歸南浦朝
雨濕愁紅小船搖漾
入花裏波起隔
西風

皇甫松字子奇

溫庭筠 皇甫松

天仙子

晴野鷺鷥飛一隻水渙花發秋江碧劉郎此日別天仙
登綺席淚珠滴十二晚峯青歷歷作青一高

又

躑躅花開紅照水鷓鴣飛遶青山背行人經歲始歸來
千萬里錯相倚懊惱天仙應有以

摘得新

酌一卮須教玉笛吹錦筵紅蠟燭莫來遲繁紅一夜經
風雨是空枝

夢江南

蘭燼落屏上暗紅蕉閒夢江南梅熟日夜船吹笛雨瀟
瀟人語驛邊橋

又

樓上寢殘月下簾旌夢見秣陵惆悵事桃花柳絮滿江
城雙鬢坐吹笙

鄭符

字夢復官
秘書監

閑中好

題永壽寺

閑中好盡日松為侶此趣人不知輕風度僧語

段成式

字柯古文昌子會
中官太常少卿

閑中好

閑中好塵務不縈心坐對當窗木看移三面陰

司空圖

字表聖泗州人咸通中進士官禮部員外郎黃巢之亂避地中條山昭宗反正以戶部侍郎召至京復歸再鳴集

酒泉子

買得杏花十載歸來方始坼假山西畔藥欄東滿枝紅
旋開旋落旋成空白髮多情入更惜黃昏把酒祝東

風且從容

韓

字致堯一作光萬年人龍紀中進士累官兵部侍郎朱全忠惡之貶濮州司馬有香奩集

生查子

侍女動妝奩故故驚人睡那知本未眠背面偷垂淚
嬾卸鳳凰釵羞入鴛鴦被時復見殘燈和烟墜金穗

張

曙小字阿灰侍郎禕子

浣溪沙

枕障薰爐隔繡帷二年終日兩相思杏花明月始應知
天上人間何處去舊歡新夢覺來時黃昏微雨畫簾

垂

呂

字洞賓關右人咸通中舉進士不第携家隱終南

梧桐影

景德寺僧房

落日斜秋風冷今夜故人來不來教人立盡梧桐影別

本首句皆作落月斜非是今從竹坡詩話更正又景德

寺蛾眉院壁所題今夜故人作幽人今夜

柳氏韓翃寵姬楊柳枝答韓員外

楊柳枝芳菲節可恨年年贈離別一葉隨風忽報秋縱使君來豈堪折

王麗真女郎見錄

字字雙

牀頭錦衾斑復斑架上朱衣殷復殷空庭明月閑復閑夜長路遠山復山

無名氏

後庭宴

千里故鄉十年華屋亂魂飛過屏山簇眼重眉褪不勝春菱花知我銷香玉雙雙燕子歸來應解笑人幽獨斷歌零舞遺恨清江曲萬樹綠低迷一庭紅撲簌

詞綜卷一調名

巫山一段雲 昭宗

憶秦娥 李

桂殿秋

調笑 韋王

章臺柳 韓

憶江南

春去也 劉

更漏子 溫

酒泉子 司空

菩薩蠻 李溫

清平樂 令溫

漁歌子 張

轉應詞 戴即調笑

花非花 白

長相思

瀟湘神

歸國遙

南歌子

河瀆神

玉蝴蝶

調衷情

夢江南

蕃女怨

天仙子

閑中好

浣溪沙

楊柳枝

後庭宴

女冠子

遐方怨

思帝鄉

河傳

荷葉杯

摘得新

生查子

梧桐影

字字雙

即憶江南

皇甫

皇甫

鄭 段

張

柳

世藥山房重訂

詞綜卷二

五代十國詞七十二首

後唐莊宗 二首

蜀主孟昶 一首

南唐後主李煜 十首

韋 莊 二十首

牛 嶠 七首

牛希濟 二首

後唐莊宗

一葉落

蜀主王衍 一首

南唐中宗李景 二首

和 凝 四首

薛昭蘊 四首

毛文錫 八首

歐陽炯 十一首

一葉落寒朱箔此時景物正蕭索畫樓月影寒西風吹
羅幕吹羅幕往事思量著

憶仙姿

曾宴桃源深洞一曲舞鸞歌鳳長記別伊時和淚出門
相送如夢如夢殘月落花烟重

蜀主王衍

醉妝詞

者邊走那邊走只是尋花柳那邊走者邊走莫厭金杯
酒北夢瑣言云蜀主衍嘗裹小巾其尖如錐宮女多衣

蜀主孟昶

玉樓春

夜起避暑摩訶池上作

冰肌玉骨清無汗水殿風來暗香滿繡簾一點月窺人
欹枕釵橫雲鬢亂起來瓊戶啟無聲時見疎星渡河
漢屈指西風幾時來只恐流年暗中換按蘇子瞻洞仙
歌本隳括此詞
然未免反有點金之憾

南唐中宗李景

山花子

菡萏香銷翠葉殘西風愁起綠波間還與韶光共憔悴
不堪看細雨夢回雞塞遠小樓吹徹玉笙寒多少淚
珠何限恨倚闌干

又

手卷真珠上玉鉤，依前春恨鎖重樓。風裏落花誰是主，思悠悠。青鳥不傳雲外信，丁香空結雨中愁。回首淒波三峽暮，接天流。

後主李煜

相見歡

林花謝了春紅太匆匆，無奈朝來寒雨晚來風。胭脂淚，相留醉，幾時重。自是人生長恨水長東。

又

無言獨上西樓，月如鉤。寂寞梧桐深院鎖清秋。剪不

斷理還亂，是離愁。別是一般滋味在心頭。黃叔暘云此詞最悽惋，所謂亡國之音哀以思。

清平樂

別來春半，觸目愁腸斷。砌下落梅如雪亂，拂了一身還滿。鴈來音信無憑，路遙歸夢難成。離恨恰如春草，更行更遠，還生。

浪淘沙

簾外雨潺潺，春意闌珊。羅衾不暖五更寒。夢裏不知身是客，一晌貪歡。獨自暮凭欄，無限江山別時容易見時難。流水落花歸去也，天上人間。蔡條云：含思悽惋。

又

往事只堪哀對景難排秋風庭院
蘚侵階一行珠簾閣不卷終日誰來
金劍已沈埋壯氣蒿萊晚涼天靜月
華開想得玉樓瑤殿影空照秦淮

玉樓春

晚妝初了明肌雪春殿嬪娥魚貫列
鳳簫聲斷水雲閑重按霓裳歌遍徹
臨風誰更飄香屑醉拍闌干情未
切歸時休放燭花紅待踏馬蹄清夜月

子夜

花明月暗籠輕霧今宵好向郎邊去
剗襪步香階手提

金縷鞋

畫堂南畔見一晌偎人顫好為出來難教君

恣意憐

首句籠一作飛第三句一作奴為去來難

又

人生愁恨何能免消魂獨我情何限
故國夢重歸覺來雙淚垂高樓誰與上
長記秋晴望往事已成空還如一夢中

一夢中

虞美人

風迴小院庭蕪綠柳眼春相續
凭欄半日獨無言依舊竹聲新月似當年
笙歌未散樽罍在池面冰初解燭
明香暗畫樓深滿鬢清霜殘雪思難禁

又

春花秋月何時了往事知多少小樓昨夜又東風故國不堪回首月明中 雕欄玉砌應猶在只是朱顏改問君能有幾多愁恰似一江春水向東流

臨江仙

櫻桃落盡春歸去蝶翻輕粉雙飛子規啼月小樓西玉鈎羅幕惆悵暮烟垂 別巷寂寥人散後望殘烟草低迷爐香閒裊鳳凰兒空持羅帶回首恨依依蘇子由云真亡國之音也按是詞相傳後主在圍城中賦未就而城破闕後三句劉延仲補之云何時重聽玉驄嘶撲簾柳絮依約夢回時而者舊續聞所載故是全作當從之

和凝

字成績鄆州人舉進士仕後唐知制誥翰林學士晉天福中拜中書侍郎同中書門下平章事歸後漢拜太子太傅封魯國公有紅葉稿

春光好

蘋葉軟杏花明畫船輕雙浴鴛鴦出綠汀棹歌聲 春水無風無浪春天半雨半晴紅粉相隨南浦晚幾含情

采桑子

蝓蟻領上訶梨子繡帶雙垂椒戶閒時競學樗蒲賭荔枝 叢頭鞋子紅編細裙窈金絲無事嚙眉春思翻教阿母疑

河滿子

寫得魚牋無限其如花鎖春輝目斷巫山雲雨空教殘
夢依依却愛薰香小鴨羨他長在屏幃

漁父

白芷汀寒立鷺鷥蘋風輕剪浪花時烟幕幕日遲遲香
引芙蓉惹釣絲

韋

莊字端己杜陵人乾
寧元年進士入蜀王建辟
掌書記尋召為起居舍人
建表留之後為蜀

散騎常侍判中書
門下事有浣花集

菩薩蠻

紅樓別夜堪惆悵香燈半捲流蘇帳殘月出門時美人
和淚辭 琵琶金翠羽絃上黃鶯語勸我早歸家綠窗

人似花

又

人人盡說江南好遊人只合江南老春水碧於天畫船
聽雨眠 鑪邊人似月皓腕凝霜雪未老莫還鄉還鄉
須斷腸

又

如今却憶江南樂當時年少春衫薄騎馬倚斜橋滿樓
紅袖招 翠屏金屈曲醉入花叢宿此度見花枝白頭
誓不歸

又

洛陽城裏春光好洛陽才子他鄉老柳暗魏王堤此時
心轉迷 桃花春水淙水上鴛鴦浴凝恨對斜暉憶君
君不知

歸國遙

金翡翠為我南飛傳我意
畫橋邊春水幾年花下醉
別後只知相愧淚珠難遠寄
羅幙繡帷鴛鴦被舊歡如
夢裏

應天長

綠槐陰裡黃鸝語深院無人春晝午
畫簾垂金鳳舞寂寞繡屏香一炷
碧天雲無定處空有夢魂來去夜夜

綠窗風雨斷腸君信否

又

別來半歲音書絕一寸離腸千萬結
難相見易相別又是玉樓花似雪
暗相思無處說惆悵夜來烟月想得
此時情切淚沾紅袖黥

荷葉杯

絕代佳人難得傾國花下見無期
一雙愁黛遠山眉不忍更思維
閒掩翠屏金鳳殘夢羅幕畫堂空
碧天無路信難通惆悵舊房櫳
古今詞話云韋莊以才名寓蜀
王建聞之託以教內人為詞強莊奪
姿質豔麗兼善詞翰建聞之託以
去莊追念悵快作小重山及此詞
情意悽怨人相傳播

盛行於時姬後傳聞之遂不食而卒

韋莊

又

記得那年花下深夜初識謝娘時
水堂西面畫簾垂
携手暗相期
惆悵曉鶯殘月相別從此隔音塵
如今俱是異鄉人相見更無因

清平樂

野花芳草寂寞關山道
柳吐金絲鶯語早
惆悵香閨暗老
羅帶悔結同心獨凭朱欄思深夢覺半牀斜月小
窗風觸鳴琴

又

鶯啼殘月繡閣香燈滅
門外馬嘶郎欲別
正是落花時節
妝成不畫蛾眉含愁獨倚金扉去路香塵莫掃掃
即郎去歸遲

河傳

何處烟雨隋堤春暮柳色葱蘢畫橈金縷翠旗高颭香
風水光融青娥殿脚春妝媚輕雲裏綽約司花妓江
都官闕清淮月映迷樓古今愁

又

春晚風暖錦城花滿狂殺游人玉鞭金勒尋勝馳驟輕
塵惜良晨翠蛾爭勸臨卣酒纖纖手拂面垂絲柳歸

時烟裏鐘鼓正是黃昏暗銷魂

又

錦浦春女繡衣金縷霧薄雲輕花深柳暗時節正是清明雨初晴玉鞭魂斷烟霞路鶯鶯語一望巫山兩香塵隱映遙望翠檻紅樓黛眉愁

訴衷情

燭燼香殘簾半卷夢初驚花欲謝深夜月籠明何處按歌聲輕輕舞衣塵暗生負春情

又

碧沼紅芳烟雨淨倚蘭橈垂玉珮交帶裊纖腰鴛夢隔

星橋迢迢越羅香暗銷墜花翹

上行盃

芳草灞陵春岸柳烟深滿樓絃管一曲離聲腸寸斷今日送君千萬紅樓玉盤金鏤盞須勸珍重意莫辭滿

女冠子

四月十七正是去年今日別君時忍淚佯低面含羞半斂眉不知魂已斷空有夢相隨除却天邊月没人知

更漏子

鐘鼓寒樓閣暝月照古桐金井深院閉小庭空落花香露紅烟柳重春霧薄燈背水窗高閣閒倚戶暗沾衣

待郎郎不歸

薛昭蘊仕至侍郎

浣溪沙

粉上依稀有淚痕
郡庭花落欲黃昏
遠情深恨與誰論
記得去年寒食日
延秋門外卓金輪
日斜人散暗銷魂

相見歡

羅襦繡袂香紅
畫堂中
細草平沙蕃馬小
屏風
卷羅幕
凭妝閣
思無窮
暮雨輕烟魂斷
隔簾櫳

女冠子

求仙去也
翠鈿金篦盡捨
入巖巖
巖霧卷黃羅
帔雲彫白玉冠
野烟溪洞冷
林月石橋寒
靜夜松風下
禮天壇

謁金門

春滿院
疊損羅衣
金線睡覺
水精簾未捲
簾前雙語燕
斜掩金鋪一扇
滿地落花千片
早是相思腸欲斷
忍教頻夢見

牛

嶠字松卿一字延峰隴西人乾符五年進士歷官拾遺補尚書郎王建鎮蜀辟判官後仕蜀

為給事中

女冠子

錦江烟水卓女燒香濃
美小檀霞繡帶芙蓉帳
金釵芍

藥花 額黃侵膩髮 脣釧透紅紗 柳暗鶯啼處 認郎家
感恩多

兩行紅粉淚 多少香閨意 強攀桃李枝 斂愁眉 陌上
鶯啼 蝶舞 柳花飛 柳花飛 願得郎心憶 家還早歸

望江怨

東風急 惜別花時 手頻執 羅幃 愁復入 馬嘶殘雨春
蕪濕 倚馬立 寄語薄情郎 粉香和淚泣

菩薩蠻

舞裙香暖金泥鳳 畫梁語燕驚殘夢 門外柳花飛 玉郎
猶未歸 愁勻紅粉淚 眉剪春山翠 何處是遼陽 錦屏

春晝長

又

綠雲鬢上飛金雀 愁眉斂翠春烟薄 香閣掩芙蓉 畫屏
山幾重 窗寒天欲曙 猶結同心苣 啼粉浣羅衣 問郎
何日歸

西溪子

捍撥雙盤金鳳 蟬鬢玉釵 搖動畫堂前 人不語 絃解語
彈到 昭君怨處 翠蛾愁不擡頭

江城子

鷓鴣飛起郡城東 碧江空 半灘風 越王宮殿 蘋葉藕花

中簾捲水樓魚浪起千片雪雨濛濛

毛文錫字平珪唐進士事蜀為翰林學士遷內樞密使歷文思殿大學士司徒

虞美人

鴛鴦對浴銀塘暖水面蒲梢短垂楊低拂麴塵波蛛絲
結網露珠多滴圓荷 遙思桃葉吳江碧便是天涯隔
錦鱗紅鬣影沈沈相思空有夢相尋意難任

又

寶檀金縷鴛鴦枕綬帶盤宮錦夕陽低映小窗明南園
綠樹語鶯鶯夢難成 玉爐香暖頻添炷滿地飄輕絮
珠簾不捲度沈烟庭前閒立畫鞦韆豔陽天

更漏子

春夜闌春恨切花外子規啼月人不見夢難憑紅紗一
點燈 偏怨別是芳節庭下丁香千結宵霧散曉霞輝
梁間雙燕飛

紗窗恨

新春燕子還來至一雙飛壘巢泥溼時時墜
流人衣 後園裏看百花發香風拂繡戶金扉月照紗窗恨依依

又

雙雙蛺蝶塗鉛粉啞花心綺窗繡戶飛來穩畫堂陰
二三月愛隨風絮伴落花來拂衣襟更剪輕羅片傳黃

金

毛文錫 牛希濟

醉花間

休相問怕相問相問還添恨春水滿塘生鷓鴣還相趁
昨夜雨霏霏臨明寒一陣偏憶戍樓人久絕邊庭信
又

深相憶莫相憶相憶情難極銀漢是紅牆一帶遙相隔
金盤珠露滴兩岸榆花白風搖玉珮清今夕為何夕

巫山一段雲

雨霽巫山上雲輕映碧天遠風吹散又相連十二晚峯
前暗溼啼猿樹高籠過客船朝朝暮暮楚江邊幾度

降神仙

牛希濟 嶠兄子仕蜀為御
史中丞降於後唐

生查子

春山烟欲收天澹稀星少殘月臉邊明別淚臨清曉
語已多情未了回首猶重道記得綠羅裙處處憐芳草
又

新月曲如眉未有團圓意紅豆不堪看滿眼相思淚
終日劈桃穰人在心兒裏兩朵隔牆花早晚成連理
歐陽炯 畫譜貫休傳云大學士

三字令

春欲盡日遲遲牡丹時羅幌卷翠簾垂彩箋書紅粉淚
兩心知 人不在燕空歸負佳期香燼落枕函欵月分
明花淡薄惹相思

南鄉子

嫩草如烟石榴花發海南天日暮江亭春影綠鴛鴦浴
水遠山長看不足

又

畫舸停橈槿花籬外竹橫橋水上遊人沙上女迴顧笑
指芭蕉林裏住

又

岸遠沙平日斜歸路晚霞明孔雀自憐金翠尾臨水認
得行人驚不起

又

洞口誰家木蘭船繫木蘭花紅袖女郎相引去南浦笑
倚春風相對語

又

路入南中桄榔葉暗蓼花紅兩岸人家微雨後收紅豆
樹底纖纖擡素手

又

袖斂鮫綃采香深洞笑相邀藤杖枝頭蘆酒滴鋪葵席

豆蔻花開趁晚日

歐陽炯

賀聖朝

憶昔花間初識面紅袖半遮妝臉輕轉石榴裙帶故將
纖纖玉指偷撚雙鳳金線碧梧桐鎖深深院誰料得
兩情何日教繾綣羨春來雙燕飛到玉樓朝暮相見

江城子

曉日金陵岸草平落霞明水無情六代繁華暗逐逝波
聲空有姑蘇臺上月如西子鏡照江城

鳳樓春

鳳髻綠雲叢深掩房櫳錦書通夢中相見覺來慵勻面

淚臉珠融因想玉郎何處去對淑景誰同小樓中春
思無窮倚闌凝望閣牽愁緒柳花飛趁東風斜日照簾
櫳羅幌香冷粉屏空海棠零落鶯語殘紅

清平樂

春來街砌春雨如絲細春徑滿飄紅杏帶春燕舞隨風
勢春幡細縷春繒春閨一點春燈自是春心撩亂非
關春夢無憑

詞綜卷二調名

一葉落 莊宗

醉妝詞 蜀主王

山花子 南唐中宗

清平樂 韋 歐陽

子夜 即菩薩蠻 韋

臨江仙

採桑子

漁父

應天長

憶仙姿

玉樓春 蜀主孟 南唐主李

相見歡 南唐後主 薛

浪淘沙

虞美人 牛 毛

春光好 和

河滿子

歸國遙 韋

荷葉杯

河傳

上行盃

薛牛

浣溪沙

薛

感恩多

牛

西溪子

紗窗恨

毛

巫山一段雲

三字令

歐陽

賀聖朝

訴衷情

更漏子

毛

謁金門

望江怨

江城子

歐陽

醉花間

生查子

牛

南鄉子

鳳樓春

詞綜卷三

五代十國詞七十六首

顧復九首

閻選二首

尹鶚二首

李珣十五首

張泌五首

成幼文一首

顧復太尉蜀為

河傳

鹿虔扈一首

魏承班二首

毛熙震五首

孫光憲十三首

馮延巳二十首

耿玉真一首

燕颺晴景小窗屏暖鴛鴦交頸菱花掩却翠鬟欹慵整
海棠簾外影 繡幃香斷金鷄無消息心事空相憶
倚東風春正濃愁紅淚痕衣上重

又

棹舉舟去波光渺渺不知何處岸花汀草共依依雨微
鷓鴣相逐飛 天涯離恨江聲咽啼猿切此意向誰說
倚蘭橈獨無慘魂銷小鑪香欲焦

醉公子

漠漠秋雲澹紅藕香侵檻枕倚小山屏金鋪向晚扃
睡起橫波慢獨望情何限衰柳數聲蟬魂銷似去年

又

岸柳垂金線雨晴鶯百轉家住綠楊邊往來多少年
馬嘶芳草遠高樓簾半捲斂袖翠蛾攢相逢爾許難

玉樓春

月照玉樓春漏促颯颯風搖庭砌竹夢驚鴛鴦被覺來時
何處管絃聲斷續 惆悵少年游冶去枕上兩蛾攢細
綠曉鶯簾外語花枝背帳猶殘紅蠟燭

訴衷情

香滅簾垂春晝永整鴛衾羅帶重雙鳳縷黃金窗外月
光臨沈沈斷腸無處尋負春心

又

永夜拋人何處去絕來音香閣掩眉斂月將沈爭忍不
相尋怨孤衾換我心為你心始知相憶深

臨江仙

碧染長空池似鏡倚樓閒望凝情滿衣紅藕細香清象
牀珍簟山障掩玉琴橫暗想昔年歡笑事如今贏得
愁生博山爐暖澹烟輕蟬吟人靜殘日傍小窗明

楊柳枝

秋夜香閣思寂寥漏迢迢鴛幃羅幌麝烟銷燭光搖
正憶玉郎遊蕩去無尋處更聞簾外雨瀟瀟滴芭蕉

鹿虔扈

事蜀為永泰軍節度使加太保

臨江仙

金鎖重門荒苑靜綺窗愁對秋空翠華一去寂無蹤玉
樓歌吹聲斷已隨風烟月不知人事改夜闌還照深
宮藕花相向野塘中暗傷亡國清露泣香紅

閻

選後蜀處士事後主

浣溪沙

寂寞流蘇冷繡茵倚屏山枕惹香塵小庭花露泣濃春
劉阮信非仙洞客嫦娥終是月中人此生無路訪東

鄰

河傳

秋雨秋雨無晝無夜滴滴霏霏暗燈涼簟怨分離妖姬
不勝悲 西風稍急喧窗竹停又續膩臉懸雙玉幾回
邀約鴈來時違期鴈歸人不歸

魏承班 仕至太尉

玉樓春

寂寂畫堂梁上燕高卷翠簾橫數扇一庭春色惱人來
滿地落花紅幾片 愁倚錦屏低雪面淚滴繡羅金縷
線好天涼月盡傷心為是玉郎長不見

生查子

烟雨晚晴天零落花無語難話此時心梁燕雙來去
琴韻對薰風有恨和情撫腸斷斷絃頻淚滴黃金縷

尹鶚 官參

臨江仙

深秋寒夜銀河靜月明深院中庭西窗幽夢等閒成
逡巡覺後特地恨難平 紅燭半條殘焰短依稀暗背銀
屏枕前何事最傷情梧桐葉上點點露珠零

菩薩蠻

隴雲暗合秋天白俯窗獨坐窺烟陌樓際角重吹黃昏
方醉歸 荒唐難共語明日還應去上馬出門時金鞭

莫與伊

毛熙震
蜀人官
秘書監

臨江仙

幽閨欲曙聞鶯轉紅窗月影微明好風頻謝落花聲隔
幃殘燭猶照綺屏箏繡被錦茵眠玉暖炷香斜裊烟
輕淡蛾羞斂不勝情暗思閑夢何處逐雲行

清平樂

春光欲暮寂寞閑庭戶粉蝶雙雙穿檻舞簾卷晚天疎
雨含愁獨倚閨幃玉爐烟斷香微正是銷魂時節東
風滿樹花飛

南歌子

遠山愁黛碧橫波慢臉明膩香紅玉茜羅輕深院晚堂
人靜理銀箏鬢動行雲影裙遮點屐聲嬌羞愛問曲
中名楊柳杏花時節幾多情

後庭花

越羅小袖新香葯薄籠金釧倚闌無語搖輕扇半遮勻
面春殘日暖鶯嬌嬾滿庭花片一作爭不教人長相
見畫堂深院

河滿子

寂寞芳菲暗度歲華如箭堪驚緬想舊歡多少事轉添

春思難平曲檻絲垂金柳小窗絃斷銀箏 深院空聞
燕語滿園閒落花輕一片相思休不得忍教長日愁生
誰見夕陽孤夢覺來無限傷情

李

珣梓州人蜀秀才有瓊瑤集黃休復茅
亭客話其先波斯人有詩名預賓貢

巫山一段雲

古廟依青嶂行宮枕碧流水聲山色鎖妝樓往事思悠
悠 雲雨朝還暮烟花春復秋啼猿何必近孤舟行客
自多愁 黃叔暘云唐詞多緣題所賦臨江仙則言仙事
女冠子則述道情河瀆神則咏祠廟大槩不失
本題之意爾後漸變失題遠矣如珣此作實唐人本來
詞體如此

南鄉子

烟漠漠雨淒淒岸花零落鷓鴣啼遠客扁舟臨野渡思
鄉處潮退水平春色暮

又

蘭橈舉水紋開競携藤籠采蓮來迴塘深處遙相見邀
同宴滌酒一卮紅上面

又

歸路近扣舷歌采真珠處水風多曲岸小橋山月過烟
深鎖葳蕤花垂千萬朵

又

乘綵舫過蓮塘棹歌驚起睡鴛鴦帶香游女偎人笑作一

游女帶香
儂伴笑
爭窈窕競折團荷遮晚照

又

傾綠蟻泛紅螺間邀女伴簇笙歌避暑信船輕浪裏閒
游戲夾岸荔支紅蘸水

又

漁市散渡船稀越南雲樹望中微行客待潮天欲暮迷
春浦愁聽猩猩啼瘴雨

又

相見處晚晴天刺桐花下越臺前暗裏迴眸深屬意遺
雙翠騎象背人先過水

又

携籠去采菱歸碧波風起雨霏霏趁岸小船齊棹急羅
衣溼出向桡榔樹下立

又

登畫舸泛清波采蓮時唱采蓮歌攔棹聲齊羅袖斂池
光颭驚起沙鷗八九點

又

雙髻墜小眉灣笑隨女伴下春山玉纖遙指花深處爭
回顧孔雀雙雙迎日舞

菩薩蠻

迴塘風起波紋細刺桐花裏門斜閉殘日照平蕪雙雙
飛鷓鴣 征帆何處客相見還相隔不語欲魂銷望中
烟水遙

又

隔簾微雨雙飛燕砌花零落紅深淺捻得寶箏調心隨
征棹遙 楚天雲外路動便經年去香斷畫屏深舊歡
何處尋

西溪子

金縷翠鈿浮動妝罷小窗圓夢日高時春已老人未到
滿地落花慵掃無語倚屏風泣殘紅尊前集作離思正

河傳

去去何處迢迢巴楚山水相連朝雲暮雨依舊十二峯
前猿聲到客船 愁腸豈異丁香結因離別故國音書
絕想佳人花下對明月春風恨應同

孫光憲

字孟文陵州人游荆南高從晦署為從事仕
南平累官檢校秘書兼御史大夫勸高繼冲
獻三州之地宋太祖授以黃州刺史將用為
學未及而卒有荆臺筆傭橘齋鞏湖諸集

河瀆神

汾水碧依依黃雲落葉初飛翠娥一去不言歸廟門空
掩斜暉 四壁陰森排古畫依舊瓊輪羽駕小殿沈沈
清夜銀燈飄落香燭

又

江上草芊芊春晚湘妃廟前一方卵色楚南天數行斜
鴈聯翩 獨倚朱闌情不極魂斷終朝相憶兩槳不知
消息遠汀時起鷓鴣

後庭花

石城依舊空江國故宮春色七尺青絲芳草碧絕世難
得 玉英落盡何人識野棠如織只是教人添怨憶悵
望無極

清平樂

愁腸欲斷正是青春半連理分枝鸞失伴又是一場離

散 掩鏡無語眉低思隨芳草萋萋憑仗東風吹夢與
郎終日東西

女冠子

淡花瘦玉依約神仙妝束珮瓊文瑞露通宵貯幽香盡
日焚 碧紗籠絳節黃藕冠濃雲勿以吹簫伴不同羣

風流子

樓倚長隄欲暮瞥見神仙伴侶微傅粉攏梳頭隱映畫
簾開處無語無緒慢曳羅裙歸去

又

金絡玉銜嘶馬繫向綠楊陰下朱戶掩繡簾垂曲院水

流花謝歡罷歸也猶在九衢深夜

思帝鄉

如何遣情情更多永日水晶簾下斂羞娥六幅羅裙窄
地微行曳碧波看盡滿池疎雨打團荷

上行盃

離棹逡巡欲動臨極浦故人相送去住心情知不共
金船滿捧綺羅愁絲管咽迴別帆影滅江浪如雪

浣溪沙

蓼岸風多橘柚香江邊一望楚天長片帆烟際閃孤光
目送征鴻飛杳杳思隨流水去茫茫蘭紅波碧憶瀟

湘

謁金門

留不得留得也應無益白紵春衫如雪色揚州初去日
輕別離甘拋擲江上滿帆風疾却羨綵鴛三十六孤

鸞還一隻

思越人

古臺平芳草遠館娃宫外春深翠黛空留千載恨教人
何處相尋綺羅無復當時事露花點滴香淚惆悵遙
天橫淥水鴛鴦對對飛起

又

渚蓮枯宮樹老長洲廢苑蕭條想像玉人空一作處所

月明獨上溪橋 經春初敗秋風起紅蘭綠蕙愁死一

片風流傷心地魂銷目斷西子

張泌字子澄江南人仕南唐為內史舍人

酒泉子

紫陌青門三十六宮春色御溝輦路暗相通杏園風

咸陽沽酒寶釵空笑指未央歸去插花走馬落殘紅月

明中

南歌子

柳色遮樓暗桐花落砌香畫堂開處遠風涼高卷水精

簾額襯斜陽

江城子

碧闌干外小中庭雨初晴曉鶯聲飛絮落花時節近清

明睡起卷簾無一事勻面了沒心情

又

浣花溪上見卿卿臉波明黛眉輕高綰綠雲金簇小蜻

蜓好是問他來得麼和笑道莫多情

浣溪沙

鈿轂香車過柳隄樺烟分處馬頻嘶為他沈醉不成泥

花滿驛亭香露細杜鵑聲斷玉蟾低含情無語倚樓

西

馮延巳

字正中其先彭城人唐末徙家新安事南唐為左僕射同平章事有陽春錄一卷

羅敷豔歌

陳世脩序云馮公全外舍祖樂府思深詞麗韻逸調新

馬嘶人語春風岸芳草綿綿楊柳橋邊落日高樓酒旆
懸 舊愁新恨知多少日斷遙天獨立花前更聽笙歌
滿畫船

又

小堂深靜無人到滿院春風惆悵牆東一樹櫻桃帶雨
紅 愁心似醉兼如病欲語還慵日暮疎鐘雙燕歸來

畫閣中

清平樂

雨晴烟晚綠水新池滿雙燕飛來垂柳院小閣畫簾高
捲 黃昏獨倚朱欄西南初月眉灣砌下落花風起羅
衣特地春寒

又

春愁南陌故國音書隔細雨霏霏梨花白燕拂畫簾金
額 盡日相望王孫塵滿羅衣淚痕誰向橋邊吹笛駐
馬西望銷魂

芳草渡

梧桐落蓼花秋烟初冷雨纔收蕭條風物正堪愁人去
後多少恨在心頭 燕鴻遠羌笛怨渺渺澄波一片山
如黛月如鉤笙歌散魂夢斷倚高樓

歸國謠

江水碧江上何人吹玉笛扁舟遠送瀟湘客 蘆花千
里霜月白傷行色明朝便是關山隔

蝶戀花

六曲闌干偎碧樹楊柳風輕展盡黃金縷誰把鈿箏移
玉柱穿簾燕子雙飛去 滿眼游絲兼落絮紅杏開時
一霎清明雨濃睡覺來鶯亂語驚殘好夢無尋處

又

誰道閒情拋棄久每到春來惆悵還依舊日日花前常
病酒不辭鏡裏朱顏瘦 河畔青蕪隄上柳為問新愁
何事年年有獨立小橋風滿袖平林新月人歸後

又

幾日行雲何處去忘却歸來不道春將暮百草千花寒
食路香車繫在誰家樹 淚眼倚樓頻獨語雙燕來時
陌上相逢否掩亂春愁如柳絮依依夢裏無尋處

又

庭院深深深深幾許楊柳堆烟簾幙無重數玉勒雕鞍遊

馮延巳
冶處樓高不見章臺路
雨橫風狂三月暮
門掩黃昏
無計留春住
淚眼問花花不語
亂紅飛過秋千去

南鄉子

細雨溼秋風
金鳳花殘滿地紅
閒感黛眉慵
不語情緒
寂寞相思知幾許
玉枕擁孤衾
抱恨還同歲月深
簾卷曲房誰共醉
憔悴惆悵秦樓彈粉淚

喜遷鶯

宿鶯啼鄉夢斷
春樹曉朦朧
殘燈和燼
閉朱櫳
人語隔屏風
香已寒
燈已絕
忽憶去年離別
石城花雨倚江樓
波上木蘭舟

虞美人

玉鉤鸞柱調鸚鵡
宛轉留春語
雲屏冷落畫堂空
薄晚春寒無奈落花風
寒簾燕子低飛去
拂鏡塵鸞舞
不知今夜月眉彎
誰佩同心雙結倚闌干

拋毬樂

梅落新春入後庭
眼前風物可無情
曲池波晚冰還合
芳草迎船綠未成
且上高樓望相共
憑欄看月生

又

霜積秋山萬樹紅
倚巖樓上挂朱櫳
白雲天遠重重恨
黃葉烟深淅淅風
髣髴梁州曲吹在誰家玉笛中

菩薩蠻

馮延巳
敬鬟墮髻搖雙將采蓮晚出清江上顧影約流萍楚歌
嬌未成相逢顰翠黛笑把珠璫解家住柳陰中畫橋
東復東

三臺令

春色春色依舊青山紫陌日斜柳暗花蕙醉卧春風少
年年少年少年行樂直須及早

又

南浦南浦翠鬟離人何處當時携手高樓依舊樓前水
流流水流水中有傷心雙淚

浣溪沙

馬上凝情憶舊遊照花淹竹小溪流鈿箏羅幕玉搔頭
早是出門長帶月可堪分袂又經秋晚風斜日不勝
愁

應天長

一鉤初月臨妝鏡蟬鬢鳳釵慵不整重簾靜層樓迴惆
悵落花風不定綠烟低柳迳何處轆轤金井昨夜更
闌酒醒春愁過却病

成幼文

江南人仕南
唐官大理卿

謁金門

風乍起吹皺一池春水閒引鴛鴦香徑裏手按紅杏藥

鬪鴨闌干遍倚碧玉搔頭斜墜終日望君君不至舉

頭聞鵲喜陳質齋云世言風乍起為馮延巳作或云成

耿玉真女郎南唐書云盧絳病瘧且死夜夢白衣婦

疾食蔗即愈如言果差迨數關因謂絳曰子之

入金陵累官柱國唐亡歸宋以龔慎儀事坐

刑之地即固子坡也

菩薩蠻

玉京人去秋蕭索畫簷鵲起梧桐落欹枕悄無言月和

清夢圓 背燈惟暗泣何處砧聲急眉黛遠山攢芭蕉

生暮寒

詞綜卷三調名

河傳 顧閻 李

玉樓春 魏

臨江仙 鹿尹 毛

浣溪沙 閻孫 馮

菩薩蠻 尹李 馮 耿

南歌子 張 後庭花 孫

河滿子 巫山一段雲 李

南鄉子 馮 西溪子

河瀆神 孫 女冠子

風流子
上行盃
思越人
江城子
芳草渡
蝶戀花
虞美人
三臺令

思帝鄉
謁金門
酒泉子
羅敷豔歌
歸國謠
喜遷鶯
拋球樂
應天長

詞綜卷四

宋詞七十三首

徽宗皇帝 二首

徐昌圖 一首

夏竦 一首

王禹偁 一首

晏殊 八首

王琪 二首

李遵勗 一首

聶冠卿 一首

高宗皇帝 一首

潘閔 三首

寇準 三首

錢維演 一首

賈昌朝 一首

林逋 二首

葉清臣 一首

李師中 一首

宋徽宗

韓琦 一首

范仲淹 三首

宋祁 二首

蘇舜欽 一首

鄭獬 一首

韓縝 一首

韓維 二首

韋驥 二首

張昇 一首

謝絳 二首

歐陽修 二十一首

梅堯臣 一首

石延年 一首

司馬光 一首

王安石 二首

范純仁 一首

徽宗皇帝

探春令

簾旌微動悄寒天氣龍池冰泮杏花笑吐香猶淺又還
是春將半 清歌妙舞從頭按等芳時開宴記去年對
著東風曾許不負鶯花願

燕山亭 見杏花作

裁剪冰綃輕疊數重冷淡胭脂勻注新樣靚妝豔溢香
融羞殺藥珠宮女易得凋零更多少無情風雨愁苦問
院落淒涼幾番春暮 憑寄離恨重重這雙燕何曾會
人言語天遙地遠萬水千山知他故宮何處怎不思量
除夢裏有時曾去無據和夢也有時一作新來不做

高宗皇帝

宋

詞綜卷四

二

漁父詞

水涵微雨湛虛明小笠輕蓑未要晴明鏡裏穀紋生白
鷺飛來空外聲廖瑩中江行雜錄云漁父詞清新簡遠
者不能企及雖古之騷人詞客老於江湖擅名一時

徐昌圖

蒲陽人太祖時守國子博士累遷殿中丞

臨江仙

飲散離亭西去浮生長恨飄蓬回頭烟柳漸重重淡雲
孤鴈遠寒日暮天紅今夜畫船何處潮平淮月朦朧
酒醒人靜奈愁濃殘燈孤枕夢輕浪五更風

潘

閣字道遙大名入太宗朝賜進士第坐事遁中條山後收繫得釋以為滁州參軍有詞一卷

酒泉子

長憶孤山山在湖心如黛簇僧房四面向湖開輕棹去
還來芰荷香細連雲閣閣上清聲簷下鐸別來塵土
汚人衣空役夢魂飛山陰陸子適云句法清古語帶烟霞近時罕及

又

長憶西湖靈隱寺前天竺後冷泉亭上幾曾遊三伏似
清秋白猿時見攀高樹長嘯一聲何處去別來幾向
畫圖看終是欠峰巒

又

長憶西湖湖水上盡日憑欄樓上望三三兩兩釣魚舟

島嶼正清秋 笛聲依約蘆花裏白鳥成行忽驚起別
來閒想整綸竿思入水雲寒古今詞話云石曼卿見此
山野錄云錢希白愛之自書玉堂屏風繪之作圖又湘

夏

竦

字子喬德安人舉賢良方正慶曆中同中書門下平章事判大名府召入為宰相改樞密使封英國公進鄭國公卒贈太師中書令諡文正劉敞言竦姦邪謚為正不可改諡文莊

喜遷鶯令 宮詞

霞散綺月垂鉤簾卷未央樓夜涼銀漢截天流宮闕鎖
清秋 瑤臺樹金莖露鳳髓香盤烟霧三千珠翠擁宸
遊水殿按梁州

寇

準

字平仲下邳人太平興國中進士累官尚書右僕射集賢殿大學士景德中同中書門下平章事封萊國公為丁謂所構乾興初貶雷州司戶參軍卒贈中書令謚忠愍有巴東集

點絳脣

小陌輕寒社公雨足東風慢定巢新燕溼雨穿花轉

象尺薰爐拂曉停針線愁蛾淺飛紅零亂側卧珠簾捲

江南春

波渺渺柳依依孤村芳草遠斜日杏花飛江南春盡離
腸斷蘋滿汀洲人未歸

陽關引

塞草烟光闊渭水波聲咽春朝雨霽輕塵斂征鞞發指

宋

青青楊柳又是輕攀折動黯然知有後會甚時節 更
盡一杯酒歌一闋歎人生裏難歡聚易離別且莫辭沈
醉聽取陽關徹念故人千里自此共明月

王禹偁字元之鉅野人太平興國八年進士第累知制誥入翰林為學士咸平初出守黃州徙蘄

州卒有小畜集

點絳脣

兩恨雲愁江南依舊稱佳麗水村漁市一縷孤烟細

天際征鴻遙認行如綴平生事此時凝睇誰會憑欄意

錢維演

字希聖吳越王俶之子少補牙門將歸宋為右屯衛將軍累遷樞密使罷為鎮國軍節度觀察留後改保大軍節度使罷為鎮國軍節度同中書門下平章事坐擅議宗廟且與后家

通婚落平章事為崇信軍節度使歸鎮卒謚曰思改謚文僖有擁旄集

玉樓春

城上風光鶯語亂城下烟波春拍岸綠楊芳草幾時休

淚眼愁腸先已斷 情懷漸變成衰晚鸞鏡朱顏驚暗

換昔年多病厭芳樽今日芳樽惟恐淺黃叔暘云此暮

晏殊

字同叔臨川人景祐二年同進士出身康定間拜集賢殿學士同中書門下平章事兼樞密使卒贈司空兼侍中

謚元獻有珠玉詞一卷

晁氏答云元獻不蹈襲人語而風流閑雅如舞低楊柳樓心月歌盡桃花扇底風知此人不

家住三家村也自亦不減延已

破陣子

晏殊
燕子來時新社梨花落後清明池上碧苔三四點葉底
黃鸝一兩聲日長飛絮輕巧笑東鄰女伴采桑徑裏
逢迎疑怪昨宵春夢好元是今朝鬪草羸笑從雙臉生

清平樂

金風細細葉葉梧桐墜綠酒初嘗人易醉一枕小窗濃
睡紫薇朱槿初殘斜陽却照闌干雙燕欲歸時節銀
屏昨夜微寒

又

紅牋小字說盡平生意鴻鴈在雲魚在水惆悵此情難
寄斜陽獨倚西樓遙山恰對簾鉤人面不知何處綠

波依舊東流

踏莎行

碧海無波瑤臺有路思量便合雙飛去當時輕別意中
人山長水遠知何處綺席凝塵香閨掩霧紅箋小字
憑誰附高樓日盡欲黃昏梧桐葉上瀟瀟雨

又

小徑紅稀芳郊綠遍高臺樹色陰陰見春風不解禁楊
花濛濛亂撲行人面翠葉藏鶯珠簾隔燕爐香靜逐
遊絲轉一場愁夢酒醒時斜陽却照深深院

蝶戀花

宋

詞綜卷四

六

晏殊
檻菊愁烟蘭泣露羅幙輕寒燕子雙飛去明月不諳離
別苦斜光到曉穿朱戶昨夜西風凋碧樹獨上高樓
望盡天涯路欲寄彩鸞無尺素山長水闊知何處

清商怨

關河愁思望處滿漸素秋向晚鴈過南雲行人回淚眼
雙鸞衾裯悔展夜又永枕孤人遠夢未成歸梅花聞
塞管

相思兒令

昨日探春消息湖上綠波平無奈遶隄芳草還向舊痕
生有酒且醉瑤觥更何妨檀板新聲誰教楊柳千絲

就中牽繫人情

賈昌朝字子明獲鹿人天禧中進士累拜同中書門
下平章事兼侍中封許國公進魏國公卒謚
文元有集

木蘭花令

都城水滌嬉遊處仙棹往來人笑語紅隨遠浪泛桃花
雪散平隄飛柳絮東君欲共春歸去一陣狂風和驟
雨碧油紅旆錦障泥斜日畫橋芳草路黃叔暘云文元
公平生惟賦此一詞極有風味

王

琪

字君玉華陽人舉進士歷官知制誥
加樞密直學士以禮部侍郎致仕
陳輔之云君玉有望江南十首自謂謫仙荆
公酷愛其紅綃香潤入梅天之句

宋

詞綜卷四

七

望江南

江南雨風送滿長川碧瓦烟昏沈柳岸紅綃香潤入梅
天飄灑正瀟然朝與暮長在楚峯前寒夜愁歆金帶
枕春江深閉木蘭船烟渚遠相連

又

江南岸雲樹半晴陰帆去帆來天亦老潮生潮落日空
沈南北別離心興廢事千古一沾襟山下孤烟漁市

遠柳邊疎雨酒家淡行客莫登臨

林

逋

字君復錢塘人結廬孤山二十年足不及城
市真宗賜以粟帛詔長吏歲時勞問既卒仁
宗賜謚和靖先生有集

霜天曉角梅

冰清霜潔昨夜梅花發甚處玉龍三弄聲搖動枝頭月
夢絕金獸熱曉寒蘭燼滅要捲珠簾清賞且莫掃階

前雪

點絳脣草

金谷年年亂生春色誰為主餘花落處滿地和烟雨
又是離歌一闋長亭暮王孫去萋萋無數南北東西路

李遵勗

字公武崇矩孫第進士尚荆國大長公主授
左龍武軍駙馬都尉累遷宣國軍節度使徙
鎮國軍知許州卒贈中
書令謚和文有閑宴集

滴滴金

宋

詞綜卷四

八

帝城五夜宴遊歇殘燈外看殘月都來猶在醉鄉中聽
更漏初徹 行樂已成閑話說如春夢覺時節大家同
約探春行問甚花先發

葉清臣 字道卿長洲人天聖初進士歷官翰林學士
權三司使罷知河陽卒贈左諫議大夫有集

賀聖朝

滿斟綠醕留君住莫匆匆歸去三分春色二分愁更一
分風雨 花開花謝都來幾許且高歌休訴不知來歲
牡丹時再相逢何處

聶冠卿 字長孺新安人舉進士慶歷中入翰林為
學士判昭文館兼侍讀學士有蘄春集
多麗 李良定席上賦

想人生美景良辰堪惜向其間賞心樂事古來難是并
得况東城鳳臺沁苑泛晴波淺照金碧露洗華桐烟霏
絲柳綠陰搖曳蕩春一色畫堂迴玉簪瓊佩高會盡詞
客清歡久重燃絳蠟別就瑤席 有翩若驚鴻體態暮

為行兩標格逞朱脣緩歌妖麗似聽流鶯亂花隔慢舞
縈回嬌鬟低躡腰肢纖細困無力忍分散彩雲歸後何
處更尋覓休辭醉明月好花莫謾輕擲黃叔暘云冠卿

篇亦可謂才情富麗矣其露洗華桐四句又所謂玉中
之瑛璧珠中之夜光每一觀之撫玩無數胡元任云
露洗華桐二語此是仲春天氣下乃云綠陰搖曳蕩春
一色其時未有綠陰亦語病也

李師中 字誠之楚丘人中進士科仁宗朝權主管經
略司文字提點廣西刑獄歷天章閣待制河

李師中
東都轉運使
副使安置遷右司郎中

菩薩蠻

子規啼破城樓月
畫船曉載笙歌發
兩岸荔支紅萬家
烟雨中人相對泣
淚下羅衣溼從此
信音稀嶺南無鴈飛

韓琦
字維圭安陽人天聖中進士嘉祐初同中書門下平章事集賢殿大學士遷昭文館大學士封儀國公進封衛國公再進魏國公拜右僕射卒贈尚書令謚忠獻徽宗追論定策勳

有安陽集
吳虎臣云魏公皇祐初鎮揚州撰維揚好四章所謂二十四橋千步柳春風十里珠簾者是也其後罷相出鎮安陽復作安陽好詞十章

點絳脣

病起恹恹庭前花影添
憔悴亂紅飄砌滴盡真珠淚
惆悵前春誰向花前醉
愁無際武陵凝睇人遠波空翠

范仲淹
字希文吳縣人大中祥符八年進士仕至樞密副使參知政事卒贈兵部尚書楚國公謚文正

有集

蘇幕遮

碧雲天紅葉地秋色連波波
上寒烟翠山映斜陽天接
水芳草無情更在斜陽外
黯鄉魂追旅意夜夜除非
好夢留人睡明月樓高休獨倚
酒入愁腸化作相思淚

御街行

宋

詞綜卷四

十

范仲淹 宋 祁

紛紛墜葉飄香砌夜寂靜寒聲碎真珠簾捲玉樓空天
澹銀河垂地年年今夜月華如練長是人千里 愁腸
已斷無由醉酒未到先成淚殘燈明滅枕頭欹語盡孤
眠滋味都來此事眉間心上無計相迴避

漁家傲

塞下秋來風景異衡陽鴈去無留意四面邊聲連角起
千嶂裏長烟落日孤城閉 濁酒一杯家萬里燕然未
勒歸無計羌管悠悠霜滿地人不寐將軍白髮征夫淚

宋

祁字子京安州安陸人徙開封之雍丘天聖中
進士累官翰林學士承旨卒贈尚書謚景文
有出麾小集
西洲猥稿

李端叔云宋景文歐陽永叔以餘力游戲而
風流閑雅超出意表

好事近

睡起玉屏風吹去亂紅猶落天氣驟生輕暖襯沈香帷
箔 珠簾約住海棠風愁拖兩眉角昨夜一庭明月冷
秋千紅索

浪淘沙

別劉原父

少年不管流光如箭因循不覺韶華換到如今始惜月
滿花滿酒滿 扁舟欲解垂楊岸尚同歡宴日斜歌闋
將分散倚蘭橈望水遠天遠人遠

蘇舜欽

字子美桐山人易簡之孫初補太廟齋郎尋
第進士以范仲淹薦召試集賢校理監進奏
詞綜卷四

宋

十一

蘇舜欽 院坐祠會除名後起為湖州長史罷居蘇州卒有滄浪集

水調歌頭 滄浪亭

瀟灑太湖岸淡汀洞庭山魚龍隱處烟霧深鎖渺瀰間
方念陶朱張翰忽有扁舟急槳撇浪載鱸還落日暴風
雨歸路遶汀灣 丈夫志當景盛恥疎間壯年何事憔悴
華髮改朱顏擬借寒潭垂釣又恐鷗猜鷺忌不肯傍
青綸刺棹穿蘆荻無語看波瀾

鄭

獬字毅夫安陸人皇祐五年舉進士第累官翰林學士坐不肯用按問新法王安石惡之出為侍讀學士知杭州徙青州有鄭溪集

好事近

江上探春回正值早梅時節兩行小槽雙鳳按涼州初
徹 謝娘扶下繡鞍來紅靴踏殘雪歸去不須銀燭有

山頭明月

韓

縝字玉汝雍丘人第進士累官太中大夫知樞密院事拜尚書右僕射兼中書侍郎以太子太保致仕贈司空 崇國公諡莊敏 即鳳簫吟

芳草

鎖離愁連綿無際來時陌上初熏繡幃人念遠暗垂珠
露泣送征輪長行長在眼更重重遠水孤雲但望極樓
高盡日目斷王孫 消魂池塘別後曾行處綠妒輕裙
恁時携素手亂花飛絮裏緩步香茵朱顏空自改向年

宋

詞綜卷四

七

年芳意長新遍綠野嬉遊醉眼莫負青春

韓維字持國雍丘人累官太子少傅轉太師紹聖中坐元祐黨安置均州徽宗初追復舊官有

南陽集

踏莎行次韻范景仁寄子華

歸鴈依空游蜂趁暖憑高日向西雲斷具茨山外夕陽
多展江亭下春波滿雙桂情深千花明煥良辰誰是
同游伴辛夸花謝早梅開應須次第調絃管雙桂樓

胡搗練令

夜來風橫雨飛狂滿地閒花衰草燕子漸歸春悄簾幙
垂清曉天將佳景與閒人美酒宜嫌華皓留取舊時

歡笑莫共秋光老

韋驥字子駿錢唐人皇祐五年進士累官尚書主客郎中夔州路提點刑獄

減字木蘭花

人生可意祇說功名貪富貴遇景開懷且盡生前有限
盃韶華幾許鷓鴣聲殘無覓處莫自因循一片花飛
減却春

菩薩蠻和舒信道水心寺會

瓊盃且盡清歌送人生離合真如夢瞬息又春歸回頭
光景非香噴金獸暖歡意愁更短白髮不須量從教
千丈長

宋

張

昇

字杲卿韓城人第進士累官參知政事以彰信軍節度使同中書門下平章事判許州改鎮河陽以太子太師致仕

離亭燕

一帶江山如畫風物向秋瀟灑水浸碧天何處斷霽色
冷光相射蓼嶼荻花洲掩映竹籬茅舍雲際客帆高
挂烟外酒旗低亞多少六朝興廢事盡入漁樵閒話悵
望倚層樓寒日無言西下

謝

絳

字希深富陽人舉進士歷官兵部員外郎擢知制誥判吏部流內銓太常禮院出知鄧州

夜行船

集有

昨夜佳期初共鬢雲低翠翹金鳳尊前和笑不成歌意
偷傳眼波微送草草不容成楚夢漸寒深翠簾霜重
相看送到斷腸時月西斜畫樓鐘動

訴衷情

官怨

銀缸夜永影長孤香草續殘爐倚屏默默無語粉淚不
成珠雙粲枕百嬌壺憶當初君恩莫似秋葉無情欲
向人疎

歐陽修

字永叔廬陵人第進士歷官禮部侍郎兼翰林侍讀學士拜樞密副使參知政事以太子

少師致仕卒贈太子太師諡

文忠有六一居士詞三卷

陳質齋云歐陽公詞多有與花間陽春相混

亦有鄙褻之語廁其中當是仇人無名子所

宋

詞綜卷四

十四

歐陽修
為也 羅長源云公嘗致意於為詩之本義
溫柔寬厚所得深矣今詞之淺近者前輩多
謂是劉焯偽作又云元豐中崔公度跋馮延
巳陽春錄謂其間有誤入六一詞者今柳三
變詞亦有雜之平山集中則其浮豔者殆亦
非皆公少作也

摸魚兒

卷繡簾梧桐院落一霎雨添新綠小池閑立殘妝淺向
晚水紋如縠凝遠目恨人去寂寥鳳枕孤難宿倚欄不
足看燕拂風簷蜨翻露草兩兩鎮相逐 雙眉蹙可惜
年華婉婉西風初弄庭菊况伊家年少多情未已難拘
束那堪更趁涼景追尋甚處垂楊曲佳期過盡但不說
歸來多應忘了雲屏去時祝按後半闕較他集未協疑

采桑子

輕舟短棹西湖好淥水逶迤芳草長隄隱隱笙歌處處
隨 無風水面琉璃滑不覺船移微動漣漪驚起沙禽
掠岸飛

又

羣芳過後西湖好狼籍殘紅飛絮濛濛垂柳闌干盡日
風 笙歌散盡遊人去始覺春空垂下簾櫳雙燕歸來
細雨中

踏莎行

候館梅殘溪橋柳細草熏風暖搖征轡離愁漸遠漸無

宋

詞綜卷四

十五

窮迢迢不斷如春水 寸寸柔腸盈盈粉淚樓高莫近
危欄倚平蕪盡處是春山行人更在春山外

蝶戀花

越女採蓮秋水畔窄袖輕羅暗露雙金釧照影摘花花
似面芳心只共絲爭亂 鷓鴣灘頭風浪晚霧重烟輕
不見來時伴隱隱歌聲歸棹遠離愁引著江南岸

又

小院深深門掩乍一作寂寞珠簾畫閣重重下欲近禁
烟微雨罷綠楊深處秋千挂 傅粉狂遊猶未捨不念
芳時眉黛無人畫薄倖未歸春去也杏花零落紅香謝

玉樓春

春山斂黛低歌扇暫解吳鉤登祖宴畫樓鐘動已魂銷
何況馬嘶芳草岸 青門柳色隨人遠望未斷時腸已
斷洛陽春色待君來莫到落花飛似霰

又

湖邊柳外樓高處望斷雲山多少路闌干倚遍使人愁
又是天涯初日暮 輕無管繫狂無數水畔飛花風裏
絮算伊渾似薄情郎去便不來來便去

又

西湖南北烟波闊風裏絲簧聲韻咽舞餘一作裙帶綠

雙垂酒入香腮紅一抹 杯深不覺琉璃滑貪看六么
花十八明朝車馬各東西惆悵畫橋風與月

虞美人影

鶯愁燕苦春歸去寂寂花飄紅雨碧草綠楊歧路况是
長亭暮 少年作客情難訴泣對東風無語目斷兩三
烟樹翠隔江淹浦

浪淘沙

把酒祝東風且共從容垂楊紫陌洛城東總是當時携
手處遊遍芳叢 聚散苦匆匆此恨無窮今年花勝去
年紅可惜一作料得明年花更好知與誰同

又

今日北池遊漾漾輕舟波光激灩柳條柔如此春來春
又去白了人頭 好妓好歌喉不醉難休勸君滿滿酌
金甌總使花時常病酒也是風流

浣溪沙

隄上遊人逐畫船拍隄春水四垂天綠楊樓一作梢外出
秋千 白髮戴花君莫笑六么催拍盞頻傳人生何處
似尊前晁無咎云只一出字自是後人道不到

又

紅粉佳人白玉盃木蘭船穩棹歌催綠荷風裏笑聲來

細雨輕烟籠草樹斜橋曲水遶樓臺夕陽高處畫屏開

越溪春

三月十三寒食日春色遍天涯越溪閨苑繁華地傍禁垣珠翠烟霞紅粉牆頭秋千影裏臨水人家歸來晚駐香車銀箭透窗紗有時三點兩點雨霽朱門柳細風斜沈麝不燒金鴨玲瓏月照梨花

夜行船

滿眼東風飛絮催行色短亭春暮落花流水草連雲看
看是斷腸南浦檀板未終人去一作去扁舟在綠楊

深處手把金樽難為別更那聽亂鶯疎雨

少年遊草

闌干十二獨凭春晴碧遠連雲千里萬里二月三月行
色苦愁人謝家池上江淹浦畔吟魄與離魂那堪疎
雨滴黃昏更特地憶王孫吳虎臣云不惟君復聖俞二
詞不及雖求諸唐人温李集
中殆與之為一矣

南歌子

鳳髻金泥帶龍紋玉掌梳去來窗下笑相扶愛道畫眉
深淺入時無弄筆偎人久描花試手初等閑妨了繡
工夫笑問雙鴛鴦字怎生書

臨江仙

歐陽脩

柳外輕雷池上雨，雨聲滴碎荷聲。小樓西角斷虹明。闌干倚處，待得月華生。燕子飛來窺畫棟，玉鉤垂下簾旌。涼波不動簟紋平。水精雙枕，傍有墮釵橫。

又

記得金鑾同唱第，春風上國繁華。如今薄宦老天涯。十年歧路，空負曲江花。聞說閩山通閩苑，樓高不見君家。孤城寒日等閒斜。離愁難盡，紅樹遠連霞。

青玉案

一年春事都來幾，早過了三之二。綠暗紅嫣渾可事。垂

楊庭院暖風簾幙，有箇人憔悴。買花載酒長安市。又爭似家山見，桃李不住東風吹。客淚相思難表，夢魂無據，惟有歸來是。

梅堯臣

字聖俞，宣城人。初以蔭為河南主簿，歷鎮安判官、仁宗召試，賜進士出身。為國子監直講，遷都官員外郎，有宛陵集。

蘇幕遮

草

露隄平，烟墅杳。亂碧萋萋，雨後江天曉。獨有庾郎年最少。窳地春袍，嫩色宜相照。接長亭，迷遠道。堪怨王孫，不記歸期早。落盡梨花春又了。滿地殘陽，翠色和烟老。

石延年

字曼卿，宋州人。補三班奉職，累遷大理寺丞、通判海州，終校理。

宋

詞宗卷四

九

燕歸梁

梅堯臣 石延年 司馬光

芳草年年惹恨幽想前事悠悠傷春傷別幾時休算從
古為風流 春山總把深勻翠黛千疊在眉頭不知供
得幾多愁更斜日凭危樓

司馬光

字君實夏縣人寶元初中進士甲科累官資
政殿學士尚書左僕射兼門下侍郎贈太師
溫國公 諡文正

阮郎歸

漁舟容易入深山仙家日日閒綺窗紗幌映朱顏相逢
醉夢間 松露冷海霞殷匆匆整棹還落花寂寂水潺潺
潺重尋此路難

王安石

字介甫臨川人舉進士熙寧初同中書門下
平章事封舒國公加司空卒贈太傅諡曰文
有臨川集詞一卷

桂枝香

登臨送目正故國晚秋天氣初肅千里澄江似練翠峰
如簇征帆去棹殘陽裏背西風酒旗斜矗艸綠舟雲淡星
河鷺起圖畫難足 念自昔豪華競逐歎門外樓頭悲
恨相續千古憑高對此謾嗟榮辱六朝舊事隨流水但
寒烟衰草凝綠至今商女時時猶唱後庭遺曲

傷春怨

夢中作

雨打江南樹一夜花開無數綠葉漸成陰下有遊人歸

宋

同宗卷四

年

王安石 范純仁

路 與君相逢處不道春將暮把酒祝東風且莫恁匆
匆去

范純仁字堯夫仲淹子第進士累官尚書右僕射
兼中書侍郎贈開府儀同三司謚忠宣
鷓鴣天 和韓持國

臘後春前暖律催日和風暖欲開梅公方結客尋佳景
我亦忘形趁酒杯 添管籥續尊壘更闌秉燭未能回
清歡莫待相期約乘興來時便可來

詞綜卷四調名

探春令 徽宗

燕山亭

漁父詞 高宗

臨江仙 徐 歐陽

酒泉子 潘

喜遷鶯令 夏

點絳脣 冠 王 林 韓

江南春

陽關引

玉樓春 錢 歐陽

破陣子 晏

清平樂

踏莎行

蝶戀花 歐陽

清商怨

相思兒令

木蘭花令 賈

望江南 王

霜天曉角 林

賀聖朝 葉

菩薩蠻 李 韋

御街行

好事近 宋 鄭

芳草 韓

減字木蘭花 韋

訴衷情

采桑子

浪淘沙

滴滴金 李

多麗 聶

蘇幕遮 范 梅

漁家傲

水調歌頭 蘇

胡搗練令 韓

夜行船 謝 歐陽

摸魚兒 歐陽

虞美人影 即桃源憶故人

浣溪沙

越溪春

南歌子

燕歸梁 石

桂枝香 王

鷓鴣天 范

少年遊

青玉案

阮郎歸 司馬

傷春怨

詞綜卷五

宋詞七十六首

晏幾道 二十五首

柳 永 二十一首

張 先 三十首

晏幾道

字叔原，有幼子監穎昌。

許田鎮，有山詞一卷，以詩人句法，精壯頓。

黃魯直云：叔原，洛神之流，下者不。

挫能動搖人心，合者高唐，洛神之流，下者不。

減桃葉團扇，陳質齋云：叔原，洛神之流，下者不。

中獨可追逼花間，高處或過之，詞在諸名勝。

伊川聞誦晏叔原夢魂慣得無拘檢，又踏楊。

花過謝橋笑曰：鬼語也，意亦賞之。

臨江仙

夢後樓臺高鎖，酒醒簾幕低垂。去年春恨却來時。落花

人獨立微雨燕雙飛 記得小蘋初見兩重心字羅衣
琵琶絃上說相思當時明月在曾照綵雲歸

清商怨

庭花香信尚淺最玉樓先暖夢覺香衾江南依舊遠
迴文錦字暗剪謾寄與也應歸晚要問相思天涯猶自
短

點絳脣

明日征鞭又將南陌垂楊折自憐輕別撫得音塵絕
杏子枝邊倚徧闌干月依前缺去年時節舊事無人說
又

妝席相逢旋勻紅淚歌金縷意中曾許欲共吹花去
長愛荷香柳色殷橋路留人住淡烟微雨好箇雙棲處

虞美人

閑敲玉鐙隋隄路一笑開朱戶素雲凝澹月嬋娟門外
鴨頭春水木蘭船吹花拾蘂嬉遊慣天與相逢晚一
聲長笛倚樓時應恨不題紅葉寄相思

生查子

金鞍美少年去躍青驄馬縈係玉樓人繡被春寒夜
消息未歸來寒食梨花謝無處說相思背面秋千下

採桑子

秋千散後朦朧月滿院人間幾處雕欄一夜風吹杏粉
殘 昭陽殿裏春衣就金縷初乾莫信朝寒明日花前
試舞看

六么令

綠陰春盡飛絮遶香閣晚來翠眉宮樣巧把遠山學一
寸狂心未說已向橫波覺畫簾遮匝新翻曲妙暗許閑
人帶偷掐 前度書多隱語意淺愁難答昨夜詩有回
文韻險還慵押都待笙歌散了記取留時霎不消紅蠟
閑雲歸後月在庭花舊欄角

又

雪殘風信悠颺春消息天涯倚樓新恨楊柳幾絲碧還
是南雲雁少錦字無端的寶釵瑤席彩絃聲裏揉作尊
前未歸客 遙想疎梅此際月底香英坼別後誰繞前
溪手揀繁枝摘莫道傷高恨遠付與臨風笛儘堪愁寂
花時往事更有多情箇人憶

清平樂

留人不住醉解蘭舟去一棹碧濤春水路過盡曉鶯啼
處 渡頭楊柳青青枝枝葉葉離情此後錦書休寄畫
樓雲雨無憑

又

晏幾道
春雲綠處又見歸鴻去側帽風前花滿路冶葉倡條情
緒紅樓桂酒初開曾携翠袖同來醉弄影蛾池水短
簫吹落殘梅

又

波紋碧皺曲水清明後折得疎梅香滿袖暗喜春紅依
舊歸來紫陌東頭金釵換酒銷愁柳影深深細路花
梢小小層樓

又

么絃寫意密絃聲碎書得鳳箋無限事猶恨春心難
寄卧聽疎雨梧桐雨餘淡月朦朧一夜夢魂何處那

回楊葉樓中

玉樓春

秋千院落重簾暮彩筆閑來題繡戶牆頭紅杏雨餘花
門外綠楊風後絮朝雲信斷知何處應作襄王春夢
去紫騮認得舊遊踪嘶過畫樓東畔路

又

採蓮時候慵歌舞永日閑從花裏度暗隨蘋末曉風來
直待柳梢斜月去停橈共說江頭路臨水樓臺蘇小
住細思巫峽夢回時不減秦源腸斷處

浪淘沙

晏幾道
小綠間長紅露藥烟叢花開花落昔年同惟恨花前携
手處往事成空 山遠水重重一笑難逢已擽長在別
離中霜鬢知他從此去幾度春風

碧牡丹

翠袖疎紈扇涼葉催歸燕一夜西風幾處傷高懷遠細
菊枝頭開嫩香還徧月痕依舊庭院 事何限悵望秋
意晚離人鬢華將換靜憶天涯路比比情還短試約鸞
箋傳素期良願南雲應有新鴈

蝶戀花

碧玉高樓臨水住紅杏開時花底曾相遇一曲陽春春

已暮曉鶯聲斷朝雲去 遠水來從樓下度過盡流波
未得魚中素月細風尖垂柳渡夢魂長在分襟處

又

喜鵲橋成催鳳駕天為歡時乞與初涼夜乞巧雙蛾加
意畫玉鉤斜傍西南挂 分鈿擘釵涼葉下香袖凭肩
誰記當時話路隔銀河猶可借世間離恨何年罷

又

醉別西樓醒不記春夢秋雲聚散真容易斜月半窗還
少睡畫屏閒展吳山翠 衣上酒痕詩裏字點點行行
總是淒涼意紅燭自憐無好計夜寒空替人垂淚

又

庭院碧苔紅葉遍金菊開時已近登高宴日日露荷凋
綠扇粉塘烟水澄如練試倚涼風醒酒面鴈字來時
恰向層樓見幾點護霜雲影轉誰家蘆管吹秋怨

破陣子

柳下笙歌庭院花間姊妹秋千記得青樓當日事寫向
紅窗夜月前憑伊寄小蓮絳蠟等閑陪淚吳蠶到了
纏綿綠鬢能供多少恨未肯無情比斷絃今年老去年

更漏子

檻花稀池草徧冷落吹笙庭院人去日燕西飛燕歸人

未歸數書期尋夢意彈指一年春事新悵望舊悲涼
不堪紅日長

又

柳絲長桃葉小深院斷無人到紅日淡綠烟晴流鶯三
兩聲雪香濃檀暈少枕上卧枝花好春思重曉妝遲
尋思殘夢時

兩同心

楚鄉春晚似入仙源拾翠處閒隨流水踏青路暗惹香
塵心心在柳外青帘花下朱門對景且醉芳尊莫話
銷魂好意思曾同明月惡滋味最是黃昏相思處一紙

紅箋無限啼痕

晏幾道 張先

張先

字子野吳興人為都官郎中安陸集詞一卷李端叔云子野詞才不足而情有余晁无咎云子野與者卿齊名而所乏處子野不及者卿然子野韻高是者卿所公謂公張三中即心中事眼中有淚意中野人破也公曰何弄影嬌柔懶起影客不曉公曰雲無人墮飛絮無影此余平簾壓捲花影柳徑無月來花弄影嬌柔懶起生所得意也柳天聖間一時有兩張先皆字子野俱第進士其能詩壽考悉同博州人號張三影者是也一吳興人見齊東野語胡應麟筆叢所載如此

清平樂

屏山斜展帳卷紅綃半泥淺曲池飛海燕風度楊花滿

院 雲愁雨恨空深覺來一枕春陰隴上梅花落盡江

南消息沈沈

卜算子慢

按歐陽文忠集有張子野墓志銘名先博州人生于天聖五年卒元二年四十一歲不得為壽考齊東野語及筆叢所載皆誤張三影自是吳興人

溪山別意烟樹去程日落采蘋春晚欲上征鞍更掩翠
簾回面相盼惜彎彎淺黛長長眼奈畫閣歡遊也學狂
花亂絮輕散 水影橫池館對靜夜無人月高雲遠一
餉凝思兩眼淚痕還滿難遣恨私書又逐東風斷縱夢
澤層樓萬尺望湖城那見

木蘭花

西湖楊柳風流絕滿縷青春看贈別牆頭簌簌暗飛花

山外陰陰初落月 秦姬穠麗雲梳髮持酒聽歌留晚
發驪駒應亦解人情欲出重城嘶不歇

又 邠州作

青銅貼水萍無數臨曉西湖春漲雨泥新輕燕面前飛
風慢落花衣上住 紅裙空解烟蛾聚雲月却能隨馬
去明朝何處上高臺回認玉峯山下路

又 去春自湖歸杭憶南園花已開有當時猶有藥
如梅之句今歲還鄉南園正盛復為此詞以寄
意

去年春入芳菲國青藥如梅終忍摘欄邊徒欲說相思
綠蠟密緘朱粉飾 歸來故苑重尋覓花滿舊枝心更

惜鴛鴦從小自相雙若不多情頭不白

又 乙卯吳興寒食

龍頭舴艋吳兒競筍柱鞦韆遊女並芳洲拾翠暮忘歸
秀野踏青來不定 行雲去後遙山暝已放笙歌池院
靜中庭月色正清明無數楊花過無影

憶秦娥

參差竹吹斷相思曲情不足西北有樓窮遠目 憶苔
溪寒影透清玉秋鴈南飛速菰草綠應下溪頭沙上宿

慶春澤

飛閣危橋相倚人獨立東風滿衣輕絮還記憶江南如

今天氣正白蘋花遶隄漲流水 寒梅落盡誰寄方春
意無窮青空千里愁草樹依依關城初閉對月黃昏角
聲傍烟起

山亭宴 有美堂贈彥獻主人

宴堂永晝喧簫鼓倚青空畫欄紅柱玉瑩紫微人藹和
氣春融日照故宮池館更樓臺約風月今宵何處湖水
動鮮衣競拾翠湖邊路 落花蕩漾怨空樹曉山靜數
聲杜宇天意送芳菲正黯淡疎烟短雨新歡宜似舊歡
長此會散幾時還聚試為挹飛雲問解相思否

剪牡丹 舟中聞雙琵琶

野綠連空天青垂水素色溶漾都淨柔柳搖搖墜輕絮
無影汀洲日落人歸脩中薄袂擷香拾翠相競如解凌
波泊渚烟春暝 綵縵朱索新整宿繡屏畫船風定金
鳳響雙槽彈出今古幽思誰省玉盤大小亂珠迸酒上
妝面花艷媚相並重聽盡漢妃一曲江空月靜
好事近 和毅夫內翰梅花
月色透橫枝短葉小葩無力北客一聲長笛怨江南先
得誰教強半臘前開多情為春憶留取大家須醉幸
雨休風息

畫堂春

外湖蓮子長參差，霽山青處鷗飛水。天溶漾、畫橈遲人影，鑑中移。桃葉淺聲，雙唱杏紅，深色輕衣。小荷障面，避斜暉，分得翠陰歸。

踏莎行

衾鳳猶溫，籠鸚尚睡，宿妝稀淡眉成字。映花避月上迴廊，珠裙摺摺輕垂地。翠幙成波，新荷貼水，紛紛烟絮低還起。重牆遶院更重門，春風無路通深意。

于飛樂

寶奩開菱鑑，淨一掬清蟾。新妝臉，旋學花添蜀紅衫，雙繡蛺蝶裙，縷鶻鶻，尋思前事小屏風。仍畫江南。怎空教

草解宜男，柔桑暗又過春蠶。正陰晴天氣，更暝色相兼。幽期消息，曲房西，碎月篩簾。

惜瓊花

汀蘋白，茗水碧，每逢花駐樂。隨處歡席，別時携手看春色。螢火而今飛破秋夕。河流如帶，窄任身輕，似葉何計歸得。斷雲孤鶩，青山極樓上，徘徊無盡相憶。

河滿子

陪杭守泛湖夜歸

溪女送花隨處沙鷗，避樂分行遊舸。已如圖障裏，小屏猶畫瀟湘人面。新生酒豔，日痕更欲春長。衣上交枝鬪色，釵頭比翼相雙。片段落霞明水底，風紋時動妝光。

宿從夜歸無月千燈萬火湖塘

醉垂鞭 錢塘送祖擇之

酒面灑金魚吳娃唱吳潮上玉殿白麻書待君歸後除
句留風月好平湖曉翠峰孤此景出關無西州空畫

圖

又

雙蜨繡羅裙東池宴初相見朱粉不深勻閑花淡淡春
細看諸處好人人道柳腰身昨日亂山昏來時衣上
雲

謝池春慢 玉仙觀道中逢謝媚卿

繚牆重院時聞有流鶯到繡被掩餘寒畫閣明新曉朱
檻連空閣飛絮無多少徑莎平池水渺日長風靜花影
閑相照 塵香拂馬逢謝女城南道秀艷過施粉多媚
生輕笑鬪色鮮衣薄碾玉雙蟬小歡難偶春過了琵琶
流怨都入相思調

減字木蘭花 贈伎

垂螺近額走上紅裯初趁拍只恐驚飛擬倩游絲惹住
伊 文鴛繡履去似流風塵不起舞徹梁州頭上官花
顫未休

醉落魄 美人吹笛

雲輕柳弱內家髻子新梳掠生香真色人難學橫管孤
吹月淡天垂幕 朱脣淺破櫻桃萼倚樓人在闌干角
夜寒指冷羅衣薄聲入霜林簌簌驚梅落

師師令 贈美人

香鈿寶珥拂菱花如水學妝皆道稱時宜粉色有天然
春意蜀綵衣長勝未起縱亂霞垂地 都城池苑誇桃
李問東風何似不須回扇障清歌脣一點小於朱藥正
值殘英和月墜寄此情千里

繫裙腰

濃霜澹照夜雲天朦朧影畫勾闌人情縱似長情月算

一年年又能得幾番圓 欲寄西江題葉字流不到五
亭前東池始有荷新綠尚小如錢問何日藕幾時蓮

漁家傲

巴子城頭青草暮巴山重疊相逢處燕子占巢花脫樹
杯且舉瞿塘水闊舟難渡 天外吳門清雪路君家正
在吳門住贈我柳枝情幾許春滿縷為君將入江南去

碧牡丹

步障搖紅綺曉月墮沈烟砌緩板香檀唱徹伊家新製
怨入眉頭斂黛峯橫翠芭蕉寒雨聲碎 鏡華翳闌照
孤鸞戲思量去時容易鈿合瑤釵至今冷落輕棄望極

藍橋但暮雲千里幾重山幾重水道山清話云晏文獻
判新納侍兒公甚屬意先能為詩詞公雅重之每張來
令侍兒出侑觴往歌子野所為之飲子野後王夫詞人寢
不容公即出之一日子野至公與之生行樂耳何自苦
營妓歌之至末句公聞之憮然曰人生侍兒既來夫
如此亟命于宅庫支錢若干復取前所出侍兒
人亦不復誰何也

青門引

乍暖還輕冷風雨晚來方定庭軒寂寞近清明殘花中
酒又是去年病樓頭畫角風吹醒入夜重門靜那堪
更被明月隔牆送過秋千影

生查子彈箏

含羞整翠鬟得意頻相顧雁柱十三絃一一春鶯語

嬌雲容易飛夢斷知何處深院鎖黃昏陣陣芭蕉雨

卜算子

夢短寒夜長坐待清霜曉臨鏡無人為整妝但自學孤
鸞照樓臺紅樹杪風月依前好江水東流郎在西門
尺素何由到

燕歸梁

去歲中秋玩桂輪河漢淨無雲今年江上共瑤尊都不
是去年人水晶宮殿琉璃臺閣紅翠兩行分點脣微
破秀眉顰清影外見歌塵

怨王孫

花暮春去都門東路嘶馬將行江南江北十里五里郵
亭幾程程 高城漸遠重凝睇烟容細晚碧空無際不
知今夜何處冷落衾幃欲眠時

柳 永

初名三變字耆卿樂安人景祐元年進
士官至屯田員外郎有樂章集九卷
晁无咎云世言柳耆卿俗非也如漸
李端叔云耆卿詞較之語
花間所集韻終不勝 敘展此真不足無餘較之語
極工然多雜以鄙語 葉少蘊云嘗見詞西
夏歸朝官云凡有鄙語 飲處即能歌柳詞
吳虎臣云仁宗留意儒雅深斥浮艷虛華之
文三變好為淫冶之曲 傳播四方嘗有鶴冲
天詞云忍把浮名且去換了淺斟低唱及臨軒放
榜時人語之曰且去換了淺斟低唱及臨軒放
劉潛夫云耆卿有教坊丁大近俚俗 黃叔暘
云耆卿長于纖艷之詞然多近俚俗 陳質

鬪百花

齋云柳詞格不高而音律諧婉詞意妥帖承
平氣象形容曲盡尤工于羈旅行役

照色韶光明媚輕靄依籠芳樹池塘淺蘸烟蕪簾幙閑
垂風絮春困厭厭拋擲鬪草工夫冷落踏青心緒終日
扁朱戶 遠恨綿綿淑景遲遲難度年少傅粉依前醉
眠何處深院無人黃昏乍拆鞦韆空鎖滿庭花雨

女冠子

斷烟殘雨灑微涼生軒戶動清籟蕭蕭庭樹銀河濃淡
華星明滅輕雲時度莎階寂靜無覩幽蛩切切秋吟苦
疎篁一徑流螢幾點飛來又去 對月臨風空恁無眠

張先柳永

耿耿暗想舊日牽情處綺羅叢裏有人人那回飲散略
略曾諧駕侶因循忍便睽阻相思不得長相聚好天良
夜無端惹起千愁萬緒

雨霖鈴

寒蟬淒切對長亭晚驟雨初歇都門帳飲無緒方留戀
處蘭舟催發執手相看淚眼竟無語凝咽念去去千里
烟波暮靄沈沈楚天闊多情自古傷離別更那堪冷
落清秋節今宵酒醒何處楊柳岸曉風殘月此去經年
應是良辰好景虛設便總有千種風情更與何人說

傾盃樂

木落霜洲鴈橫烟渚分明畫出秋色暮雨乍歇小楫夜
泊宿葦村山驛何人月下臨風處起一聲羌笛離緒萬
端聞岸草切切蛩吟如織為憶芳容別後水遙山遠
何計憑鱗翼想繡閣深沈爭知憔悴損天涯行客楚峽
雲歸高陽人散寂寞狂蹤跡望京國空目斷遠峰凝碧

卜算子慢

江楓漸老汀蕙半凋滿目敗紅衰翠楚客登臨正是暮
秋天氣引疎砧斷續殘陽裏對晚景傷懷念遠新愁舊
恨相繼脈脈人千里念兩處風情萬重烟水雨歇天
高望斷翠峰十二儘無言誰會憑高意縱寫得離腸萬

種奈歸鴻誰寄

柳永

少年遊

參差烟樹霸陵橋風物盡前朝
衰楊古柳幾經攀折憔悴楚宮腰
夕陽閑淡秋光老離思滿蘅皋
一曲陽關斷腸聲盡獨自上蘭橈

夜半樂

凍雲黯淡天氣扁舟一葉乘興離江渚
渡萬壑千巖越溪深處怒濤漸息
樵風乍起更聞商旅相呼片帆高舉
泛畫鷁翩翩過南浦望中酒旆閃閃
一簇烟村數行霜樹殘日下漁人鳴榔
歸去敗荷零落衰楊掩映岸邊

兩兩三三浣紗遊女避行客含羞相笑語
到此因念繡閣輕拋浪萍難駐
歎後約丁寧竟何據慘離懷空恨
歲晚歸期阻凝淚眼杳杳神京路
斷鴻聲遠長天暮

玉蝴蝶

望處雨收雲斷凭欄悄悄目送秋光
晚景蕭疎堪動宋玉悲涼
水風輕蘋花漸老月露冷梧葉飄黃
遣情傷故人何在烟水茫茫
難忘文期酒會幾辜風月
屢變星霜海闊天遙未知何處是
瀟湘念雙燕難憑遠信指暮
天空識歸航暗相望斷鴻聲裏
立盡斜陽

望遠行

雪

長空降瑞寒風剪淅淅瑤華初下亂飄僧舍密灑歌樓
迤邐漸迷鴛瓦好是漁人披得一簑歸去江上晚來堪
畫滿長安高却旗亭酒價幽雅乘興最宜訪戴泛小
棹越溪瀟灑皓鶴奪鮮白鷗失素千里廣鋪寒野須信
幽蘭歌斷同雲收盡別有瓊臺瑤榭放一輪明月交光
清夜

八聲甘州

對蕭蕭暮雨灑江天一番洗清秋漸霜風淒緊關河冷
落殘照當樓是處紅衰綠減苒苒物華休惟有長江水
無語東流不忍登高臨遠望故鄉渺邈歸思難收歎

年來蹤跡何事苦淹留想佳人妝樓長望誤幾回天際
識歸舟爭知我倚闌干處正恁凝愁

安公子

遠岸收殘雨兩雨殘稍覺江天暮拾翠汀洲人寂靜立雙
雙鷗鷺望幾點漁燈掩映蒹葭浦停畫橈兩兩舟人語
道去程今夜遙指前村烟樹遊宦成羈旅短檣吟倚
閑凝竚萬水千山迷遠近想鄉關何處自別後風亭月
榭孤歡聚剛斷腸惹得離情苦聽杜宇聲聲勸人不如
歸去

雪梅香

景蕭索危樓獨立倚一作面晴空動悲秋情緒當時宋玉
應同漁市孤烟裊寒碧水村殘葉舞愁紅楚天闊浪浸
斜陽千里溶溶臨風想佳麗別後愁顏鎮斂眉峰可
惜當年頓乖雨跡雲蹤雅態妍姿正歡洽落花流水忽
西東無慘恨相思意盡分付征鴻

婆羅門令

昨宵裏恁和衣睡今宵裏又恁和衣睡小飲歸來初更
過醺醺醉中夜後何事還驚起霜天冷風細細觸疎
窗閃閃燈搖曳空牀展轉重追想雲雨夢任歆枕難繼
寸心萬緒咫尺千里好景良天彼此空有相憐意未有

相憐計

西平樂

盡日憑高寓目脈脈春情緒嘉景清明漸近時節輕寒
乍暖天氣才晴又雨烟光澹蕩裝點平蕪遠樹黯凝竚
臺榭好鶯燕語正是和風麗日幾許繁紅嫩綠雅稱
嬉游去奈阻隔尋芳伴侶秦樓鳳吹楚臺雲約空悵望
在何處寂寞韶光暗度可堪向晚村落聲聲杜宇

陽臺路

楚天晚墜冷風敗葉疎紅零亂冒征塵匹馬區區愁見
水遙山遠追念年時正恁鳳幃倚香偎煖嬉遊慣又豈

知前歡雲雨分散 此際空勞回首望帝里難收淚眼
暮烟衰草算暗鎖路歧無限今宵又依前寄宿甚處葦
村山館寒燈畔夜厭厭憑何消遣

二郎神七夕

炎光謝過暮雨芳塵瀟灑乍露冷風清庭戶爽天如水
玉鉤遙挂應是星娥嗟久阻敘舊約飄輪欲駕極目處
微雲暗度耿耿銀河高瀉 閑雅須知此景古今無價
運巧思穿鍼樓上女擡粉面雲鬟相亞鈿合金釵私語
處算誰在回廊影下願天上人間占得歡娛年年今夜
首句原作初謝誤他本均作三字句是又一體

訴衷情近

雨晴氣爽竚立江樓望處澄明遠水生光重疊暮山聳
翠遙想斷橋幽徑隱隱漁村向晚孤烟起 殘陽裏脈
脈朱欄靜倚黯然情緒未飲先如醉愁無際暮雲過了
秋風老盡故人千里竟日空凝睇

竹馬子

登孤壘荒涼危亭曠望靜臨烟渚對雌霓挂雨雄風拂
檻微收煩暑漸覺一葉驚秋殘蟬噪晚素商時序覽景
想前歡指神京非霧非烟深處 向此成追感新愁易
積故人難聚憑高盡日凝竚贏得銷魂無語極目霽靄

柳永
霏微斷鴉零亂蕭索江城暮南樓畫角又逐殘陽去

玉山枕

驟雨新霽蕩原野清如洗斷霞散彩殘陽倒影天外雲
峯數朶相倚露莎烟芰滿池塘見次第幾番紅翠當是
時河朔飛觴避炎蒸想風流堪繼晚來高樹清風起
動簾幙生秋氣畫樓畫寂蘭堂夜靜舞豔歌姝漸任羅
綺訟閑時泰足風情便爭奈雅歡都廢省教成幾闕新
歌盡新聲好尊前重理

河傳

淮岸漸晚圓荷向背芙蓉深淺仙娥畫舸露影紅芳交

亂難分花與面采多乍覺輕舸滿呼歸伴急檣烟村
遠隱隱棹歌漸被蒹葭遮斷曲終人不見

木蘭花慢

清明

坼桐花爛熳乍疎雨洗清明正艷杏燒林緗桃繡野芳
景如屏傾城盡尋勝賞驟雕鞍紺幘出郊坰風暖繁絃
脆管萬家競奏新聲盈盈鬪草踏青人艷冶遞逢迎
向路傍往往遺簪墜珥珠翠縱橫歡情對佳麗地任金
蟲聲竭玉山傾擗却明朝永日畫堂一枕春醒

詞綜卷五調名

臨江仙

晏

點絳脣

張

生查子

六幺令

玉樓春

碧牡丹

張

破陣子

兩同心

木蘭花

清商怨

虞美人

採桑子

張

清平樂

浪淘沙

蝶戀花

更漏子

卜算子慢

柳

憶秦娥

慶春澤

剪牡丹

畫堂春

于飛樂

河滿子

謝池春慢

醉落魄

繫裙腰

青門引

燕歸梁

山亭宴

好事近

踏莎行

惜瓊花

醉垂鞭

減字木蘭花

師師令

漁家傲

卜算子

怨王孫

鬪百花
柳

雨霖鈴

少年遊

玉蝴蝶

八聲甘州

雪梅香

西平樂

二郎神

竹馬子

河傳

女冠子

傾盃樂

夜半樂

望遠行

安公子

婆羅門令

陽臺路

訴衷情近

玉山枕

木蘭花慢

按齊東野語筆叢載天聖間一時有兩張先俱第
進士能詩壽考悉同云云予考歐陽公有張子野
墓誌銘云張先字子野上世博州人後家開封為
開封人好學自力善筆札天聖二年舉進士知鹿
邑縣寶元二年卒於官年僅四十有八則謂其壽
考相同者誤至謂號張三影者係博州人者尤誤
也

詞綜卷六

宋詞六十六首

蘇軾十五首

黃庭堅四首

秦觀十九首

晁補之十七首

張耒三首

陳師道二首

李易二首

李之儀四首

蘇

軾

字子瞻眉山嘉祐初試禮部第一歷官翰林學士紹聖初安置惠州徙昌化元符初北還卒於常州高宗即位贈於常州高宗即位贈於常州高宗即位贈於常州

復贈太師謚文忠有東坡居士詞二卷放晁無咎云居士詞多不諧音律然橫放傑出自然是曲子內縛不住者陳無已云東坡以詩為詞如教坊雷大使之舞雖極不能之工要非本色

歌故所作樂府詞多不協晁以道謂紹聖初
與東坡別于汴上東坡酒酣自歌古陽關則
公非不能歌但豪放不喜裁剪以就聲律耳
又云東坡詞歌之曲終不覺天風海雨逼人
周煇云豈無去國流離之思殊覺哀而不傷
因問我詞比柳耆卿何如玉堂日有幕士善歌
好十七八女孩兒按執紅對拍歌楊柳岸曉
風殘月學士詞須關西大漢執鐵綽板唱大
江東去公為之絕倒態擺脫網繆宛轉之度
坡一洗綺羅香澤之首高歌逸懷浩氣起乎塵
使外於望遠舉為阜隸而者卿為與臺矣
垢之外於是花間為卓隸而者卿為與臺矣
周秦諸人所不能到清麗舒徐處高出人表

醉翁操 琴曲

琅然清圓誰彈響空山無言惟翁醉中和其天月明風

露娟娟人未眠荷蕢過山前日有心也哉此賢 醉翁
笑詠聲和流泉醉翁去後空有朝吟夜怨山有時而童
巔水有時而回川思翁無歲年翁今為飛仙此意在人
間試聽徽外三兩絃

行香子

攜手江村梅雪飄裙情何限處處消魂故人不見舊曲
重聞向望湖樓孤山寺湧金門 尋常行處題詩千首
繡羅衫與拂輕塵別來相憶知有何人有湖中月江邊
柳隴頭雲

哨遍

睡起畫堂銀蒜押簾珠幕雲垂地初雨歇洗出碧羅天
正溶溶養花天氣一霎晴風迴芳草榮光浮動卷皺銀
塘水方杏靨勻酥花鬢吐繡園林翠紅排比見乳燕捎
蜨過繁枝忽一綫爐香惹遊絲晝永人閑獨立斜陽晚
來情味 便携將佳麗乘興深入芳菲裏撥胡琴語輕
攏慢撚總伶俐看緊約羅裙急趨檀板霓裳入破驚鴻
起顰月臨眉醉霞橫臉歌聲悠颺雲際任滿頭紅雨落
花飛漸鳩鵲樓西玉蟾低尚徘徊未盡歡意君看今古
悠悠浮幻人間世這些百歲光陰幾日三萬六千而已
醉鄉路穩不妨行但人生要適情耳

賀新涼

乳燕飛華屋悄無人槐陰轉午晚涼新浴手弄生綃白
團扇扇手一時似玉漸困倚孤眠清熟簾外誰來推繡
戶枉教人夢斷瑤臺曲又却是風敲竹 石榴半吐紅
中蹙待浮花浪藥都盡伴君幽獨穠豔一枝細看取芳
意千重似束又恐被秋風驚綠若待得君來向此花前
對酒不忍觸共粉淚兩簌簌 胡元任云託意高遠

水龍吟

和章質夫楊花韻

似花還似非花也無人情從教墜拋家傍路思量却似
無情有思縈損柔腸困酣嬌眼欲開還閉夢隨風萬里

尋郎去處又還被鶯呼起
不恨此花飛盡恨西園落
紅難綴曉來雨過遺踪
何在一池萍碎春色三分二分
塵土一分流水細看來不是楊花
點點是離人淚張叔夏云
後片愈出愈奇真是壓倒今古

又黃州夢過棲霞樓

小舟橫截春江卧看翠壁紅樓起
雲間笑語使君高會
佳人半醉危柱哀絃艷歌餘響
遏雲縈水念故人老大
風流未減獨回首烟波裏
推枕惘然不見但空江月
明千里五湖聞道扁舟歸去仍携西子雲夢南州武昌
南岸昔遊應記料多情夢裏
端來見我也參差是

浣溪沙 遊蘄水清泉寺

山下蘭芽短浸溪松間沙路淨無泥
瀟瀟暮雨子規啼
誰道人生難再少君看流水尚能西
休將白髮唱黃
雞寺前水西流

卜算子 鴈

缺月挂疎桐漏斷人初定一作靜
時見幽人獨往來縹緲
孤鴻影
驚起却回頭有恨無人省
揀盡寒枝不肯栖
寂寞沙洲冷
黃魯直云語意高妙似非喫烟火食人語

江城子

天涯流落思無窮既相逢却匆匆
攜手佳人和淚折殘

山谷考東坡詞在刺予家者之與容齋隨筆所載互同予又見有東坡自書念
奴嬌石刺書法頗大精可及及自記久不估草乘醉作此是行間狂者動之淫氣
云之浪聲沈作浪淘尖孫吳作周郎崩雲作穿空掃岸作拍岸該笑間作笑後
間多情二句作多情應笑我早生華髮人間如寄作人生如夢共山左所書異惟
笑語間三字平仄與名家異他詞氣自較諒笑處挺拔又放翁引此詞三國作奮日想
一時脛炙人口傳聞定有不同其庸深究特東坡自書卷宗元以來小說及收藏家
均未見著錄又筆跡與長公他書亦殊有不相符為歷物云

紅為問東風餘幾許春縱在與誰同 隋隄三月水溶溶
背歸鴻去吳中回望彭城清泗與淮通寄我相思千
點淚流不到楚江東

念奴嬌 赤壁懷古

大江東去浪聲沈千古風流人物故壘西邊人道是三
國孫吳赤壁亂石崩雲驚濤掠岸捲起千堆雪江山如
畫一時多少豪傑 遙想公瑾當年小喬初嫁了雄姿
英發羽扇綸巾談笑間檣櫓灰飛烟滅故國神遊多情
應是笑我生華髮人間如寄一尊還酹江月 按他本浪
淘盡與調未協孫吳作周郎犯下公瑾字崩雲作穿空
掠岸作拍岸又多情應是笑我生華髮作多情應笑我

正早生華髮益非今從容齋隨筆所載黃魯直手書本更

蝶戀花

春事闌珊芳草歇客裏風光又過清明節小院黃昏人
憶別落花處處聞啼鴉 咫尺江山分楚越目斷魂消
應是音塵絕破夢五更心欲折角聲吹落梅花月

如夢令 有寄

為向東坡傳語人在畫玉 一作堂深處別後有誰來雪壓
小橋無路歸去歸去江上一犁春雨

昭君怨

誰作桓伊三弄驚破綠窗幽夢新月與愁烟滿江天

欲去又還不去明日落花飛絮送行舟水東流
點絳脣重九

不用悲秋今年身健還高宴江村海甸總作空花觀
尚想橫汾蘭菊紛相半樓船遠白雲飛亂空有年年鴈
採桑子潤州多景樓與孫巨源遇

多情多感仍多病多景樓中樽酒相逢樂事回頭一笑
空停杯且聽琵琶語細撚輕攏醉臉春融斜照江天
一抹紅

黃庭堅字魯直分寧人舉進士元祐初為校書郎遷
集賢校理擢起居舍人追謚文節有山谷詞
卷二

晁无咎云魯直小詞固高妙然不是當行家
語

減字木蘭花

中秋無雨醉送月銜西嶺去笑口須開幾度中秋見月
來前年江外兒女傳杯兄弟會此夜登樓小謝清吟
慰白頭

醜奴兒令

櫻桃著子如紅豆不管春歸聞道開時蜂惹香鬚蝶惹
衣樓臺燈火明珠翠酒戀歌迷醉玉東西少箇人人
暖被携

念奴嬌

斷虹霽雨淨秋空山染修眉新綠桂影扶疎誰便道今夕清輝不足萬里清天姮娥何處駕此一輪玉寒光零亂為誰偏照醺醪 年少從我追遊晚城幽徑遶張園森木共倒金荷家萬里難得樽前相屬老子平生江南江北最愛臨風曲孫郎微笑坐來聲歎霜竹

虞美人 宜州見梅作

天涯也有江南信梅破知春近夜闌風細得香遲不道曉來開遍向南枝 玉臺弄粉花應妒飄到眉心住平生箇裏願盃深去國十年老盡少年心

秦 觀 字少游 高郵人 登第後蘇軾薦於朝除太學博士 遷正字 兼國史院編修官 坐黨籍徙徽

宗立放還至藤州 卒有淮海詞三卷 晁无咎云近來作者皆不及少游如斜陽外 寒鴉數點流水遶孤村雖不及少游亦知是 天生好言語蔡伯世云子瞻辭勝乎情者 卿情勝乎辭辭情相稱者惟少游而已情者 縱云少游多婉約子瞻多豪放當以婉約為 主神釋覺範云少游小詞奇麗詠歌之想見 其神情在絳闕道山之謂葉少蘊云少游 樂府語工而入律知樂者謂之作家子瞻戲 云山抹微雲秦學士露花倒影柳屯田微以 氣格為病也

滿庭芳

山抹微雲天粘衰草畫角聲斷譙門暫停征棹聊共引

離尊多少蓬萊舊事空回首烟靄紛紛斜陽外寒鴉數

點流水遶孤村 消魂當此際香囊暗解羅帶輕分謾

贏得青樓薄倖名存此去何時見也襟袖上空染啼痕
傷情處高城望斷燈火已黃昏

又

晚色雲開春隨人意驟雨方過還晴高臺芳樹飛燕蹴
紅英舞困榆錢自落秋千外綠水橋平東風裏朱門映
柳依按小秦箏多情行樂處珠鈿翠蓋玉轡紅纓漸
酒空金盞花困蓬瀛豆蔻梢頭舊恨十年夢屈指堪驚
凭欄久疎烟淡日寂寞下燕城

望海潮

洛陽懷古

梅英疎淡冰漸溶洩東風暗換年華金谷俊遊銅駝巷

陌新晴細履平沙長記誤隨車正絮翻蜨舞芳思交加
柳下桃蹊亂分春色到人家西園夜飲鳴笳有華燈
礙月飛蓋妨花蘭苑未空行人漸老重來事事堪嗟烟
暝酒旗斜但倚樓極目時見棲鴉無奈歸心暗隨流水
到天涯

如夢令

遙夜月明如水風緊驛亭深閉夢破鼠窺燈霜送曉寒
侵被無寐無寐門外馬嘶人起

生查子

眉黛遠山長新柳開青眼樓閣斷霞明羅幙春寒淺

盃嫌玉漏遲燭厭金刀剪月色忽飛來花影和簾卷

浣溪沙

漠漠輕寒上小樓曉陰無賴似窮秋澹烟流水畫屏幽
自在飛花輕似夢無邊絲雨細如愁寶簾閒挂小銀
鈎

減字木蘭花

天涯舊恨獨自淒涼人不問欲見迴腸斷續薰爐小篆
香 黛蛾長斂任是東風吹不展困倚危樓過盡飛鴻
字字愁

憶秦娥

暮雲碧佳人不見愁如織愁如織兩行征鴈數聲羌笛
錦書難寄西飛翼無言只是空相憶空相憶紗窗月
淡影雙人隻

阮郎歸

滿天風雨破寒初燈殘庭院虛麗譙吹徹小單于迢迢
清夜徂 鄉夢斷旅情孤崢嶸歲又除衡陽猶有鴈傳
書柳陽和鴈無

好事近

夢中作

春路雨添花花動一山春色行到小橋深處有黃鸝千
百 飛雲當面化龍蛇天矯轉空碧醉卧古藤陰下了

不知南北

秦觀

畫堂春

東風吹柳日初長
雨餘芳草斜陽
杏花零亂燕泥香
睡損紅妝
寶篆烟消龍鳳
畫屏雲鎖瀟湘
暮寒初透薄羅裳
無限思量

鵲橋仙

纖雲弄巧飛星傳恨
銀漢迢迢暗度
金風玉露一相逢
便勝却人間無數
柔情似水佳期如夢
忍顧鵲橋歸路
兩情若是久長時
又豈在朝朝暮暮

虞美人

高城望斷塵如霧
不見連驂處
夕陽村外小灣頭
只有柳花無數
送歸舟
瓊枝玉樹頻相見
只恨離人遠
欲將幽恨寄青樓
爭奈無情江水不西流

踏莎行

郴州旅舍

霧失樓臺月迷津渡
桃源望斷無尋處
可堪孤館閉春寒
杜鵑聲裏斜陽暮
驛寄梅花魚傳尺素
砌成此恨

無重數
郴江幸自遶郴山
為誰流下瀟湘去

沅湘日夜東流去不為愁人住少時變化來黃山谷

云此詞高絕但斜陽暮三字為重犯耳又云極似劉夢

得楚蜀間語胡元任云子瞻絕愛尾兩句自書于扇

江城子

西城楊柳弄春柔，動離憂。淚難收。猶記多情，曾為繫歸舟。碧野朱橋當日事，人不見，水空流。韶華不為少年留。恨悠悠。幾時休。飛絮落花時候，一登樓。便做春江都。是淚流不盡許多愁。

八六子

倚危亭，恨如芳草萋萋，剗盡還生。念柳外青驄別後，水邊紅袂分時，愴然暗驚。無端天與娉婷，夜月一簾幽夢，春風十里柔情。怎奈何。向一作歡娛漸隨流水，素絃聲斷，翠綃香減。那堪片片飛花，弄晚濛濛殘雨，籠晴正銷凝。黃鸝又啼數聲。

金明池

瓊苑金池，青門紫陌，似雪楊花滿路。日淡天低，晝永過三點。兩點細雨，好花枝半出牆頭。似悵望芳草王孫，何處更水遶人家。橋當門巷，燕燕鶯鶯，飛舞。怎得東君長為主，把綠鬢朱顏，一時留住。佳人唱金衣，莫惜才子倒玉山。休訴况春來，倍覺傷心。念故國情多，新年愁苦。縱寶馬嘶風，紅塵拂面，也只尋芳歸去。

水龍吟

小樓連苑橫空下，窺繡轂、雕鞍驟。疎簾半捲，單衣初試，清明時候。破暖輕風，弄晴微雨，欲無還。有賣花聲過，盡

垂楊院落紅成陣飛鴛鴦 玉珮丁東別後悵佳期參
差難又名韉利鎖天還知道和天也瘦花下重門柳邊
深巷不堪回首念多情但有當時皓月照人依舊

南柯子 贈陶心兒

玉漏迢迢盡銀潢淡淡橫夢回宿酒未全醒已被鄰雞
催起怕天明 臂上妝猶在襟間淚尚盈水邊燈火漸

人行天外一鉤殘月照三星高齋詩話云少游在蔡州

密贈之詞云小樓連苑橫空又與官奴婁婉字東玉者甚

也又贈陶心兒詞云外舉進士元祐初除秘書省正

晁補之字遷校書郎以秘閣校理通判揚州召還為

泗州卒有雞肋集詞一卷知陳質齋云无咎嘗云今代詞手惟秦七黃九
然兩公之詞亦自有不同若无咎佳者固未
多遜也

滿江紅

東武城南新隄固漣漪初溢隱隱遍長陵高阜卧紅堆
碧枝上殘花吹盡也與君試向江邊覓問向前猶有幾
多春三之一 官裏事何時畢風雨外無多日相將泛
曲水滿城爭出不見蘭亭修禊事當時座上皆豪逸到
如今修竹滿山陰空陳迹

臨江仙 信州作

謫宦江城無屋買殘僧野寺相依松間藥臼竹間衣水

窮行到處雲起坐看時
一箇幽禽緣底事苦來醉耳
邊啼月斜西院愈聲悲
青山無限好猶道不如歸

又

綠暗汀洲三月暮
落花風靜帆收垂楊低映木蘭舟半
篙春水滑一段夕陽愁
灞水橋東回首處美人新上
簾鉤青鸞無計入紅樓
行雲歸楚峽飛夢到揚州

永遇樂

東臯寓居

松菊堂深芰荷池小
長夏清暑燕引雛還鳩呼婦往人
靜郊原趣麥天已過薄衣輕扇試起
遶園徐步聽衡宇
欣欣童稚共說夜來初雨
蒼苔徑裏紫葳枝上數點

幽花垂露東里催鋤西鄰助餉相戒
清晨去斜川歸興
脩然滿目回首帝鄉何處只愁恐輕
鞍犯夜灞陵舊路

摸魚兒

買陂塘旋栽楊柳依稀淮岸湘浦
東臯雨足輕痕漲沙
背鷺來鷗聚堪愛處最好是一川
夜月光流渚無人自
舞任翠幕張天柔茵藉地酒盡未
能去青綾被休憶
金閨故步儒冠曾把身誤弓刀千
騎成何事荒了邵平
瓜圃君試覩滿青鏡星星鬢影今
如許功名浪語便做
得班超封侯萬里歸計恐遲暮

憶少年

無窮宮柳無情畫舸無根行客南山尚相送只高城人
隔 菴畫園林溪紺碧筭重來盡成陳迹劉郎鬢如此
况桃花顏色

下水船

下水船羅髻疑螺髻誤

上客驪駒繫驚喚銀餅睡起因倚妝臺盈盈正解羅髻
鳳釵墜繚繞金盤玉指巫山一段雲委 半窺鏡向我
橫秋水斜領花枝交鏡裏淡拂鉛華匆匆自整羅綺斂
眉翠雖有惜惜密意空作江邊解珮能改齋漫錄廖明
略所游田氏麗姝也一日明略邀无咎晨過田氏科
邊起對鑑理髮且盼且語草草妝掠一與客對无咎以
明略故有意而莫傳也因賦下水船一闕

滿庭芳 赴信日舟中別次膺十二叔

鷗起蘋中魚驚荷底畫船天上來時翠灣紅渚宛似武
陵迷更晚青山更好孤雲帶遠雨絲垂清歌裏金尊未
掩誰使動分携 竹林高晉阮阿咸瀟散猶愧風期便
棄官終隱釣叟苔磯縱是冥鴻雲外應念我垂翼低飛
新詞好他年認取天際片帆歸

迷神引 貶玉溪對江山作

黯黯青山紅日暮浩浩大江東注餘霞散綺回向烟波
路使人愁長安遠在何處幾點漁燈小迷近塢一片客
帆低傍前浦 暗想平生自悔儒冠誤覺阮途窮歸心

阻斷魂縈目一千里傷平楚怪竹枝歌聲聲怨為誰苦
猿鳥一時啼驚鳥嶼燭暗不成眠聽津鼓

古陽關

寄無斁八弟宰寶應

衰草蛩吟咽暗柳螢飛滅空庭雨過西風緊飄黃葉卷
書帷寂靜對此傷離別重感歎中秋數日又圓月沙
觜檣竿上淮水闊有飛鳧客詞珠玉氣冰雪且莫教皓
月照影驚華髮問幾時清樽夜景共佳節

好事近

南都寄歷下人

絲管鬧南湖湖上醉遊時晚獨看山橋官柳淚無言偷
滿坐中誰唱解愁詞紅妝勸金盞物是奈人非是負

東風心眼

水龍吟

始去齊路逢次膺叔感別敘舊

去年暑雨鉤盤夜闌睡起同征轡今年芳草齊河古岸
扁舟同艤萍梗孤蹤夢魂浮世別離常是念當時綠鬢
狂歌痛飲今憔悴東風裏此去濟南為說道愁腸不
醒猶醉多情北渚兩行烟柳一湖春水還唱新聲後人
重到應悲桃李待歸時攬取庭前皓月也應堪寄

惜奴嬌

歌闌瓊筵暗失金貂侶說衷腸丁寔囑付棹舉帆開黯
行色秋將暮欲去待却回高城已暮漁火烟村但觸

晁補之
日傷離緒此情向阿誰分訴那裏思量爭知我思量苦
最苦睡不著西風夜雨

鬪百花

小小盈盈珠翠憶得眉長眼細曾共映花低語已解傷
春情意重向溪堂臨風看舞梁州依舊照人秋水轉更
添姿媚與問階上簸錢時節記微笑但把纖腰向人
嬌倚不見還休誰教見了厭厭還是向來情味

調笑西子

腸斷越江岸越女江頭紗自浣天然玉貌鉛紅淺自
弄芙蓉日晚紫騮嘶去猶回眄笑入荷花不見

洞仙歌

柑

江陵種橘尚比封侯貴何況江濤轉千里帶天香含洞
乳宜入春盤紅荔子馳驛風流僅比齒疎潘令老怯
咀冰霜十顆金苞謾分遺觴前須細認別有餘甘從今
去枉却栽桃種李想相如酒渴對文君迴不是人間等
閒風味

又

溫江異果惟有泥山貴驛送江南數千里半含霜輕喫
霧曾怯吳姬親贈我綠橘黃柑怎比雙親雲水外游
子空懷惆悵無人可歸遺報周郎須念我物少情多春

酒醉獨勝甜桃醋李况燈火樓臺近元宵似不減年時袖中香味

張耒

字文潛淮陰人第進士歷官起居舍人以直龍圖閣知潤州坐黨籍謫官晚監南嶽廟主

風流子

亭臯木葉下重陽近又是搗衣秋奈愁入庾腸老侵潘鬢謾簪黃菊花也應羞楚天晚白蘋烟盡處紅蓼水邊頭芳草有情夕陽無語鴈橫南浦人倚西樓玉容知安否香箋共錦字兩處悠悠空恨碧雲離合青鳥沈浮向風前懊惱芳心一點寸眉兩葉禁甚閒愁情到不堪

言處分付東流

少年遊

含羞倚醉不成歌纖手掩香羅偎花映燭偷傳深意酒思入橫波看朱成碧心迷亂翻脈脈斂雙蛾相見時稀隔別多又春盡奈愁何

秋藥香

簾幙疎疎風透一線香飄金獸朱欄倚遍黃昏後廊上月華如畫別離滋味濃如酒著人瘦此情不及牆東柳春色年年依舊

陳師道

字履常一字無已彭城人元祐初以蘇軾等薦為徐州教授遷太學博士終秘書省正字

張耒陳師道

有後山集長

短句二卷胡元任云後山自謂他文未能及人獨於詞不減秦七黃九其自矜如此

菩薩蠻

哀箏一弄湘江曲
聲聲寫盡湘波綠
纖指十三絃細將
幽恨傳
當筵秋水慢
玉柱斜飛鴈彈到斷腸時
春山眉黛低

減字木蘭花 晁无咎出小鬟佐飲

娉娉嫋嫋芍藥枝
頭紅樣一作玉小舞袖低迴一作遲心到
郎邊客已知
金尊玉筵一作當酒勸我花前千萬壽
莫莫
莫休休
白髮簪花我自羞

李廌 字方叔華山人鄉舉試禮部不遇絕意進取定居長社有月巖集

清平樂

落梅嗚咽黯淡城頭月
吹滿江天驚夢
蛭喚起畫樓傷別
簾風輕觸銀鉤
梧桐玉露新
秋底事瑣窗深夜素娥長伴人愁

虞美人

玉闌干外清江浦
渺渺天涯雨
好風如扇雨如簾
時見岸花汀草漲痕添
青林枕上關山路
卧想乘鸞處
碧蕪千里思悠悠
惟有霎時涼夢到南州

李之儀 字端叔無棣人歷樞密院編修官通判原州徽宗初提舉河東常平坐為范純仁遺表作

李 唐 李之儀
行狀編管太平遂居姑熟久之徙
唐州終朝請大夫有姑溪詞二卷

卜算子

我住長江頭君住長江尾日日思君不見君共飲長江
水 此水幾時休此恨何時已只願君心似我心定不
負相思意

如夢令

回首蕪城舊苑還是翠深紅淺春意已無多斜日滿簾
飛燕不見不見門掩落花庭院

清平樂

蕭蕭風葉似與更聲接欲寄明璫非為怯夢斷蘭舟桂

楫 學書但寫鴛鴦却應無那愁腸安得一雙飛去春
風芳草池塘

好事近

春到雨初晴正在小樓時節柳眼向人微笑傍闌不堪
折 暮山濃淡鎖烟霏梅杏半明減玉笋莫辭沈醉判
歸時斜月

詞綜卷六調名

醉翁操

蘇

哨遍

水龍吟

秦 晁

卜算子

李

念奴嬌

黃

如夢令

秦 李

點絳脣

減字木蘭花

黃 秦 陳

虞美人

秦 李

行香子

賀新涼

浣溪沙

秦

江城子

秦

蝶戀花

昭君怨

採桑子

醜奴兒令

滿庭芳

秦 晁

望海潮

憶秦娥

好事近

鵲橋仙

八六子

南柯子

臨江仙

摸魚兒

下水船

古陽關

晁李

生查子

阮郎歸

畫堂春

踏莎行

金明池

滿江紅

永遇樂

憶少年

迷神引

惜奴嬌

晁

鬪百花

洞仙歌

少年遊

菩薩蠻

陳

調笑

風流子

秋藥香

清平樂

張

李

李

詞綜卷七

宋詞七十六首

賀鑄 二十五首

劉燾 一首

杜安世 三首

孫洙 一首

章棻 一首

李清臣 一首

趙令時 二首

王安國 二首

毛滂 二十首

王仲 一首

李元膺 四首

朱服 一首

舒亶 三首

王詵 三首

王安禮 一首

曾肇 一首

賀鑄

晁冲之 五首

秦觀 一首

賀

鑄字方回衛州人孝惠皇后族孫元祐中通判

泗州又倅太平州退居吳下自號慶湖遺老

有東山寓聲

樂府三卷

張文潛云

張之堂妖治

張如蘇李之

壯如蘇李之

之句人謂之

髻謂曰此真

貌奇醜俗謂

謂之賀鬼頭其詩文皆高不獨工
方回樂府妙絕一世盛麗如遊金
如攬嬌施之祛有幽索如屈宋悲
周少隱云方回寡髮郭功父指其
梅子方回詩陸務觀云方回狀
子也方回詩文皆高不獨工

薄倖

淡妝多態更滴滴頻迴盼
睽便認得琴心先許欲縮合
歡雙帶記畫堂風月逢迎
輕鬢淺笑嬌無奈待翡翠屏

開芙蓉帳掩羞把香羅暗解
自過了燒燈後都不是

踏青挑菜幾回憑雙燕
丁宜深意往來却恨重簾礙約

何時再正春濃酒困人閒
晝永無聊賴厭厭睡起猶有

花梢日在

宋府雅詞我信信一者欲指句作寫冷歡羅帶風月作斜月羞把句作與把去罷
偷解燒燈後作好燈夜都不是作都不見約何時作知何時酒困作酒暖

青玉案

凌波不過橫塘路但目送芳塵去
錦瑟年華誰與度月
臺花榭瑣窗朱戶惟有春知處
碧雲冉冉蘅皋暮綵

筆新題斷腸句試問閒愁都幾許
一川烟草滿城風絮

梅子黃時雨

中吳紀聞云鑄有小築在姑蘇盤門之內
十餘里地名橫塘方回往來其間作此詞

後山谷有詩云解道江南腸斷句
只今惟有賀方回其
為前輩推重如此潘子真云寇萊公詩
杜鵑啼處血

宋

詞綜卷七

二

成花梅子黃時雨如霧世推方回所作梅子黃時雨為絕唱蓋用萊公語也

柳色黃

薄雨催寒斜照弄晴春意空闊長亭柳色纔黃遠客一枝先折烟橫水際映帶幾點歸鴉東風消盡龍沙雪還記出門時一作關來恰而今時節將發畫樓芳酒紅淚清歌頓一作便成輕別已是經年杳杳音塵都絕欲知方寸共有幾許清愁芭蕉不展丁香結枉望斷天涯兩厭厭風月能改齋漫錄方回眷一姝別久姝寄詩云獨倚危欄淚滿襟小園春色懶追尋深恩縱似丁香結難展芭蕉一寸心賀因所寄詩遂成此調

清平樂

小桃初謝雙燕還來也記得年時寒食下紫陌青門遊冶楚城滿目春華可堪遊子思家惟有夜來歸夢不知身在天涯

又

陰晴未定薄日烘雲影臨水朱門花一徑渡口鳥啼人靜厭厭幾許春情可憐老去蘭成看取鑷殘雙鬢不隨芳草重生

望湘人

厭鶯聲到枕花氣動簾醉魂愁夢相半被惜餘熏帶驚刺眼幾許傷春春晚淚竹痕鮮佩蘭香老湘天濃暖記

小江風月佳時屢約非烟游伴 須信鸞絃易斷奈雲
和再鼓曲終人遠認羅襪無踪舊處弄波清淺青翰棹
艤白蘋洲畔儘日臨臯飛觀不解寄一字相思幸有歸
來雙燕

踏莎行

急雨收春斜風約水浮紅漲綠魚文起年年遊子惜餘
春春歸不解招遊子 留恨城隅關情紙尾闌干長對
西曛倚鴛鴦俱是白頭時江南渭北三千里

又 荷花

楊柳回塘鴛鴦別浦綠萍漲斷蘭舟路斷無蜂蝶慕幽

香紅衣脫盡芳心苦 返照迎潮行雲帶雨依依似與
騷人語當年不肯嫁東風無端却被秋風誤

憶秦娥

曉朦朧前溪百鳥啼匆匆啼匆匆凌波人去拜月樓空
舊年今日東門東鮮妝輝映桃花紅桃花紅吹開吹
落一任東風

又 桑

著春衫玉鞭鞭馬城南城南柔桑細草留住金銜
粉蛾采葉供親饗饗饗饗饗略許携纖纖携纖纖湔裙淇
上更待初三

感皇恩

蘭芷滿汀洲游絲橫路羅襪塵生步迴顧整鬟顰黛脈
脈多情難訴細風吹柳絮人南渡回首舊游山無重
數花底深朱戶何處半黃梅子向晚一簾疎雨斷魂分
付與春歸去

思越人

重過閭門萬事非同來何事不同歸梧桐半死清霜後
頭白鴛鴦失伴飛原上草露初晞舊栖新壘兩依依
空牀卧聽南窗雨誰復挑燈夜補衣

好女兒

車馬匆匆會國門東信人間自古消魂處指紅塵北道
碧波南浦黃葉西風堠館娟娟新月從今夜與誰同
想深閨獨守空牀思但頻占鏡鵲悔分釵燕長望書鴻

浣溪沙

鸚鵡無言理翠衿杏花零落晝陰陰畫橋流水一篙深
芳徑與誰同鬪草繡牀終日罷拈針小箋香管寫春

心

又

烟柳春梢蘸暈黃井欄風綽小桃香覺時簾幙又斜陽
望處定無千里目斷來能有幾回腸少年禁取恁淒

涼

又

秋水斜陽遠綠陰平山隱隱隔橫林幾家村落幾聲砧
記得西樓凝醉眼昔年風物似而今只無人與共登
臨

山花子

彈箏

錦韜朱絃瑟瑟微玉纖新擬鳳雙飛縹緲燭烟花幕暗
就更衣 約略整鬟釵影動遲回顧步珮聲微宛是春
風蝴蝶舞帶香歸

惜雙雙

皎鏡平湖三十里碧玉山圍四際蓮蕩香風裏綵鴛鴦
覺雙飛起 明月多情隨舵尾偏照空牀翠被回首笙
歌地醉更衣處長相記

厭金盃

風軟香遲花深漏短可憐宵畫堂春半碧紗窗影卷帳
蠟燈紅鴛鴦枕畔密寫烏絲一段 採蘋溪晚拾翠沙空
儘愁倚夢雲飛觀木蘭艇子幾日渡江來心目斷桃葉
青山隔岸

下水船

芳草青門路還拂京塵東去回想當年離聲送君南浦

愁幾許樽酒留連薄暮簾捲津樓烟雨 凭欄語草草
蘅臯賦分首驚鴻不駐燈火紅橋難尋弄波微步謾凝
佇莫怨無情流水明日扁舟何處

定風波

桃

牆上天桃款款紅巧垂飛絮入簾櫳自是芳心貪結子
翻使惜花人恨五更風 露萼鮮濃妝臉靚相映隔年
情事此門中粉面不知何處在無奈武陵流水卷春空
鶴冲天

簌簌鼓動花外沈殘漏華月萬枝燈還清晝廣陌衣香
度飛蓋影相先後個處頻回首錦坊西去期約武陵溪

口 當時早恨歡難偶可堪流浪遠分攜久小畹蘭英
在輕付與何人手不似長亭柳舞風眠雨伴我一春銷
瘦

木蘭花

銀簧雁柱香檀撥鏤板三聲催細抹舞腰輕怯絳裙長
羞按築毬花十八 東城柳岸匆匆發畫舫一篙烟水
闊可憐單枕欲眠時還見尊前前夜月

新念別

詠梅花

湖上蘭舟暮發揚州夢斷燈明滅想見瓊花開似雪帽
簷香玉纖纖曾為折 漁管吹還咽問何意煎人愁絕

江北江南新念別掩芳樽與誰同今夜月

南柯子 別思

斗酒才供淚扁舟只載愁畫橋青柳小朱樓猶記出城
車馬為遲留 有恨花空委無情水自流河陽新鬢儘
禁秋蕭散楚雲巫雨此生休

毛

滂字澤民江山人為杭州法曹以樂府受知蘇軾得名嘗知武康縣又知秀州有東堂詞二卷

浣溪沙 泛舟還餘英館

烟柳風蒲冉冉斜小窗不用著簾遮載將山影轉灣沙
略約斷時分岸色蜻蜓立處過汀花此情此水共天

涯

又 寒食初晴東堂對酒

小雨初收蝶做團和風輕拂燕泥乾秋千院落落花寒
莫對清尊追往事更催新火續餘歡一春心緒倚闌

干

又 汎舟

銀字笙簫小小童梁州吹過柳橋風阿誰勸我玉杯空
小醉徑須眠錦瑟夜歸不用照紗籠畫船簾卷月明

中

惜分飛

宋

同宗卷二

一

淚溼闌干花著露愁到眉峰碧聚此恨平分取更無言
語空相覷 斷雨殘雲無意緒寂寞朝朝暮暮今夜山
深處斷魂分付潮回去陳質齋云澤民他辭雖工未有不盡意盡而情不盡能及此者周煇云語盡而意

踏莎行 早春即事

階影紅遲柳苞黃遍纖雲弄日陰晴半重簾不卷篆香
橫小花初破春叢淺 鳳繡猶重鴨爐長暖屏山翠入
江南遠醉輕夢短枕閑欹綠窗窈窕窈窕風光轉

蝶戀花 寒食

紅杏梢頭寒食雨燕子泥香不住飛來去行傍柳陰聞

好語鶯兒穿過黃金縷 桑落酒寒杯懶舉總被多情
做得無情緒春過二分能幾許銀臺新火重簾暮

驀山溪 楊花

雪堂徑徑撲撲憐飛絮柔弱不勝春任東風吹來吹去
牆陰花外一半落誰家葉依依烟鬱鬱依舊如張緒
那人拈得吹向釵頭住不定却飛揚滿眼前攪人情悽
蜂兒蝶子教得越輕狂隔斜陽點芳草斷送青春暮

燭影搖紅 松窗午夢初覺

一畝清陰半天小雨松窗午牀頭秋色小屏山碧帳垂
烟縷 枕畔風搖綠戶喚人醒不教夢去可憐恰到瘦

石寒泉冷雲生處

粉蝶兒

雪徧梅花素光都共奇絕到窗前認君時節下重幃香篆冷蘭膏明滅夢悠揚空遠斷雲殘月沈郎帶寬同心放開重結褪羅衣楚腰一捻正春風新著摸花花葉葉粉蝶兒這回共花同活

最高樓

微雨過深院芰荷中香冉冉繡重重玉人共倚闌干角月華猶在小池東入人懷吹鬢影可憐風分散去輕如雲與葉刺下了許多風與月侵枕簟冷簾櫳剛能小

睡還驚覺略成輕醉早惺忪仗行雲將此恨到眉峰

玉樓春

盱眙作

長安回首空雲霧春夢覺來無覓處冷烟寒雨又黃昏數盡一隄楊柳樹楚山照眼青無數淮口潮生催曉渡西風吹面立蒼茫欲寄此情無鴈去

青玉案

芙蓉花上濛濛雨又冷落池塘暮何處風來搖碧戶捲簾凝望淡烟疎柳翡翠穿花去玉京人去無由駐忍獨在凭欄處試問綠窗秋到否可人今夜新涼一枕無計相分付

七娘子 舟中早秋

山屏霧帳玲瓏碧更綺窗臨水新涼入雨短烟長柳橋
蕭瑟這番一日涼一日 離多綠鬢年時白這離情不
似而今惜雲外長安斜暉脈脈西風吹夢來無跡

西江月

烟雨半藏楊柳風光初著桃花玉人細細酌流霞醉裏
將春留下 柳外鴛鴦作伴花邊蝴蝶為家醉翁醉也
且由他月在柳橋花榭

夜行船 餘英溪

弄水餘英溪畔綺羅香日遲風慢桃花春浸一篙深畫

橋東柳低烟遠 漲綠流紅空滿眼倚蘭橈舊愁無限
莫把鴛鴦驚飛去要歌時少低檀板

憶秦娥 春夜松軒

夜夜夜了花開也連忙指點銀瓶索酒嘗 明朝花落
知多少莫把殘紅掃愁人一片花飛減却春

散餘霞

牆頭花口寒猶噤放繡簾晝靜簾外時有蜂兒趁楊花
不定 闌干又還獨凭念翠低眉暈春夢枉惱人腸更
厭厭酒病

調笑 盼盼

無力倚瑤瑟罷舞霓裳今幾日樓空雨小春寒逼鈿暈
羅衫烟色簾前歸燕看人立却趁落花飛入

又鶯鶯

何處長安路不記牆東花拂樹瑤琴理罷霓裳譜依舊
月窗風戶薄情年少如飛絮夢逐玉環西去

又苦子

芳草恨春老自是尋春來不早落花風起紅多少記得
一枝春小綠陰結子空相惱此恨平生懷抱

感皇恩

鎮江待聞

綠水小河亭朱欄碧甃江月娟娟上高柳畫樓縹緲盡

挂窗紗簾繡月明知我意來相就銀字吹笙金貂取
酒小小微風弄襟袖寶熏濃炷人共博山烟瘦露涼釵
燕冷更深後

劉

燾

字無言劉誼次子元祐中進士為蘇軾黃庭堅所知有見南山集

花心動

梅

偏憶江梅有塵表丰儀世外標格低傍小橋斜出疎籬
似向隴頭曾識暗香孤韻冰霜裏初不怕春寒要勒問
桃李盈門怎生向前爭得省共蕭娘去摘玉纖映瓊
枝照人一色淡粉暈酥多少飛來到得壽陽宮額再三
留待東君管都將那別花不惜但只恐高樓又三弄笛

王仲字與善吳虎臣

劉燾王仲杜安世

燭影搖紅

烟雨江城望中綠暗花枝少惜春長待醉春風却恨春歸早縱有幽歡會巧奈如今風情漸老鳳樓何處畫欄愁倚天涯芳草

杜安世

字壽域京兆人有詞一卷

折紅梅

喜輕澌初綻微和漸入郊原時節春消息夜來陡覺紅梅數枝爭發玉溪仙館不似箇尋常標格化工別與一種風情似勻點胭脂染成香雪重吟細閱比繁杏夭

桃品流終別只愁共綵雲易散冷落謝池風月憑誰向說三弄處龍吟休咽大家留取時倚闌干聞有花堪折勸君須折

鶴冲天

清明天氣永日愁如醉臺榭綠陰濃薰風細燕子巢方就盆池小新荷蔽恰是逍遙際單夾衣裳半籠軟玉肌體石榴美艷一撮紅綃比窗外數脩篁寒相倚有箇關心處難相見空凝睇行坐深閨裏懶更妝梳自知新來憔悴

卜算子

樽前一曲歌裏千重意纔欲歌時淚已流恨更多於
淚 試問緣何事不語渾如醉我亦情多不忍聞怕和
我成憔悴

李元膺

南京
教官

洞仙歌

雪雲散盡放曉晴庭院楊柳於人便青眼更風流多處
一點梅心相映遠約略顰輕笑淺 一年春好處不在
濃芳小艷疎香最嬌軟到清明時候百紫千紅花正亂
已失春風一半早占取韶光共追游但莫管春寒醉紅
自暖

又 雨

廉纖細雨帶東風如困縈斷千絲為誰恨向楚宮一夢
多少悲涼無處問愁到而今未盡 分明都是淚泣柳
沾花長與騷人伴孤悶記當年得意處酒力方酣怯輕
寒玉爐香潤又豈識情懷苦難禁對點滴簷聲夜寒燈
暈

茶瓶兒 悼亡

去年相逢深院宇海棠下曾歌金縷歌罷花如雨翠羅
衫上點點紅無數 今歲重尋携手處空物是人非春
暮回首青門路亂英飛絮相逐東風去

思佳客

寂寞秋千兩畫旗日長花影轉階遲燕驚午夢週遮語
蜨困春遊落拓飛思往事入顰眉柳梢陰重又當時
薄情風絮難拘束吹過東牆不肯歸

孫洙字巨源廣陵人舉進士

菩薩蠻記恨

樓頭尚有三通鼓何須抵死催人去上馬苦匆匆琵琶
曲未終回頭凝望處那更廉纖雨謾道玉為堂玉堂
今夜長黃叔暘云孫公於元豐間為翰苑與李端愿太
尉往來尤數會一日鎖院宣召者至其家則出
數十輩蹤跡得之於李氏時李新納妾能琵琶公飲不
肯去而迫於宣命入院幾二鼓矣遂草三制罷復作此

長短句以記別恨遲明遣以示李

朱服

字行中烏程人熙寧中進士甲科累官國子
司業起居舍人以直龍圖閣知潤州徙泉
寧廬壽五州紹聖初召為中書舍人歷禮部
侍郎坐與蘇軾游貶海州團練副使蘄州安
置改興國軍卒

漁家傲東陽郡齋作

小雨纖纖風細細萬家楊柳青烟裏戀樹溼花飛不起
愁無際和春付與東流水九十光陰能有幾金龜解
盡留無計寄語東陽沽酒市揉一醉而今樂事他年淚

章棊

字質夫浦城人以蔭為孟州司戶參軍試禮
部第一以平夏州功累擢樞密直學士龍圖
閣端明殿學士拜同知樞密院事卒贈右
銀青光祿大夫謚莊簡揮塵錄作莊敏

水龍吟 柳花

燕忙鶯懶芳殘正隄上柳花飄墜輕飛亂舞點畫青林
全無才思閑趁游絲靜臨深院日長門閉傍珠簾散漫
垂垂欲下依前被風扶起 蘭帳玉人睡覺怪春衣雪
沾瓊綴繡牀漸滿香毬無數才圓却碎時見蜂兒仰粘
輕粉魚吞池水望章臺路杳金鞍游蕩有盈盈淚黃叔
暘云傍珠簾數語形容盡矣

舒

菩薩蠻

字信道慈谿人試禮部第一累官御史丞
以罪斥終直龍圖閣待制卒贈直學士

畫船槳鼓催君去高樓把酒留君住去住若為情江頭

潮欲平

江潮容易得却是人南北今日此尊空知君

何日同

黃叔暘云此詞極有味

散天花

雲斷長空落葉秋寒江烟浪盡月隨舟西風偏解送離
愁聲聲南去鴈下汀洲 無奈多情去復留驪歌齊唱
罷淚爭流悠悠別恨幾時休不堪殘酒醒凭危樓

一落索 長春花

葉底枝頭紅小天然窈窕後園桃李謾成蹊能占得春
多少 不管雪消霜曉朱顏長好年年若許醉花間待
拚了花間老

李清臣

字邦直魏人舉進士歷官知制誥翰林學士遷尚書左丞罷為資政殿學士尋拜中書侍郎以大學士知河南府卒贈金紫光祿大夫下侍郎出知大名府

謁金門

楊花落燕子橫穿朱閣苦恨春醪如水薄閑愁無處著

綠野帶江山絡角桃杏參差殘萼歷歷危檣沙外泊

東風晚來惡桃杏句一作桃葉參差前約

王

詵

字晉卿太原人徙開封尚英宗女魏國大長公主歷官定州觀察使開國公駙馬都尉贈昭化軍節度使諡榮安

憶故人

黃魯直云晉卿樂府清麗幽遠工在江南諸賢季孟之間

燭影搖紅向夜闌乍酒醒心情懶尊前誰為唱陽關離

恨天涯遠無奈雲沈雨散凭闌干東風淚眼海棠開

後燕子來時黃昏庭院能改齋漫錄都尉憶故人作徽宗喜其詞意猶以不豐客宛轉

為憾遂令大晟府別撰腔周美成增益其詞而益真所謂續鳧為鶴也

撼庭竹

綽略青梅弄春色真艷態堪惜經年費盡東君力有情

先到探春客無語泣寒香時暗度瑤席月下風前空

悵望思攜手同摘畫欄倚遍無消息佳辰樂事再難得

還是夕陽天空暮雲凝碧

宋

詞綜卷七

七

行香子 蓼花

金井先秋梧葉飄黃幾回驚覺夢初長月微烟淡疎雨
池塘漸蓼花明菱花冷藕花香 幽人已慣枕單衾冷
任高颺催換年光問誰相伴終日清狂有竹間風樽中
酒水邊牀

趙令時

字德麟燕懿王元孫元祐中簽書穎州公事
歷右朝請大夫改右監門衛大將軍營州防
禦使遷洪州觀察使襲封安定郡王尋遷宣
遠軍承宣使同知行在大宗正事贈開府儀
同三司有

蝶戀花

欲減羅衣寒未去不卷珠簾人在深深處殘杏枝頭花

幾許啼紅止恨清明雨 盡日水沈香一縷宿酒醒遲
惱破春情緒飛燕又將歸信誤小屏風上西江路

烏夜啼

樓上縈簾弱絮牆頭礙月低花年年春事關心事腸斷
欲棲鴉 舞鏡鸞衾翠減啼珠鳳蠟紅斜重門不鎖相
思夢依舊 一隨作繞天涯

王安禮 字和甫安石弟
累官尚書左丞

點絳脣

秋氣微涼夢迴明月穿羅幕井梧蕭索正遶南枝鵲
寶瑟塵生金鴈空零落情無託鬢鬢雲慵掠不似君恩薄

王安國

字平甫安石弟舉進士又舉茂才異等熙寧初除西京國子教授終秘閣校理有王校理集

清平樂

留春不住費盡鶯兒語滿地殘紅宮錦污昨夜南園風
雨小憐初上琵琶曉來思遶天涯不肯畫堂朱戶春
風自在楊花

減字木蘭花

畫橋流水雨溼落紅飛不起月破黃昏簾裏餘香馬上
聞徘徊不語今夜夢魂何處去不似垂楊猶解飛花
入洞房

曾

肇

字子開南豐人舉進士累官翰林學士兼侍讀以龍圖閣學士提舉中太一宮崇寧中安置汀州歸潤而卒紹興初謚文昭有曲阜集

好事近

亳州秩滿歸江南別諸僚舊

歲晚鳳山陰看盡楚天冰雪不待牡丹時候又使人輕
別如今歸去老江南扁舟載風月不似畫梁雙燕有
重來時節

晁冲之

字叔用一字川道鉅野人有其茨集詞一卷

感皇恩

蝴蝶滿西園啼鶯無數水閣橋南路凝竚兩行烟柳吹
落一池風絮秋千斜挂起人何處把酒勸君閑愁莫

宋

同宗卷二

七

訴留取笙歌住休去幾多春色怎禁許多風雨海棠花
謝也君知否

又

寒食不多時牡丹初賣小院重簾燕飛礙昨宵風雨尚
有一分春在今朝猶自得陰晴快 熟睡起來宿醒微
帶不惜羅襟搵眉黛日長梳洗看看花陰移改笑拈雙
杏子連枝戴

臨江仙

憶昔西池池上飲年年多少歡娛別來不寄一行書尋
常相見了猶道不如初 安穩錦屏今夜夢月明好渡

江湖相思休問定何如情知春去後管得落花無

上林春慢 上元

帽落宮花衣惹御香鳳輦晚來初過鶴降詔飛龍銜一作
擎燭戲端門萬枝燈火滿城車馬對明月有誰閑坐任
狂游更許傍禁街不扃金鎖 玉樓人暗中擲果珠簾
下笑著春衫裊娜素蛾遶釵輕蟬撲鬢垂垂柳絲梅朶
夜闌飲散但贏得翠翹雙躡醉歸來又重向曉窗梳裹

傳言玉女 前題

一夜東風吹散柳梢殘雪御樓烟煖對鰲山綵結簫鼓
向晚鳳輦初回宮闕千門燈火九衢風月 繡閣人人

乍嬉遊困又歇艷妝初試把珠簾半揭嬌波溜人手
玉梅低說相逢長是上元時節

秦觀字少章

黃金縷足司馬才仲夢中蘇小小詞

妾本在一作錢塘江上住花落花開不管一作流年度燕

子銜將春色去紗窗幾陣黃梅雨一作黃昏幾一作斜插

蟬一作犀梳雲半一作吐檀板輕敲一作新聲唱徹黃金縷夢

斷綵雲一作酒無覓處夜一作涼明月生南浦

詞綜卷七調名

薄倖賀

柳色黃

望湘人

憶秦娥

思越人

浣溪沙毛賀

惜雙雙

下水船

鶴沖天

青玉案

清平樂

踏莎行

感皇恩

好女兒

山花子賀

厭金盃

定風波

木蘭花

毛王毛晁

新念別

惜分飛 毛

驀山溪

粉蝶兒

玉樓春

西江月

憶秦娥

調笑

折紅梅 杜

卜算子

南柯子

蝶戀花 趙

燭影搖紅 王

最高樓

七娘子

夜行船

散餘霞

花心動 劉

鶴沖天

洞仙歌 李

茶瓶兒

菩薩蠻 孫舒 鬢亦作蠻

水龍吟

一落索

憶故人 王

撼庭竹

點絳脣 王

好事近 曾

上林春慢

黃金縷 秦 即蝶戀花

思佳客

漁家傲 朱

散天花 舒

謁金門 李

行香子

烏夜啼 趙

減字木蘭花 王

臨江仙 晁

傳言玉女

詞綜卷八

宋詞六十六首

王觀 五首

米芾 一首

鄭僅 二首

張景脩 一首

程過 二首

陳亞 一首

王雱 一首

汪輔之 一首

孔平仲 一首

滕宗諒 一首

黃裳 一首

孫觴 一首

解昉 一首

張舜民 一首

蔡挺 一首

蘇庠 三首

卷八 山房重訂

王觀

劉涇一首

潘元質二首

蘇過一首

秦湛一首

許庭一首

葛勝仲二首

李冠一首

張表臣一首

查荃一首

周紫芝十五首

謝逸九首

謝邁二首

葛邲二首

趙鼎臣一首

廖行之二首

王

觀字通叟官翰林學士賦應制詞宣仁太后以其近褻謫之自號逐客一云官大理寺丞知

江都縣事有冠柳集一卷

黃叔暘云通叟詞名冠柳至踏青一詞風流楚楚又不同獨冠柳詞之上也陳質齋云逐客詞格不高以冠柳自名則可見矣

清平樂 應制

黃金殿裏燭影雙龍戲勸得官家真箇醉進酒猶呼萬
歲折旋舞徹伊州君恩與整搔頭一夜御前宣住六
宮多少人愁者舊續間作王仲甫字明之按王介字仲甫衢州人好為助語詩
慶清朝慢 踏青

調雨為酥催冰做水東君分付春還何人便將輕煖點
破殘寒結伴踏青去好平頭鞋子小雙鸞烟郊外望中
秀色如有無間晴則箇陰則箇餽飭得天氣有許多

五 觀
般須教撩花撥柳爭要先看
不道吳綾繡鞵香泥斜沁
幾行斑東風巧盡收翠綠
吹上眉山

菩薩蠻

單于吹落山頭月漫漫江上沙如雪誰唱縷金衣水寒
船舫稀 蘆花楓葉浦憶抱琵琶語身未發長沙夢魂
先到家

生查子

關山魂夢長塞鴈音書少兩鬢可憐青一夜相思老
歸傍碧紗窗說與人人道真箇別離難不似相逢好

臨江仙

別浦相逢何草草扁舟兩岸垂楊繡屏珠箔綺香囊酒
深歌拍緩愁入翠眉長 燕子歸來人去也此時無奈
昏黃桃花應似我柔腸不禁微雨流淚溼紅妝

孔平仲

字毅父新淦人第進士官秘書丞集賢校理
戶部金部郎中出提舉永興路
刑獄少游見贈

千秋歲

春風湖外紅杏花初退孤館靜愁腸碎淚餘痕在枕別
久香銷帶新睡起小園戲蝶飛成對 惆悵人誰會隨
處聊傾蓋情暫遣心何在錦書消息斷玉漏花陰改遲
日暮仙山杳杳空雲海

米

芾

字元章吳人歷官太常博士知無為軍召為書畫學博士擢禮部員外郎出知淮陽軍有襄陽集

滿庭芳

與周熟仁試賜茶甘露寺

雅燕飛觴清談揮塵使君高會羣賢密雲雙鳳初破縷
金團窗外爐烟自動開餅試二品香泉輕濤起香生玉
乳雪濺紫甌圓 嬌鬟宜美盼雙擎翠袖穩步紅蓮坐
中客翻愁酒醒歌闌點上紗籠畫燭花驄弄月影當軒
頻相顧餘歡未盡欲去且留連

滕宗諒

字子京河南人舉進士歷官天章閣待制徙慶州再知虢州復徙岳州終知蘇州

臨江仙

巴陵

湖水連天天連水秋來分外澄清君山自是小蓬瀛氣
蒸雲夢澤波撼岳陽城 帝子有靈能鼓瑟淒然依舊
傷情微聞蘭芷動芳馨曲終人不見江上數峯青

鄭

僅

字彥能彭城人第進士累官吏部侍郎知徐州遷顯謨閣直學士通議大夫贈光祿大夫

調笑

武陵

烟暖武陵晚洞裏春長花爛熳紅英滿地溪流淺漸聽
雲中雞犬劉郎迷路香風遠誤到蓬萊仙館

又

蘇蘇

聲切恨難說千里潮平春浪闊梅風不解相思結忍送

落花飛雪多才一去芳音絕更對珠簾新月

黃裳字勉仲延平人歷官端明殿學士贈少傅有演山集詞二卷

雨霖鈴

天南游客甚而今却送君南國西風萬里無限吟蟬暗
續離情如織秣馬脂車去即去多少人惜望百里烟慘
雲山送兩城愁作行色 飛帆過浙西封域到秋深且
艤荷花澤就船買得鱸魚新穀破雪堆香粒此興誰同
須記東秦有客相憶願聽了一闌歌聲醉倒揉今日

張景脩字敏叔常州人元豐末為饒州浮梁令遷曹郎中

選冠子詠柳

嫩水接藍遙隄影翠半兩半烟橋畔鳴禽弄舌夢草縈
心偏稱謝家池館紅粉牆頭步搖金縷纖柔舞腰低軟
被和風搭在闌干終日畫簾高捲 春易老細葉舒眉
輕花吐絮漸覺綠陰成幔章臺繫馬灞水維舟誰念鳳
城人遠惆悵故國陽關盃酒飄零惹人腸斷恨青青客
舍江頭風笛亂雲空晚

孫艤字濟師

菩薩蠻落梅

一聲羌管吹嗚咽玉溪夜半梅翻雪江月正茫茫斷橋
流水香 含章春欲暮落日千山雨一點著枝酸吳姬

先齒寒

程過字觀

滿江紅梅

春欲來時長是與江梅有約還又向竹林疎處一枝開
却對酒漸驚身老大看花應念人離索但十分沈醉祝
東君長如昨 芳草渡孤舟泊山斂黛天垂幙黯銷魂
無奈暮雲殘角便好折來和雪戴莫教酒醒隨風落待
殷勤留此寄相思誰堪託

謁金門

江上路依約數家烟樹一枕歸心村店暮更亂山深處

夢過江南芳草渡曉色又催人去愁似游絲千萬縷
倩東風約住

解昉字方叔

永遇樂

風暖鶯嬌露濃花重天氣和煦院落烟收垂楊舞困無
奈堆金縷誰家巧縱青樓絃管惹起夢雲情緒憶當時
文衾粲枕未嘗暫孤鴛侶 芳菲易老故人難聚到此
翻成輕誤閨苑仙遙蠻箋縱寫何計傳淡訴青山淥水
古今長在惟有舊歡何處空贏得斜陽暮草淡烟細雨

陳亞字亞之揚州人嘗知潤州任至司封郎中一云太常少卿有澄源集

解助陳亞張舜民
吳處厚云雖一時俳諧之詞寄興亦有深意

生查子

相思意已深白紙書難足字字苦參商故要檀郎讀
分明記得約當歸遠至櫻桃熟何事菊花時猶未回鄉
曲

張舜民

字芸叟別號浮休居士以薦為諫官仕至吏部侍郎有畫墁集

賣花聲

題岳陽樓

木葉下君山空水漫漫十分斟酒斂芳顏不是渭城西
去客休唱陽關醉袖撫危欄天淡雲閑何人此路得
生還回首夕陽紅盡處應是長安

王

雱

字元澤安石子舉進士累官天章閣待制兼侍講遷龍圖閣直學士卒贈左諫議大夫

眼兒媚

楊柳絲絲弄輕柔烟縷織成愁海棠未雨梨花先雪一
半春休而今往事難重省歸夢遶秦樓相思只在丁

香枝上豆蔻梢頭

蔡

挺

字子政一作子正宋城人第進士熙寧中拜樞密副使卒贈工部尚書諡肅敏子政在渭中使至今優伶歌之遂達禁掖有樞密之拜

喜遷鶯

霜天秋曉正紫塞故壘黃雲衰草漢馬嘶風邊鴻叫月
隴上鐵衣寒早劍歌騎曲悲壯盡道君恩須報塞垣樂

盡橐鞬錦領山西年少 談笑刁斗靜烽火一把時送
報一作平安耗聖主憂邊威懷遐遠驕虜尚寬天討歲華
向晚愁思誰念玉關人老太平也且歡娛莫惜金樽頻
倒

汪輔之字正夫宣州人熙寧中登第為職方郎中
廣南轉運使降知虔州卒有集三十卷
行香子

晚綠寒紅芳意匆匆惜年華今與誰同碧雲零落數字
賓鴻看渚蓮凋宮扇舊怨秋風 流波墜葉佳期何在
想天教離恨無窮試將前事閑倚梧桐有銷魂處明月
夜錦屏空

趙鼎臣

字承之衛城人元祐中進士宣和中以右文
殿脩撰知鄧州召為太府卿卒贈待制有竹
隱崎士集

念奴嬌

送王長卿赴河間司錄

舊游何處記金湯形勝蓬瀛佳麗綠水芙蓉元帥與賓
僚風流濟濟萬柳亭邊雅歌堂上醉倒春風裏十年一
夢覺來烟水千里 惆悵送子重游南樓依舊否朱欄
誰倚要識當時惟是有明月曾陪珠履量減杯中雪添
頭上甚矣吾衰矣酒徒相問為言憔悴如此

蘇

庠

字養直丹陽人紹聖中同徐俯薦于
朝不起自放江湖間有後湖集一卷
自宜興還西岡作

菩薩蠻

園林寂寂春歸去濛濛柳下飄一作飛香絮野水接雲橫
綠烟啼曉鶯江南鷓鴣夢山色朝來重小艇小灣頭
蘋花蘋葉洲

木蘭花令

江雲疊疊遮鴛浦江水無情流薄暮歸帆初張葦邊風
客夢不禁篷背雨渚花不解留人住只作淡愁無盡
處白沙烟樹有無中鴈落滄洲何處所

臨江仙 荷花

獵獵風蒲初暑過瀟然庭戶秋清野航渡口帶烟橫晚
山千萬疊別鶴兩三聲秋水芙蓉聊蕩槩一樽同破

愁城蓼花灘上白鷗明暮雲連極浦急雨暗長汀

劉涇字巨濟簡州人舉進士元符末官職方郎中有前後集

清平樂

深沈院宇枕簟清無暑睡起花陰初轉午一霎飛雲過
雨雨餘隱隱殘雷夕陽却照庭槐莫把珠簾垂下妨
他雙燕歸來

潘元質金華人

倦尋芳

獸銀半掩鴛鴦無塵庭院瀟灑樹色沈沈春盡燕嬌鶯
姹夢草池塘青漸滿海棠軒檻紅相亞聽簫聲記秦樓

夜約彩鸞齊跨 漸迤邐更催銀箭何處貪歡猶繫驄
馬旋剪燈花兩點翠眉誰畫香滅羞回空帳裏月高猶
在重簾下恨疎狂待歸來碎揉花打

醜奴兒慢

愁春未醒還是清和天氣對濃綠陰中庭院燕語鶯啼
數點新荷翠鈿輕泛水平池一簾風絮才晴又雨梅子
黃時 忍記那回玉人嬌困初試單衣共攜手紅窗描
繡畫扇題詩怎有而今半牀明月兩天涯章臺何處多
應為我感損雙眉

蘇

過 字叔黨軾第三子初監太原府稅次知穎昌府郎城縣皆以法令罷晚推通判中山府留

家穎昌營自號斜川居士時稱為小坡有斜川集

點絳脣

高柳蟬嘶采菱歌斷秋風起晚雲如髻湖上山橫翠
簾卷西樓過雨涼生袂天如水畫欄十二少箇人同倚

秦

湛 字處度觀子官宣教郎

謁金門

鴛鴦浦春漲一江花雨隔岸數聲初過櫓晚風生碧樹
舟子相呼相語載取暮愁歸去寒食江村芳草路愁
來無著處

許

庭 字伯陽濠梁人

秦 港 許 庭 葛勝仲
臨江仙 詠柳

不見灞陵原上柳往來過盡蹄輪朝離南楚暮西秦不
成名利贏得鬢毛新 莫怪枝條憔悴損一生惟苦征
塵兩三烟樹倚孤村夕陽影裏愁殺宦遊人

葛勝仲

字魯卿丹陽人紹聖四年進士歷官禮部員外郎權國子司業遷太常卿兼諭德除國子祭酒尋知汝州改湖州紹興元年卒謚文康有丹陽集詞一卷

點絳脣 縣齋愁坐

秋晚寒齋藜牀香篆橫輕霧閒愁幾許夢逐芭蕉雨
雲外哀鴻似替幽人語歸不去亂山無數斜日荒城鼓

鷓鴣天

玉瑄還飛換歲灰定山新棹酒船回年時梁燕雙雙在
肯為人愁便不來 衰意緒病情懷玉山今夜為誰顏
年時梅蘂垂垂破肯為人愁便不開

李 冠

字世英山東人

蝶戀花

遙夜亭臯閑信步才過清明漸覺傷春暮數點雨聲風
約住朦朧淡月雲來去 桃杏依稀香暗度誰在秋千
笑裏輕輕語一寸相思千萬緒人間沒箇安排處王介甫云
張子野雲破月來花弄影不如冠朦朧淡月雲來去也

張表臣

官承議郎通判常州著珊瑚鉤詩話

暮山溪 游甘露寺

樓橫北固盡日愀愀雨欸乃數聲歌但沙漠江山烟樹
寂寥風物三五過元宵尋柳眼覓花鬚春色知何處
落梅嗚咽吹徹江城暮脈脈數飛鴻杳歸期東風凝竚
長安不見烽起夕陽間魂欲斷酒初醒獨下危梯去

查 荃

透碧霄

艤蘭舟十分端是載離愁練波送遠屏山遮斷此去難
留相從爭奈心期久要屢變霜秋歎人生杳似萍浮又
翻成輕別都將深恨付與東流 想斜陽影裏寒烟明

處雙漿去悠悠愛渚梅幽香動須采掇倩纖柔艷歌粲
發誰傳餘韻來說仙遊念故人留此遊州但春風老後
秋月圓時獨倚江樓

周紫芝

字少隱宣城人舉進士為樞密
編修守興國有竹坡詞三卷
高郵孫競序云竹坡樂章清麗婉曲非苦心
刻意為之

鷓鴣天

一點殘紅欲盡時乍涼秋氣滿屏幃梧桐葉上三更雨
葉葉聲聲是別離 調寶瑟撥金猊那時同唱鷓鴣詞
如今風雨西樓夜不聽清歌也淚垂

醉落魄

江天雲薄江頭雪似楊花落寒燈不管人離索照得人
來真箇睡不著 歸期已負梅花約又還春動空飄泊
曉寒誰看伊梳掠雪滿西樓人在闌干角

生查子

金鞍欲別時芳草溪邊渡不忍上西樓怕看來時路
簾幙卷東風燕子雙雙語薄倖不歸來冷落春情緒

又

春寒入翠帷月淡雲來去院落半晴天風撼梨花樹
人醉掩金鋪閑倚秋千柱滿眼是相思無說相思處

又

青絲結曉鬟臨鏡心情懶知為曉愁濃畫得雙蛾淺
柳困玉樓空花落紅窗暖相對語春愁只有春閨燕

謁金門

春雨細開盡一番桃李柳暗曲欄花滿地日高人睡起
綠浸小池春水沙暖鴛鴦雙戲薄倖更無書一紙畫
樓愁獨倚

朝中措

雨餘庭院冷蕭蕭簾幙度微颺鳥語喚回殘夢春寒勒
住花梢 無聊睡起新愁黯黯歸路迢迢又是夕陽時
候一鑪沈水烟銷

又

周紫芝

黃昏樓閣亂栖鴉
天末淡微霞
風裏一池楊柳月邊滿
樹梨花
陽臺路遠魚沈尺素
人在天涯想得小窗遙
夜哀絃撥斷琵琶

宴桃源

林外野塘烟膩衣
上落梅香細瘦馬步凌兢
人在亂山叢裏
憔悴憔悴回望小樓千里

品令 九日上西庵絕頂

霜蓬零亂笑綠鬢
光陰晚紫萸時節
小樓長醉一川平
遠休說龍山佳會
此情不淺
黃花香滿記白苧吳歌

軟如今却向亂山叢裏
一枝重看對著西風搔首為誰腸斷

清平樂

烟鬟斂翠柳下門初閉
門外一川風細細
沙上暝禽飛起
今宵水畔樓邊
風光宛似當年
月到舊時明處
共誰同倚闌干

點絳脣

西池桃花落盡賦此

燕子風高小桃枝上花無數
亂溪深處滿地飛紅雨
喚得春來又送春歸去
渾無緒
劉郎前度空記來時路

一翦梅

送楊師醅赴官

宋

同宗卷八

古

無限江山無限愁兩岸斜陽人上扁舟闌干吹浪不多
時酒在離樽情滿滄洲 早是霜華兩鬢秋日送飛鴻
那更難留問君尺素幾時來莫道長江不解西流

江城子

夕陽低盡柳如烟澹平川斷腸天今夜十分霜月更娟
娟怎得人如天上月雖暫缺有時圓 斷雲飛雨又經
年思悽然淚涓涓且做如今要見也無緣因甚江頭來
去鴈飛不到小樓邊

卜算子 和王彥猷

霜葉下孤篷船在垂楊岸早是淒涼惜別時更惜年華

換別酒解留人拌醉君休管醉裏朱絃莫謾彈愁入
參差雁

謝逸 字無逸臨川人第進士有溪堂詞一卷

花心動

風裏楊花輕薄性銀燭高烧心熱香餌懸鉤魚不輕吞
辜負釣兒虛設桑蠶到老絲長絆鍼刺眼淚流成血思
量起粘枝花朶果兒難結 海樣情深忍撇似夢裏相
逢不勝歡悅出水雙蓮摘取一枝可惜並頭分拆猛期
月滿會姮娥誰知是初生新月折翼鳥甚日子飛時節
沈天羽云此詞句句比方用小雅鶴鳴篇體也

蝶戀花

豆蔻梢頭春色淺
新試紗衣拂袖東風軟
紅日三竿簾幙卷
畫樓影裏雙飛燕
攏鬢步搖青玉碾
缺樣花枝
葉葉蜂兒顫
獨倚闌干凝望遠
一川烟草平如翦

如夢令

花落鶯啼春暮陌
上綠楊飛絮金鴨晚香寒
人在洞房
深處無語無語
葉上數聲疎雨

柳梢青

香肩輕拍樽前
忍聽一聲將息
昨夜濃歡今朝別酒
明日行客
後回來則須來便去也
如何去得無限離情

無窮江水無邊山色

燕歸梁

六曲闌干翠幙垂
香燼冷金猊日高花外
嚶黃鸝春睡
覺酒醒時
草青南浦雲橫西塞
錦字杳無期東風只
送柳綿飛全不管寄相思

南歌子

雨洗溪光淨
風掀柳帶斜
畫樓朱戶玉人家
簾外一眉
新月浸梨花
金鴨香凝袖
銅荷燭映紗
鳳盤宮錦小
屏遮夜靜
寒生春筍理琵琶

江神子

一江秋水碧灣灣繞青山玉連環簾幙低垂人在畫圖
間閑抱琵琶尋舊曲彈未了意闌珊飛鴻數點拂雲
端倚欄看楚天寒擬倩東風吹夢到長安恰似梨花春
帶雨愁滿眼淚闌干

青玉案

蘆花飄雪迷洲渚送秋水連天去一葉小舟橫別浦數
聲鴻鴈兩行鷗鷺天淡瀟湘暮蓬窗醉夢驚簫鼓回
首青樓在何處柳岸風輕吹殘暑菊開青葉葉飛紅樹
江上瀟瀟雨

清平樂

花邊柳際已漸知春意歸信不知何日是舊恨欲擽無
計故人零落西東題詩待倩歸鴻惟有多情芳草年
年處處相逢

謝

邁

字幼槃逸從弟布
衣有竹友詞一卷

醉蓬萊

中秋懷無逸兄

望晴峰染黛暮靄澄空碧天無漢圓鏡高飛又一年秋
半皓色誰同歸心暗折聽唳雲孤鴈問月停杯錦袍何
處一樽無伴好在南鄰詩盟酒社刻燭爭成引觴愁
緩今夕樓中繼阿連清玩飲劇狂歌歌終起舞醉冷光
零亂樂事難窮疎星易曉又成浩歎

蝶戀花 留董之南過七夕

一水盈盈牛女渡，目送經年，脈脈無由語。後夜鵲橋知
暗度，持杯乞與閑情緒。君似庾郎愁幾許，萬斛愁生
更作征人去。留定征鞍君且住，人間豈有無愁處。

葛

郊字謙問丹陽人
有信齋詞一卷

念奴嬌 和人

馮夷微怒，披鮫人水府，織成綃縠。何處飛來雙白鷺，點
破一溪寒玉。岸柳烟迷，海棠酒困，贏得春眠足。凭欄搔
首，為誰消遣愁日。遙想居士牀頭，竹渠新雨，溜瓦中
春醪。不惜千鍾為客壽，倒卧南山新綠。晚月催歸，春風

留住費盡，紗籠燭恍疑仙洞，夢遊天柱林屋。

洞仙歌

壬辰六月十二日納涼

瑤樓十二無限，神仙侶紫紱丹麾，彩鸞馭步，虛聲杳靄。
碧落天高，微雲淡點，破瑤階白露。暗香來水閣，冰簟
紗幘，一枕風輕，自無暑。更上水晶簾斗，挂闌干，銀河淺。
天孫將渡，終不如歸去，在苕川看千頃，菰蒲亂鳴秋雨。

廖行之

字天民，衡陽人，有
省齋詩餘一卷。

青玉案

重九憶羅舜舉

家山去此無多路，久沒个音書去。一別而今佳節度黃
花開未，白衣到否，籬落荒涼處。崢嶸歲月還秋暮，空

腹便便無好句
菊意慙期開未許
那堪惹恨年來此日
長是蕭蕭雨

點絳脣 送人歸新城

音信西來匆匆思作東歸計
別懷縈繫為箇人留滯
樽酒團圓莫惜通宵醉
還來未滿期君至只在初三是

詞綜卷八調名

清平樂 王 劉 周 謝 慶清朝慢

菩薩蠻 孫 蘇 滕 蘇 許 生查子 陳 周

臨江仙 滕 蘇 許 千秋歲 孔

滿庭芳 米 調笑 鄭

雨霖鈴 黃 選冠子 張

滿江紅 程 謁金門 秦 周

永遇樂 解 賣花聲 張

眼兒媚 王 喜遷鶯 蔡

行香子 汪 念奴嬌 趙 葛

木蘭花令蘇

醜奴兒慢

鷓鴣天周

驀山溪張

醉落魄周

宴桃源即如夢令

一剪梅

卜算子

如夢令

燕歸梁

倦尋芳潘

點絳脣蘇

蝶戀花李

透碧霄查

朝中措

品令

江城子

花心動謝

柳梢青

南歌子

芍藥山房重訂

葛周廖

謝謝

江神子即江城子

醉蓬萊

青玉案廖

洞仙歌

詞綜卷九

宋詞五十八首

周邦彥 三十七首

晁端禮 五首

田不伐 二首

曹組 七首

万侯雅言 六首

徐伸 一首

周邦彥 字美成 錢唐人 歷官祕書監 進徽猷閣 待制 大夫 有清真集

晉陽 強煥 序云 美成詞 樞寫物 態曲盡 其妙

成詞 劉潛 夫云 美人詩 語隱括 入律 混然 天成 長

調尤 善鋪敘 官艷 精工 詞人 之甲 乙也 張

沈叔 伯夏 云美 成詞 當以 清真 為主 蓋清 真最 為

宋

詞綜卷九

一

知音且下字用意皆有法度

瑞龍吟

章臺路還是一作見褪粉梅梢試華桃樹惜惜坊陌一作曲
 人家定巢燕子歸來舊處黯凝竚因記箇人癡小乍
 窺門戶侵晨淺約宮黃障風映袖盈盈笑語前度劉
 郎重到訪鄰尋里同時歌舞唯有舊來秋娘聲價如故
 吟箋賦筆猶記燕臺句知誰伴名園露飲東城閑步事
 與孤鴻去探春盡是傷離緒官柳低金縷歸騎晚纖纖
 池塘飛雨斷腸院落一簾風絮黃叔暘云此詞自章臺
 段自黯凝竚至盈盈笑語是第二段此之謂雙拽頭屬
 正平調自前度劉郎以下即犯大石係第三段至歸騎

晚以下四句再歸正平諸本皆以吟箋賦筆處分段非也

蘭陵王柳

柳陰直烟裏絲絲弄碧隋隄上曾見幾番拂水飄綿送
 行色登臨望故國誰識京華倦客長亭路年去歲來應
 折柔條過千尺閑尋舊踪跡又酒趁哀絃燈照離席
 梨花榆火催寒食愁一箭剪一作風快半篙波暖回頭作一
 首迢遞便數驛望人在天北悽惻恨堆積漸別浦縈
 迴津堠岑寂斜陽冉冉春無極念月榭攜手露橋聞一作
 吹笛沈思前事似夢裏淚暗滴

鎖窗寒寒食

暗柳啼鴉單衣竚立小簾朱戶桐花一作半畝靜鎖一
庭愁雨灑空階更闌未休故人剪燭西窗語似楚江暝
宿風燈零亂少年羈旅 遲暮嬉遊處正店舍無烟禁
城百五旗亭喚酒付與高陽儔侶想東園桃李自春小
脣秀靨今在否到歸時定有殘英待客携樽俎

側犯

暮霞霽雨小蓮出水紅妝靚風定看步襪江妃照明鏡
飛螢度暗草秉燭遊花徑人靜携豔質追涼就槐影
金環皓腕雪藕清泉瑩誰省滿身香猶是舊荀令見說
胡姬酒壚寂靜烟鎖漠漠藻池苔井

齊天樂

綠蕪彫盡臺城路殊鄉又逢秋晚暮雨生寒鳴蛩勸織
深閣時聞裁剪雲窗靜掩歎重拂羅裯頓疎花簞尚有
練囊露螢清夜照書卷 荆江留滯最久故人相望處
離思何限渭水西風長安亂葉空憶詩情宛轉凭高眺
遠正玉液新蕩蟹螯初薦醉倒山翁但愁斜照斂

蘇幕遮

燎沈香消溽暑烏雀呼晴侵曉窺簷語葉上初陽乾宿
雨水面清圓一一風荷舉 故鄉遙何日去家住吳門
久作長安旅五月漁郎相憶否小楫輕舟夢入芙蓉浦

六醜 薔薇謝後作

周邦彥

正單衣試酒悵客裏光陰虛擲願春暫留春歸如過翼
一去無迹為問家何在夜來風雨葬楚宮傾國釵鈿墮
處遺香澤亂點桃蹊輕翻柳陌多情更誰追惜但蜂媒
蝶使時叩窗牖東園岑寂漸蒙籠暗碧靜遶珍叢底
成歎息長條故惹行客似牽衣待話別情無極殘英小
強簪中幘終不似一朶釵頭顛裊向人敬側漂流處莫
趁潮汐恐斷鴻一作紅尚有相思字何由見得

大酺

對宿烟收春禽靜飛雨時鳴高屋牆頭青玉旆洗鉛霜

都盡嫩梢相觸潤逼琴絲寒侵枕障蟲網吹粘簾竹郵
亭無人處聽簷聲不斷困眠初熟奈愁極頻一作頓驚夢
輕難記自憐幽獨行人歸意速最先念流潦妨車轂
怎奈向一作何蘭成顛顛衛玠清羸等閑時易傷心目未
怪平陽客雙淚落笛中哀曲况蕭索青蕪國紅糝鋪地
門外荆桃如菽夜遊共誰秉燭

法曲獻仙音

蟬咽涼柯燕飛塵幙漏閣籤聲時度倦脫綸巾困便湘
竹桐陰半侵朱戶向抱影凝情處時聞打窗雨耿耿無
語歎文園近來多病情緒嬾樽酒易成間阻縹緲玉京

人想依然京北眉
嬾翠幙深中對徽容
空在紉素待花
前月下見了不教歸去

滿庭芳

夏日溧水無想山作

風老鶯雛雨肥梅子
午陰嘉樹清圓地
卑山近衣潤費
爐烟人靜烏鳶自樂
小橋外新綠濺濺
凭欄久黃蘆苦
竹擬泛九江船
年年如社燕飄流
瀚海來寄脩椽
且莫思身外長近樽
前憔悴江南倦客
不堪聽急管繁絃
歌筵畔先安枕簟
容我醉時眠

應天長慢

寒食

條風布暖霏霧弄晴
池臺徧滿春色
正是夜堂無月沈

沈暗寒食梁間燕前
社客似笑我閉門
愁寂亂花過隔
苑芸香滿地狼籍
長記那回時邂逅
相逢郊外駐油
壁又見漢宮傳燭
飛烟五侯宅青青
草迷路陌強載酒
細尋前迹市橋遠
柳下人家猶自相識

玉樓春

桃溪不作從容住
秋藕絕來無續處
當時相候赤欄橋
今日獨尋黃葉路
烟中列岫青無數
鴈背夕陽紅欲
暮人如風後入江
雲情似雨餘黏地絮

少年遊

并刀如水吳鹽勝雪
纖指破新橙錦幄初
溫獸香不斷

相對坐調笙 低聲問向誰行宿城上已三更馬滑霜
濃不如休去直是少人行

拜星月慢

夜色催更清塵收露小曲幽坊月暗竹檻燈窗識秋娘
庭院笑相遇似覺瓊枝玉樹暖日明霞光爛水盼蘭情
總平生稀見 畫圖中舊識春風面誰知道自到瑤臺
畔眷戀雨潤雲溫苦驚風吹散念荒寒寄宿無人館重
門閉敗壁秋蟲歎一作奈何向一作一縷相思隔溪山不斷

尉遲盃

隋隄路漸日晚密靄生深樹陰陰淡月籠沙還宿河橋

深處無情畫舸都不管烟波隔前一作浦等行人醉擁
重衾載將離恨歸去 因思舊客京華長恨傍疎林小
檻歡聚冶葉倡條俱相識仍慣見珠歌翠舞如今向漁
村水驛夜如歲焚香獨自語有何人念我無聊夢魂凝
想駕侶

西河金陵懷古

佳麗地南朝盛事誰記山圍故國繞清江髻鬟對起怒
濤寂寞打孤城風檣遙度天際 斷崖樹猶倒倚莫愁
艇子曾繫空餘舊迹鬱蒼蒼霧沈半壘夜深月過女牆
來傷心東望淮水 酒旗戲鼓甚處市想依稀王謝鄰

里燕子不知何世入尋常巷陌人家相對如說興亡斜陽裏

點絳脣

遼鶴歸來故鄉人一作多少傷心地事一作短書不寄魚浪空千里憑仗桃根說與相思意愁無際舊時衣袂猶有東風淚尼堅支志云美成在姑蘇與管妓岳楚雲相戀後從京師過吳則岳已從人久矣因飲于太守蔡密子高坐上見其妹因作此詞寄之楚雲讀之感泣者累日

又

征騎初停酒行莫放離歌舉柳汀蓮浦看盡江南路苦恨斜陽冉冉催人去空回顧淡烟橫素不見揚鞭處

一落索

杜宇催歸聲苦和春催去倚欄一霎酒旗風任撲面桃花雨目斷隴雲江樹難逢尺素落霞隱隱日平西料想是分携處

荔枝香近

照水殘紅零亂風掀去盡日惻惻輕寒簾底吹香霧黃昏客枕無聊細響當窗雨看兩兩相依燕新乳樓下水漸綠遍行舟浦暮往朝來心逐片帆輕舉何日迎門小檻朱籠報鸚鵡共剪西窗蜜炬

又

向夜寒侵酒席露微泣
烏履初會香澤方薰無端暗雨
催人但怪燈偏簾卷回顧始覺驚鴻去遠
大都世間最苦惟聚散到得春殘看即是開離宴
細思別後柳眼花鬚更誰剪此懷何處消遣

霜葉飛

露迷衰草疎星挂涼蟾低下林表素娥青女鬪嬋娟正
倍添悽悄漸颯颯丹楓撼曉橫天雲浪魚鱗小見皓月
相看又透入清輝半晌特地留照
迢遞望極關山波穿千里度日如歲難到鳳樓今夜聽西風奈五更愁抱
想玉匣哀絃閉了無心重理相思調念故人牽離恨屏

掩孤顰淚流多少

傷情怨

枝頭風信漸小看暮鷓飛了又是黃昏閉門收返照
江南人去路杳信未通愁已先到怕見孤燈霜寒催睡
早

秋蘂香

乳鴨池塘水暖風緊柳花迎面午妝粉指印窗眼曲裏
長眉翠淺聞知社日停鍼線探新燕寶釵落枕夢魂
遠簾影參差滿院

菩薩蠻

銀河宛轉三千曲浴鳧飛鷺澄波綠何處望歸舟夕陽
江上樓 天憎梅浪發故下封枝雪深院捲簾看應憐
江上寒

南柯子 詠梳

桂魄分餘暈檀槽破紫心曉妝初試鬢雲侵每被蘭膏
香染色深沈 指印纖纖粉釵橫隱隱金有時雲雨鳳
幃深長是枕前不見帶人尋

關河令

秋陰時作漸向暝變一庭淒冷佇聽寒聲雲深無鴈影
更深入人去寂靜但照壁孤燈相映酒已都醒如何消

夜永

過秦樓 一本作惜餘春慢

水浴清蟾葉喧涼吹巷陌馬聲初斷閑依露井笑撲流
螢惹破畫羅輕扇人靜夜久僂欄愁不歸眠立殘更箭
歎年華一瞬人今千里夢沈書遠 空見說鬢怯瓊梳
容銷金鏡漸懶趁時勻染梅風地溽梧雨苔滋一架舞
紅都變誰信無聊為伊才減江淹情傷荀倩但明河影
下還看稀星數點

六么令 重陽

快風收雨亭館清殘燠池光靜橫秋影岸柳如新沐聞

道宜城酒美昨日新醅熟輕鑣相逐衝泥策馬來折東
籬半開菊華堂花艷對列一一驚郎目歌韻巧共泉
聲間雜琮瑋玉惆悵周郎已老莫唱當時曲幽歡難卜
明年誰健更把茱萸再三囑

氏州第一

波落寒汀村渡向晚遙看數點帆小亂葉翻鴉驚風破
鴈天角孤雲縹緲官柳蕭疎甚尚挂微微殘照景物關
情川途換目頓來催老漸解狂朋歡意少奈猶被思
牽情遶座上琴心機中錦字覺最縈懷抱也知人懸望
久薔薇謝歸來一笑欲夢高唐未成眠霜空已曉

瑞鶴仙

悄郊原帶郭行路永客去車塵漠漠斜陽映山落斂餘
紅猶戀孤城欄角凌波步弱過短亭何用素約有流鶯
勸我重解繡鞍緩引春酌不記歸時早著上馬誰扶
醒眠朱閣驚颺動幙扶殘醉遶紅藥歎西園已是花深
無地東風何事又惡任流光過却猶喜洞天自樂

望江南

歌席上無賴是橫波寶髻玲瓏欹玉燕繡巾柔膩掩香
羅人好自宜多無箇事因甚斂雙蛾淺淡梳妝疑見
畫惺忪言語勝聞歌何況會婆娑

花犯 梅花

周邦彥

粉牆低梅花照眼依然舊風味露痕輕綴疑淨洗鉛華
無限清麗去年勝賞曾孤倚冰盤共宴喜更可惜雪中
高士香篝薰素被今年對花太匆匆相逢似有恨依
依憔悴凝望久青苔上旋看飛墜相將見脆圓薦酒人
正在空江烟浪裏但夢想一枝瀟灑黃昏斜照水黃叔
暘云
此只詠梅花而紆徐反覆道盡三年間事圓美流轉如
彈丸

浪淘沙慢

曉一作
晝陰重霜凋岸草霧隱城堞南陌脂車待發東門
帳飲乍闕正拂面垂楊堪攬結掩紅淚玉手親折念漢

浦離鴻去何許經時信音絕情切望中地遠天闊向
露冷風清無人處耿耿寒漏咽嗟萬事難忘唯是輕一作
離別翠樽未竭憑斷雲留取西樓殘月羅帶光銷紋
衾疊連環解舊香頓歇怨歌永瓊壺敲盡缺恨春去不
與人期弄夜色空餘滿地梨花雪

夜飛鵲

河橋送人處良夜何其斜月遠墮餘輝銅盤燭淚已流
盡霏霏涼露沾衣相將散離會探風前津鼓樹杪參旗
花驄會意縱揚鞭亦自行遲迢遞路迴清野人語漸
無聞空帶愁歸何意重經前地遺鈿不見斜徑都迷免

葵燕麥向斜陽影與人齊但徘徊班草欹欹酌酒極望
天西

解語花 元宵

風銷焰蠟露浥烘爐花市光相射桂花流瓦纖雲散耿
耿素娥欲下衣裳淡雅看楚女纖腰一把簫鼓喧人影
參差滿路飄香麝 因念帝城放夜望千門如畫嬉笑
遊冶鈿車羅帕相逢處自有暗塵隨馬年光是也惟只
見舊情衰謝清漏移飛蓋歸來從舞休歌罷

垂絲釣

縷金翠羽妝成纔見眉嫵倦倚繡簾看舞風絮愁幾許

寄鳳絲鴈柱春將暮 向層城苑路鈿車似水時時花
徑相遇舊遊伴侶還到曾來處門掩風和雨梁間燕語
問那人在否

晁端禮

字次膺熙寧六年進士兩為縣令晚以承事郎為大晟府協律有閑適集一卷能改齋漫錄政和癸巳大晟樂成蔡元長以次膺薦詔乘驛赴闕次膺至都會禁中嘉蓮生遂屬詞以進名並蒂芙蓉上覽之稱善除大晟府協律郎不克受而卒

水龍吟

倦遊京洛風塵夜來病酒無人問九衢雪少千門月淡
元宵燈近香散梅梢凍消池面一番春信記南樓醉裏
西城宴闋都不管人春困 屈指流年未幾早驚人潘

郎雙鬢當時體態而今情緒多應瘦損馬上牆頭縱教
瞥見也難相認恁闌干但有盈盈淚眼把羅襟搵

又杏花

小桃零落春將半雙燕却來池館名園相倚初開繁杏
一枝遙見竹外斜穿柳間深映粉愁春怨任紅欹宋玉
牆頭十里曾牽惹人腸斷常記山城斜路噴清香日
遲風暖春陰挫後馬前惆悵滿枝妝淺深院簾垂雨愁
人處碎紅千片料明年更發多應更好約鄰翁看

宴桃源

又是青春將暮望極桃溪歸路洞戶悄無人空鎖一庭

紅雨凝竚凝竚人面不知何處

滿庭芳

綠遶羣峰紅搖千柄夜來暑雨初收共君乘興輕舫信
悠悠且盡一樽別酒荷香裏滿酌輕謳明朝去征帆夜
落何處好汀洲風流吾小阮朝辭東觀夕向南州况
聖時爭教賈傅淹留若過潯陽亭上琵琶淚莫灑清秋
隄邊柳從今愛惜留待繫歸舟

鷓鴣天 茶蘼

紅紫飄零綠滿城春風於此獨留情誰將十幅吳綾被
撲向熏籠一夜明風不定雨初晴曉來苔上拾殘英

田為政和
潤書云
居下可也
可即田
不悅也

晁端禮 田不伐
速教貯向鴛鴦枕猶有餘香入夢清

田不伐

南柯子

夢怕愁時斷春從醉裏回淒涼懷抱向誰開些子清明
時候被鶯催 柳外都成絮欄邊半是苔多情簾燕獨
徘徊依舊滿身花雨又歸來

又

團玉梅梢重香羅菱扇低簾風不動蜨交飛一樣綠陰
庭院鎖斜暉 對月懷歌扇因風念舞衣何須惆悵惜
芳菲擗却一年憔悴待春歸

曹

組

字元寵穎昌人宣和三年進士有旨換武階
兼閭職仍給事殿中揮塵錄云官止副使有
箕穎集

青玉案

碧山錦樹明秋霽路轉陡疑無地忽有人家臨曲水竹
籬茅舍酒旗沙岸一簇漁樵市 淒涼只恐鄉心起鳳
樓遠回頭謾凝睇何處今宵孤館裏一聲征鴈半窗斜
月總是離人淚

驀山溪 梅

護霜雲際遠日明芳樹竹外一枝斜想佳人天寒日暮
黃昏小院無處著清香風細細雪垂垂何況江頭路

曹 組
月邊疏影夢到銷魂處結子欲黃時又須作廉纖細雨
孤芳一世供斷有清愁消瘦損東陽也試問花知否

又

草薰風暖樓閣籠輕霧牆短出花梢映誰家綠楊朱戶
尋芳拾翠綺陌自青春江南遠踏青時誰念方羈旅
昔游如夢空憶橫塘路羅袖舞臺風想桃花依然舊樹
一懷離恨滿眼欲歸心山連水水連雲悵望人何處

點絳脣

雲透斜陽半樓紅影明窗戶暮山無數歸鴈愁邊去
十里平蕪花遠重重樹空凝竚故人何處可惜春將暮

好事近

梅

茅舍竹籬邊雀噪晚枝時節一陣暗香飄處已不勝愁
絕江南得地故先開不待有飛雪腸斷幾回山路恨
無人攀折

憶少年

年時酒伴年時去處年時春色清明又近也却天涯為
客念過眼光陰難再得想前歡盡成陳迹登臨恨無
語把闌干暗拍

望月婆羅門引

按陽春白雪樂府雅詞此首
均作楊如晦詞如晦名景

漲雲暮卷漏聲不到小簾櫳銀河淡掃澄空皓月當軒

宋

同宗卷九

五

高挂秋入廣寒宮正金波不動桂影朦朧 佳人未逢

歎此夕與誰同望遠傷懷對影霜滿秋紅南樓何處想

人在長笛一聲中凝淚眼立盡西風望遠句一作對酒

萬俟雅言自號詞隱崇寧中充大晟

府製撰有大聲集五卷
黃叔暘云雅言精于音律自號詞隱發妙旨
于律呂之中運巧思于斧鑿之外平而工和
而雅比諸刻琢句意而求精麗者遠矣

春草碧 草

又隨芳渚坐一作生看翠連霽空愁遍征路東風裏誰望

斷西塞恨迷南浦天涯地角意不盡消沈萬古曾是送

別長亭下細綠暗煙雨 何處亂紅鋪繡茵有醉眠蕩

子拾翠游女王孫遠柳外共殘照斷魂無語池塘夢醒

謝公後還能繼否獨上畫樓春山暝鴈飛去

三臺 清明應制

見梨花初帶夜月海棠半含朝雨內苑春不禁過青門

御溝漲潛通南浦東風靜細柳垂金縷望鳳闕非烟非

霧好時代朝野多歡徧九陌太平簫鼓 乍鶯兒百轉

斷續燕子飛來飛去近淙水臺榭映秋千鬪草聚雙雙

游女錫香更酒冷踏青路會暗識天桃朱戶向晚驟寶

馬雕鞍醉襟惹亂花飛絮 正輕寒輕暖漏永半陰半

晴雲暮禁火天已是試新妝歲華到三分佳處清明看

漢蠟傳宮炬散翠烟飛入槐府斂兵衛閭闔門開住傳
宣又還休務

卓牌兒 春晚

東風綠揚天如畫出清明院宇玉豔淡泊梨花帶月胭
脂零落海棠經雨單衣怯黃昏人正在珠簾笑語相並
戲蹴秋千共携手同倚欄杆暗香時度 翠窗繡戶路
繚繞潛通幽處斷魂凝竚嗟不似飛絮閒悶愁難消
遣此日年年意緒無據奈酒醒春去

憶秦娥

天如洗金波冷浸冰壺裏冰壺裏一年得似此宵能幾

等閒莫把闌干倚馬蹄去便三千里三千里幾重雲
岫幾重烟水

昭君怨

春到南樓雪盡驚動燈期花信小雨一番寒倚闌干
莫把闌干頻倚一望幾重烟水何處是京華暮雲遮

尉遲杯慢 李花

碎雲薄向碧玉枝上綴萬萼如將永粉勻開疑使柏麝
熏却雪魄未應若况天賦標艷仍綽約當暄風暖日佳
處戲蝶游蜂粘著 重重繡帶珠箔障穠艷霏霏異香
漠漠見說徐妃當年嫁了信任玉鈿零落無言自啼露

蕭索夜深待月上欄干角廣寒宮要與姮娥素妝一夜相學

徐伸字幹臣三衢人政和初以知音律為太常典樂出知常州有青山樂府一卷

二郎神

悶來彈鵲又攪碎一簾花影謾試著春衫還思纖手熏徹金猊燼冷動是愁端如何向但怪得新來多病嗟舊日沈腰而今潘鬢怎一作堪臨鏡重省別時淚漬羅襟猶凝料為我厭厭日高慵起長託春醒未醒鴈足作翼不來馬蹄難去門掩一庭芳景空竚立盡日闌干倚遍晝長人靜黃叔暘云青山詞多雜調惟二郎神一曲天下稱之

詞綜卷九調名

瑞龍吟周

蘭陵王

鎖窗寒

側犯

齊天樂

蘇幕遮

六醜

大酺

法曲獻仙音

滿庭芳

應天長慢

玉樓春

少年遊

拜星月慢

尉遲盃

万俟作加慢字

西河

點絳脣

曹

一落索

荔枝香近

傷情怨

菩薩蠻

關河令

六么令

瑞鶴仙

花犯

夜飛鵲

垂絲釣

宴桃源

霜葉飛

秋蘂香

南柯子

過秦樓

氏州第一

望江南

浪淘沙慢

解語花

水龍吟

滿庭芳

鷓鴣天

驀山溪

憶少年

春草碧

卓牌兒

昭君怨

青玉案

好事近

望月婆羅門引

三臺

憶秦娥

二郎神

芍藥山房重訂

田

一作惜餘春慢

曹

万俟

徐

國朝卷之四

二

詞綜卷十

宋詞六十七首

陳克 六首

呂渭老 二十首

李持正 一首

韓駒 一首

何籀 一首

宋齊愈 一首

夏倪 一首

廖世美 二首

李祁 三首

趙企 一首

王采 二首

徐積 一首

蔣子雲 一首

李甲 四首

沈會宗 四首

林少瞻 一首

陳克

何大圭 一首

沈公述 一首

魯逸仲 一首

何 稟 一首

陳 瓘 一首

蔡 桼 一首

張履信 二首

王安中 四首

楊 适 一首

方 喬 一首

李 玉 一首

波子山 一首

謝克家 一首

陳

克字子高臨海人僑寓金陵元豐間以呂安老薦入幕府得官有赤城詞一卷
陳質齋云子高詞格頗高麗晏周之流亞也

菩薩蠻

赤欄橋盡香街直籠街細柳嬌無力金碧上晴空花晴

簾影紅黃衫飛白馬日日青樓下醉眼不逢人午香

吹暗塵

又

綠蕪牆遶青苔院中庭日淡芭蕉卷蝴蝶上階飛風簾

自在垂玉鈎雙語燕寶釵楊花轉幾處簸錢聲綠窗

春夢輕

謁金門

愁脈脈目斷江南江北烟樹重重芳信隔小樓山幾尺

細草孤雲斜日一晌弄晴天色簾外落花飛不得東

風無氣力

又

花滿院飛去飛來雙燕紅雨入簾寒不卷曉屏山六扇
翠袖玉笙悽斷脈脈兩蛾愁淺消息不知郎近遠一
春長夢見者舊續聞云小屏山六扇和凝詞拂水雙飛來去燕曲檻

又

柳絲碧柳下人家寒食鶯語匆匆花寂寂玉階春蘚溼
閑凭薰籠無力心事有誰知得檀炷繞窗燈背壁畫
簷殘雨滴

臨江仙

四海十年兵不解 塵直到江城歲華消盡客心驚疎
髯渾似雪哀涕欲生冰 送老蘆鹽何處是我緣應在
吳興故人相望若為情別愁深夜雨孤影小窗燈

李

字蕭遠官至尚書郎宣
和間責監漢陽酒稅

點絳脣

樓下清歌水流歌斷春風暮夢雲烟樹依約江南路
碧水黃沙夢到尋梅處花無數問花無語明月隨人去

朝中措

郎官湖上探春迴初見照江梅過盡竹溪流水無人知
道花開 佳人何處江南夢遠殊未歸來喚取小叢教

看隔江烟雨樓臺

風蝶令

嫋嫋秋風起蕭蕭敗葉聲岳陽樓上聽哀箏樓下淒涼
江月為誰明霧雨沈雲夢烟波渺洞庭可憐無處問
湘靈只有無情江水遶孤城

呂渭老

一作濱老字聖求秀州人
宣和末朝士有詞一卷
趙師秀云聖求詞婉媚深窈視美成者卿伯
仲

薄倖

青樓春晚晝寂寂梳勻又懶乍聽得鴉啼鶯弄惹起新
愁無限記年時偷擲春心花間隔霧遙相見便角枕題

詩寶釵貫酒共醉青苔深院怎忘得迴廊下携手處
花明月滿如今但暮雨蜂愁蝶恨小窗閑對芭蕉展却
誰拘管儘無言閑品秦箏淚滿參差鴈腰肢漸小心與
楊花共遠

選冠子

雨溼花房風斜燕子池閣晝長春晚檀盤戰象寶局鋪
棋籌畫未分還嬾誰念少年齒怯梅酸病疎霞盞正青
錢遮路綠絲明水倦尋歌扇空記得小閣題名紅箋
青製燈火夜深裁剪明眸似水妙語如絃不覺曉霜雞
喚聞道近來箏譜慵看金鋪長掩瘦一枝梅影回首江

南路遠

念奴嬌 贈希文寵姬

暮雲收盡霽霞明，高擁一輪寒玉。簾影橫斜，房戶靜小，立啼紅簌簌。素鯉頻傳，蕉心微展，雙燕明紅燭。開門疑是故人，敲撼窗竹。長記那裏西樓，小寒窗靜，掩風箏鳴屋。淚眼燈光，情未盡，儘覺語長更促。短短霞杯，溫溫羅帕，妙語書裙幅。五湖何日，小舟同泛春綠。

情久長

冰梁跨水沈沈，霽色遮千里。怎向我小舟孤棹，天外飄墜。夜寒侵短髮，睡不穩，窗外寒風漸起。歲華暮，蟾光射

雪碧瓦，飄霜塵不動，寒無際。雞咽荒郊，夢也無歸計。擁綉枕，斷魂殘魄，清吟無味。想伊睡起，又念遠樓閣橫枝，對倚待歸去。西窗剪燭，小閣凝香，深翠幙饒春睡。

滿路花 同柳仲脩在趙屯

西風晴日短，小雨菊花寒。斷雲低古木，暗江天星娥尺。五佳約，悞當年小語，憑肩處。猶記西園畫橋斜，月闌干。烏啼花落，春信遣誰傳。尚容清夜夢，小流連。青樓何處寶鏡，注嬋娟。應念紅箋事，微暈春山背。窗愁枕孤眠。

浣溪沙

烟柳濛濛鵲做巢，青青弱草帶斜橋。鶯聲多在杏花梢。

簫

逐伴不知春路遠見人時著小詞招阿誰有分伴吹

南歌子

策杖穿花圃登臨嘯晚風無窮秋色蔽晴空遙見夕陽
江上捲飛蓬鴈過菰蒲遠山遙夢寐通一林楓葉墮
愁紅歸去暮烟深處聽疎鐘

祝英臺近

寶蟾明朱閣靜新燕近簾語還記元宵燈火小橋路逢
迎春筍柔微凌波纖穩悄不顧斗斜三鼓甚無據誰
信一霎春愁鶯聲留不住柳色苔痕風雨暗花圃細看

羅帶銀鈎綃中香淚算不枉那時分付

江城子

曉參垂戶宿醒醒坐南亭對疎星點點螢光偏向竹梢
明望斷長空何處是雲葉亂彩霞橫西樓依舊抱重
城小銀屏此時情鴉陣翻叢枯柳兩三聲欹枕欲尋初
夜夢雞唱遠曉蟾傾

小重山

七夕病中

半夜燈殘鼠上檠小窗風動竹月微明夢魂偏寄水西
亭琅玕碧花影弄蜻蜓千里暮雲平南樓催上燭晚
來晴酒闌人散斗西傾天如水團扇撲流螢

減字木蘭花

雨簾高捲芳樹陰陰連別館涼氣侵樓蕉葉荷枝各自
秋前溪夜舞化作驚鴻留不住愁損腰肢一桁香消
舊舞衣

江城子慢

新枝媚斜日花徑霽晚碧泛紅滴近寒食蜂蝶亂點檢
一城春色倦游客門外昏鴉啼夢破春心似遊絲飛遠
碧燕子又語斜簷行雲自沒消息當時烏絲夜語約
桃花時候同醉瑤瑟甚端的看看是榆角楊花飛擲怎
忘得斜倚紅樓回淚眼天如水沈沈連翠壁想伊不整

啼妝影簾側

百宜嬌

隙月垂篔簹亂葢催織秋晚嫩涼房戶燕拂簾旌鼠窺窗
網寂寂飛螢來去金鋪鎮掩謾記得花時南浦約重陽
萸糝菊英小樓遙夜歌舞銀燭暗佳期細數簾幙漸
西風半窗秋雨葉底翻紅水面皺碧燈火裁縫砧杵登
高望極正霧鎖官槐歸路定須將寶馬鈿車訪吹簫侶

夢玉人引

上危梯望畫樓迴繡簾垂曲水飄香小園鶯喚春歸舞
袖弓彎正滿城烟草淒迷結伴踏青趁蝴蝶雙飛賞

呂潛老
心歡計從別後無意到西池自檢羅囊要尋紅葉留詩
懶約無憑據鶯花都不知怕人問強開懷細酌荼蘼

傾盃令

隔座藏鈎分曹射覆燭燄漸催三鼓箏按教坊新譜樓
外月生春浦徘徊爭忍忙歸去怕明朝無情風雨珍
花美酒團坐且作樽前笑侶

一落索

蟬帶殘聲移別樹晚涼房戶秋風有意染黃花下幾點
淒涼雨渺渺雙鴻飛去亂雲深處一山紅葉為誰愁
供不盡相思句

西江月慢

春風淡淡清晝永落英千尺桃杏散平郊晴蜂來往妙
香飄擲傍畫橋煮酒青帘綠楊風外數聲長笛記去年
紫陌朱門花下舊相識向寶帕裁書憑燕翼望翠閣
烟林似織聞道春衣猶未整過禁烟寒食但記取角枕
題情東窗休悞這些端的更莫待青子綠陰春事寂

燕歸梁

樓外東風杜宇聲雙枕細眉顰女郎番馬小山屏金籠
冷夢魂驚起來重綰雙羅髻無箇事淚盈盈楊花蝴蝶
蝶亂分身飛不定暮雲晴

木蘭花慢

石榴花謝了正荷葉蓋平池試瑪瑙杯深琅玕簟冷臨
水簾帷知他故人甚處晚霞明斷浦柳枝垂唯有松風
水月向人長似當時 依依望斷水窮雲起處是天涯
奈燕子樓高江南夢斷虛費相思新愁暗生舊恨更流
螢弄月入紗衣除却幽花軟草此情未許人知

豆葉黃

輕羅團扇掩微羞酒滿玻璃花滿頭小板齊聲唱石州
月如鉤一寸橫波入鬢流

趙

企字循道大觀
中宰績溪

感皇恩

騎馬踏紅塵長安重到人面依然似花好舊歡纔展又
被新愁分了未成雲雨夢巫山曉 千里斷腸關山古
道回首高城似天杳滿懷離恨付與落花啼鳥故人何
處也青春老

李持正

字季秉政和五年進士歷知德
慶南劔潮陽三郡終朝請大夫

明月逐人來

上元

星河明澹春來深淺紅蓮正滿城開遍禁街行樂暗塵
香拂面皓月隨人近遠 天半鰲山光動鳳樓西觀東
風靜珠簾不捲玉輦待歸雲外聞絃管認得宮花影轉

蘇子瞻云好箇皓月隨人近遠

王采字輔道一云字道輔韶子宣和中官侍郎

玉樓春

秋閨思入江南遠簾幙依垂閑不捲玉珂聲斷曉屏空
好夢驚回還起嬾風輕只覺香烟短陰重不知天色
晚隔窗人語退朝歸旋整宿妝勻睡眠

蝶戀花梨花

縷雪成花檀作藥愛伴秋千搖曳東風裏翠袖年年寒
食淚為伊牽惹愁無際幽艷偏宜春雨細紅粉闌干
有箇人相似鈿合金釵誰與寄丹青傳得淒涼意

韓駒字子蒼仙井監人政和初進士歷遷中書舍人兼權直學士院贈中奉大夫有陵陽集

昭君怨雪

昨日樵村漁浦今日瓊川銀渚山色捲簾看老峯巒
錦帳美人貪睡不覺天孫剪水驚問是楊花是蘆花

徐積字仲車楚州山陽人進士第除揚州司戶參軍楚州教授改宣德郎卒贈諡節孝處士有集

漁父樂

水曲山隈四五家夕陽烟火隔蘆花漁唱歇醉眠斜綸
竿簑笠是生涯

何籀字子初信安人

宴清都

細草沿階軟遲日薄惠風輕霽微暖春工靳惜桃英尚
小柳芽猶短羅幃繡幙高捲早已是歌慵笑懶凭畫樓
那更天遠山遠水遠人遠 堪怨傅粉疎狂竊香俊雅
無計拘管青絲絆馬紅巾寄羽甚處迷戀無言淚珠零
亂翠袖儘重重清遍故要得別後思量歸時覩見

蔣子雲

字元龍

好事近

葉暗乳鴉啼風定亂紅猶落蝴蝶不隨春去入薰風池
閣 休歌金縷勸金卮酒病煞如昨簾捲日長人靜任

楊花飄泊

宋齊愈

字退翁宣和間為太學官按
吳曾能改齋漫錄稱諫議

眼兒媚

梅詞應制

霏霏疎影一作雨轉征鴻人語暗香中小橋斜渡曲屏深
院水月濛濛 人間不是藏春處一作所玉笛曉霜空江
南處處黃垂密雨綠漲薰風

李

甲字景元
華亭人

帝臺春

芳草碧色萋萋遍南陌暖絮亂紅也知人春愁無力憶
得盈盈拾翠侶共携賞鳳城寒食到今來海角逢春天

宋齊愈 李 甲
涯倦客 愁旋釋還似織淚暗拭又偷滴漫倚遍危欄
儘黃昏也只是暮雲凝碧揀則而今已揀了忘則怎生
便忘得又還問鱗鴻試重尋消息

望雲涯引

秋容江上岸花老蘋洲白露溼蒹葭浦嶼漸增寒色閑
漁唱晚鷺鴈驚飛處映遠磧數點輕帆送天際歸客
鳳臺人散漫回首沈消息素鯉無憑樓上暮雲凝碧時
向西風下認遠笛宋玉悲懷未信金樽消得

八寶妝

門掩黃昏畫堂人寂暮雨乍收殘暑簾卷疎星庭戶悄
隱隱嚴城鐘鼓空街烟暝半開斜月朦朧銀河澄淡風
淒楚還是鳳樓人遠桃源無路 惆悵夜久星繁碧雲
望斷玉簫聲在何處念誰伴茜裙翠袖共携手瑤臺歸
去對修竹森森院宇曲屏香暖凝沈炷問對酒當歌情
懷記得劉郎否

過秦樓

賣酒壚邊尋芳原上亂花飛絮悠悠已蜨稀鶯散便擬
把長繩繫日無由謾道草忘憂也徒將酒解閑愁正江
南春盡行人千里蘋滿汀洲 有翠紅徑裏盈盈侶簇
芳茵襖飲時笑時謳當暖風遲景任相將永日爛熳狂

遊誰信盛狂中有離情忽到心頭向尊前擬問雙燕來
時曾過秦樓

夏

倪字均父
曹左官
祈陽監酒
蘄州人自府

減字木蘭花

宣和庚子登浯臺作

江涵曉日蕩漾波光搖槳入笑指浯溪漫叟雄文銷翠
微休嗟不偶歸到中州何處有獨立風烟湘水浯臺
總接天

沈會宗

字文伯

小重山

花過園林清蔭濃琅玕新脫笋綠成叢語一作雨聲只在

小樓

一作池

東閑欹枕敵

一作直

面芰荷風

長

一作斜

日蔽

簾櫳輕塵飛不到畫堂空一樽今夜與誰同人如玉相
對月明中

菩薩蠻

落花迤邐層陰少青梅競弄枝頭小江色雨和烟行人
江那邊好花都過了滿地空芳草落日醉醒間一春
無比寒

驀山溪

想伊不住船在藍橋路別語未甘聽更忍問而今是去
門前楊柳幾日轉西風將行色欲留心忽忽城頭鼓

一番幽會只覺添愁緒邂逅却相逢又還有此時歡否
臨歧把酒莫惜十分斟尊前月月中人明夜知何處
清商怨

城上鴉啼斗轉漸玉壺冰滿月淡寒梅清香來小院
誰遣鸞箋寫怨翻錦字疊疊和愁卷夢破胡笳江南烟
樹遠

廖世美

好事近

落日水鎔金天淡暮烟凝碧樓上誰家紅袖倚闌干無
力鴛鴦相對浴紅衣短棹弄長笛驚起一雙飛去聽

波聲拍拍

燭影搖紅 安陸浮雲樓

靄靄春空畫樓森聳凌雲渚紫薇登覽最關情絕妙誇
能賦惆悵相思遲暮記當日朱欄共語塞鴻難問岸柳
何窮別愁紛絮 催促年光舊來流水知何處斷腸何
必更殘陽極目傷平楚晚霽波聲帶雨悄無人舟橫野
渡數峯江上芳草天涯參差烟樹

林少瞻

眼兒媚 曉行

霽霞散曉月猶明疎木挂殘星山徑人稀翠蘿深處啼

鳥兩三聲 霜華重逼雲裘冷心共馬蹄輕十里青山
一溪流水都做許多情

何大圭 字摺之廣德
軍人進士

小重山

綠樹鶯啼春正濃 釵頭青杏小 綠成叢 玉船風動酒鱗
紅歌聲咽相見幾時重 車馬去匆匆 路隨芳草遠 恨
無窮 相思只在夢魂中 今宵月偏照小樓東 臨邛高恥
庵云玉船
白如雲錦月鈎奪造化之巧

沈公述

念奴嬌

杏花過雨漸殘紅 零落胭脂顏色 流水飄香 人漸遠 難
託春心脈脈 恨別王孫 牆陰目斷 手把青梅 摘金鞍 何
處綠楊依舊 南陌 消散雲雨 須臾多情 因甚有輕離
輕拆 燕子千般爭解說 些子伊家消息 厚約深盟 除非
重見 見了方端的 而今無奈 寸腸千恨 堆積

魯逸仲

南浦

風悲畫角 聽單于三弄 落譙門 投宿駸駸 征騎飛雪滿
孤村 酒市漸闌 燈火正敲窗 亂葉紛紛 送數聲 驚雁
乍離 烟水嘹唳 度寒雲 好在牛臚 淡月到 如今無處

不銷魂故國梅花歸夢愁損綠羅裙為問暗香閑艷也
相思萬點付啼痕算翠屏應是兩眉餘恨倚黃昏

何

稟

字子績一云字文績仙井人政和丙申進士
第一歷官尚書右僕射兼中書侍郎死靖康
之難贈觀文殿大學士

虞美人

贈妓惠柔

分香帕子揉藍膩欲去殷勤惠重來約在牡丹時只恐
花枝相妒故開遲別來看盡間桃李日日闌干倚催
花無計問東風夢作一雙蝴蝶遶芳叢

陳

瓘

字瑩中延平人中甲科建中靖國初為右司
諫嘗移書曾布及言蔡京蔡卞之姦章疏
十上除名編隸合浦以死靖康中贈諫大夫
紹興中追贈諡忠肅有了齋集詞一卷

滿庭芳

淮葉繽紛江烟濃淡別尊同倒寒暉未逢春信霜露惹
征衣往事元無是處何須待回一作首知非春鶻語從
來勸我長道不如歸家山何處近江樓簾棟夕捲朝
飛問西江笳蕨何似鱸肥且署一作華胥舊夢忘言處
千古同時君知我平生心事相契古來希

蔡

柟字堅老號雲壑南城人宣和以前人有
雲壑隱居集及浩歌集嘗為宜春別駕

鷓鴣天

病酒厭厭與睡宜珠簾羅幙捲銀泥風來綠樹花含笑
恨入西樓月斂眉驚瘦盡怨歸遲休將桐葉更題詩

不知橋下無情水流到天涯是幾時

張履信字思順號遊初鄱陽人侍郎南仲之孫嘗監江口鎮官至連江守

柳梢青

雨歇桃繁風微柳靜日淡湖灣寒食清明雖然過了未
覺春閒 行雲掩映春山真水墨山陰道間燕語侵愁
花飛撩恨人在江南

謁金門

春睡起小閣明窗兒底簾外雨聲花積水薄寒猶在裏
欲起還慵未起好是孤眠滋味一曲廣陵應忘記起
來調綠綺

王安中

字履道曲陽人進士及第宣和中累官翰林學士承旨尚書左丞金人來歸燕授慶遠軍節度使河北河南燕山府路宣撫使加少師郭藥師將叛求罷召還靖康初安置象州紹興初復左中大夫有初察集詞一卷

玉樓春

秋鴻只向秦箏住終寄青樓書不去手因春夢有携時
眼到花開無著處 泥金小字回文句翠袖紅裙今在
否欲尋巫峽舊時雲問取高唐臺畔路

一落索

塞柳未傳春信霜花侵鬢送君西去指秦關看日近長
安近 玉帳同時英俊合離無定路逢新鴈北飛來寄

一字燕山問

王安中

清平樂 和晁侔

花時微雨未減春分數占取簾疎花密處把酒聽歌金
縷斜風輕度濃香閒情正與春長向晚紅燈入坐嘗
新青杏隨觴

洞仙歌

深庭夜寂但涼蟾如畫鵲起高槐露華透聽曲樓玉管
吹徹伊州金釧響軋軋朱扉暗叩迎人巧笑道好箇
今宵怎不相尋暫携手見淡淨晚妝殘對月偏宜多情
更越饒纖瘦早促分飛霎時休便恰似陽臺夢雲歸後

楊

适

字時可棣州人舉進士
為尚書比部員外郎

南柯子

送淮漕白伯恭

怨草迷南浦愁花傍短亭有情歌酒莫催行看取無情
花草也關情舊日臨歧曲而今忍淚聽淮山何在暮
雲平待倩春風吹夢過江城

方

喬

樂至人

生查子

贈紫竹

晨鶯不住啼故喚愁人起無力曉妝慵閉弄荷錢水
欲呼女伴來鬪草花陰裏嬌極不成狂更向屏山倚

李玉

賀新郎

篆縷消金鼎醉沈沈庭陰轉午畫堂人靜芳草王孫知
何處惟有楊花糝徑漸玉枕騰騰春醒簾外殘紅春已
透鎮無聊殢酒厭厭病雲鬢亂未忺整江南舊事休
重省遍天涯尋消問息斷鴻難倩月滿西樓憑欄久依
舊歸期未定又只恐餅沈金井嘶騎不來銀燭暗枉教
人立盡梧桐影誰伴我對鸞鏡黃叔暘云李君詞雖不
多見然風流蘊藉盡此
篇矣

波子山

宿州
獄掾

別銀燈

途次南京憶營妓張温卿

一夜隋河風勁霜混水天如鏡古柳隄長寒烟不起波
上月無流影那堪懶聽疎星外離鴻相應須信情多
是病酒到愁腸還醒數疊羅衾餘香未減甚時枕鴛重
並教伊須更將蘭約見時先定

謝克家

字任伯
官參政

憶君王

徽宗北行作此

依依宮柳拂官牆樓殿無人春晝長燕子歸來依舊忙
憶君王月照黃昏人斷腸避戎夜話云淵聖幸虜營不
返謝元及作此詞鼠璞云語
意悲涼讀之使人墮淚真憂君憂國之語

詞綜卷十調名

菩薩蠻 陳 沈

臨江仙

朝中措

薄倖 呂

念奴嬌

滿路花

南歌子

江城子

減字木蘭花

夏

沈

謁金門

點絳脣 李

風蝶令

選冠子

情久長

浣溪沙

祝英臺近

小重山

江城子慢

張

沈

何

百宜嬌

傾盃令

西江月慢

木蘭花慢

感皇恩

玉樓春

昭君怨

宴清都

眼兒媚

望雲涯引

夢玉人引

一落索

燕歸梁

豆葉黃

明月逐人來

蝶戀花

漁父樂

好事近

帝臺春

八寶妝

過秦樓

清商怨

南浦

滿庭芳

柳梢青

洞仙歌

生查子

剔銀燈

驀山溪

燭影搖

虞美人

鷓鴣天

清平樂

南柯子

賀新郎

憶君王

芝藥山房重訂

王

林

沈

紅
廖

何

蔡

王

楊

李

謝

即南歌子

詞綜卷十一

宋詞七十九首

向子諲 九首

王庭珪 三首

王之道 一首

沈瀛 一首

劉弇 二首

曾紆 一首

趙師俠 一首

劉一止 六首

蔡伸 十二首

葉夢得 三首

向鎬 三首

李邴 三首

汪藻 二首

徐俯 一首

陳與義 二首

趙長御 九首

王灼二首

張綱一首

王十朋一首

陳濟翁一首

趙鼎五首

岳飛一首

李彌遜六首

朱翌二首

向子諲

字伯恭臨江人敏中元孫以欽聖憲肅皇后從姪恩補假承奉郎建炎初遷直龍圖閣江淮發運副使為黃潛善所斥尋遷知潭州累遷戶部侍郎自號菊林居士步趨蘇堂而嚙其齧者也

如夢令

午夜涼生翠幔簾外行雲撩亂可恨白蘋風欲雨又還吹散腸斷腸斷楚夢驚殘一半

生查子

近似月當懷遠似花藏霧好是月明時同醉花深處看花不自持對月空相顧願學月頻圓莫作花飛去

又

娟娟月入眉整整雲歸鬢鏡裏弄妝遲簾外風移影斜窺秋水長軟語春鶯近無計奈情何只有相思分

鷓鴣天

說著分飛百種猜泥人細數幾時回風流可慣長孤冷懷抱如何得好開垂玉筋下香階並肩小語更兜鞵再三莫遣歸期誤第一頻教入夢來

梅花引 戲代李師周作

花如頰梅如葉小時笑弄階前月最盈盈最惺惺悶愁
未識無計說深情一年空省春風面花落花開不相見
要相逢得相逢須信靈犀中自有心通 同杯杓同斟
酌千愁一醉都忘却花陰邊柳陰邊幾回擬待偷憐不
成憐傷春玉瘦慵梳掠拋擲琵琶閑處著莫猜疑莫嫌
遲鴛鴦翡翠終是一雙飛

虞美人 宣和辛丑

去年雪滿長安樹望斷揚州路今年看雪在揚州人在
蓬萊深處若為愁 而今不恨伊相誤自恨來何暮平

山堂下舊嬉遊只有舞春楊柳自風流

璫人嬌 席上贈侍人輕輕

白似雪花柔於柳絮蝴蝶兒鎮長一處春風駘蕩驀然
吹去爭得倩游絲半空惹住 波上精神掌中態度分
明是彩雲團做當年飛燕從今不數只恐是高唐夢中
神女

南歌子

柳眼風前動梅心雪後寒年華渾似霧中看報答風光
無處可為歡 一曲聊收淚三杯強自寬新愁不耐上
眉端怕見長安歸路懶凭欄

又

碧落飛明鏡晴烟暮遠山扁舟夜下廣陵灘照我白蘋
紅蓼一盃殘 初望同盟飲如何兩處看遙知香霧溼
雲鬟凭映瓊樓十二曲闌干

蔡

仲字仲道莆田人襄之孫宣和中官彭
城倅歷左中大夫有友古詞一卷

水調歌頭

用盧贊元韻別彭城

醉擊玉壺缺恨寫綠琴哀悠悠往事誰問離思渺難裁
綠野堂前桃李燕子樓中歌吹那忍首重回惟有舊時
月遠遠逐人來 小庭空清夜永獨徘徊伴人幽怨一
枝瀟灑隴頭梅心斷雲帆西去目送烟波東注千里接

長淮為我將雙淚好過楚王臺

滿庭芳

烟鎖長堤雲橫孤嶼斷橋流水溶溶凭欄凝望遠目送
征鴻桃葉蹊邊舊事如春夢回首無踪難忘處薔薇花
下清夜一樽同 城東携手地尋芳選勝賞徧珍叢念
紫簫聲闕燕子樓空好是盧郎未老佳期在端有相逢
重重恨聊憑紅葉和淚寄西風

蘇武慢

鴈落平沙烟籠寒水古壘鳴笳聲斷青山隱隱敗葉蕭
蕭天際暝鴉零亂樓上黃昏片帆千里歸程年華將晚

望碧雲空暮佳人何處夢魂俱遠
憶舊游邃館朱扉
小園香徑尚想桃花人面書盈錦軸恨滿金徽難寫寸
心幽怨兩地離愁一樽芳酒淒涼危欄倚遍儘遲留憑
仗西風吹乾淚眼

飛雪滿羣山

冰結金壺寒生羅幙夜闌霜月侵門翠筠敲韻疎梅弄
影數聲鴈過南雲酒醒欹枕愴然猶有殘妝淚痕繡
被孤擁餘香未減猶是那時薰
長記得扁舟尋舊約
聽小窗風雨燈火黃昏錦茵纔展瓊籤報曙寶釵又是
輕分黯然携手處倚朱箔愁凝黛顰夢回雲散山遙水

遠空斷魂

虞美人

瑤琴一弄清商怨樓外桐陰轉月華淡淡露華濃寂寞
小池烟水冷芙蓉
攀花擷翠當時事綠葉同心字有
情還解憶人無過盡寒沙新鴈甚無書

南鄉子

宣和壬寅予與向伯恭俱為大漕屬官向
有詞云憑書續斷腸因為此詞

木落鴈南翔錦鯉殷勤為渡江淚墨銀鈎相憶字成行
滴損雲箋小鳳凰
陳事費思量回首烟波卷夕陽儘
道憑書聊破恨難忘及至書來更斷腸

洞仙歌

鶯鶯燕燕本是于飛伴風月佳時阻幽願但人心堅固
後天也憐人相逢處依舊桃花人面 綠窗携手乍簾
幙重重燭影搖紅夜將半對樽前如夢欲語魂驚語未
竟已覺衣襟淚滿我只為相思特特來這度更休推後
回相見

七娘子

天涯觸目傷離緒登臨况值秋光暮手撚黃花憑誰分
付雖雖鴈落蒹葭浦 凭高目斷桃溪路屏山樓外青
無數綠水紅橋鎖窗朱戶如今總是銷魂處

侍香金童

寶馬行春緩轡隨油壁念一瞬韶光堪重惜還是去年
同醉日客裏情懷倍添淒惻 記南城錦徑名園曾遍
歷更柳下人家似織此際凭欄愁脈脈滿目江山暮雲
空碧

蒼梧謠

天休使圓蟾照客眠人何在桂影自嬋娟

點絳脣 登歷陽連雲觀

水繞孤城亂山深鎖橫江路帆歸別浦冉冉蘭皋暮
人在天涯鴈背南雲去空凝竚鳳樓何處烟靄迷津渡
又

人面桃花去年今日津亭見瑤琴錦薦一弄清商怨
今日重來不見如花面空腸斷亂紅千片流水天涯遠

王庭珪字民瞻廬陵人政和八年進士為國子監主簿晚直敷文閣有盧溪集詞二卷

點絳脣

花外紅樓當時青鬢顏如玉淡烟殘燭醉入花間宿

白髮相逢猶唱當時曲當時曲斷絃難續且盡杯中醪

又上元鼓子詞

玉漏春遲鐵關金鎖星橋夜暗塵隨馬明月應無價

天半朱樓銀漢星光射更深也翠蛾如畫猶在涼蟾下

感皇恩

一葉下西風寒生南浦椎鼓鳴橈送君去長亭把酒却

倩阿誰留住樽前人似玉能留否醉中暫聽離歌幾

許聽不能終淚如雨無情江水斷送扁舟何處歸時烟

浪捲朱簾暮

葉夢得字少蘊吳縣人紹聖四年進士累遷翰林學士兼侍讀除戶部尚書以崇信軍節度使致仕贈檢校少保有建

康集石林詞一卷而實之能於簡淡時出雄傑合處不減東坡

賀新郎

睡起啼鶯語掩蒼苔房櫳向晚亂紅無數吹盡殘花無
人見惟有垂楊自舞漸暝靄初回輕暑寶扇重尋明月

影暗塵侵上有飛鸞女驚舊恨遽如許江南夢斷橫
江渚浪黏天葡萄漲綠半空烟雨無限樓前滄波意誰
採蘋花寄取但悵望蘭舟容與萬里雲颿何時到送孤
鴻目斷千山阻誰為我唱金縷

菩薩蠻 湖光亭晚景

平波不盡蒹葭遠清霜半落沙痕淺烟樹晚微茫孤鴻
下夕陽梅花消息近試向南枝問記得水邊春江南
別後人

水調歌頭

九月望日與客習射西園予病不能射

霜降碧天靜秋事促西風寒聲隱地初聽中夜入梧桐

起瞰高城四顧寥落關河千里一醉與君同疊鼓鬧清
曉飛騎引雕弓歲將晚客爭笑問衰翁平生豪氣安
在走馬為誰雄何似當筵虎士揮手弦聲響處雙鴈落
遙空老矣真堪惜回首望雲中

王之道

字彥猷濡須人宣和六年進士歷
朝奉大夫有相山居士詞二卷

如夢令

江上對雨

一晌凝情無語手撚梅花何處倚竹不勝愁暗想江頭
歸路東去東去短艇淡烟疎雨

向

鎬字豐之河內人
有樂齋詞二卷

南歌子

路盡湘江水人行瘴霧間昏昏西日度嚴關天外一簪
初見嶺南山北鴈連書斷新霜點鬢斑此行休問幾
時還準擬桂林佳處過春殘

如夢令次韻邢子文

夢斷綠窗鶯語消遣客愁無處小檻俯青郊恨滿楚江
南路歸去歸去花落一川烟雨

又書弋陽樓

樓上千峯翠巘樓下一灣清淺寶簾酒醒時枕上月華
如練留戀留戀明日水村烟岸

沈瀛字子壽吳興人有竹齋詞一卷

葉水心云子壽少入太學仕四十餘年繼于
王官再入郡三佐帥幕其平生業嗜文字若
性命在身非外物也

念奴嬌

郊原浩蕩正奪目花光動人春色白下長干佳麗最寒
食嬉遊人物露卷香輪風嘶寶騎雲表歌聲過歸來燈
火不知斗柄西揭六代當日繁華幕天席地醉拍江
流窄游女人人爭唱道緩緩踏青阡陌樂事何窮賞心
無限可惜年光迫須臾聚散人生真信如客

李

邴字漢老任城人崇宣五年進士第紹興初參
知政事授資政殿學士卒謚文敏有雲龕草

集

洞仙歌 柳花

一團纖軟是將春揉做撩亂隨風到何處自長亭人去
後烟草萋迷歸未定裝點離愁無數 飄揚無箇事剛
被紫牽長是黃昏怕微雨記那回深院靜簾幕低垂花
陰下霎時留住又只恐伊家忒疎狂更驀地和春帶將
歸去

漢宮春

瀟灑江梅向竹梢疎處橫兩三枝東風也不愛惜雪壓
霜欺無情燕子怕春寒輕失花期惟是有南來塞鴈年
年長見開時 清淺小溪如練問玉堂何似茅舍疎籬

傷心故人去後冷落新詩微雲淡月對孤芳分付他誰
空自倚清香未減風流不在人知王仲言云漢老少日
口所謂問玉堂何似茅舍疎籬是也政和間自三省丁
憂歸山東服終造朝舉國無與談者方偃張無計時王
黼為首相忽遣人招至東閣開宴出其家姬十數人酒
半唱是詞侑觴大醉而歸數日遂有館閣之命
玉樓春 美人書字

沈吟不語晴窗畔小字銀鈎題欲遍雲情散亂未成篇
花骨敲斜終帶軟 重重說盡情和怨珍重提携常在

眼暫時得近玉纖纖翻羨鏤金紅象管

劉 奔字偉明廬陵人登元豐進士第
繼中博學宏詞科有龍雲集

惜雙雙令

漢宮春他誰是伊誰之誤

他誰將是伊誰之誤

風外橘花香暗度飛絮綰殘春歸去醞造黃梅雨冷烟
曉占橫塘路翠屏人在天低處驚夢斷行雲無據此
恨憑誰訴恁時却倩危絃語

清平樂

東風依舊著意隋堤柳搓得鴛兒黃欲就天氣清明時

候一作

去年紫陌青門今朝雨魄雲魂斷送一生憔悴

能消

一作幾箇黃昏

汪

藻

字彥章婺源人進士第歷官中書舍人兼直
學士院擢給事中遷兵部侍郎兼侍講拜翰
林學士有

浮溪集

小重山

月下潮生紅蓼汀殘霞都斂盡四山青柳梢風急墮流
螢隨波去點點亂寒星別語寄丁寧如今能間隔幾
長亭夜來秋氣入銀屏梧桐雨還恨不同聽

點絳脣

永夜厭厭畫檐低月山銜斗起來搔首梅影橫窗瘦

好箇霜天閑却傳杯手君知否曉鴉啼後歸夢濃於酒

能改齋漫錄云彥章在翰苑屢致言者作此詞或問曰

歸夢濃於酒何以在曉鴉啼後公曰無奈這一隊畜生

今從吳虎臣能改齋漫錄正之
曾紆字公卷南豐人布之子為司農少

菩薩蠻月夜

山光冷浸清溪底溪光直到柴門裏卧對白蘋洲敲眠
數釣舟溪山無限好恨不相逢早老病獨醒多如斯
良夜何

徐俯

字紹興初川分寧人由通直郎歷進右諫議大夫
樞密院事權參知政事有東湖集

卜算子

天生

胸一作中

百種愁挂在斜陽樹綠葉陰陰占得春草滿

鶯啼處

不見凌波步空憶如簧語柳外重重疊疊山

遮不斷愁來路

趙師俠

一作使字介之汴人燕王德昭七
世孫舉進士有坦菴長短句一卷

尹先之云坦菴先生詞章摹寫風景體物
態俱極精巧初不知其得之之易又云先生
為文如泉出不擇地

謁金門

馳崗迓陸尉

沙畔路記得舊時行處藹藹疎烟迷遠樹野航橫不渡

竹裏疎花梅吐照眼一川鷗鷺家在清江江上住水

流愁不去

陳與義

字去非季常孫本蜀人後徙居河南葉縣政
和中登上舍甲科紹興中拜翰林學士知制

誥參知政事有簡

齋集無任詞一卷

黃叔賜云去非詞雖不多語意超絕識者謂

可摩坡仙之壘

虞美人

祖席醉中

張帆欲去仍搔首更醉君家酒吟詩日日待春風及至
桃花開後却匆匆 歌聲頻為行人咽記著樽前雪明
朝酒醒大江流滿載一船離恨向衡州

臨江仙

憶昔午橋橋上飲坐中都是豪英長溝流月去無聲杏
花疎影裏吹笛到天明 二十餘年成一夢此身雖在
堪驚閑登小閣眺新晴古今多少事漁唱起三更張叔
夏云
真是自然而然而然 胡仔云清婉奇麗簡齋詞惟此最優

劉一止

字行簡歸安人宣和三年進士紹興中官監
察御史累遷給事中以直學士致仕有茗溪
卷一

洞仙歌 梅

細風輕霧鎖山城清曉冷蘂疎枝為誰好對斜橋孤驛
流水濺濺無限意清影徘徊自照 何郎空立馬惱亂
餘香綺思憑花更娟妙腸斷處天涯路遠音稀行人怨
角聲吹老歎客裏經春又三年向月地雲階負伊多少

夜行船

十頃疎梅開半就折芳條嫩香滿袖今度何郎樽前疑
怪花共人俱瘦 惻惻輕寒吹散酒高城近怕聽更漏
可惜溪橋月明風露長是人歸後

清平樂

相望吳楚遠信無憑據欲倩春風吹淚去化作愁雲恨
兩春應已到三吳楚江日夜東徂惟有汜流魚上不
知尺素來無

青玉案

小山遮斷藍橋路恨短夢難飛去長記脩眉縈曲度約
花開檻映風招袖總是憐渠處追歡我已傷遲暮猶
有多情舊時句極目高樓千尺許竹枝三唱為君淒斷
東日西邊雨

夢橫塘

浪痕經雨鬢影吹寒晚來無限蕭瑟野色分橋剪不斷

前溪風物船繫朱藤路迷烟寺遠鷗浮沒聽疎鐘斷鼓
似近還遙驚心事傷羈客新醅旋壓鶯黃揅清愁在
眼酒病縈骨繡閣嬌慵爭解說短封傳憶念誰伴塗妝
縮鬢嚼藥吹花弄秋色恨對南雲此時淒斷有何人知
得

喜遷鶯

曉光催角聽宿鳥未驚鄰雞先覺迤邐烟村馬嘶人起
殘月尚穿林薄淚痕帶霜微凝酒力衝寒猶弱歎倦客
悄不禁重染風塵京洛追念人別後心事萬重難覓
孤鴻託翠幌嬌深曲屏香暖爭念歲寒飄泊怨月恨花

須不是不曾經著這情味望一成消滅新來還惡陳質
行簡是詞盛傳京師號劉曉行

趙長卿自號仙源居士南豐宗室有惜香樂府十卷

臨江仙

春事猶餘十日吳蟄早已三眠多情忍對落花前酴醾
飄暎雪荷葉媚晴天香淡無心浸酒綠浮可意邀船
時光堪恨也堪憐單衣三月暮歌扇一番圓

又

過盡征鴻來盡鴈故園消息茫然一春憔悴有誰憐懷
家寒食夜中酒落花天見說江頭春浪渺殷勤欲送

歸船別來此處最繁牽短蓬南浦兩疎柳斷橋烟

更漏子

燭消紅窗送白冷落一衾寒色鴉喚起馬馱行月來衣
上明酒香脣妝印臂憶共箇人春睡魂蝶亂夢鸞孤
知他睡也無

浪淘沙

綠樹嚶鳴禽已是春深楊花庭院日陰陰簾外飛來雙
語燕不寄歸音舊事嬾追尋空惹芳心天涯消息遠
沈沈記得年時中酒後直至而今

卜算子

春水滿江南三月多芳草幽鳥銜將遠恨來一一都啼
了不學鴛鴦老回首臨平道人道長眉似遠山山不
似長眉好

虞美人

雨聲破曉催行檝拍拍谿流長綠楊遶岸水痕斜恰似
畫橋西畔那人家人家樓閣臨江渚應是停歌舞珠
簾整日不開鈎目斷征帆猶未識歸舟

畫堂春

長新亭

小亭烟柳水溶溶野花白白紅紅惱人池上晚來風吹
損春容又是清明天氣當年小院相逢憑欄幽思幾

千重殘杏香中

菩薩蠻

隔江一帶春山好平林新綠春光老休去倚闌干飛紅
不忍看東流何處去便是歸舟路芳草外斜陽行人
更斷腸

朝中措

亂山疊疊水泠泠南北短長亭客路如天杳杳歸心特
地宜宜春光荏苒花期冷落酒伴飄零柳一作影黃
邊漸綠燒痕黑處重青

王

灼

字晦叔遂寧
人有頤堂詞

長相思

來匆匆去匆匆短夢無憑春又空難隨郎馬蹤
山重
重水重重飛絮流雲西復東音書何處通

清平樂

墜紅飄絮收拾春歸去長恨春歸無覓處心事欲誰分
付
盧家小苑回塘于飛多少鴛鴦縱使東牆隔斷莫
愁應念王昌

張

綱字彥正金壇人政和四年賜上舍及第釋褐授承事郎徽宗以綱三中首選特除太學官

好事近

紹興中參知政事梅柳

梅柳約東風迎臘暗傳消息粉面翠眉偷笑似欣逢佳
客
晚來歌管破餘寒沈烟裊輕碧老去不禁卮酒奈
樽前春色

王十朋

字龜齡清人由太學廷對擢第一除著作郎遷大宗正丞累遷國子司業陞侍講歷四郡守除侍御史以龍圖閣學士致仕謚忠文有梅溪集

點絳脣

醉醺

野態芳姿枝頭占得春長久怕鈎衣袖不放攀花手
試問東風花似當時否還依舊謫仙去後風月今誰有

陳濟翁

驀山溪

去年今日從駕游西苑彩仗壓金坡看水戲魚龍曼衍
寶津南殿宴坐近天顏金杯酒君王勸頭上宮花顫

六軍錦繡萬騎穿楊箭日暮翠華歸擁鈞天笙歌一片

如今關外千里未歸人前山雨西樓晚望斷思君眼

趙

鼎字元鎮聞喜人崇寧初進士累官尚書左僕射同中書門下平章事兼樞密使卒贈太傅

諡忠簡追封豐國公有

得全居士集詞一卷

黃叔暘云趙公中興名相詞章婉媚不減花

間

蝶戀花

盡日東風吹綠樹向晚輕寒數點催花雨年少淒涼天
付與更堪春思縈離緒臨水高樓携酒處曾倚哀絃

歌斷黃金縷樓下水流何處去凭欄目送蒼烟暮

點絳脣

香冷金爐夢回鴛帳餘香嫩更無人問一枕江南恨
消瘦休文頓覺春衫褪清明近杏花吹盡薄暮東風緊

又

惜別傷離此生此念無重數故人何處還送春歸去

美酒一杯誰解歌金縷無情緒淡烟疎雨花落空庭暮

滿江紅丁未九日南渡泊舟儀真江口

慘結秋陰西風送絲絲雨溼凝望眼征鴻幾字暮投沙

磧欲問鄉關何處是水雲浩蕩連南北但脩眉一抹有

無中遙山色 江上路天涯客腸已斷頭應白空搔首
興歎暮年離隔欲待忘憂除是酒奈酒行有盡愁無極
便挽將江水入尊壘澆胸臆

賀聖朝

斷霞收盡黃昏雨滴梧桐疎樹簾櫳不捲夜沈沈鎖一
庭風露 天涯人遠深期夢悄苦長宵難度知他窗外
促織兒有許多言語

岳

飛字鵬舉湯陰人累官少保樞密副使封國公諡武穆追贈鄂王

小重山

昨夜寒蛩不住鳴驚回千里夢已三更起來獨自澆階

行人悄悄簾外月朧明 白首為功名舊山松竹老阻

歸程欲將心事付瑤琴知音少絃斷有誰聽

李彌遜

字似之吳縣人初登第遷起居郎試中書舍人再試戶部侍郎以爭和議忤秦檜乞歸田隱連江西山有筠谿集

菩薩蠻

江城烽火連三月不堪對酒長亭別休作斷腸聲老來
無淚頌 風高帆影疾目送舟痕碧錦字幾時來薰風
無鴈回

念奴嬌 坐上次王伯開韻

風簾弄影正聞堂永晝香銷人寂軋軋鄰機芳思亂愁

入回文新織燕蹴巢泥鶯喧庭柳好夢無蹤跡那堪春
事背人何計留得 誰似愛酒南鄰岸中坦腹醉踏西
山碧綵筆陽春傳鴈足催我飛觴浮白老去情懷憑君
試看鬢上秋霜色故園千里月華空照相憶

水調歌頭 次向伯恭薊林見寄

不見隱君子一月比三秋驚濤如許夢魂無路絕橫流
安得如雲長翮命駕不須千里上下逐君遊此計杳難
就注目倚江樓 西風裏多少恨寄歌頭飛奴接翼為
我三度下南州 三得伯恭佳詞正是天寒日暮獨酌一江殘雪
風獵碧莎裘和子浩然句一醉散千憂

花心動 七夕

水館風亭晚香濃一番菱荷經雨簟枕乍閒襟裾初試
散盡滿軒祥暑斷雲却送輕雷去疎林外玉鈎微吐夜
未闌秋生敗葉暗催庭樹 天上佳期久阻星河畔仙
車縹緲雲路舊恨未平幽歡難駐灑落半天風露綺羅
人散金猊冷醉魂到華胥深處洞房悄南樓畫角自語

蝶戀花 福州橫山閣

百疊青山江一縷十里人家路繞南臺去榕葉滿川飛
白鷺疎簾半捲黃昏雨 樓閣崢嶸天五尺荷菱風清
習習消祥暑老子人間無著處一樽來作橫山主

天仙子 次富季申韻

飛蓋追春春約付繁杏枝頭紅未雨小樓翠幙不禁風
芳草路無塵處明月滿庭人欲去一醉鄰翁須記取
見說新妝桃葉女明年却對此花時留不住花前語總
向似花人付與

朱

翌 字新仲龍舒人政和中進士
歷官中書待制有潛山集

點絳脣

梅

流水泠泠斷橋橫路梅枝亞雪花飛下渾似江南畫
白壁青錢欲買春無價歸來也風吹平野一點香隨馬

朝中措 五月菊

玉臺金盞對炎光全似去年香有意莊嚴端午不應忘
却重陽 菖蒲九葉金英滿把同泛瑤觴舊日東籬陶
令北窗正卧羲皇

詞綜卷十一調名

如夢令 向 王 向

鷓鴣天

虞美人 蔡 陳 趙

南歌子 向

滿庭芳

飛雪滿羣山

洞仙歌 李 劉

侍香金童

點絳脣 趙 王 汪 王

生查子

梅花引

殢人嬌

水調歌頭 蔡 葉 李

蘇武慢

南鄉子

七娘子

蒼梧謠

感皇恩 王

賀新郎葉

念奴嬌沈李

玉樓春

清平樂劉王

卜算子徐趙

臨江仙陳趙

青玉案

喜遷鶯

浪淘沙

朝中措朱

菩薩蠻

曾趙李

漢宮春李

惜雙雙令劉

小重山汪岳

謁金門趙

夜行船劉

夢橫塘

更漏子趙

畫堂春

長相思王

好事近張

蝶戀花趙李

賀聖朝

天仙子

驀山溪

滿江紅

花心動李

詞綜卷十二

宋詞七十六首

張元幹 九首

呂本中 三首

劉子翬 二首

朱敦儒 十六首

歐陽澈 二首

胡仔 二首

姚述堯 一首

吳億 一首

洪皓 一首

鄧肅 三首

張掄 二首

康與之 五首

胡舜陟 一首

倪偁 一首

湯思退 一首

曾覿 三首

闕蒼舒 一首

左譽 一首

陸凝之 一首

楊无咎 五首

阮閱 一首

侯寘 五首

曾慥 一首

曾惇 一首

朱雍 一首

姚進道 一首

劉之翰 一首

江緯 一首

黃公度 三首

葛立方 一首

張元幹

字仲長樂人紹興中坐送胡銓及寄
李綱詞除名有歸來集蘆川詞一卷

賀新郎

送胡邦衡待制赴新州

夢繞神州路 悵秋風連營畫角 故宮離黍 底事崑崙傾

砥柱九地黃流亂注 聚萬落千村 狐兔天意從來高難

問况人情易老悲難訴 更南浦送君去 涼生岸柳摧

殘暑 耿斜河疎星淡月 斷雲微度 萬里江山知何處 回

首對牀夜語 鴈不到書成誰與目 盡青天懷今古 肯兒

曹恩怨相爾汝 舉大白聽金縷

石州慢

寒水依痕春意漸回沙際烟闊溪梅晴照生香冷蕊數

枝爭發天涯舊恨試看幾許消魂長亭門外山重疊不

盡眼中青是愁來時節 情切畫樓深閉想見東風暗

消肌雪辜負枕前雲雨樽前花月心期切處更有多少

張元幹
淒涼殷勤留與歸時說到得再相逢恰經年離別

柳梢青

海山浮碧細雨絲風新愁如織慵試春衫不禁宿酒天涯寒食歸期莫數芳辰誤幾度回廊夜色入戶飛花隔簾雙燕有誰知得

點絳脣

秋社前一日溪光亭大雨作

山暗秋雲暝鴉接翅啼榕樹故人何處一夜溪亭雨夢入新涼只道消殘暑還知否燕將雛去又是流年度

又

春曉輕雷采蘋洲上清明雨亂雲遮樹黯澹江村路

今夜歸舟綠潤紅香處遙山暮畫樓何許喚取潮回去

又

呈洛濱筠溪二老

清夜沈沈暗蛩啼處簷花落乍涼簾幕香繞屏山角堪恨歸鴻情似秋雲薄書難託儘教寂寞忘了前時約

怨王孫

霽雨天迴平林烟暝燈閃江沙水生釣艇樓外暗柳誰家亂昏鴉相思怪得今番甚寒食近小硯魚箋信屏山半掩微醉獨倚闌干恨春寒

清平樂

明珠翠羽小綰同心縷好去吳淞江上路寄與雙魚尺

宋

詞綜卷十二

三

素 蘭橈飛取歸來愁眉待得伊開相見嫣然一笑眼
波先入郎懷

臨江仙 茶蘼

鶯喚屏山驚睡覺嬌羞須索郎扶茶蘼斗帳冷熏爐翠
穿珠落索香淨玉流蘇 長記枕痕消醉色日高猶倦
妝梳一枝春瘦想如初夢迷芳草路望斷素鱗書

洪

皓

字光弼樂平人第進士建炎中以徽猷閣待
制假禮部尚書為通問使還除徽猷閣直學
士提舉萬壽觀兼權直學士院忤秦檜責濠
州團練副使安置英州後徙袁州卒謚忠宣

江梅引

天涯除館憶江梅幾枝開使南來還帶餘杭春信到燕

臺準擬寒英聊慰遠隔山水應銷落赴想誰 空恁遐
想笑摘藥斷回腸思故里謾彈綠綺引三弄不覺魂飛
更聽胡笳哀怨淚沾衣亂插繁華須異日待孤諷怕東
風一夜吹

呂本中

字居仁金華人公著曾孫好問子授承務郎
紹興六年賜進士累遷中書舍人兼權直學
士院秦檜諷御史劾罷之提舉
太平觀卒謚文靖有東萊集

南歌子

驛路侵斜月溪橋度曉霜短籬殘菊一枝黃正是亂山
深處過重陽 旅枕原無夢寒更每自長只言江左好
風光不道中原歸思轉淒涼

減字木蘭花

去年今夜同醉月明花樹下
今夜江邊月暗長隄柳暗
船 故人何處帶我離愁
江外去來歲花前還似今年
憶去年

清平樂 柳花

柳塘新漲艇子操雙槳
閑倚曲樓成悵望
是處春愁一樣
傍人幾點飛花夕陽又送
栖鴉試問畫樓西畔暮
雲恐近天涯

鄧

肅字志宏延平人高宗朝官左
正言所著有栢欄集詞一卷

南歌子

雲繞風前鬢春開鏡裏妝
鳳屏清晝裊龍香
淺畫蛾眉
新樣遠山長
比翼曾同夢
雙魚隔異鄉
玉樓依舊暗
垂楊樓下落花流水自斜陽

長相思

一重溪兩重溪
溪轉山回路欲迷
朱欄出翠微
梅花
飛雪花飛醉卧幽亭
不掩扉冷香尋夢歸

生查子

執手兩潸然
情極都無語
去馬更匆匆
一息迷回顧
孤館得村醪
一醉空離緒
酒醒却無人
簾外三更雨

劉子翬

字彥冲崇安人以父幹任授承務郎通判興
化軍辭歸武彞山學者稱為屏山先生有屏

山集

驀山溪 九日

浮烟冷雨此日還重九秋去又秋來但黃花年年依舊
平臺戲馬無處問南徐茅舍小竹籬疎兀坐空搔首
客來何有草草三杯酒一醉萬緣空休貪他金印如斗
病翁老矣誰共賦歸歟芟隴麥網溪魚未落他人後

滿庭芳 桂花

秋入微陰涼生平遠小山愁絕天南似聞還斷飛策徧
千岩葉底輕黃纂纂惱人是微裂方緘脩然勝清真冷
淡無艷寄塵凡 澄潭敲兩岸波光搖動碧影相參任

西風十里吹度松杉我自寒灰槁木凝神處不覺熏酣
歸來晚飛花無迹明月滿空涵

張掄 字才甫南渡故老
有蓮社詞一卷

霜天曉角

曉風搖幕敲枕聞殘角霜月到窗寒影金猊冷翠衾薄
舊恨無處著新愁還又作夜夜單于聲裏燈花共珠
淚落

西江月 瑞香花

剪就碧雲鬪藥刻成紫玉芳心淺春不怕峭寒侵暖徹
熏籠瑞錦 花裏清芬獨步尊前勝韻難禁飛香直到

末

同宗卷十二

六

玉杯深消得厭厭夜飲

朱敦儒字希真一作希直洛陽人以薦起賜進士出

身為秘書省正字兼兵部郎官遷兩浙東路
提點刑獄上疏乞歸居嘉禾
晚除鴻臚少卿有樵歌三卷
張正輪明月自是豪放賦梅引橫柳被何人推
上無但空裏疎花數點語意奇絕如不食烟
如火語汪叔耕云希真詞多塵外之想雖雜
以微塵而其清氣自不可沒黃叔暘云希
真東都名士詞章擅名天資曠遠有神仙風
致

念奴嬌

別離情緒奈一番好景一番悲戚燕語鶯啼人乍遠還是他鄉寒食桃李無言不堪攀折總是風流客東君也

自怪人冷淡踪跡花豔草草春工酒隨花意薄疎狂何益除却清風并皓月脈脈此情誰識料得文君重簾不卷且等閑消息不如歸去受他真個憐惜

朝中措

當年挾彈五陵間行處萬人看雪獵星飛羽箭春遊花簇雕鞍飄零到此天涯倦客海上蒼顏多謝江南蘇小尊前怪我青衫

十二時

連雲衰草連天晚照連山紅葉西風正搖落更前溪嗚咽燕去鴻歸音信絕問黃花又共誰折征人最愁處

宋

詞綜卷十二

七

送寒衣時節

朱敦儒

好事近

春雨細如塵樓外柳絲黃濕風約繡簾斜去透窗紗寒
碧美人慵剪上元燈彈淚倚瑤瑟却卜紫姑香火問
遼東消息

又漁父

搖首出紅塵醒醉更無時節生計綠蓑青笠慣披霜衝
雪晚來風定釣絲閑上下是新月千里水天一色看
孤鴻明滅

又

漁父長身來只共釣竿相識隨意轉船回櫂似飛空無
跡蘆花開落任浮生長醉是良策昨夜一江風雨都
不曾聽得

又

撥轉釣魚船江海儘為吾宅恰向洞庭沽酒却錢唐橫
笛醉顏禁冷更添紅潮落下前碛經過子陵灘畔得
梅花消息

又

短棹釣船輕江上晚烟籠碧塞鴈海鷗分路占江天秋
色錦鱗撥刺滿籃魚取酒價相敵風順片帆歸去有

宋

詞綜卷十二

何人留得

又

失却故山雲索手指空為客萼菜鱸魚留我住鴛鴦湖
側 偶然添酒舊葫蘆小醉度朝夕吹笛月波樓下有
何人相識

點絳脣

客夢初回卧聽吳語開帆索護霜雲薄淡淡芙蓉落
畫舫無情人去天涯角思量著翠蟬金雀別後新梳掠

雙鷓鴣

拂破秋江烟碧一對雙飛鷓鴣應是遠來無力稍下相

恨沙磧 小管誰吹橫笛驚起不知消息悔不當時描
得如今何處尋覓

相見歡

金陵城上西樓倚清秋萬里夕陽垂地大江流 中原
亂簪纓散幾時收試倩悲風吹淚過揚州

柳枝

江南岸柳枝江北岸柳枝折送行人無盡時恨分離柳
枝 酒一杯柳枝淚雙垂柳枝君到長安百事違幾時
歸柳枝

桂枝香

南都病起

春寒未定是欲近清明雨斜風橫深閉朱門盡日柳搖
金井年光自趁飛花緊奈幽人雪添雙鬢謝山携屐黃
壚貫酒舊愁慵整念壯節漂零未穩負九江風笛五
湖烟艇起舞悲歌淚眼自看清影新鶯又向愁時聽把
人間如夢深省舊溪鶴在尋雲弄水是事休問

醉落魄泊舟津頭有感

海山翠疊夕陽殿雨雲堆雪鷓鴣聲裏蠻花發我共扁
舟江上兩萍葉東風落酒愁難說誰教春夢分吳越
碧城芳草應消歇曾識劉郎唯有半彎月

卜算子

碧瓦小紅樓芳草江南岸雨後紗窗幾陣寒零落梨花
晚看到水如雲送盡鴉成點南北東西處處愁獨倚
闌干徧

康與之

字伯可渡江初以詞受知高
宗官郎中有順菴樂府五卷
陳質齋云伯可詞鄙褻之甚
可以文詞待詔金馬門凡中
慈盜歸養兩官歡集必假伯
制之詞為多王性之云伯可
原不得獨擅沈伯時云康伯
律甚協但未免時有俗語

洞仙歌

荷花

若耶溪路別岸花無數欲斂嬌紅向人語與綠荷相倚
恨回首西風波淼淼三十六陂烟雨新妝明照水汀

渚生香不嫁東風被誰誤遣踟躕騷客意千里縣縣仙
浪遠何處凌波微步想南浦潮生畫橈歸正月曉風清
斷腸凝竚

應天長

管絃繡陌燈火畫橋塵香舊時歸路腸斷蕭娘舊日風
簾映朱戶鶯能舞花解語念後約頓成輕負緩雕轡獨
自歸來凭欄情緒 楚岫在何處香夢悠悠花月更誰
主惆悵後期空有鱗鴻寄紉素枕前淚窗外雨翠幕冷
夜涼虛度未應信此度相思寸腸千縷

喜遷鶯秋夜聞鴈

秋寒初勁看雲路鴈來碧天如鏡湘浦烟深衡陽沙遠
風外幾行斜陣回首塞門何處故國關河重省漢使老
認上林欲下徘徊清影 江南烟水暝聲過小樓燭暗
金狓冷送目鳴琴裁詩挑錦此恨比情無盡夢想洞庭
飛下散入雲濤千頃過盡也奈杜陵人遠玉關無信

訴衷情令長安懷古

阿房廢址漢荒坵狐兔又羣遊豪華盡成春夢留下古
今愁 君莫上古原頭淚難收夕陽西下塞鴈南來渭
水東流

玉樓春

宋

青牋後約無憑據誤我碧桃花下語誰將消息問劉郎
悵望玉溪溪上路 春來無限傷情緒擬欲題詩都付
與東風吹落一庭花手把新愁無寫處

歐陽澈字德明崇仁人高宗即位南京伏闕上封事極詆用事大臣遂見殺所著有飄然集六卷

玉樓春

年時醉倚温温玉妒月精神疑可掬香絲篆裊一簾秋
潑灑十分浮蟻綠 興來笑把朱絃促切切含情聲斷
續曲中依約斷人腸除却梨園無此曲

小重山

紅葉傷心月午樓龍襲人風細細遠烟浮懽騰醉眼不禁

秋追舊事拍塞一懷愁 心緒兩悠悠東陽消瘦損甚

風流擬憑仙枕夢中遊無眠久通夕數更籌

胡舜陟字汝名績溪人大觀中進士為監察御史建炎中以集英殿修撰知廬州遷壽廬等州鎮

漁家傲使撫

幾日北風江海立千車萬馬濤聲急短棹峭寒欺酒力
飛雨息瓊花細細穿窗隙 今我綠蓑青箬笠浮家泛
宅烟波逸渚鷺沙鷗都舊識行未得高歌與爾相尋覓

胡仔字元任新安人舜陟子寓居吳興號茗溪漁隱宣和間仕建安主簿有叢話百卷

滿江紅

泛宅浮家何處好
苔溪清境占雲山
萬疊烟波千頃茶
竈筆牀渾不用
雪簑月笛偏相稱
爭不教二紀賦歸來
甘幽屏
紅塵事誰能省
青霞志方高
引任家風舴艋
生涯笈箸三尺鱸魚真好鱠
一瓢春酒宜閒飲
問此時
懷抱向誰論
惟箕穎

水龍吟

以李長吉美人梳頭歌填

夢寒銷帳春風曉
檀枕半填香髻
轆轤初轉
欄杆鳴玉
咿啞驚起
眠鴨凝烟
舞鸞翻鏡
影開秋水
解低頭
試整
牙牀
對立香絲亂
雲拖地
纖手犀梳
落處膩無聲
重盤鴉翠
蘭膏勻
清冷光欲溜
鸞釵易墜
年少偏嬌
鬢多

無力惱人風味甚
含情不語下階漫
自折花枝戲

倪

偁

字文舉吳興人紹興八年進士官太常寺主簿有綺川詞一卷

臨江仙

結束征鞍臨驛路
長林積雪消
初天回春色
到平蕪
不堪盃酒罷
便與故人疎
一曲陽關歌未闕
僕夫催上
脩途非君思
我更誰歟
西風吹過雁
應有寄來書

姚述堯

錢唐人有簫臺公餘詞一卷

臨江仙

呈桐川使君丁郎中仲京

佳節喜逢長久日
翩翩鳧鷖
爲朋來
霜清天宇絕塵埃
遙憐巴嶺月
擬上曲江臺
懷縣從容留客宴
追歡正好

宋

詞餘卷十二

三

傳盃使君歸騎莫相催更拌明日醉未放菊花開

湯思退

字進之處州人紹興中由縣令試博學宏詞科除秘書省正字累官端明殿學士僉書樞

菩薩蠻

責居永州吳大年南鄉子後起二句梁府推切陽李白雪均作水月寺潘鬢為淮澗長恨金園閉阿嬌一作天嬌

畫船橫絕湖波練更上雕鞍窮翠巘霜橘半垂黃征衣

盡日香鐘聲雲外聽金界青松映何處是華山峰巒

杳靄間

吳

億字大年南渡時人有溪園自怡集

南鄉子

江上雪初消暖日晴烟弄柳條認得裙腰芳草綠魂消

曾折梅花過斷橋

蟬鬢為誰凋長恨含顰那處嬌遙

想晚妝呵手罷無聊更傍朱脣暖玉簫

曾

覲

字純甫汴人紹興中以寄班祇候與龍大淵同為建王內知客孝宗受禪以潛邸舊人除

權知閤門事淳熙初除開府儀同三司加少保醴泉觀使有海野詞一卷黃叔暘云純甫東都故老詞多感慨如金人捧露盤憶秦娥等曲悽然有黍離之感

金人捧露盤

庚寅春奉使過京師感懷作

記神京繁華地舊游踪正御溝春水溶溶平康巷陌繡

鞍金勒躍青驄解衣沽酒醉絃管柳綠花紅到如今

餘霜鬢嗟前事夢魂中但寒烟滿日飛蓬雕欄玉砌空

餘三十六離宮塞笳驚起暮天鴈寂寞東風

宋

詞綜卷十二

古

憶秦娥 邯鄲道上

風簫瑟邯鄲古道傷行客傷行客繁華一瞬不堪思憶
叢臺歌舞無消息金樽玉管空陳跡空陳迹連天草
樹暮雲凝碧

菩薩蠻 次韻龍深甫

杏花寒食佳期近一簾烟雨琴書潤砌下水潺潺玉笙
吹暮寒陽臺雲易散往事尋思嬾花底醉相扶當時
人在無

閻蒼舒蜀人官至侍郎嘗北使汴京

水龍吟

少年聞說京華上元景色烘晴晝朱輪畫轂雕鞍玉勒
金衢爭驟春滿鼇山夜沈陸海一天星斗正紅毬過了
鳴鞘聲斷回鸞馭鈞天奏誰料此生親到五十年都
城如舊而今但有傷心烟霧縈愁楊柳寶籙宮前絳霄
樓下不堪回首願黃圖早復端門燈火照人還又

左 譽 浮屠所言天有筇翁長短句為

府樂籍有名姝張芸女名禮色藝妙天下君
頗顧之如盈盈秋水淡春山與一段離愁
堪畫處橫風斜雨挹衰柳及帷雲剪水滴粉
槎酥皆為穠作當時都人有曉風殘月柳三
變滴粉槎酥左與言對後穠委身立勳大
將家易姓章疏封大國紹興中因覓官行關
暇日訪西湖兩山間忽逢車輿甚盛中觀一

麗人褰簾顧君而顰曰如今若把菱花照猶恐相逢是夢中視之乃穠也君醒然悟入即拂衣東渡一意空門

眼兒媚

樓上黃昏杏花寒斜月小闌干一雙燕子兩行征鴈畫
角聲殘綺窗人在東風裏灑淚對春閒也應似舊盈
盈秋山淡淡春山

陸凝之

字永仲號石室餘杭人布衣高宗召見不赴

念奴嬌

觀潮

遠山一帶遡晴空極目天涯浮白楓落鴉翻談笑處不
覺雲濤橫席酒病方蘇睡魔猶帶一掃無留迹吳帆越

棹恍然飛上空碧

長記草賦梁園凌雲筆勢倒三江

秋色對此驚心空悵望老作紅塵閑客別浦烟平小樓
人散回首千波寂西風掃露為君重噴霜笛

楊无咎

字補之清江人高宗朝累徵不起自號清夸長者有逃禪集二卷

南歌子

次東坡端午韻

小雨疎疎過長江滾滾流落霞殘照晚明樓又是一番
重午身寄南州羅綺紛香陌魚龍漾彩舟不堪回首
鳳池頭誰道於今霜鬢猶是淹留

生查子

秋來愁更深黛拂雙蛾淺翠袖怯天寒脩竹蕭蕭晚

宋

詞綜卷十二

七

此意有誰知恨與孤鴻遠小立背西風又是重門掩

甘草子

秋暮永夜西樓冷月明窗戶夢破櫓聲中憶在松江路
敲枕試尋曾遊處記歷歷風光堪數誰與浮家五湖
去儘醉眠秋雨

明月棹孤舟 周三五

寶髻雙垂烟縷縷年紀小未周三五壓衆精神出羣標
格偏向衆中翹楚 記得譙門初見處禁不定亂紅飛
去掌託鞋兒肩拖裙子悔不做閑男女

於中好

牆頭豔杏花初試遶珍叢細按紅蕊欲知占盡春明媚
悄無意看桃李 持杯準擬花前醉早一葉兩葉飛墜
晚來旋旋深無地更聽得東風起

阮閱

一作閱字閱休一作閱休建炎初知
袁州致仕寓居宜春著詩話總龜

洞仙歌

贈宜春官妓趙佛奴

趙家姊妹合在昭陽殿因甚人間有飛燕見伊底盡道
獨步江南便江北也何曾慣見 惜伊情性好不解嗔
人長帶桃花笑時臉向尊前酒底見了須歸似恁地能
得幾回細看待不眨眼兒覷著伊將眨眼工夫看伊幾
遍

宋

侯

真

字彥周東武人晁說之甥紹興中以直學士知建康有嬾窟詞一卷

朝中措

元夕上潭帥劉共甫

年來玉帳罷兵籌燈市小遲留花外香隨金勒酒邊人
倚紅樓沙隄此去傳柑侍宴天上風流還記月華小
隊春風十里潭州

風入松

少年心醉杜韋娘曾格外疎狂錦箋預約西湖上共幽
深竹院松莊愁夜黛眉顰翠惜歸羅帕分香重來一
夢繞湖塘空烟水微茫同心眼底無蘇小記舊遊凝竚
淒涼入扇柳風殘酒點衣花雨斜陽

四犯令

月破輕雲天淡注夜悄花無語莫聽陽關牽離緒拌醪
酌花深處明日江郊芳草路春逐行人去不似酴醾
開獨步能著意留春住

漁家傲

過盡百花芳草滿柳絲舞困闌干暖柳外鞦韆裙影亂
人逐伴舊家心性如今懶斗帳寶香凝不散黃昏院
落鶯聲晚紅葉不來音信斷疎酒盞東陽瘦損無人管
又小舟發臨安

本是瀟湘漁艇客錢唐江上鋪帆席兩處烟波天一色

宋

詞綜卷十二

六

侯真曾惇

雲暮暮吳山不似湘山碧
休費精神勞夢役鷗鳧難
上銅駝陌擾擾紅塵人似織
山頭石潮生月落今如昔

曾 慥 字端伯編
樂府雅詞

調笑 梅

清友羣芳右萬縵紛披茲獨秀
天寒月薄黃昏後 縵

袂亭亭招手故山千樹連雲岫
借問如今安否

曾 惇 字欲父有
詞一卷

黃叔暘云欲父故相之孫辭播樂府

點絳脣 重九飲栖霞

九日傳杯要攜佳客棲霞去
滿城風雨記得潘郎句

紫菊紅萸何意留儂住
愁如許暮烟一縷正在歸時路

朱 雍 紹興中乞召試賢
良有梅詞二卷

好事近 梅

春色為誰來枝上半留殘雪
恰近小園香徑對霜林寒
月 危欄淒斷笛聲長吹到偏
嗚咽最好短亭歸路有

行人先折

姚進道 華亭人

青玉案 和賀方回韻送伯固歸吳中

三年枕上吳中路
遣黃耳隨君去
若到松江呼小渡
莫驚鷗鷺四橋盡是老子經行處
輞川圖上看春暮常

宋

詞綜卷十二

九

記高人右丞句作箇歸期天已許春衫猶是小蠻鍼線

曾溼西湖雨

劉之翰荆南人

水調歌頭獻田都統

涼露洗金井一葉下梧桐謫仙浪游何處華髮作詩翁

烏帽蕭蕭一幅坐對青泉白石矯首撫長松獨鶴歸來

晚聲在碧霄中 神仙宅留玉節駐金狻黔南一道十

萬貌虎控雕弓笑折碧荷倒影自唱采蓮新曲詞句滿

秋風劍佩八千歲長入大明宮田世輔為金州都統制

簿闕作此詞獻之田覽之大喜致書約來金城欲厚加

因大驚異亟送千緡與其孤

江緯

向湖邊

退處鄉關幽棲林藪舍宇第須茅蓋翠巘清泉啟軒窗

遙對遇等閒鄰里過從親朋臨顧草草便成歡會策杖

携壺向湖邊柳外 旋買溪魚便斫銀絲鱠誰復欲痛

飲如長鯨吞海共惜醺酣恐歡娛難再矧清風明月非

錢買休追念金馬玉堂心膽碎且鬪尊前有阿誰身在

黃公度字思憲莆陽人紹興八年進士第一官尚書考功員外郎有知稼翁集詞一卷

好事近

湖上送殘春已負別時歸約好在故園桃李為誰開誰
落還家應是荔支天浮蟻要人酌莫把舞裙歌扇便
等閑拋却

卜算子別士弟之官

薄宦各東西往事隨風雨先自離歌不忍聞又何況春
將暮愁共落花多人逐征鴻去君向瀟湘我向秦後
會知何處

青玉案

鄰雞不管離懷苦又還是催人去回首高城音信阻霜
橋月館水村烟市總是思君處衰殘別袖燕支雨謾

留得愁千縷欲倩歸鴻分付與鴻飛不住倚欄無語獨
立長天暮按本集公登第後為趙忠簡所器而秦檜頗
銜之及召赴行在雖知非當路意而迫於君
命故寓意此詞蓋去就早定矣

葛立方字常之丹陽人勝仲子紹興八年進
士官至吏部侍郎有歸愚集詞一卷

卜算子

裊裊水芝紅脈脈蒹葭浦淅淅西風澹澹烟幾點疎疎
雨草草展杯觴對此盈盈女葉葉紅衣當酒船細細
流霞舉

詞綜卷十二調名

賀新郎

張

柳梢青

怨王孫

臨江仙

倪姚

南歌子

呂

鄧

楊

長相思

鄧

驀山溪

劉

霜天曉角

張

念奴嬌

朱

陸

石州慢

點絳脣

朱

曾

清平樂

呂

江梅引

洪

減字木蘭花

生查子

楊

滿庭芳

西江月

朝中措

侯

十二時

雙鷓鴣

柳枝

醉落魄

洞仙歌令康阮

喜遷鶯

玉樓春歐陽

漁家傲胡侯

水龍吟閣

南鄉子吳

好事近

相見歡

桂枝香

卜算子黃葛

應天長

訴衷情令

小重山歐陽

滿江紅胡

菩薩蠻湯曾

金人捧露盤曾

芍藥山房重訂

朱黃

憶秦娥

甘草子楊

于中好

四犯令

青玉案姚黃

向湖邊江

眼兒媚左

明月棹孤舟

風入松侯

調笑曾

水調歌頭劉

詞綜卷十三

宋詞七十九首

辛棄疾 四十三首

范成大 五首

張孝祥 五首

姚寬 三首

程垓 十九首

周必大 一首

京鏜 二首

尤袤 一首

辛棄疾 字幼安 歷城人 耿京聚兵山東 節制忠義軍

郎累官浙東 安撫使 加龍圖閣待制 進樞密

都承旨 德祐初 以謝枋得請 贈少師 謚忠敏

有稼 軒長短

青玉案

元夕

東風夜放花千樹更吹隕星如雨寶馬雕車香滿路鳳
簫聲動玉壺光轉一夜魚龍舞 蛾兒雪柳黃金縷笑
語盈盈暗香去眾裏尋他千百度暮然回首那人却在
燈火闌珊處

踏莎行 中秋後二夕帶湖篆崗小酌

夜月樓臺秋香院宇笑吟吟地人來去是誰秋到便淒
涼當年宋玉悲如許 隨分盃盤等閑歌舞問他有甚
堪悲處思量却也有悲時重陽節近多風雨

又 和趙興國知錄韻

吾道悠悠憂心悄悄最無聊處秋先到西風林外有啼

鴉夕陽山下多衰草 長憶商山當年四老塵埃也走
咸陽道為誰書到便幡然至今此意無人曉

念奴嬌 書東流村壁

野塘花落又匆匆過了清明時節剗地東風欺客夢一
枕雲屏寒怯曲岸持觴垂楊繫馬此地曾經別樓空人
去舊遊飛燕能說 聞道綺陌東頭行人曾見簾底纖
纖月舊恨春江流不盡新恨雲山千疊料得明朝尊前
重見鏡裏花難折也應驚問近來多少華髮

破陣子 為陳同甫賦壯詩以寄之

醉裏挑燈看劍夢回吹角連營八百里分麾下為五十

絃翻塞外聲沙場秋點兵 馬作的盧飛快弓如霹靂
弦驚了却君王天下事贏得生前身後名可憐白髮生

祝英臺近

寶釵分桃葉渡烟柳暗南浦怕上層樓十日九風雨斷
腸點點飛紅都無人管更誰勸流鶯聲住 鬢邊覷試
把花卜歸期才簪又重數羅帳燈昏哽咽夢中語是他
春帶愁來春歸何處却不解帶將愁去

沁園春 帶湖新居

三徑初成鶴怨猿驚稼軒未來甚雲山自許平生意氣
衣冠人笑抵死塵埃意倦須還身閑貴早豈為尊羹鱸

鱸哉秋江上看驚弦鴈避駭浪船回 東崗更葺茅齋
好都把軒窗臨水開要小舟行釣先應種柳疎籬護竹
莫礙觀梅秋菊堪餐春蘭可佩留待先生手自栽沈吟
久怕君恩未許此意徘徊

滿江紅

家住江南又過了清明寒食花徑裏一番風雨一番狼
籍紅粉暗隨流水去園林漸覺清陰密算年年落盡刺
桐花寒無力 庭院靜空相憶無處說閑愁極怕流鶯
乳燕得知消息尺素如今何處也綠雲依舊無踪跡謾
教人羞去上層樓平蕪碧

又

敲碎離愁紗窗外風搖翠竹人去後吹簫聲斷倚樓人
獨滿眼不堪三月暮舉頭已覺千山綠但試把一紙寄
來書從頭讀相思字空盈幅相思意何時足滴羅襟
點點淚珠盈掬芳草不迷行客路垂楊只礙離人目最
苦是立盡月黃昏闌干曲

又

送李正之提刑入蜀

蜀道登天一盃送繡衣行客還自歎中年多病不堪離
別東北看騰諸葛表西南更草相如檄把功名收拾付
君侯如椽筆兒女淚君休滴荆楚跡吾能識要新詩

準備廬山山色赤壁磯頭千古浪銅鞮陌上三更月正
梅花萬里雪深時須相憶

又

江行簡楊濟翁周顯先

過眼溪山怪都是舊時曾識還記得夢中行遍江南江
北佳處徑須携杖去能消幾兩平生屐笑塵勞三十九
年非長為客吳楚地東南坼英雄事曹劉敵被西風
吹盡了無塵跡樓觀甫成人已去旌旗未卷頭先白歎
人生哀樂轉相尋今猶昔

水調歌頭

每次揚州和楊濟翁周顯先韻

落日塞塵起胡馬獵清秋漢家組練十萬列艦聳層樓

誰道投鞭飛渡憶昔鏑鳴血污風雨佛狸愁季子正年
少匹馬黑貂裘今老矣搔白首過揚州倦游欲去江
上手種橘千頭二客東南名勝萬卷詩書事業嘗試與
君謀莫射南山虎直覓富平侯

又

四坐且勿語聽我醉中吟池塘春草未歇高樹變鳴禽
鴻鴈初飛江上蟋蟀還來牀下時序百年心誰要卿料
理山水有清音歡多少歌長短酒淺深而今已不如
昔後定不如今閑處直須行樂良夜更教秉燭高會惜
分陰白髮短如許黃菊倩誰簪

又

壬子三山被召陳端仁給事飲餞

長恨復長恨裁作短歌行何人為我楚舞聽我楚狂聲
余既滋蘭九畹又樹蕙之百畝秋菊更餐英門外滄浪
水可以濯吾纓一盃酒問何似身後名人間萬事毫
髮常重泰山輕悲莫悲生離別樂莫樂新相識兒女古
今情富貴非吾事歸與白鷗盟

又

帶湖吾甚愛千文翠奩開先生杖履無事一日走千回
凡我同盟鷗鷺今日既盟之後來往莫相猜白鶴恁何
處嘗試與偕來破青萍排翠藻立蒼苔窺魚笑汝癡

計不解舉吾杯廢沼荒丘疇昔明月清風此夜人世幾
歡哀東岸綠陰少楊柳更須栽

賀新郎別茂嘉十二弟

綠樹聽鷓鴣更那堪杜鵑聲住鷓鴣聲切啼到春歸無
啼處苦恨芳菲都歇算未抵人間離別馬上琵琶關塞
黑更長門翠輦辭金闕看燕燕送歸妾將軍百戰身
名裂向河梁回頭萬里故人長絕易水蕭蕭西風冷滿
座衣冠似雪正壯士悲歌未徹啼鳥還知如許恨料不
啼清淚長啼血誰伴我醉明月

又賦琵琶

鳳尾龍香撥自開元霓裳曲罷幾番風月最苦潯陽江
頭客畫舸亭亭待發記出塞黃雲堆雪馬上離愁三萬
里望昭陽宮殿孤鴻沒絃解語很難說遼陽驛使音
塵絕瑣窗寒輕攏慢撚淚珠盈睫推手含情還却手一
抹梁州哀徹千古事雲飛烟滅賀老定場無消息想沈
香亭北繁華歇彈到此為嗚咽

又

柳暗浚波路送春歸猛風暴雨一番新綠千里瀟湘葡
萄漲人解扁舟欲去又檣燕留人相語艇子飛來生塵
步唾花寒唱我新翻白波似箭鳴柔櫓黃陵祠下山

無數聽湘娥泠泠曲罷為誰情苦行到東吳春已暮江
闊潮平穩渡望金雀觚稜細舞前度劉郎今重到問元
都千樹花存否愁為倩么絲訴

木蘭花慢除州送花倅

老去情味減對別酒怯流年况屈指中秋十分好月不
照人圓無情水都不管共西風只管送歸船秋晚蓴鱸
江上夜深兒女燈前 征衫便好去朝天玉殿正思賢
想夜半承明留教視草却遣籌邊長安故人問我道愁
腸殫酒只依然目斷秋霄落鴈醉來時響空弦

摸魚兒

淳熙己亥自湖北漕移湖南同官王正之
置酒小山亭賦

更能消幾番風雨匆匆春又歸去惜春長怕花開早何
况落紅無數春且住見說道天涯芳草無一作迷歸路怨

春不語算只有殷勤畫簷蛛網盡日惹飛絮長門事

準擬佳期又誤蛾眉曾有人妒千金縱買相如賦脈脈

此情誰訴君莫舞君不見玉環飛燕皆塵土閑愁最苦

休去倚危欄斜陽正在烟柳斷腸處羅大經云詞意殊

不賈種豆種桃之禍然聞壽皇見此詞頗不悅終不加
以罪可謂盛德

太常引

建康中秋夜為呂潛叔賦

一輪秋影轉金波飛鏡又重磨把酒問姮娥被白髮欺
人奈何 乘風好去長安萬里直下看山河斫去桂婆

晏人道是清光更多

水龍吟 過南礮雙溪樓

舉頭西北浮雲倚天萬里須長劍人言此地夜深長見
斗牛光焰我覺山高潭空水冷月明星淡待燃犀下看
凭欄却怕風雷怒魚龍慘 峽東蒼山對起過危樓欲
飛還斂元龍老矣不妨高卧冰壺涼簟千古興亡百年
悲笑一時登覽問何人又卸片帆沙岸繫斜陽纜

又 旅次登樓

楚天千里清秋水隨天去秋無際遙岑遠目獻愁供恨
玉簪螺髻落日樓頭斷鴻聲裏江南遊子把吳鉤看了

闌干拍遍無人會登臨意 休說鱸魚堪膾儘西風季
鷹歸未求田問舍怕應羞見劉郎才氣可惜流年憂愁
風雨樹猶如此倩何人喚取紅巾翠袖搵英雄淚

鷓鴣天 鷺湖歸病起作

枕簟溪堂冷欲秋斷雲依水晚來收紅蓮相倚深如怨
白鳥無言定是愁 書咄咄且休休一邱一壑也風流
不知筋力衰多少但覺新來嬾上樓

又

陌上柔桑破嫩芽東鄰蠶種已生些平岡細草鳴黃犢
斜日寒林點暮鴉 山遠近路橫斜青旗沽酒有人家

城中桃李愁風雨春在溪頭薺菜花

又

山上飛泉萬斛珠懸崖千丈落鼉鼉已通樵徑行還礙
似有人聲聽却無 間略約遠浮屠溪南脩竹有茅廬
莫嫌杖履頻來往此地偏宜著老夫

西河 送錢仲耕自江西移守婺州

西江水道是西江人淚無情却解送行人月明千里從
今日日倚高樓傷心烟樹如薺 會君難別君易草草
不知人意十年著破繡衣茸種成桃李問君可是厭承
明東方鼓吹千騎 對梅花更消一醉看明年調鼎風

味老病自憐憔悴過吾廬定有幽人相問歲晚淵明歸
來未

永遇樂 京口北固亭懷古

千古江山英雄無覓孫仲謀處舞榭歌臺風流總被雨
打風吹去斜陽草樹尋常巷陌人道寄奴曾住想當年
金戈鐵馬氣吞萬里如虎 元嘉草草封狼居胥意氣
得倉皇北顧四十三年望中猶記燈火揚州路可堪回
首佛狸祠下一片神鴉社鼓憑誰問廉頗老矣尚能飯
否 岳倦翁云此作微覺用事多

漢宮春 立春

春已歸來看美人頭上裊裊春幡無端風雨未肯收盡
餘寒年時燕子料今宵夢到西園渾未辨黃柑薦酒更
傳青韭堆盤却笑東風從此便薰梅染柳更沒些閑
閑時又來鏡裏轉變朱顏清愁不斷問何人會解連環
生怕見花開花落朝來塞鴈先還

又會稽秋風亭觀雨

亭上秋風記去年娟娟曾到吾廬山河舉目雖異風景
非殊功成者去覺團扇便與人疎吹不斷斜陽依舊茫
茫禹跡都無千古茂林猶在甚風流章句解擬相如
只今木落江冷渺渺愁余故人書報莫因循忘却尊鱸

誰念我新涼燈火一編太史公書

新荷葉和趙德莊韻

人已歸來杜鵑欲勸誰歸綠樹如雲等閑付與鶯飛兔
葵燕麥問劉郎幾度沾衣翠屏幽夢覺來水繞山圍
有酒重携小園隨意芳菲往日繁華而今物是人非春
風半面記當年初識崔徽南雲鴈少錦書無箇因依

南鄉子登京口北固亭

何處望神州滿眼風光北固樓千古興亡多少事悠悠
不盡長江滾滾流年少萬兜鍪坐斷東南戰未休天
下英雄誰敵手曹劉生子當如孫仲謀

蝶戀花 元日立春

誰向椒盤簪綵勝
整整韶華爭上春
風鬢往日不堪重
記省為花常抱新春恨
春未來時先借問
晚恨開遲
早又飄零近
今歲花期消息定
只愁風雨無憑準

清平樂

獨宿博山王氏庵

遠牀飢鼠蝙蝠翻燈舞
屋上松風吹急雨
破紙窗間自語
平生塞北江南歸來
華髮蒼顏布被秋宵夢覺眼

前萬里江山

菩薩蠻

書江西造口壁

鬱孤臺下清江水中
間多少行人淚
西北是長安
可憐

無數山

青山遮不住
畢竟東流去
江晚正愁余
山深

聞鷓鴣

羅大經云南渡初金人追隆祐太后御舟至造口不及而還鷓鴣之句謂恢復之事行不得也

生查子

去年燕子來
繡戶深深處
花徑得泥歸
都把琴書污
今年燕子來
誰聽呢喃語
不見捲簾人
一陣黃昏雨

浪淘沙

山寺夜作

身世酒杯中
萬事皆空
古來三五箇英雄
雨打風吹何處是
漢殿秦宮
夢入少年叢歌舞
匆匆老僧夜半誤
鳴鐘驚起西窗眠
不得捲地西風

定風波

暮春漫興

少日春懷似酒濃
插花走馬醉千鐘
老去逢春如病酒
唯有茶甌香篆小薰籠
卷盡殘花風未定
休恨花開原自要
東風試問春歸誰得見
飛燕來時相遇夕陽中

西江月 夜行

明月別枝驚鵲
清風半夜鳴蟬
稻花香裏說豐年
聽取蛙聲一片
七八箇星天外
兩三點雨山前
舊時茅店社林邊
路轉溪頭忽見

河傳

春水千里孤舟
浪起夢携西子
覺來村巷夕陽斜
幾家短牆紅杏花
晚雲做造些兒雨
折花去岸上誰家女

太狂顛那邊柳綿被風吹上天

酒泉子

流水無情潮到空城頭
盡白離歌一曲怨殘陽
斷人腸
東風官柳舞雕牆
三十六宮花濺淚
春聲何處說興亡
燕雙雙

瑞鶴仙 南澗雙溪樓

片帆何太急
望一點須臾去
天咫尺
舟人好看客似三峽風濤
嵯峨劔戟
溪南溪北正遐想
幽人泉石看漁樵
指點危樓却羨舞筵歌席
歎息山林鐘鼎意倦情遷
本無欣戚轉頭陳迹
飛鳥外晚烟碧
問誰憐舊日南樓

老子最愛月明吹笛到而今撲面黃塵欲歸未得

洞仙歌

飛流萬壑共千巖爭秀孤負平生弄泉手軟輕衫衰帽
幾許紅塵還自喜濯髮滄浪依舊 人生行樂耳身後
虛名何似生前一盃酒便此地結吾廬待學淵明更手
種門前五柳且歸去父老約重來問如此青山定重來
否

范成大

字致能吳郡人紹興中進士累官權吏部尚
書參知政事尋帥金陵以病請閑進資政殿
學士領洞霄官加大學士卒
諡文穆有石湖集詞一卷

眼兒媚

萍鄉道中

酣酣日脚紫烟浮妍暖破輕裘困人天氣醉人花氣午
夢扶頭 春慵恰似春塘水一片縠紋愁溶溶曳曳東
風無力欲皺還休

菩薩蠻 湘東驛

客行忽到湘東驛明朝真是瀟湘客晴碧萬重雲幾時
逢故人 江南如塞北別後書難得先自鴈來稀那堪
春半時

謁金門 宜春道中野塘春水可喜有懷舊隱

塘水碧仍帶麴塵顏色泥泥縠紋無氣力東風如愛惜
恰似越來溪側也有一雙瀟鷓只欠柳絲千百尺繫

船春弄笛

范成大

秦樓月 寒食日湖南提舉胡元高家席上聞琴

湘江碧故人同作湘中客湘中客東風回鴈杏花寒食

温温月到藍橋側醒心絃裏春無極春無極明朝殘

夢馬嘶南陌

霜天曉角 梅

晚晴風歇一夜春堪折脈脈花疎天淡雲來去數枝月

勝絕愁更絕此情誰與說惟有兩行低鴈知人倚闌

干雪按絕妙好詞次句作一夜春威折數枝月作數枝

張孝祥字安國烏江人紹興二十四年廷試第一累

領建康留守尋以荆南湖北路安撫使請祠進顯謨閣直學士有于湖集祠一卷黃叔暘云于湖有紫微雅詞湯衡為序稱其平昔未嘗著藁筆酣興健頃刻即成却無一字無來處

滿江紅 聽雨

斗帳高眠寒窗靜瀟瀟雨意南樓近更移三鼓漏傳一
水點點不離楊柳外聲聲只在芭蕉裏也不管滴破故
鄉心愁人耳無似有遊絲細聚復散真珠碎天應分
付與別離滋味破我一牀蝴蝶夢輸他雙枕鴛鴦睡向
此際別有好思量人千里

念奴嬌

宋

詞綜卷十三

十四

星沙初下望重湖遠水長雲漠漠一葉扁舟誰念我今
日天涯飄泊平楚南來大江東去處處風波惡吳中何
地滿懷俱是離索長記送我行時綠波亭上泣透青
羅薄橋燕低飛人去後依舊湘城簾幕不盡山川無窮
烟浪辜負秦樓約漁歌聲斷為君雙淚傾落

鷓鴣天

日日青樓醉夢中不知樓外已春濃杏花未溼疎疎雨
楊柳初搖短短風扶畫鷁躍花驄湧金門外小橋東
行行又入笙歌裏人在珠簾第幾重

西江月 洞庭

問訊湖邊春色重來又是三年東風吹我過湖船楊柳
絲絲拂面世路如今已慣此心到處悠然寒光亭下
水連天飛起沙鷗一片

六州歌頭

長淮望斷關塞莽然平征塵暗霜風勁悄邊聲黯銷凝
追想當年事殆天數非人力洙泗上絃歌地亦羶腥隔
水羶鄉落日牛羊下區脫縱橫看名王宵獵騎火一川
明笳鼓悲鳴遣人驚念腰間箭匣中劒空埃蠹竟何
成時易失心徒壯歲將零渺神京干羽方懷遠靜烽燧
且休兵冠蓋使紛馳騫若為情聞道中原遺老常南望

翠葆霓旌使行人到此忠憤氣填膺有淚如傾朝野遺記云安國在建康留守席上賦此歌闋魏公為罷席而入

姚寬字令威荆川人為六部監門有西溪居士樂府

憶王孫

毵毵楊柳綠初低澹澹梨花開未齊樓上情人聽馬嘶
憶郎歸細雨春風濕酒旗

生查子

郎如陌上塵妾似隄邊絮相見兩悠悠揚踪跡無尋處
酒面撲春風淚眼零秋雨過了別離時還解相思否
踏莎行

蘋葉烟深荷花露溼碧蘆紅蓼秋風急采菱渡口日將
沈飛鴻樓上人空立彩鳳難雙紅綃暗泣回紋未剪
吳刀醒夢魂歸處不留踪厭厭一夜涼蟾入

程垓字正伯眉山人有書每雅詞一卷按正伯與子瞻為中表兄弟故其詞有相亂者

酷相思

月挂霜林寒欲墜正門外催人起奈離別如今真箇是
欲住也留無計欲去也來無計馬上離魂衣上淚各
自箇供憔悴問江路梅花開也未春到也須頻寄人到
也須頻寄

宋

小桃紅

不恨殘花暎不恨殘春破只恨流光一年一度又催新
火縱青天白日繫長繩也留春得麼花院從教鎖春
事從教過燒筍園林嘗梅臺榭有何不可已安排珍簟
小胡牀待日長閑坐

芭蕉雨

雨過涼生藕葉晚庭消盡暑渾無熱枕簟不勝香滑爭
奈寶帳情生金尊意愜玉人何處夢蛩思一見冰雪
須寫個帖兒叮啞說試問道肯來麼今夜小院無人重
樓有月

摸魚兒

掩淒涼黃昏庭院角聲何處嗚咽矮窗曲屋風燈冷還
是苦寒時節凝竚切念翠被薰籠夜夜成虛設倚窗愁
絕聽鳳竹聲中犀幃影外簌簌釀寒雪傷心處却憶
當年輕別梅花滿院初發吹香弄藥無人見惟有暮雲
千疊情未徹又誰料而今好夢分吳越不堪重說但記
得當初重門鎖處猶有夜深月

念奴嬌

秋風秋雨正黃昏供斷一窗愁絕帶減衣寬誰念我難
忍重城離別轉枕褰帷挑燈整被總是相思切知他別

宋

詞綜卷十三

七

後負人多少風月 不是怨極愁濃只愁重見了相思
難說料得新來魂夢裏不管飛來蝴蝶排悶人間寄愁
天上終有歸時節如今無奈亂雲依舊千疊

南浦

金鴨嬾薰香向晚來春醒一枕無緒濃綠漲瑤窗東風
外吹盡亂紅飛絮無言竚立斷腸惟有流鶯語碧雲欲
暮空惆悵韶華一時虛度 追思舊日心情記題葉西
樓吹花南浦老去覺歡疏傷春恨多少斷雲殘雨黃昏
院落問誰猶在凭欄處可堪杜宇惟只解聲聲催他春
去

滿庭芳

臨安晚登

南月驚烏西風破鴈又是秋滿平湖採蓮人靜寒色戰
菰蒲舊信江南好景一萬里輕覓尊鱸誰知道吳儂未
識蜀客已情孤 憑高增悵望湘雲盡處都是平蕪問
故鄉何日重見吾廬縱有蘭紉芰製終不似菊短籬疏
歸情遠三更雨夢依舊繞庭梧

漁家傲

彭門道中

獨木小舟烟雨溼燕兒亂點春江碧江上青山隨意覓
人寂寂落花芳草催寒食 昨夜青樓今日客吹愁不
得東風力細拾殘紅書怨泣流水急不知那個傳消息

南鄉子

幾日訴離尊歌盡陽關不忍分此度天涯真箇去消魂
相送黃花落葉村斜日又黃昏蕭寺無人半掩門今
夜粉香明日淚休論只要羅中記舊痕

憶秦娥

青門深海棠開了春陰陰春陰陰萬重雲水一寸歸心
玉樓深鎖烟消沈知他何日同登臨同登臨待收紅
淚細說如今

謁金門

春夜雨催潤柳塘花隲小院重門深幾許畫簾香一縷

獨立晚庭凝竚細把花枝閑數燕子不來天欲暮說
愁無處所

又

濃睡醒驚對一簾秋影梧葉乍零風不定半窗疏雨影
愁與年光不盡人老星星雙鬢只擬上樓尋遠信雁
遙烟水暝

卜算子

獨自上層樓樓外青山遠望到斜陽欲盡時不見西飛
燕獨自下層樓樓下蛩聲怨待到黃昏月上時依舊
柔腸斷

宋

詞綜卷十三

九

菩薩蠻

畫橋拍拍春江綠行人正在春江曲花潤接平川有人
花底眠 東風元自好只怕催花老安得萬垂楊繫教
春日長

愁倚欄令

春猶淺柳初芽杏初花楊柳杏花交映處有人家 玉
窗明煖烘霞小屏上水遠山斜昨夜酒多春睡重莫驚
他

水龍吟

夜來風雨匆匆故園定是花無幾愁多怨極等閑孤負

一年芳意柳困桃慵杏青梅小對人容易算好春長在
好花長見元只是人憔悴 回首池南舊事恨星星不
堪重記如今但有看花老眼傷時清淚不怕逢花瘦只
愁怕老來風味待繁紅亂處留雲借月也須揀醉

洞庭春色

錦字親裁淚中偷裏細說舊時記笑桃門巷妝窺寶靨
弄花庭榭香溼羅衣幾度相隨游冶去任月細風尖猶
未歸多少事有垂楊眼見紅燭心知 如今事都過也
但贏得雙鬢成絲歎半妝紅豆相思有分兩分青鏡重
合難期惆悵一春飛絮夢恁悠颺教人分付誰銷魂處

宋

詞綜卷十三

三

又梨花雨暗半掩重扉

玉漏遲

一春渾不見那堪又是花飛時節忍對危欄數曲暮雲
千疊門外星星柳眼看誰似當時風月愁萬結憑誰為
我慇懃低說不是慣却春心奈新燕傳情舊鶯饒舌
冷篆餘香莫放等閒消歇縱使繁紅褪盡猶有酴醿堪
折魂夢切不奈飛來蝴蝶

鳳棲梧

有客錢塘江上住十日齋居九日愁風雨斷送一春彈
指去荷花又遶南山渡湖上幽尋君已許消息不來

望得行雲暮芳草夢魂應記取不忘记却池塘句

周必大

字子充一字弘道廬陵人紹興二十一年進士
歷官左丞相封益國公贈太師謚文忠有省齋集近體
樂府一卷

點絳脣

贈歌者小瓊

秋夜乘槎客星客到天孫渚眼波微注將謂牽牛渡

見了還非重理霓裳舞雖無誤幾年一遇莫訝周郎顧

京

鏜

字仲遠豫章人登紹興二十七年進士第由
縣令擢御史遷右司郎官旋為四川安撫使
刑部尚書慶元初官左丞相卒贈太保初謚
文穆以家諱從其子請謚文忠改謚莊定有
松坡居士樂府一卷

雨中花

重陽

玉局祠前銅壺閣畔錦城藥市爭奇正紫萸綴席黃菊
浮巵巷陌連鑣並轡樓臺吹竹彈絲登高望遠一年好
景九日佳期 自憐行客猶對佳賓留連豈是貪癡誰
會得心馳北闕興寄東籬惜別未催鷓首追歡且醉蛾
眉明年此會他鄉今日總是相思

滿江紅 中秋前同二使者賞月

乘興西來問誰是平生相識算惟有瑤臺明月照人如
昔萬里清涼銀世界放教千丈冰輪出便招邀我輩上
層樓橫孤笛 陰晴事人難必歡樂處天常惜幸星稀
河澹雲收風息更著兩賢陪勝賞此身如與塵寰隔笑

謫仙對影足成三空孤寂

尤

袞字延之無錫人紹興中進士累官禮部尚書

瑞鷓鴣詠落梅

清溪西畔小橋東落月紛紛水映空五夜客愁花片裏
一年春事角聲中 歌殘玉樹人何在舞破山香曲未
終却憶孤山醉歸路馬蹄香雪襯東風

詞綜卷十三調名

青玉案

辛

念奴嬌

張程

祝英臺近

張京

滿江紅

賀新郎
亦名金縷曲

摸魚兒

程

水龍吟

程

西河

漢宮春

踏莎行

姚

破陣子

沁園春

水調歌頭

木蘭花慢

太常引

鷓鴣天

張

永遇樂

新荷葉

南鄉子

程

清平樂

姚

生查子

定風波

河傳

瑞鶴仙

眼兒媚

秦樓月

六州歌頭

酷相思

蝶戀花

范程

菩薩蠻

浪淘沙

西江月

酒泉子

洞仙歌

謁金門

霜天曉角

憶王孫

小桃紅

芭蕉雨

滿庭芳

卜算子

洞庭春色

鳳棲梧

雨中花

南浦

漁家傲

愁倚欄令

玉漏遲

點絳脣

瑞鷓鴣

芍藥山房重訂

詞綜卷十四

宋詞八十六首

韓元吉 六首

朱熹 一首

趙汝愚 一首

洪邁 一首

楊萬里 一首

張震 二首

崔與之 一首

樓鑄 一首

仲并 二首

真德秀 一首

洪适 四首

吳儆 四首

李處全 二首

羅願 一首

劉克莊 十一首

吳玕 二首

宋

詞綜卷十四

一

趙彥端十首

管鑑三首

魏子敬一首

甄龍友一首

俞國寶一首

衛元卿一首

李石二首

張鉉三首

杜旗三首

劉凝六首

岳珂一首

程秘一首

王千秋一首

程先一首

蘇洵一首

劉圻父一首

魏杞一首

牟巖二首

王自中一首

王岵二首

按陽春白雪斜陽作斜橋沙平作沙平驂馬
作跋馬共作首也自作花也

韓元吉

字无咎號南澗許昌人官
吏部尚書有焦尾集一卷

六州歌頭

東風著意先上小桃枝紅粉膩嬌如醉倚朱扉記年時
隱映新妝面臨水岸春將半雲日煖斜陽轉夾城西草
軟沙平驟馬垂楊渡玉勒爭嘶認蛾眉凝笑臉薄拂胭
脂繡戶曾窺恨依依昔携手處香如霧紅隨步怨春
遲消瘦損憑誰問只花知淚空垂舊日堂前燕和烟雨
又雙飛人自老春長好夢佳期前度劉郎幾許風流地
也自應悲但茫茫暮靄目斷武陵溪往事難追

薄倖

送君南浦

送君南浦對烟柳青青萬縷更滿眼殘紅吹盡葉底黃
鷗自語甚動人多少離情樓頭水闊山無數記竹裏題
詩花邊載酒魂斷江干春暮都莫問功名事白髮星
星如許任雞鳴起舞鄉關何在憑高目盡孤鴻去漫留
君住趁醪醕香煖持杯且醉瑤臺路相思記取愁絕西
窗夜雨

謁金門 春雪

春尚淺誰把玉英裁剪儘道梅梢開未遍卷簾花滿院
樓上酒融歌煖樓下水平烟遠却似湧金門外見絮
飛波影亂

霜天曉角 題采石蛾眉亭

倚天絕壁直下江千尺天際兩蛾橫黛愁與恨幾時極
暮潮風正急酒闌聞塞笛試問謫仙何處青山外遠

烟碧

水龍吟 題三峯閣詠英華女子

雨餘疊嶽浮空望中秀色仙都是洞天未鎖人間春好
玉妃曾墜錦瑟繁絃鳳笙清響九霄歌吹問分香舊事
劉郎去後知誰伴風前醉回首暝烟千里但紛紛落
紅如淚多情易老青鸞何許詩成誰寄斗轉參橫半簾
花影一溪寒水悵飛鳧路杳行雲夢斷有三峯翠

宋

浪淘沙 芍藥

鷓鴣怨花殘誰道春闌多情紅藥待君看濃淡曉妝新意態獨占西園風葉萬枝繁猶記平山五雲樓映玉

成盤二十四橋明月下誰凭朱欄

仲并字彌性江都人紹興中進士授平江教授改

左承奉郎歷光祿寺丞終朝請大夫淮東安撫司參議

有浮山集水調歌頭 浮遠堂

靜練平千頃華棟俯中流凌晨畫戟來看宿雨斷虹收八九胸中雲夢三千筆端風月無處快凝眸笑詠一堂上揮塵氣橫秋俯危欄紅日下暮雲收無窮偉觀祇

應天意為君謀容我時醒時醉獨泛微烟微雨浩蕩逐輕鷗不羨岳陽勝丹碧聳層樓

念奴嬌 同前

練江風靜卧冰奩百尺朱欄飛入江遠浮天天在水水滿半天雲溼白鳥明邊青山斷處眼冷江頭立月明朝上葦間漁唱聲急幾度吹老蘋花野香無數欲寄應難及天借詩人供醉眼尊俎一時收拾竹裏行厨花間步障風雨生呼吸酒闌歌罷釣船先具簑笠

朱熹字元晦一字仲晦婺源人第進士仕至轉運

副使崇政殿說書煥章閣待制致仕贈太師封信國公改徽國謚文有文公集詞一卷

水調歌頭隳括杜牧之九日齊州詩

江水浸雲影鴻鴈欲南飛携壺結客何處空翠渺烟霏
塵世難逢一笑况有紫萸黃菊堪插滿頭歸風景今朝
是身世昔人非 酬佳節須酩酊莫相違人生如寄何
事辛苦怨斜暉無盡今來古往多少春花秋月那更有
危機與問牛山客何必淚沾衣

真德秀字景元更景希浦城人第慶元進士歷官翰林學士知制誥贈銀青光祿大夫謚文忠學

蝶戀花紅梅

兩岸月橋花半吐紅透肌香暗把遊人誤盡道武陵溪

上路不知迷入江南去 先自冰霜真態度何事枝頭

點點胭脂污莫是東君嫌淡素問花花又嬌無語

趙汝愚字子直漢王元佐七世孫家餘干舉進士第一累官光祿大夫右丞相贈太師追封沂國

柳梢青忠諫 題豐樂樓

水月光中烟霞影裏湧出樓臺空外笙簫人間笑語身
在蓬萊 天香暗逐風回正十里荷花盡開買箇輕舟

山南遊遍山北歸來

洪适字景伯皓子中博學宏詞科累官尚書右僕射同中書門下平章事兼樞密使謚文惠有

盤洲集 詞二卷

好事近 別傳文

柳岸碧漪深底事催人行色無計相留情話只別愁如
織 小蠻樊素兩傾城幾度醉狂客明日扁舟西去聽
歌聲不得

生查子

桃疎蝶惜香柳困鶯銜絮日影過簾旌多少閑愁緒
紅綻武陵溪綠暗章臺路春色似行人無意花間住

浣溪沙 餞范子芬行

整頓春衫欲跨鞍一杯相屬少開顏愁蛾不似舊時彎
未見兩星添柳宿忍教三疊唱陽關相思空望會稽

山

虞美人

芭蕉滴滴窗前雨望斷江南路亂雲重疊幾多山不似
倦飛鷗鳥便知還 角聲更聽譙門弄夜夜思歸夢都
江樓下水含漪孤負釣灘烟艇綠蓑衣

洪邁

字景廬號野處紹興十五年登第累官吏禮
二部員外郎尋進煥章閣學士知紹興以端
明殿學士致仕卒諡文敏

踏莎行

院落深沈池塘寂靜簾鉤捲上梨花影寶箏拈得雁難
尋篆香消盡山空冷 釵鳳斜欹鬢蟬不整殘紅立褪

宋

詞綜卷十四

六

慵看鏡杜鵑啼月一聲聲等閒又是三春盡

吳 徹字益恭休寧人紹興二十七年進士淳熙初

通判邕州已除知州兼廣南西路安撫都監

滿庭芳寄葉蔚宗

草滿池塘鶯啼楊柳燕忙知為泥融飄花流水竹外小

橋通又是一春憔悴摘殘英遍繞芳叢長安遠平蕪盡

處疊疊但雲峯 西湖行樂處牙樯漾鷁錦帳翻虹想

年時桃李應已成空欲寫相思寄與雲天闊難覓征鴻

空凝想時時殘夢依約上陽鐘

浣溪沙題星州寺

十里青山沂碧流夕陽沙晚片帆收重重烟樹出層樓

人去人歸芳草渡鷗飛鷗沒白蘋洲碧桐翠竹記曾

遊

又題餘干傳舍

畫楫朱欄繞碧山平湖徙倚水雲寬人家楊柳帶汀灣

目力已隨飛鳥盡機心還逐白鷗閑蕭蕭微雨晚來

寒

減字木蘭花中秋獨與靜之飲

碧梧秋老滿地琅玕紛不掃門掩黃昏惟有年時月照

人 淒涼滿眼肯作六年燈火伴莫說淒涼來歲如今

宋

又一方

楊萬里

字廷秀吉水人紹興中進士歷秘書監以寶文閣待制致仕進寶謨閣學士贈光祿大夫謚文節有誠齋集樂府一卷

好事近

月未到誠齋先到萬花川谷不是誠齋無月隔一庭修竹
如今纔是十三夜月色已如玉未是秋光奇絕看
十五十六

李處全

字粹伯涪熙中侍御史有晦菴詞一卷

水調歌頭

送王景文

上馬趣携酒送客古朱方秋風斜日山際低草見牛羊

醕酏不知更漏但見橫江白露清映月如霜平晚廣寒

殿誰說路歧長 醉還醒時起舞念吾鄉江山爾爾回

首千載幾興亡一笑書生事業誰笑管城居士不換碧

油幢好在中冷水擊節奏伊涼

菩薩蠻

杜鵑只管催歸去知渠教我歸何處故國淚生痕那堪
枕上聞 嚴裝吾已具泛宅吳中路弭楫喚東鄰江東
日暮雲

張

震

字東父號無隱居士益人孝宗朝為諫官

黃叔暘云無隱居士詞甚婉媚蓋富貴人語也

驀山溪

青梅如豆斷送春歸去小綠間長紅看幾處雲歌柳舞
偎花識面對月共論心携素手采香遊踏遍西池路
水邊朱戶曾記銷魂處小立背秋千空悵望娉婷韻度
楊花撲面香糝一簾風情脈脈酒厭厭回首斜陽暮

蝶戀花

梅子初青春已暮芳草連雲綠遍西池路小院繡簾纔
半舉銜泥紫燕雙飛去人在赤欄橋畔住不解傷心
還解相思否清夢欲尋猶阻紗窗一夜蕭蕭雨

羅

願字端良號存齋歛縣人紹興中以蔭補承務
郎監臨安新城稅歷鄂州守有鄂州小集

水調歌頭

中秋和施司諫

秋宇淨如水月鏡不安臺鬱孤高處張樂語笑脫塵埃
簷外白毫千丈坐上銀河萬斛心境兩佳哉俯仰共清
絕底處著風雷問天公邀月姊媿凡才婆娑人世羞
見蓬鬢漾金壘來歲公歸何處照耀彩衣簪橐禁直且

休催一曲庾江上千古繼韶陔

崔與之

字正子廣州人紹熙四年進士累官廣東經
略安撫使兼知廣州拜參知政事右丞相皆
力辭以觀文殿大學士致仕
封南海郡公卒謚清獻有集

水調歌頭

萬里雲間成立馬劍門關亂山極目無際直北是長安

人苦百年塗炭鬼哭三邊鋒鏑天道久應還手寫留屯
奏炯炯寸心丹 對青燈搔白髮漏聲殘老來勲業未
就妨却一身閑梅嶺綠陰青子蒲澗清泉白石怪我舊
盟寒烽火平安夜歸夢到家山

劉克莊

字潛夫莆田人以蔭仕淳熙中賜同進士出身官龍圖閣直學士有後村別調一卷

憶秦娥

遊人絕綠陰滿野芳菲歇芳菲歇養蠶蠶天氣采茶時節
枝頭杜宇啼成血陌頭楊柳吹成雪吹成雪淡烟疎

雨江南三月

玉樓春

呈林節推

年年躍馬長安市客裏似家家似寄青錢喚酒日無何
紅燭呼盧宵不寐 易挑錦婦機中字難得玉人心下
事男兒西北有神州莫洒水西橋畔淚

賀新涼

端午

思遠樓前路望平隄十里湖光畫船無數綠蓋盈盈紅
粉面葉底荷花解語鬪巧結同心雙縷尚有經年離別
恨一絲絲總是相思處相見也又重午 清江舊事傳
荆楚歎人情千載如新尚沈菰黍且盡樽前今日醉誰
肯獨醒弔古沉幾盞菖蒲綠醕兩兩龍舟爭競渡奈珠
簾暮捲西山雨看未足怎歸去

宋

詞綜卷十四

十

又遊周氏花園

蟹克莊

溪上收殘雨倚危欄薄綿乍脫日陰亭午鬧市不知春色處散在荒園廢墅漸小白長紅無數客子雖非河陽令也隨緣暫作鶯花主那可負甕中醕碧雲四合千巖暮恨匆匆余方有事子姑歸去趁取羣芳未搖落暇日提魚就煮歎激電光陰如許回首明年何處在問桃花尚記劉郎否公莫笑醉中語

滿江紅

落日登樓誰管領倦遊在客待喚起滄浪漁父隔江吹笛看水看山身尚健憂晴憂雨頭先白對暮雲不見美

人來遙天碧山中鶴應相憶沙上鷺渾相識想石田茆屋草深三尺空有鬢如潘騎省斷無面見陶彭澤便倒傾海水浣衣塵難滌

清平樂

贈維揚陳師文參議家舞姬

宮腰束素只怕能輕舉好築避風臺護取莫遣驚鴻飛去一團香玉溫柔笑顰俱有風流貪與蕭郎眉語不知舞錯伊州

摸魚兒

怪新來倚樓看鏡清狂渾不如舊暮雲千里傷心處作色那更亂蟬疎柳凝望久愴故國百年陵闕誰回首功

宋

詞綜卷十四

十一

名大謬歎采藥名山讀書精舍此計幾時就 封侯事
久矣輸人妙手滄洲一作舟聊作漁叟高冠長劍都閑物
世上切身惟酒千載後君試看拔山扛鼎俱烏有英雄
骨朽問顧曲周郎而今還解來聽小詞否

又 海棠

甚春來冷烟淒雨朝朝遲了芳信驀然作暖晴三日又
覺萬株嬌困天怎忍潘令老不成也沒看花分才情減
盡悵玉局飛仙石湖絕筆辜負這風韻 傾城色懊惱
佳人薄命牆頭岑寂誰問東風日暮無聊賴吹得胭脂
成粉君細認花共酒古來二事天尤吝年光去迅謾綠

葉成陰青苔滿地做取異時恨

長相思

朝有時暮有時潮水猶知日兩回人生長別離 來有
時去有時燕子猶知社後歸君行無定期

又 餞別

風瀟瀟雨瀟瀟相送津亭折柳條春愁不自聊 烟迢
迢水迢迢準擬江邊駐畫橈舟人頻報潮

卜算子

海棠為風雨所損

片片蜨衣輕點點猩紅小道是天工不惜花百種千般
巧朝見樹頭繁暮見枝頭少道是天工果惜花雨洗

宋

詞綜卷十四

三

風吹了

樓

鏐字巨山涪熙
中知江陰軍
雙檜堂

夏半陽烏景最長小池不斷藕花香電影雷聲催急雨
十分涼 芡剝明珠隨意嚼瓜分瓊玉趁時嘗雙檜堂
深新釀好且傳觴

吳

琚字居夫汴人憲聖皇后姪太室郡王益之子
歷尚書郎部使者直學士慶元中以鎮安節
度使守建康遷少保
卒諡忠惠有雲壑集
觀潮應制

玉虹遙挂望青山隱隱有如一抹忽覺天風吹海立好

醉江月

觀潮應制

似春霆初發白馬凌空瓊螭駕水日夜朝天闕飛龍舞
鳳鬱葱環拱吳越 此景天下應無東南形勝偉觀真
奇絕好是吳兒飛彩幟蹴起一江秋雪黃屋天臨水犀
雲擁看擊中流楫晚來波靜海門飛上明月

浪淘沙

雲葉弄輕陰屋角鳩鳴青梅著子欲生仁冷落江天寒
食雨花事關情 池館晝盈盈人耐寒輕一川芳草只
銷凝時有入簾新燕子明日清明

趙彥端

字德莊乾道涪熙間以直寶文
閣知建寧府有介庵詞四卷

千秋歲

杏花風下獨立春寒夜微雨度疎星挂輝輝濃豔出媚
媚繁枝亞朱檻倚輕羅醉裏添還卸 寂寞情猶乍悵
望驂鸞駕衣褪玉香欺麝一花揉一醉杯重憑誰把春
去也重簾翠幕人如畫

謁金門

休相憶明日遠如今日樓外綠烟村暮暮花飛如許急
柳外晚來船集波底夕陽紅溼送盡去雲成獨立酒
醒愁又入張正夫云德莊宗室之秀賦西湖謁金門云
波底夕陽紅溼送盡去雲成獨立酒
上云我家裏人也會作此等語喜甚

青玉案 贈勉道琵琶人

當年萬里龍沙路載多少離愁去冷壓層簾雲不度美
蓉雙帶垂楊嬌髻絃索初調處 花凝玉立東風暮曾
記江邊麗人白異縣相逢能幾許多情誰料琵琶洲畔
同醉清明雨

沙塞子

春水綠波南浦漸理棹行人欲去黯銷魂柳際輕烟花
梢微雨 長亭放餞無計住但芳草迷人去路忍回頭
斷雲殘日長安何處

清平樂 席上贈人

桃根桃葉一樹芳相接春到江南三二月迷損東家蝴蝶

蜨 殷勤踏取青陽風前花正低昂與我同心支子報
君百結丁香

點絳脣 途中逢管倅

顛顛天涯故人相遇情如故別離何遠忍唱陽關句
我是行人更送行人去愁無據寒蟬鳴處回首斜陽暮

虞美人

斷蟬高柳斜陽處池閣絲絲雨綠檀珍簟卷新紅屈曲
杏花蝴蝶小屏風 春山疊疊秋波漫收拾殘鍼線又
成嬌困倚檀郎無事更拋蓮子打鴛鴦

豆葉黃

粉牆丹檻柳絲中簾箔輕明花影重午醉醒來一面風
綠蔥蔥幾顆櫻桃葉底紅

祝英臺

獸金寒簾玉潤梅雪印苔絮春意如人易散苦難聚幾
多絲竹深情池塘幽夢猶倚賴與君同住 舊游處誰
喚別浦仙帆風前問征路烟雨連江吹恨正無數莫教
紫燕歸來紅雲開後空悵望玉人輕去

月中桂 送杜仲微赴闕

露醕無情送長歌未終已醉離別何如暮雨釀一襟涼
潤來留佳客好山侵坐碧勝昨夜疎星淡月君欲翩然

宋

詞綜卷十四

五

去人間底許員嶠問帆席 詩債病非疇昔賴親朋對
影且慰良夕風流雨散定幾回腸斷能禁頭白為君煩
素手薦碧藕輕絲細雪去去江南路猶應水雲秋共色
滿庭芳 道中憶錢唐舊游

雲暖萍漪雨香蘭徑西湖二月初時兩山十里錦繡照
金羈柳外欄干相望弄東風倚徧斜暉朋游好亂紅堆
裏一飲百篇詩 三年江上夢青衫風日白紵塵泥聽
幾聲黃鳥粵對閩溪長是春朝多病今年更添得相思
須歸去倦遊滋味猶有個人知

管

鑑字明仲有養拙堂詞一卷

生查子

天教百媚生賦得多情怨背整玉搔頭寬了黃金釧
情隨歌意深故故回嬌盼不是不相知只為難相見

洞仙歌

訪鄭德與郎中留飲

悠然堂上山色渾如畫堂下梅花未多謝向小亭留客
處晴雪初飛香四面不比茅檐低亞 綠窗簾晝捲吹
到眉心點綴新妝稱閑雅緩歌喉舞態雲過風迴須信
道欲買青春無價任匆匆歸去酒醒時鎮夢繞瓊梢月
寒清夜

玉連環

泊英州鍾石鋪

江上青山無數綠陰深處夕陽猶在繫扁舟為佳景留
人住 已辦一蓑歸去江南烟雨有情鷗鷺莫驚飛便
相約長為侶

魏子敬

生查子

愁盈鏡裏山心疊琴中恨露濕玉蘭秋香伴金屏冷
雲歸月正圓鴈到人無信孤損鳳凰釵立盡梧桐影
伯云此詞題道塗壁甚工

甄龍友

字雲卿永嘉人紹興中進士官國子監簿

霜天曉角

題赤壁

峨眉仙客四海文章伯來向東坡遊戲人間世著不得
去國誰愛惜在天何處覓但見樽前人唱前赤壁後

赤壁

俞國寶

一作于臨川人淳熙間太學生有醒菴遺珠集

風入松

題酒肆

一春長費買花錢日日醉湖邊玉驄慣識西湖路驕嘶
過沽酒樓前紅杏香中歌舞綠楊影裏秋千 暖風十
里麗人天花壓鬢雲偏畫船載得春歸去餘情付湖水
湖烟明日重扶殘醉來尋陌上花鈿

衛元卿

洋州人領薦不

宋

詞綜卷十四

七

謁金門

花過雨又是一番紅素燕子歸來愁不語故巢無覓處
誰在玉樓歌舞誰在玉關辛苦若使邊塵吹得去東
風侯萬戶

李石 字知幾資陽人乾道中以薦任太學博士出為成都倅有方舟集

臨江仙

烟柳疎疎人悄悄畫樓風外吹笙倚欄聞喚小紅聲薰
香臨欲睡玉漏已三更 坐待不來來又去一方明月
中庭粉牆東畔小橋橫起來花影下扇子撲流螢

漁家傲 贈鼎湖官伎

西去征鴻東去水幾重別恨千山裏夢繞綠窗書半紙
何處是桃花溪畔人千里 瘦玉倚香愁黛翠勸人須
要人先醉問道明朝行也未猶自記燈前背立偷垂淚

張鉉 字功甫號約齋西秦人官奉議郎有玉照堂詞一卷

鵲橋仙

連汀接澗縈蒲帶藻萬鏡香浮光滿濕烟吹霽木蘭輕
照波底紅嬌翠婉 玉纖採來銀籠携去一曲山長水
遠綵鴛雙慣貼人飛恨南浦離多夢短

蘭陵王 荷花

蓼汀側朝靄依依弄色知何許湘女淡妝羽節飛來帶

宋

詞綜卷十四

六

俞國寶 卷元 卿 李 石

秋碧輕裙素綃織誰與明璫競飾無言處相倚湖洄應
有柔情正堆積 當年駐香鷓記草媚羅裙波映文席

斜陽返照暮

雨溼愛天際涼入 愁寂念疇昔謾太華峰頭幽夢尋
覓而今兩鬢如花白但一線才思半星心力新詞奇句
便做有怎道得

滿庭芳 促織

月洗高梧露溥幽草寶釵樓外秋深土花沿翠螢火墜
牆陰靜聽寒聲斷續微韻轉淒咽悲沈爭求侶殷勤勸
織促破曉機心 兒時曾記得呼燈灑穴斂步隨音任

滿身花影猶自追尋攜向畫堂試鬪亭臺小籠巧裝金
今休說從渠牀下涼夜聽孤吟

杜 旗 字伯高號橋齋金華人呂成公

陳同甫云伯高奔風逸足而鳴以和鸞仲高
麗句晏叔原不得擅美叔高如矛森立有吞
虎食牛之氣左右輝映匪獨一門之盛可謂
一時之豪 葉正則贈幼高云杜子五兄弟
詞林俱上頭

醉江月 石頭城

江山如此是天開萬古東南王氣一自髯孫橫短策坐
使英雄鵲起玉樹聲銷金蓮影散多少傷心事千年遼
鶴併疑城郭非是 當日萬馬雲屯潮生潮落處石頭

孤峙人笑褚淵今齒冷只有袁公不死斜日荒烟神州
何在欲墮新亭淚元龍老矣世間何限餘子

摸魚兒湖上

放扁舟萬山環處平鋪碧浪千頃仙人憐我征塵久借
與夢遊清枕風乍靜望兩岸羣峯倒浸玻璃影樓臺相
映更日薄烟輕荷花似醉飛鳥墜寒鏡 中都內羅綺
千街萬井天教此地幽勝仇池仙伯今何在隄柳幾眠
還醒君試問問此意只今更有何人領功名未竟待學
取鷓夷仍携西子來動五湖興

驀山溪

春風如客可是繁華主紅紫未全開早綠遍江南千樹
一番新火多少倦遊人纖腰柳不知愁猶作風前舞
小闌干外兩兩幽禽語問我不歸家有佳人天寒日暮
老來心事惟只有春知江頭路帶春來更帶春歸去

劉

凝

一云名仙掄字叔凝
廬陵人有招山集
黃叔暘云叔凝有招山詩集樂章尤為人所
膾炙

菩薩蠻

海棠

東風去了秦樓畔一川烟草無人管芳樹雨初晴黃鸝
三兩聲 海棠花已謝春事無多也只有牡丹時知他
歸不歸

宋

詞綜卷十四

二十

念奴嬌 送張明之赴京西幕

餘艖東下望西江千里蒼茫烟水試問襄州何處是雉
堞連雲天際叔子殘碑卧龍陳迹遺恨斜陽裏後來人
物如君瓌偉能幾其肯為我來耶河陽下士正是強
人意勿謂時平無事也便以言兵為諱眼底山河樓頭
鼓角都是英雄淚功名機會要須閑暇先備

又 長沙趙帥席上作

西風何事為行人掃蕩煩襟如洗熏漲蒸瀾都捲盡一
片瀟湘清泚酒病驚秋詩愁入鬢對影人千里楚宮故
事一時分付流水江上買取扁舟排雲湧浪直過金

沙尾歸去江南正壑處不用重尋月姊風露杯深芙蓉
裳冷笑傲烟霞裏草廬如舊卧龍知為誰起

訴衷情

征衣薄薄不禁風長日雨絲中又是一年春事花信到
梧桐雲漠漠水溶溶去匆匆客懷今夜家在江西身
在江東

江神子

東風吹夢落巫山整雲鬢却霜紉雪貌冰膚曾共控雙
鸞吹罷玉簫香霧溼殘月墜亂峰寒解璫回首憶前
歡見無緣恨無端憔悴蕭郎贏得帶圍寬紅葉不傳天

宋

詞綜卷十四

五

上信空流水到人間

蝶戀花

小立東風誰共語碧盡行雲依約蘭皋暮誰問離懷知
幾許一溪流水和烟雨媚蕩楊花無著處纔伴春來
忙底隨春去只恐游蜂粘得住斜陽芳草江頭路

岳

珂字肅之號倦翁飛孫管內勸農使知嘉興府
歷戶部侍郎淮東總領兼制置使有玉楮集

祝英臺近

北固亭

淡烟橫層霧斂勝槩分雄占月下鳴榔風急怒濤颭關
河無限清愁不堪臨鑑正雙鬢秋風塵染謾登覽極
目萬里沙場事業頻看劍古往今來南北限天塹倚樓

休弄新聲重城門掩歷歷數西州更點

程

秘

字懷古休寧人紹熙四年進士累官寶文閣
學士知福州兼福建安撫使封新安郡侯以

念奴嬌

進少師有洛水集詞一卷
憶先廬春山之勝

歸來一笑尚看看趁得人間寒食阿壽牽衣仍問我雙
鬢新來添白忍見庭前去年芳草依舊青青色西湖雨
後綠波兩岸平拍天教斷送流年三之一矣又是成
疎隔燕子春寒渾未到誰說江南消息玉樹熏香冰桃
翻浪好箇真消息這回歸去松風深處橫笛

王千秋

字錫老東平人
有審齋詞一卷

宋

詞綜卷十四

賀新郎 石城弔古

弔古城頭去正高秋霜晴木落路通洲渚欲問紫髯分
鼎事只有荒祠烟樹巫覡去久無簫鼓霸業荒涼遺堞
墜但蒼崖日閱征帆渡興與廢幾今古 夕陽細草空
凝竚試追思當時子敬用心良誤要約劉郎銅雀醉底
事遽爭荆楚遂但見蜀吳烽舉致使五官伸脚睡喚諸
兒畫取長陵土遺此恨欲誰語

程

先

字傳之休寧人父官團練以偏師禦金人於
池州殉節死當錄其嗣固讓不受隱居東山
遣其子永奇師事晦菴即

鎖窗寒

有感

語錄所稱程次卿是也

雨洗紅塵雲迷翠麓小車難去淒涼感慨未有今年春
暮想曲江水邊麗人影沈香歇誰為主但免葵燕麥風
前搖蕩徑花成土 空被多情苦歎嘉會難逢少年幾
許紛紛沸鼎負了青陽百五待何時重覩太平典衣貫
酒相爾汝算蘭亭有此歡娛又却悲今古

蘇

洞

字召叟山陰人
有冷然閣集

雨中花

懷劉改之

十載尊前放歌起舞人間酒戶詩流盡期君凌厲羽翮
高秋世事幾如人意儒冠還負身謀歎天生李廣才氣
無雙不得封侯 榆關萬里一去飄然片雲甚處神州

宋

詞綜卷十四

三

應悵望家人父子重見無由隴水寂寥傳恨淮山宛轉
供愁這回休也燕鴻南北長隔英游

劉圻父

字子寰號篁嶠游朱文公之門有麻沙集

花發沁園春

呈史滄洲

換譜伊涼選歌燕趙一番樂事重起花新笑靨柳軟纖
腰濟楚衆芳圍裏年年佳會長是傍清明天氣正魏紫
衣染天香蜀紅妝破春睡一簇猩羅鳳翠遍東園西
城點檢芳事銓齋吏散畫館人稀幾闕管絃清脆人生
適意流轉共風光遊戲到遇景取次成歡怎教良夜休
醉

魏

杞

字南夫壽春人一云開封人累官右僕射兼樞密使以使金不辱命驟登相位乾道丁亥

虞美人

梅

冰膚玉面孤山裔肯到人間世天然不與百花同却恨
無情輕付與東風麗譙三弄江梅曉立馬溪橋小只
應明月最相思曾見幽香一點未開時

牟

字獻甫吳興人大理

木蘭花慢

錢公孫倅

山城如斗大君肯為兩年留問讀易堂前修然松菊留
得君不天邊乍傳消息趁東風歸待翠雲裘留取去思

宋

詞綜卷十四

高

修字於謙或疑

魏杞年嶠王自中
無限江蘿香滿汀洲 不妨無蟹有監州臭味喜相投
怪底事朝來驪歌催唱喚起離愁羨君戲綵脫却一身
輕無事也無憂昨夜夢隨杖履道林岳麓同游

漁家傲

病枕逢逢驚曉鼓那堪送客江頭路莫唱驪駒催客去
風又雨花飛一片愁千縷折柳淒然無刺語加餐更
把箒衣護泥滑藍輿須穩度雲飛處親闈安問應旁午

王自中

字道甫平陽人淳熙中登進士
第光宗朝起知邵州興化軍

醉江月題釣臺

扁舟夜泛向子陵臺下偃帆收櫓水闊風搖舟不定依

約月華新吐細酌清泉痛澆塵臆喚起先生語當年綸
釣為誰高卧烟渚還念古往今來功名可共能幾人
光武一旦星文驚四海從此故人何許到底軒裳不如
簞笠久矣心相與天低雲淡浩然吾欲高舉

王

嶠字季夷號貴英北
海人有北海集

祝英臺近

柳烟濃花露重合是醉時候樓倚花梢長記小垂手誰
教釵燕輕分鏡鸞慵舞是孤負幾番晴晝自別後聞
道花底花前多是兩眉皺又說新來比似舊時瘦須知
兩意長存相逢終有莫謾被春光倏慙

宋

詞綜卷十四

三五

夜行船

曲水濺裙三月二馬如龍
鈿車如水風颺游絲日烘晴
晝人共海棠俱醉
客裏光陰難可意
掃芳塵舊游誰
記午夢醒來小窗人靜
春在賣花聲裏

詞綜卷十四調名

六州歌頭

韓

薄倖

謁金門

趙 衛

霜天曉角

甄

水龍吟

水調歌頭

羅仲

朱

李

念奴嬌

劉

程

蝶戀花

真

張

劉

柳梢青

趙

好事近

洪

楊

生查子

管

魏

浣溪沙

吳

樓

虞美人

趙

魏

踏莎行

洪

滿庭芳

吳

趙

張

減字木蘭花

菩薩蠻

李

劉

驀山溪張杜

玉樓春

滿江紅

摸魚兒杜

卜算子

千秋歲趙

沙塞子

豆葉黃

月中桂

玉連環

憶秦娥劉

賀新郎王

清平樂趙

長相思

醉江月吳念奴杜王

青玉案

點絳脣

祝英臺一加近字岳

洞仙歌管

風入松俞

臨江仙李

鵲橋仙張

訴衷情劉

鎖窗寒程

花發沁園春劉

夜行船王

漁家傲牟

蘭陵王

江神子

雨中花蘇

木蘭花慢牟

詞綜卷十五

宋詞八十四首

姜夔二十三首

陳亮三首

楊炎六首

黃機十三首

姜

夔

字堯章鄱陽人

有白石道人歌曲六卷

興

范石湖云白石有裁雲縫月之妙手敲金戛

玉之奇聲云白石子固云白石詞家之申韓也

如音亦未免有不能及極沈伯時云白石清勁

詞綜卷十五 如野雲孤飛去留無迹又云白石詞不惟清

姜夔
虛且又騷雅讀之使人神觀飛越

探春慢 過霅溪別鄭次臯諸君

衰草愁烟亂鴉送目飛沙迴旋平野拂雪金鞭欺寒茸
帽還記章臺走馬誰念漂零久謾贏得幽懷難寫故人
青盼相逢小窗閑共情話長恨離多會少重訪問竹
西珠淚盈把鴈磧沙平漁汀人散老去不堪遊冶無奈
茗溪月又喚我扁舟東下甚日歸來梅花零亂春夜

一萼紅 人日登長沙定王臺

古城陰有官梅幾許紅萼未宜簪池面冰膠牆腰雪老
雲意還又沈沈翠藤共閑穿徑竹漸笑語驚起卧沙禽

野老林泉故王臺榭呼喚登臨南去北來何事蕩湘
雲楚水目極傷心朱戶黏雞金盤簇燕空歎時序侵尋
記曾共西樓雅集想垂柳還裊萬絲金待得歸鞍到時
只怕春深

揚州慢 淳熙丙申至日過揚州

淮左名都竹西佳處解鞍少駐初程過春風十里盡薺
麥青青自胡馬窺江去後廢池喬木猶厭言兵漸黃昏
清角吹寒都在空城杜郎俊賞算如今重到須驚縱
豈菴詞工青樓夢好難賦深情二十四橋仍在波心蕩
冷月無聲念橋邊紅藥年年知為誰生

點絳脣 吳淞

姜夔

燕鴈無心太湖西畔隨雲去數峯清苦商畧黃昏雨
第四橋邊擬共天隨住今何許凭欄懷古殘柳參差舞

暗香 石湖詠梅

舊時月色算幾番照我梅邊吹笛喚起玉人不管清寒
與攀摘何遜而今漸老都忘却春風詞筆但怪得竹外
疎花香冷入瑤席 江國正寂寂歎寄與路遙夜雪初
積翠尊易泣紅萼無言耿相憶長記曾攜手處千樹壓
西湖寒碧又片片吹盡也幾時見得

疎影 前題

苔枝綴玉有翠禽小小枝上同宿客裏相逢籬角黃昏
無言自倚修竹昭君不慣胡沙遠但暗憶江南江北想
珮環月下歸來化作此花幽獨 猶記深宮舊事那人
正睡裏飛近蛾綠莫似春風不管盈盈早與安排金屋
還教一片隨波去又却怨玉龍哀曲等恁時重覓幽香
已入小窗橫幅 張叔夏云暗香疎影二曲前無古人後
無來者真為絕唱

長亭怨慢

漸吹盡枝頭香絮是處人家綠深門戶遠浦縈迴暮帆
零亂向何許閱人多矣誰得似長亭樹樹若有情時不
會得青青如此 日暮望高城不見只見亂山無數章

宋

詞綜卷十五

三

郎去也怎忘得玉環分付第一是早早歸來怕紅萼無人為主算只有并刀難剪離愁千縷

齊天樂 蟋蟀

庾郎先自吟愁賦淒淒更聞私語露溼銅鋪苔侵石井都是曾聽伊處哀音似訴正思婦無眠起尋機杼曲曲屏山夜涼獨自甚情緒西窗又吹暗雨為誰頻斷續相和砧杵候館吟秋離宮弔月別有傷心無數幽詩謾與笑籬落呼燈世間兒女寫入琴絲一聲聲更苦張叔全章精粹所詠瞭然在目且不留滯于物

念奴嬌荷花

鬧紅一舸記年時常與鴛鴦為侶三十六陂人未到水佩風裳無數翠葉吹涼玉容消酒更灑菰蒲雨嫣然搖動冷香飛上詩句日暮青蓋亭亭情人不見爭忍凌波去只恐舞衣寒易落愁入西風南浦高柳垂陰老魚吹浪留我花間住田田多少幾回沙際歸路

湘月 即念奴嬌之
鬲指聲也

五湖舊約問經年底事長負清景暝入西山漸喚我一片夷猶乘興倦網都收歸禽時度月上汀洲冷中流容與畫橈不點清鏡誰解喚起湘靈烟鬟霧鬢理哀絃鴻陣玉塵談元歎坐客多少風流名勝暗柳蕭蕭飛星

冉冉夜久知秋信鱸魚應好舊家樂事誰省

淡黃柳合肥

空城曉一作畫角吹入垂楊陌馬上單衣寒惻惻看盡鴛
黃嫩綠都是江南舊相識正岑寂明朝又寒食強携
酒小喬宅怕梨花落盡成秋色燕燕飛來問春何在唯
有池塘自碧

側犯芍藥

恨春易去甚春却向揚州住微雨正繭栗梢頭弄詩句
紅橋二十四總是行雲處無語漸半脫宮衣笑相顧
金壺細葉千朵圍歌舞誰念我鬢成絲來此共樽俎後

日西園綠陰無數寂寞劉郎自脩花譜

惜紅衣荷花

枕簟邀涼琴書換日睡餘無力細灑冰泉并刀破甘碧
牆頭喚酒誰問訊城南詩客岑寂高樹晚蟬說西風消
息虹梁水陌魚浪吹香紅衣半狼籍維舟試望故國
渺天北可惜渚邊沙外不共美人遊歷問甚時同賦三
十六陂秋色

琵琶仙吳興

雙槳來時有人似舊曲桃根桃葉歌扇輕約飛花蛾眉
正奇絕春漸遠汀洲自綠更添了幾聲啼鴉十里揚州

姜夔
三生杜牧前事休說 又還是宮燭分烟奈愁裏匆匆
換時節都把一襟芳思與空階榆莢千萬縷藏鴉細柳
為玉尊起舞迴雪想見西出陽關故人初別

淒涼犯 合肥秋夕

綠楊巷陌西風起邊城一片離索馬嘶漸遠人歸甚處
戍樓吹角情懷正惡更衰草寒烟淡薄似當時將軍部
曲迤邐度沙漠 追念西湖上小舫携歌晚花行樂舊
游在否想如今翠凋紅落謾寫羊裙等新鴈來時繫著
怕匆匆不肯寄與悞後約

翠樓吟 武昌安遠樓成

月冷龍沙塵清虎落今年漢酺初賜新翻胡部曲聽羶
幕元戎歌吹層樓高峙看檻曲縈紅簷牙飛翠人姝麗
粉香吹下夜寒風細 此地宜有詞仙擁素雲黃鶴與
君遊戲玉梯凝望久歎芳草萋萋千里天涯情味仗酒
被清愁花消英氣西山外晚來還捲一簾秋霽

法曲獻仙音 張彥遠官舍

虛閣籠寒小簾通月暮色偏宜高處樹隔離宮水平馳
道湖山盡入尊俎奈楚客淹留久砧聲帶愁去 屢回
顧過秋風未成歸計誰念我重見冷楓紅舞喚起淡妝
人問逋仙今在何許象筆鸞箋甚而今不道秀句怕平

生幽恨化作沙邊烟雨

眉嫵戲張仲遠

看垂楊連苑杜若侵沙愁損未歸眼信馬青樓去重簾
下娉婷人妙飛燕翠尊共款聽豔歌郎意先感便攜手
月地雲階裏愛良夜微煖無限風流疎散有暗藏弓
履偷寄香翰明日聞津鼓湘江上催人還解春纜亂紅
萬點悵斷魂烟水遙遠又爭似相携乘一舸鎮長見

石湖仙

寄石湖處士

松江烟浦是千古三高游衍佳處須信石湖仙似鷓鴣
翮然引去浮雲安在哉我自愛綠香紅嫵容與看世間幾

度今古 盧溝舊曾駐馬為黃花閑吟秀句見說胡兒
也學綸巾敬羽玉友金蕉玉人金縷緩移箏柱聞好語
明年定在槐府

解連環

玉鞍重倚却沈吟未上又繫離思為大喬能撥春風小
喬妙携箏鴈啼秋水柳怯雲鬆更何必十分梳洗道郎
携羽扇那日隔簾半面曾記 西窗夜涼雨霽歎幽歡
未足何事輕棄問後約空指薔薇算如此溪山甚時重
至水驛燈昏又見在曲屏近底念惟有夜來皓月照伊

自睡

宋

八歸 湖中送胡德華

姜夔

芳蓮墜粉疎桐吹綠庭院暗雨乍歇無端抱影銷魂處
還見篠牆螢暗蕪階蛩切送客重尋西去路問水面琵琶誰撥最可惜一片江山總付與啼鴉長恨相從未
款而今何事又對西風離別渚寒烟淡棹移人遠縹緲
行舟如葉想文君望久倚竹愁生步羅鞞歸來後翠尊
雙飲下了珠簾玲瓏閑看月

玲瓏四犯 越中歲暮

疊鼓夜寒垂燈春淺匆匆時事如許倦遊歡意少俛仰
悲今古江淹又吟恨賦記當時送君南浦萬里乾坤百

年身世惟有此情苦 揚州柳垂官路有輕盈換馬端
正窺戶酒醒明月下夢逐潮聲去文章信美知何用謾
贏得天涯羈旅教說與春來要尋花伴侶

清波引 梅

冷雲迷浦倩誰喚玉妃起舞歲華如許野梅弄眉嫵屐
齒印蒼蘚漸為尋花來去自隨秋鴈南來望江國渺何
處 新詩謾與好風景長是暗度故人知否抱幽恨難
語何時共漁艇莫負滄浪夜雨况有清夜啼猿怨人良
苦

陸

游 字務觀山陰人以蔭補登仕郎隆興初賜進
士出身范成大帥蜀為參議官人譏其頽放

宋

詞宗卷十五

因自號放翁嘉泰初詔同脩國史升寶章閣待制有劔南集詞二卷劉潛夫云放翁稼軒一掃纖艷不事斧鑿高則高矣但時時掉書袋要是一癖

南鄉子

歸夢寄吳檣水驛江程去路長想見芳洲初繫纜斜陽
烟樹參差認武昌愁鬢點新霜曾是朝衣惹御香重
到故鄉交舊少淒涼却恐他鄉勝故鄉

好事近

湓口放船歸薄暮散花洲宿兩岸白蘋紅蓼映一簑新
綠有沽酒處便為家菱芡四時足明日又乘風去任
江南江北

朝中措

怕歌愁舞懶逢迎妝晚託春醒總是向人深處當時枉
道無情關心近日啼紅密訴剪綠深盟杏館花陰恨
淺畫堂銀燭嫌明

又

夔夔儼鼓餞流年燭焰動金船綵燕難尋前夢酥花空
點春妍文園謝病蘭成久旅回首淒然明月梅山笛
夜和風禹廟鶯天

水龍吟

吟春日遊摩訶池
摩訶池上追游路紅綠參差春晚韶光妍媚海棠如醉

陸游
桃花欲暖桃菜初開禁烟將近一城絲管看金鞍爭道
香車飛蓋爭先占新亭館 惆悵年華暗換黯銷魂兩
收雲散鏡奩掩月釵梁折鳳秦箏斜雁身在天涯亂山
孤壘危樓飛觀歎春來只有楊花和恨向東風滿

采桑子

寶釵樓上妝梳晚嬾上秋千閑撥沈烟金縷衣寬睡髻
偏 鱗鴻不寄遼東信又是經年彈淚花前愁入春風
十四絃

漁家傲寄仲高

東望山陰何處是往來一萬三千里寫得家書空滿紙

流清淚書回已是明年事 寄語紅橋橋下水扁舟何
日尋兄弟行徧天涯真老矣愁無寐鬢絲幾縷茶烟裏
極相思

江頭疎雨輕烟寒食落花天翻紅隊素殘霞暗錦一段
淒然 惆悵東君堪恨處也不念冷落樽前那堪更看
漫空相趁柳絮榆錢

雙頭蓮

呈范至能待制

華髮星星驚壯志成虛比身如寄蕭條病驥向暗裏消
盡當年豪氣夢斷故國山川隔重重烟水身萬里舊社
凋零青門俊遊誰記 盡道錦里繁華歎官閑晝永柴

陸游
荆添睡清愁自醉念此際付與何人心事縱有楚柁吳
檣知何時東逝空悵望鱸美菰香秋風又起

鵲橋仙

華燈縱博雕鞍馳射誰記當年豪舉酒徒一半取封侯
獨去作江邊漁父輕舟八尺低篷三扇占斷蘋洲烟
雨鏡湖元自屬閑人又何必官家賜與

又夜間杜鵑

茅簷人靜蓬窗燈暗春晚連江風雨林鶯巢燕總無聲
但月夜常啼杜宇催成清淚驚殘孤夢又揀深枝飛
去故山猶自不堪聽况半世飄然羈旅

感皇恩

小閣倚秋空下臨江渚漠漠孤雲未成雨數聲新鴈回
首杜陵何處壯心空萬里人誰許黃閣紫樞築壇開
府莫怕功名欠人做如今熟計只有故鄉歸路石帆山
脚下菱三畝

沁園春

三榮橫谿閣小宴

粉破梅梢綠動萱叢春意已深漸珠簾低捲筇枝微步
冰開躍鯉林暖鳴禽荔子扶疎竹枝哀怨濁酒一尊和
淚斟凭欄久歎山川冉冉歲月駸駸當時豈料如今
謾一事無成霜鬢侵看故人強半沙隄黃閣魚懸帶玉

貂映蟬金許國雖堅朝天無路萬里淒涼誰寄音東風裏有灞橋烟柳知我歸心

又

一別秦樓轉眼新春又近放燈憶盈盈倩笑纖纖柔握雪香花語玉暖酥凝念遠愁腸傷春病思自怪平生殊未曾君知否漸香消蜀錦淚漬吳綾難求繫日長繩况倦客飄零少舊朋但江郊鴈起漁村笛遠寒缸委燼孤硯生冰水繞山圍烟昏雲慘縱有高臺常怯登消魂處是魚箋不到蘭夢無憑

真珠簾

山村水館參差路感羈遊正似殘春風絮掠地穿簾知是竟歸何處鏡裏新霜空自憫問幾時鸞臺黿署遲暮謾憑高懷遠書空獨語自古儒冠多誤悔當年早不扁舟歸去醉下白蘋洲看夕陽鷗鷺菰菜鱸魚都棄了只換得青衫塵上休顧早收身江上一簑烟雨

烏夜啼

紈扇嬋娟素月紗巾縹緲輕烟高槐葉長陰初合清潤雨餘天弄筆斜行小草鈎簾淺醉閒眠更無一點塵埃到枕上聽新蟬

陳

亮字同父永康人淳熙間詣闕上書孝宗欲官之亟渡江歸至光宗策進士擢第一授僉書

建康府判官廳公事未至官而卒
端平初謚文毅有龍川集詞一卷

水龍吟

鬧花深處層樓畫簾半捲東風軟春歸翠陌平莎茸嫩
垂楊金淺遲日催花淡雲閣雨輕寒輕暖恨芳菲世界
游人未賞都付與鶯和燕 寂寞憑高念遠向南樓一
聲歸鴈金釵鬪草青絲勒馬風流雲散羅綬分香翠綃
封淚幾多幽怨正消魂又是疎烟淡月子規聲斷

洞仙歌

秋雨追次李元膺韻

瑣窗秋暮夢高唐人困獨立西風萬千恨又簷花落處
滴碎空階芙蓉怨無限秋容老盡 枯荷催欲折多少

離聲鎖斷天涯訴幽悶似蓬山去後方士來時揮粉淚
點點梨花香潤斷送得人間夜霖鈴更落葉梧桐孤燈
成暈

虞美人

東風蕩颺輕雲縷時送瀟瀟雨水邊臺榭燕新歸一點
香泥濕帶落花飛 海棠糝徑鋪香繡依舊成春瘦黃
昏庭院柳啼鴉記得那人和月折梨花

劉過

字改之襄陽人一云太

和人有龍洲詞一卷
黃叔暘云改之稼軒之客詞多壯語蓋學稼
軒者也陶九成云改之造詞膽逸有思致
沁園春二首尤纖麗可愛

賀新郎 贈鄉人朱唐卿

多病劉郎瘦最傷心天寒歲晚客他鄉久大舸翩翩何
許至元是高陽舊友便一笑相歡携手與問武昌城下
月又何如揚子江頭柳追往事兩眉皺 燭花自剪明
如晝喚青娥小紅樓上殷勤勸酒昵昵琵琶恩怨語春
筍輕籠翠袖看舞徹金釵微溜若見故鄉吾父老道長
安市上強如舊重會面幾時又

又 去年秋余試牒四明賦贈老娼至今天下與禁
中皆歌之江西人來以為鄧南秀詞非也

老去相如倦向文君說似而今怎生消遣衣袂京塵曾
染處空有香紅尚軟料彼此魂消腸斷一枕新涼眠客

舍聽梧桐疎雨秋風顫燈暈冷記初見 樓低不放珠
簾捲晚妝殘翠蛾狼籍淚痕流臉人道愁來須帶酒無
奈愁深酒淺但託意焦琴紉扇莫鼓琵琶江上曲怕荻
花楓葉俱淒怨雲萬疊寸心遠

又 西湖

睡覺啼鶯曉醉西湖兩峯日日買花簪帽去盡酒徒無
人問惟有玉山自倒任拍手兒童爭笑一舸乘風翩然
去避魚龍不見波聲悄歌韻遠喚蘇小 神仙路遠蓬
萊島紫雲深參差禁樹有烟花遶人世紅塵西障日百
計不如歸好付樂事與他年少費盡柳金梨雪句問沈

香亭北何時召心未慙鬢先老

清平樂

新來塞北傳到真消息赤地居民無一粒更五單于爭
立維師尚父鷹揚熊羆百萬堂堂看取黃金假鉞歸
來異姓真王

唐多令 重過武昌

蘆葉滿汀洲寒沙帶淺流二十年重過南樓柳下繫船
猶未穩能幾日又中秋黃鶴斷磯頭故人曾到否舊
江山渾是新愁欲買桂花同載酒終不似少年遊

又 重過江南

解纜蓼花灣好風吹去帆二十年重過新灘洛浦浚波
人去後空夢繞翠屏間飛霧溼征衫蒼蒼烟樹寒望
星河低處長安綺陌紅樓應笑我為花事過江南

沁園春 美人足

洛浦浚波為誰微步輕生暗塵記踏花芳徑亂紅不損
步苔幽砌嫩綠無痕襯玉羅慳銷金樣窄載不起盈盈
一段春嬉遊倦笑教人款捻微褪些跟有時自度歌
勻悄不覺微尖點拍頻憶金蓮移換文鴛得侶繡茵催
袞舞鳳輕分懊恨深遮牽情半露出沒風前烟縷裙知
何似似一鉤新月淺碧籠雲

又美人指甲

劉過

銷薄春冰碾輕寒玉漸長漸彎見鳳鞋泥污偎人強剔
龍涎香斷撥火輕翻學撫瑤琴時時欲剪更掬水魚鱗
波底寒纖柔處試摘花香滿鏤棗成斑時將粉淚偷
彈記綰玉曾教柳傅看算恩情相著搔便玉體歸期暗
訴劃遍闌干每到相思沈吟靜處斜倚朱脣皓齒間風
流甚把仙郎暗搯莫放春閑

行香子

山水扇面

佛寺雲邊茅舍山前樹陰中酒旆低懸峯巒空翠溪水
清漣只欠桃花欠沙鳥欠漁船無限風烟景趣天然

最宜他隱者盤旋何人村墅若箇林泉恰似歆湖似方
口似斜川

醉太平

情高意真眉長鬢青小樓明月調箏寫春風數聲思
君憶君魂牽夢縈翠銷香暖雲屏更那堪酒醒

楊炎

號止濟翁廬陵人
有西樵語業一卷

鵲橋仙

思歸時節乍寒天氣總是離人愁緒夜來無奈被西風
更吹做一簾秋雨征衫拂淚闌干倚醉羞對黃花無
語寄書除是鴈來時又只恐書成鴈去

宋

詞綜卷十五

共

蝶戀花 別范南伯

劉過 楊炎

離恨做成春夜雨。添得春江剗地東流去。弱柳繫船都不住。為君愁絕。聽鳴鶻。君到南徐芳草渡。想得尋春依舊當年路。後夜獨憐回首處。亂山遮莫。無重數。

又稼軒坐間作首句用丘六書中語

點檢笙歌多釀酒。不放東風獨自迷楊柳。院院翠陰停永晝。曲欄隨處堪垂手。昨日解醒今日又。消得情懷長被春僝僽。門外馬嘶人去後。亂紅不管花消瘦。

秦樓月

東風寂。垂楊舞困春無力。春無力。落紅不管。杏花狼籍。

斷腸芳草萋萋碧。新來怪底相思極。相思極。冷烟池館。又將寒食。

水調歌頭

把酒對斜日。無語問西風。胭脂何事。都做顏色染芙蓉。放眼暮江千頃。中有離愁萬斛。無處落征鴻。天在闌干角。人倚醉醒中。千萬里。江南北。浙西東。吾生如寄。尚想三徑菊花叢。誰是中州豪傑。借我五湖舟楫。去作釣魚翁。故國且回首。此意莫匆匆。

滿江紅

筆染相思。暗題盡朱門白壁。動離思。春生遠岸。烟銷殘

宋

詞綜卷十五

七

日楊柳結成羅帶恨海棠染就胭脂色想深情幽怨繡
屏間雙鷓鴣春水綠春山碧花有恨人無力對一奩
愁思十分孤寂寸寸錦腸渾欲斷盈盈玉淚應偷滴倩
東風吹鴈過江南傳消息

張

輯字宗瑞鄱陽人有
東澤綺語債二卷

朱湛盧云東澤得詩法于姜堯章世謂謫仙
復作不知其又能詞也

疎簾淡月寓桂枝香

梧桐雨細漸滴做秋聲被風驚碎潤逼衣篝線鼻蕙爐
沈水悠悠歲月天涯醉一分秋一分憔悴紫簫吹斷素
箋恨切夜寒鴻起又何苦淒涼客裏負草堂春綠竹

溪空翠落葉西風吹老幾番塵世從前諳盡江湖味聽
商歌歸興千里露侵宿酒疎簾淡月照人無寐

如此江山

寓齊天樂

西風揚子江頭路扁舟兩晴呼渡岸隔瓜州津橫蒜石
搖盡波聲千古詩人一去但對峙金焦斷磯青樹欲下
斜陽長淮渺渺正愁予中流笑與客語把貂裘為浣
半生塵土品水烹茶看碑憶鶴恍似舊曾游處聊憑陸
誦問八極神遊肯重來否如此江山更蒼烟白鷺

釣船笛

寓好事近

載酒岳陽樓秋入洞庭深碧極目水天無際正白蘋風

急月明不見宿鷗驚醉把玉欄拍誰謂百年心事恰
釣船橫笛

月當窗寓霜天曉角

看朱成碧曾醉梅花側相遇匆匆相別又爭似不相識
南北千里隔幾時重見得最苦子規啼處一片月當
窗白

山漸青寓長相思

山無情水無情楊柳飛花春雨晴征衫長短亭擬行
行重行行行一作吟到江南第幾程江南山漸青
碧雲深寓憶秦娥

風淒淒井欄絡緯驚秋啼驚秋啼涼侵好夢月正樓西
卷簾望月知心誰關河空隔長相思長相思碧雲暮
合有美人兮

南浦月寓點絳脣 賦瀟湘漁父

來剪萼絲江頭一陣鳴簑雨孤篷歸路吹得蘋風暮
短髮蕭蕭笑與沙鷗語休歸去玉龍嘶處邀月過南浦
沙頭雨寓點絳脣

帶醉歸時月華猶在吹簫處曉愁情緒忘却匆匆語
客裏風霜詩鬢空如許江南去岸花迎櫓遙隔沙頭雨
花自落寓謁金門

春寂寞簾底蕙爐烟薄聽盡歸鴻書怎託相思天一角
象筆鸞箋閑却秀句與誰商畧睡起愁懷何處著無
風花自落

垂楊碧 寓謁金門

花半溼睡起一窗晴色千里江南真咫尺醉中歸夢直
前度蘭舟送客雙鯉沈沈消息樓外垂楊如此碧問
春來幾日

闌千萬里心 寓憶王孫

小樓柳色未春深湘月牽情入苦吟翠袖風前冷不禁
怕登臨幾曲闌千萬里心

祝英臺近

竹間棋池上字風日共清美誰道春深湘綠漲沙嘴更
添楊柳無情恨烟燼雨却不把扁舟偷繫 去千里明
日知幾重山後朝幾重水對酒相思爭似且留醉奈何
琴劍匆匆而今心事在月夜杜鵑聲裏

黃機 字幾仲一云字幾叔東陽人有竹齋詩餘一卷

乳燕飛 次岳總幹韻

擊碎珊瑚樹為留春怕春欲去駛如風雨春不留兮君
休問付與流鶯自語但莫賦綠波南浦世上功名花梢
露政何如一笑翻金縷繫白日莫教暮 蒼頭引馬城

西路趁池亭荻芽尚短梅心未苦小雨欲晴晴不定漠
漠雪飛輕絮算行樂春來幾度鞭影不搖鞍小據過橫
塘試把前山數雙白鷺忽飛去

摸魚兒

惜春歸送春惟有亂紅撲簌如雨亂紅也怨春狼籍搵
得淚痕無數腸斷處更喚起羣鴉催發長亭路征鞍難
駐但脈脈含顰嗔人底事剛愛逐春去闌干凭芳草
斜陽凝竚愁連滿眼烟樹鬢鬆不理金釵溜鸞鏡一奩
香霧花誰主悵玉容寂寞春知否單衣嬾卸任門外東
風流鶯聲裏盡日攪飛絮

喜遷鶯 香風亭上

平湖百畝種滿湖蓮葉繞隄楊柳冉冉波光輝輝烟影
空翠溼露襟袖靜愜鄰雞啼午暎逼沙鷗眠晝西園路
更紅塵不斷蜨酣蜂瘦知否堪畫處野薺蕪菁冒地
鋪茵繡桃李陰邊桑麻叢裏斜曛酒帘誇酒竹寺小依
山趾茅店平窺津口春又晚正香風有客倚欄搔首

水龍吟

晴江滾滾東流為誰流得新愁去新愁都在長亭望際
扁舟行處歌罷翻香夢回呵酒別來無據恨荼蘼吹盡
櫻桃過了便只恁成孤負須信情鍾易感數良辰佳

期應誤才高自歎彩雲空詠凌波謾賦團扇塵生吟箋
淚漬一觴慵舉但叮嚀雙燕明年還解寄平安否

鵲橋仙

一番雨過江頭綠漲催喚扁舟解去重來言語縱堪憑
一作是相寬怎得似而今且住陽關聲斷同心未縮款款
淚珠無數秋鴻春燕往還時莫忘了錦箋分付

酹江月

春愁幾許似春雲藹藹連空無數隱約眉尖偏易得沒
箇因由分付楊柳烟濃海棠花暗綠漲牆頭路小樓應
是有人和淚凝竚長記寶軸妝成鴛鴦繡嬾輕笑歌

金縷香雪精神依舊否風月誰憐虛度帶減衣寬十分
顛顛兩下平分取黃昏可更子規聲碎烟塢

傳言玉女

次岳總幹韻

日薄風柔池面欲平還皺紋楸玉子磔磔敲春晝繡衾
半捲花氣濃熏香獸小團初試轆轤銀枕夢斷陽臺
甚情懷似病酒冰奩羞對比年時更瘦雙燕乍歸寄與
綠箋紅豆那堪又是牡丹時候

清平樂

西園啼鳥留得春多少客裏情懷無日好愁損連天芳
草博山灰冷香殘微風吹滿銀箋卓午花陰不動一

雙蝴蝶團圓

黃機

又江上九日

西風獵獵又是登高節一片情懷無處說秋滿江頭紅葉誰憐鬢影淒涼新來更點吳霜孤負萸囊菊盞年年客裏重陽

憶秦娥

秋蕭索梧桐落盡西風惡西風惡數聲新鴈數聲殘角離愁不管人飄泊年年孤負黃花約黃花約幾重庭院幾重簾幕

蝶戀花

碧樹涼颼驚畫扇窗戶齊開秋意參差滿先自離愁裁不斷蛩蟹更作聲聲怨山遶千重溪百轉隔了溪山夢也無由見歸計憑誰占近遠銀釭昨夜花如糝

醜奴兒

綺窗撥斷琵琶索一一相思一一相思無限柔情說似誰銀鉤欲寫回文曲淚滿烏絲淚滿烏絲薄倖知他知不知

虞美人

十年不作湖湘客亭堠催行色淺山荒草記當時條竹籬邊羸馬向人嘶書生萬字平戎策苦淚風前滴莫

辭衫袖障征塵自古英雄之楚又之秦

韓 畷字子耕號蕭間

高陽臺除夕

頻聽銀籤重燃絳蠟年華哀哀驚心餞舊迎新能消幾
刻光陰老來可慣通宵飲待不眠還怕寒侵掩清尊多
謝梅花伴我微吟 鄰娃已試春妝了更蜂枝簇翠燕
股橫金勾引東風也知芳意難禁朱顏那有年年好逞
艷遊羸取如今恣登臨殘雪樓臺遲日園林

詞綜卷十五調名

探春慢姜

一萼紅

揚州慢

點絳脣

暗香

疎影

長亭怨慢

齊天樂

念奴嬌

湘月

淡黃柳

側犯

惜紅衣

琵琶仙

淒涼犯

翠樓吟

法曲獻仙音

眉嫵

石湖仙

八歸

清波引

好事近

水龍吟

漁家傲

雙頭蓮

感皇恩

真珠簾

洞仙歌

陳

解連環

玲瓏四犯

南鄉子

朝中措

采桑子

極相思

鵲橋仙

沁園春

烏夜啼

虞美人

楊黃

劉

黃

賀新郎

唐多令

醉太平

秦樓月

滿江紅

如此江山

山漸青

南浦月

花自落

闌干萬里心

亦名乳燕飛

清平樂

行香子

蝶戀花

水調歌頭

疎簾淡月

釣船笛

碧雲深

沙頭雨

垂楊碧

祝英臺近

黃

黃

即桂枝香

即好事近

即憶秦娥

即點絳脣

即謁金門

即憶王孫

摸魚兒黃

水龍吟

傳言玉女

醜奴兒

月當窗張

喜遷鶯

酹江月

憶秦娥

高陽臺

乳燕飛黃

即念奴嬌

即秦樓月

韓

即霜天曉角

詞綜卷十六

宋詞八十二首

謝懋 六首

姜特立 一首

危稹 一首

劉光祖 三首

馬莊父 四首

李泳 三首

李浙 一首

戴復古 二首

丘宓 七首

劉鎮 四首

吳禮之 三首

閻丘次果 一首

李洪 一首

李漳 一首

鄭域 一首

黃銖 二首

嚴仁 五首

趙善扛 四首

王壘 一首

洪咨夔 一首

章穎 一首

陸淞 一首

羅椅 一首

周晉 一首

翁孟寅 三首

馮去非 一首

易被 一首

毛玕 四首

曹豳 一首

趙汝迂 一首

郭應祥 一首

姚鏞 一首

楊伯崑 一首

楊纘 二首

趙汝芄 五首

許棊 五首

謝

懋

字勉仲有靜寄居士樂章二卷

黃叔暘云居士樂章二卷吳坦角明為序稱其片言隻字夏玉鏗金蘊藉風流為世所貴

石州引

日脚斜明秋色半陰人意淒楚飛雲特地凝愁做弄晚
來秋雨誰家別院舞困幾葉霜紅西風送客聞砧杵鞭
馬出都門正潮平洲渚無語匆匆短棹滿載離愁片
帆高舉京洛紅塵因念幾年羈旅淺顰輕笑當時風月
逢迎別來誰畫雙眉嫵回首一銷凝望歸鴻容與

洞仙歌 春雨

愁邊雨細漠漠天如醉搖颺游絲晚風外釀輕寒和暝

謝 懋
色花柳難勝春自老誰管啼紅斂翠 關情潛入夜斜
溼簾櫳幾處挑燈耿無寐念陽臺當日事好伴雲來因
箇甚不入襄王夢裏便添起寒潮捲長江又恐是離人
斷腸清淚

念奴嬌 中秋呈徐叔至

霽天湛碧正新涼風露冰壺清徹河漢無聲光練練湧
出銀蟾孤絕巖桂香飄井梧影轉冷浸宮袍潔西廂往
事一簾輕夢悽切 腸斷楚峽雲歸尊前無緒知有愁
如髮此夕姮娥應也恨冷落瓊樓金闕禁漏迢迢邊鴻
杳杳幽意憑誰決闌干星斗落梅三弄初闌

憶少年 寒食

池塘綠遍王孫芳草依依斜日遊絲捲晴晝繫東風無
力 蜨趁幽香蜂釀蜜秋千外卧紅堆碧心情費消遣
更梨花寒食

驀山溪

厭厭睡起無限春情緒柳色借輕烟尚瘦怯東風倦舞
海棠紅皺不奈晚來寒簾半捲日西沈寂寞閒庭戶
飛雲無據化作溟濛雨愁裏見春來又只恐愁催春去
惜花人老芳草夢淒迷題欲徧鎖窗紗總是傷春句

浪淘沙

黃道雨初乾
霽霽空蟠東風楊柳碧
毵毵燕子不歸花
有恨小院春寒
倦客亦何堪
塵滿征衫
明朝野水幾
重山歸夢已隨芳草綠
先到江南

丘

宓

字宗卿江陰軍人隆興元年進士累官資政殿學士拜同知樞密院事卒謚文定有詞一卷

洞仙歌

辛卯元夕

江城梅柳慣得春先處
催趁風光上歌舞
見九衢車馬
流水如龍喧笑語
羅綺香塵載路
歡娛多暇日樽俎
風流重見承平舊
官府有多少佳麗事
墮珥遺簪芳徑
裏瑟瑟珠璣翠羽
好惜取韶華
醉連宵更莫待收燈酒

闌人去

又

賦金林檎

豐肌膩體淡雅仍矜貴
不與羣芳競
姝麗向瓊林珠殿
獨占春風仙仗裏
曾奉三宮燕喜
低徊如有恨
失意含羞樂事繁華竟
誰記應憐我今老去
無句酬伊吟未
就不覺東風又起
鎮獨自黃昏怯
輕寒這情緒
年年共
花憔悴

沁園春

景明告行頗動懷歸之念偶得帥卿詞因次其韻前闕奉送後闕以自見云

兩趁輕寒風作秋聲
燕歸雁來動天涯
羈思登山臨水
驚心節物極目烟埃
客裏逢君纔同一笑
何處言歸如

此哉別離久算不應興盡却棹船迴
主人下榻高齋
更檢點笙歌頻宴開便流連不到迎春見柳也須小駐
度臘觀梅樓上盈盈閨中脈脈應念胡麻好種栽從教
去正危欄望斷小倚徘徊

撲蝴蝶 蜀中作

鳴鳩乳燕春在梨花院重門鎮掩沈沈簾不捲紗窗紅
日三竿睡鴨餘香一綫佳眠悄無人喚 謾消遣行雲
無定楚雨難憑夢魂斷清明漸近天涯人正遠儘教閒
了鞦韆觀著海棠開徧難禁舊愁新怨

夜行船 越上作

水滿平湖香滿船繞重城藕花無數小艇紅妝疎簾青
蓋烟柳畫船斜渡 恣樂追涼忘日暮簫鼓月明人去
猶有清歌迢遞聲在芰荷深處

西江月

明日又還重九黃昏小雨疎風菊英萸糝一尊同付與
今宵好夢 寒意梧桐葉上客愁畫角聲中小樓何日
却從容千里此情應共

錦帳春

己未孟冬樂淨見梅英作

翠竹如屏淺山如畫小池面危橋一跨著椽亭臨水宛
然郊野竹籬茅舍 好是天寒倍添妍雅正雪意垂垂

欲下更朦朧月影弄晴初夜梅花動也

姜特立

字邦傑麗水人以恩補郎溥熙中遷閣門舍人充春坊官幸於太子即位以春坊舊人恃恩無忌為留正所論奪職寔宗朝拜

蝶戀花

送妓 慶遠軍節度使有梅山續稿詞一卷

飄粉吹香三月暮病酒情懷愁緒渾無數有箇人人來
又去歸期有恨難留住 明日尊前無覓處咿軋籃輿
只向雙溪路我輩情鍾君漫與為雲為雨應難據

劉

鎮

字叔安南海人嘉泰二年進士自號隨如學者稱為隨如先生

劉潛夫云叔安樂府麗不至褻新不犯陳周

漢宮春

鄭賀守席上懷舊

日軟風柔望暖紅連島晴綠平川尋芳拾藥勝伴陌上
鮮妍玉驄歸路記青門曾墮吟鞭人去後庭花弄影一
簾香月娟娟 追念舊游何在歎佳期虛度錦瑟華年
博山夜來燼冷誰換沈烟屏幃半掩奈夢雲不到愁邊
春易老相思無據閑情分付魚箋

水龍吟

丙戌清明和章質夫韻

弄晴臺館收烟候時有燕泥香墜宿醒未解單衣初試
騰騰春思前度桃花去年人面重門深閉記彩鸞別後
青驄歸去長亭路芳塵起 十二屏山遍倚任蒼苔點
紅如綴黃昏人靜暖香吹月一簾花碎芳意婆婆綠陰

風雨畫橋烟水笑多情司馬留春無計溼青衫淚

浣溪沙 丁亥餞元宵

簾幕收燈斷續紅歌臺人散彩雲空夜寒歸路噤魚龍
宿醉未消花市月芳心已逐柳塘風丁宜鶯燕莫匆

匆

清平樂 趙園避暑

柳陰庭院簾約風前燕著雨荷花紅半斂消得盈盈綠
扇竹光野色生寒玉纖雪藕冰盤長記酒醒人靜暗
香吹月闌干

危

稹字逢吉臨川人瀆熙進士歷
屯田郎出知漳州有翼齋集

漁家傲

老去諸餘情味淺詩情不上閑釵釧寶幌有人紅兩靨
簾間見紫雲元在深深院 十四條絃音調遠柳絲不
隔芙蓉面秋入西窗風露晚歸去嬾酒酣一任烏巾岸

吳禮之字子和錢唐人有
順受老人詞五卷

蝶戀花

滿地落紅初過雨綠樹成陰紫燕風前舞烟草低迷縈
小路晝長人靜扁朱戶 沈水香銷新剪苧敲枕朦朧
花底聞鶯語春夢又還隨柳絮等閑飛過東牆去

霜天曉角

西風又急細雨黃花溼樓枕一篙烟水蘭舟漾畫橋側
念昔空淚滴故人何處覓魂斷菱歌淒怨疎簾外暮

山碧

又王生陶氏月夜共沈西湖賦此弔之

連環易闕難解同心結癡騃佳人才子情緣重怕離別
意切人路絕共沈烟水闊蕩漾香魂何處長橋月短

橋月

劉光祖

字德脩簡州人登進士第慶元初官侍御史
改司農少卿遷起居郎終顯謨閣直學士提
舉嵩山崇福宮卒謚
文節有鶴林詞一卷

醉落魄

春風開者一時還共春風謝柳條送我今槐夏不飲香
醪孤負人生也曲塘泉細幽琴寫胡牀滑箏應無價
日遲睡起疎簾挂何不歸歟花竹秀而野

洞仙歌

荷花

晚風收暑小池塘荷淨獨倚胡牀酒初醒起徘徊時有
香氣吹來雲藻亂葉底游魚動影空擎承露蓋不見
冰容惆悵明妝曉鸞鏡後夜月涼時月淡花低幽夢覺
欲憑誰省且應記臨流凭闌干便遙想江南紅酣千頃

昭君怨

人在醉鄉居住記得舊曾來去疎雨聽芭蕉夢魂遙

惆悵柳烟何處目送落霞江浦明夜月當樓照人愁

閻丘次果

朝中措 浮遠堂

橫江一抹是平沙沙上幾千家到得人家盡處依然水
接天涯危欄送目翩翩去鶴點點歸鴉漁唱不知何
處多應只在蘆花

馬莊父

字子嚴建安人自號古洲居士

二郎神

柳花

日高睡起又恰見柳梢飛絮倩說與年年相挽却又因
他相誤南北東西何時定看碧沼青浮無數念蜀郡風

流金陵年少那尋張緒應許雪花比並撲簾堆戶更
羽綴遊絲擅鋪小徑腸斷鶉鳩喚雨舞態顛狂恨腰輕
怯散了幾回重聚空暗想昔日長亭別酒杜鵑催去

朝中措 竹

龍孫脫穎破苔紋英氣欲凌雲深處未須留客春風自
掩柴門蒲團宴坐輕敲茶臼細撲爐熏彈到琴心三
疊鷓鴣啼傍黃昏

孤鸞

沙隄香軟正宿雨初收落梅飄滿可奈東風暗逐馬蹄
輕捲湖波又還漲綠粉牆陰日融烟暖薦地刺桐枝上

有一聲春喚 任酒帘飛動畫樓晚便指數燒燈時節
非遠陌上叫聲好是賣花行院玉梅對妝雪柳鬧蛾兒
象生嬌顫歸去爭先戴取倚寶釵雙燕

天仙子 水仙花

白玉為臺金作盞香是江梅名閨苑年時把酒對君歌
歌不斷盃無算花月當樓人意滿 翹戴一枝蟬影亂
樂事且隨人意換西樓回首月明中花已綻人何遠可
惜國香天不管

李

洪字子大廬陵人與弟漳泳淦浙著李氏花萼集五卷其姪直倫為之序

浪淘沙 櫻桃

上苑又春殘櫻顆如丹明光宮裏水晶盤想得退朝花
底散宣賜千官 往事記金鑿荔子難攀多情更有酪
漿寒蜀客筠籠相贈處愁憶長安

李

泳字子永洪弟

賀新郎 感舊

門掩長安道捲重簾垂楊散暑嫩涼生早午夢驚回庭
陰翠蝶舞鶯吟未了正露冷芙蓉池沼金鴈塵昏幺絃
斷理餘音尚想腰肢袅歡漸遠思還繞 臨臯望極滄
江渺晚潮平湘烟萬頃斷虹殘照彩舫凌波分飛後別
浦菱花自老問錦鯉何時重到樓迴層城看不見對瀟

李 冰
瀟暮雨憐芳草幽恨闊楚天杳

水調歌頭

題甘將軍廟卷雪樓

危樓雲雨上其下水扶天羣山四合飛動寒翠落簷前
盡是清秋闌檻一笑波翻濤怒雪陣卷蒼烟炎暑去無
迹清駛久翩翩夜將闌人欲靜月初圓素娥弄影光
射空際渺嬋娟不用濯纓垂釣喚取龍宮仙駕耕此萬
瓊田橫笛望中起吾意已超然

清平樂

亂雲將雨飛過鴛鴦浦人在小樓空翠處分得一襟離
緒片帆隱隱歸舟天邊雪捲雲游今夜夢魂何處青

山不隔人愁

李

漳字子清一作
子申洪弟

多麗

李漳多麗一首後會下脫一字
寒上六脫一字

好人人去來欲見無因記當時竊香倚煖豈期蜨散鷓
分到而今漫勞夢想歎後會慘啼痕繡閣銀屏知他何
處一重山盡一重雲暮天杳梗踪萍跡還是寄孤村寂
寥月今宵為誰虛照黃昏細追思深誠密意黯然一
餉銷魂仗游魚謾傳尺素望塞鴻空憶回紋帳衾寒香
銷塵滿博山沈水更誰熏斷腸也無聊情味唯是清芳
樽沈吟久移燈向壁掩上重門

李 浙字子秀

踏莎行 送新城交代李達善

紅藥香殘綠筠粉嫩春歸何處尋春信繡鞍初上馬蹄
輕舉頭便覺長安近 別酒無情啼妝有恨山城向晚
斜陽褪清江極目帶寒烟錦鱗去後憑誰問

鄭 域字中卿號松窗三山人慶

念奴嬌 戊午生日作

嗟來咄去被天公把做小兒調戲蹀雪龍庭歸未久還
促炎州行李不半年間北胡南越一萬三千里征衫著
破著衫人可知矣 休問海角天涯黃蕉丹荔白 供

甘旨泛綠依紅無箇事時舞斑衣而已救蟻藤橋養魚
盆沼是亦經綸耳伊周安在且須學老萊子

戴復古 字式之天台人陸游門

清平樂 興國軍呈李司直

今朝欲去忽有留人處說與江頭楊柳樹繫我扁舟且
住 十分酒興詩腸難禁冷落秋光借取春風一笑狂
夫到老猶狂

木蘭花慢

鶯啼啼不盡任燕語語難通奈一點芳心十年不斷惱
亂春風重來故人不見但依然楊柳小橋東記得同題

粉壁而今壁已無蹤 蘭皋空漲綠溶溶
流恨落花紅 念著破征衫當時送別燈
下裁縫相思謾令自苦歎雲烟過眼
總成空落日楚天無際凭欄目送飛鴻

黃

銖字子厚建安人有穀城集

江神子

晚泊分水

秋風嫋嫋夕陽紅晚烟濃暮雲重
萬疊青山山外叫歸鴻獨上高樓
三百尺憑玉楯睇層空 人間日月
去匆匆碧梧桐又西風北去南來
消盡幾英雄擲下玉尊天外去多少
事不言中

漁家傲 朱晦翁示歐陽公鼓子詞戲賦

永日離憂千萬緒雪舟遠汎清漳浦
珍重故人寒夜語 揮玉塵沈沈畫閣
凝香霧 風砌落花留不住紅蜂翠蝶
閑飛舞明日柳陰江上路雲起處
蒼山萬疊人歸去

巖

仁

字次山邵武人與同族巖羽巖參時稱邵武三巖有清江歛乃一卷黃叔暘云次山詞極能道閨閣之趣

玉樓春

春風只在園西畔薺菜花繁蝴蝶亂
冰池晴綠照還空 香徑落紅吹已斷
意長翻恨遊絲短盡日相思羅帶緩
寶奩如月不欺人明日歸來君試看

好事近 舟行

曉色未分明敲動月邊鼉鼓卯酒一杯徑醉又別君南
浦春江如席照晴空大舶夾雙櫓腸斷斜陽渡口正
落紅如雨

一落索

清曉鶯啼紅樹又一雙飛去日高花氣撲人來獨自箇
傷春無緒別後暗寬金縷倩誰傳語一春不忍上高
樓為怕見分携處

鷓鴣天

一曲危絃斷客腸津橋捩柁轉牙樯江心雲帶蒲帆重
樓上風吹粉淚香瑤草碧柳芽黃載將離恨過瀟湘

請君看取東流水方識人間別意長

又

行盡春山春事空別愁離恨滿江東三更鼓潤官樓兩
五夜燈殘客舍風寒淡淡曉朧朧黃雞催斷丑時鐘
紫騮嚼勒金銜響衝破飛花一道紅

易

被字彥祥一作彥章長沙人一云宜鄉人宜宗
朝賜進士第一累官禮部尚書有山齋集

暮山溪

海棠枝上留得嬌鶯語雙燕幾時來並飛入東風院宇
夢回芳草綠遍舊池塘梨花雪桃花雨畢竟春誰主

東郊拾翠襟袖露飛絮寶馬趁雕輪亂紅中香塵滿路

易 趙善扛
十千斗酒相與買春閑吳姬唱秦娥舞擿醉青樓暮

趙善扛

字文鼎宗室
號解林居士

重疊金

玉關芳草粘天碧春風萬里思行客嬌馬向風嘶道歸
猶未歸南雲新有鴈望眼愁邊斷膏沐為誰容倚樓
烟雨中

十拍子上已

柳絮飛時綠暗荼蘼開後春酣花外青帘迷酒思陌上
晴光收翠嵐佳辰三月三解珮人逢游女踏青草鬪
宜男醉倚畫欄欄檻北夢遶清江江水南飛鸞與共驂

宴清都

錢明遠兄縣丞榮滿赴調

疎柳無情緒都不管渡頭行客欲去猶依賴得玉光萬
頃為人留住相從歲月如鶩歎回首離歌又賦更舉目
斜照沈沈西風剪剪秋墅君行定憶南池歌筵舞地
花晨月午八甌步日三雍奏樂送君雲路別情未抵遺
愛試聽取湖山共語便可能無意同傾一尊露醕

賀新郎

晝永重簾捲乍池塘一番過雨芰荷初展竹引新梢半
含粉綠蔭扶疎滿院過花絮蜨稀蜂嬾窗戶沈沈人不
到伴清幽時有流鶯囀凝思久意何限玉釵墜枕風

鬢顛湛虛堂壺冰瑩徹簟波零亂自是仙姿清無暑月
影空隨素扇破午睡香銷餘篆一枕湖山千里夢正白
蘋烟棹歸來晚雲弄碧楚天遠

毛

升字平仲信安人仕止
州倅有樵隱詞一卷

滿庭芳

自宛陵易倅東陽留別諸同寮

世事難窮人生無定偶然蓬轉萍浮為誰教我徙宦到
東州還似翩翩海燕舞春至歸及涼秋回頭笑渾家數
口又泛五湖舟悠悠當此去黃童白叟莫謾相留但
谿山好處深負重游珍重諸公送我臨歧淚欲語先流
應須記從今風月相憶在南樓

滿江紅

潑火初收秋干外輕烟漠漠春漸遠綠楊芳草燕飛池
閣已著單衣寒食後夜來還是東風惡對空山寂寂杜
鵑啼梨花落傷別恨閑情作十載事驚如昨向花前
月下共誰行樂飛蓋低迷南苑路湔裙悵望東城約但
老來顛顛惜春心年年覺

謁金門

春已半芳草池塘綠遍山北山南花爛熳日長蜂蝶亂
閑掩屏山六扇夢好強教驚斷愁對畫梁雙語燕故
人心不見

畫堂春

華燈收盡雪初殘
踏青還爾游盤落
梅強半已飛翻刻
地春寒 多病故人日遠
幾時雙燕來還
可憐樓上一
凭欄不見長安

王

榘

一作或字子文號潛齋金華人
以父介蔭補官嘉定十二年進士
第寶祐初拜端明殿學士
僉書樞密院事封吳郡侯卒贈七官位特進

西河

天下事問天怎忍如此
陵圖誰把獻君王
結愁未已少
豪氣驟總成塵空餘白骨黃葦
千古恨吾老矣東游
曾弔淮水繡春臺上一回登
一回搵淚醉歸撫劔倚西

風江濤猶壯人意 只今袖手野色裏
望長淮猶二千里
縱有英心誰寄近
新來又報烽烟起
絕域張騫歸來未

曹

豳

字西士號東畝瑞安人嘉泰二年進士第累官左司諫以論事忤旨遷起居郎進禮部侍郎以寶章閣待制致仕謚文恭和王潛齋韻

西河

今日事何人弄得如此
漫漫白骨蔽川原
恨何日已闕
河萬里寂無烟
月明空照蘆葦
謾哀痛無及矣
無情莫問江水西
風落日慘新亭
幾人墮淚戰和何者是良
籌扶危但看天意 只今寂寞數澤裏
豈無人高卧問

里試問安危誰寄定相將有詔催公起須信前書言猶未

洪咨夔

字舜俞於潛人嘉定二年進士累遷吏部侍郎兼給事中進刑部尚書拜翰林學士知制誥加端明殿學士卒贈兩官有平齋集詞一卷

眼兒媚

平沙芳草渡頭村綠遍去年痕遊絲下上流鶯來往無限銷魂綺窗深靜人歸晚金鴨水沈溫海棠影下子規聲裏立盡黃昏

趙汝迵

字叔午樂清人嘉定中登第僉判雷州以詩忤權要謫官尋卒

清平樂

初鶯細雨楊柳依愁縷烟浦花橋如夢裏猶記倚樓別語小屏依舊圍香恨拋薄醉殘妝判却寸心雙淚為他花月淒涼

章

穎字茂獻臨江軍人第進士累官禮部尚書兼侍讀贈光祿大夫諡文肅

小重山

柳暗花明春事深小欄紅芍藥已抽簪雨餘風軟碎鳴琴遲遲日猶帶一分陰把酒莫沈吟身閑無箇事且登臨舊游何處不堪尋無尋處惟有少年心

郭應祥

字承禧臨江人嘉定間進士官楚越間有笑笑詞一卷

玉樓春

章 穎 郭應祥 陸 滋
匆匆相遇匆匆去恰似當初元未遇生憎黃土嶺頭塵
強學章臺街裏絮 雨荒三徑雲迷路總是離人堪恨
處從今對酒與當歌空惹離情千萬緒

陸

淞字子逸會稽人左丞佃之
孫者舊續聞稱為陸辰州

瑞鶴仙

臉霞紅印枕睡起來冠兒猶是不整屏間麝煤冷但眉
山壓翠淚珠彈粉堂深晝永燕交飛風簾露井悵無人
與說相思近日帶圍寬盡 重省殘燈朱幌淡月疎窗
那時風景陽臺路迴雲雨夢便無準待歸來先指花梢
教看却把心期細問問因循過了青春怎生意穩張叔夏云

景中帶情屏去浮艷

姚

鏞字希聲號雪篷剡溪人贛州守
嘉定十年進士有雪篷集一卷

謁金門

吟院靜遲日自行花影熏透水沈雲滿鼎晚妝窺露井
飛絮游絲無定誤了鶯鶯相等欲喚海棠教睡醒奈
何春不肯

羅

椅字子遠號澗谷廬陵人寶祐四年進士歷信
豐宰遷提轄權權貨度宗升遐失於入臨論罷

柳梢青

萼綠華身小桃花扇安石榴裙子野聞歌周郎顧曲曾
惱夫君 悠悠羈旅愁人似零落青天斷雲何處銷魂

初三夜月第四橋春

楊伯崑

字彥瞻號泳齋楊和王諸孫
涪祐間除工部郎出守衢州

踏莎行

雪中疎寮借閣帖更以薇露送之

梅觀初花蕙庭殘葉當時慣聽山陰雪東風吹夢到清
都今年雪比前年別 重釀宮醪雙鈎官帖伴翁一笑
成三絕夜深何用對青藜窗前一片蓬萊月

周

晉字明叔
號嘯齋

清平樂

圖書一室香暖垂簾密花滿翠壺熏研席睡覺滿窗晴
日 手寒不了殘碁篝香細勘唐碑無酒無詩情緒欲

梅欲雪天時

楊

贊字繼翁號守齋嚴陵人度宗朝女為
淑妃官列卿善琴有紫霞洞譜傳世

八六子

牡丹次白雲韻

怨殘紅夜來無賴雨催春去匆匆但暗水新流芳恨蝶
淒蜂慘千林嫩綠迷空 那知國色還逢柔弱華清扶
倦輕盈洛浦臨風細認得凝妝點脂勻粉露蟬聳翠藥
金團玉成叢幾許愁隨笑解一聲歌轉春融眼朦朧凭
欄半醒醉中

一枝春 除夕

竹爆驚春競喧填夜起千門簫鼓流蘇帳暖翠鼎緩騰

楊 續
香霧停盃未舉奈剛要送年新句應自有歌字清圓未
誇上林鶯語 從他歲窮日暮縱閑愁怎減劉郎風度
屠蘇辦了迤邐柳欺梅妒宮壺未曉早驕馬繡車盈路
還又把月夜花朝自今細數

被花惱 自度腔

疎疎宿雨釀寒輕簾幙靜垂清曉寶鴨微溫瑞烟少簷
聲不動春禽對語夢怯頻驚覺敲珀枕倚銀牀半窗花
影明東照 惆悵夜來風生怕嬌香混瑤草披衣便起
小徑回廊處處都行到正千紅萬紫競芳妍又還似年
時被花惱驀忽地省得而今雙鬢老

翁孟寅

字賓暘號五
峯錢唐人

齊天樂

元夕

紅香十里銅駝夢如今舊遊重省節序飄零歡娛老大
慵立燈光蟾影傷心對景怕回首東風雨晴難準曲巷
幽坊管絃一片笑相近 飛棚浮動翠葆看金釵半溜
春爐紅粉鳳輦鰲山雲收霧斂迤邐銅壺漏迴霜風漸
緊展一幅青綃淨懸孤鏡帶醉扶歸曉醒春夢穩

燭影搖紅

樓倚春城瑣窗曾共巢春燕人生好夢逐春風不似楊
花健舊事如天漸遠奈晴絲牽愁未斷鏡塵埋恨帶粉

棲香曲屏寒淺 環珮空歸故園羞見桃花面輕烟淺
照下闌干獨自疎簾捲一信狂風又晚海棠花隨風滿
院亂鴉歸後杜宇啼時一聲聲怨

阮郎歸

月高樓外柳花明單衣怯露零小橋燈影落殘星寒烟
蘸水萍 歌袖窄舞環輕梨花夢滿城落紅啼鳥兩無
情春愁添曉醒

趙汝芑

字參晦號霞山宋宗室

梅花引

對花時節不曾歡見花殘任花殘小約簾櫳一面受春

寒題破玉楸雙喜鵲香燼冷遶雲屏渾是山 待眠未
眠事萬千也問天也恨天髻兒半偏繡裙兒寬了又寬
自取紅氈重坐暖金船惟有月知君去處今夜月照秦
樓第幾間

夢江南

簾不捲細雨熟櫻桃數點霽霞天又曉一痕涼月酒初
消風急絮花高 閒游處磨盡少年豪昨夢醉來騎白
鹿滿湖春水段家橋濯髮聽吹簫

戀繡衾

柳絲空有萬千條繫不住溪頭畫橈想今宵也對新月

過輕寒何處小橋 玉簫臺榭春多少溜啼痕盈臉未
消怪別來燕支慵傳被東風偷在杏梢

漢宮春

著破荷衣笑西風吹我又落西湖湖間舊時飲者今與
誰俱山山映帶似携來畫卷重舒三十里芙蓉步障依
然紅翠相扶 一目清無留處任屋浮天上身集空虛
殘烟夕陽過雁點點疎疎故人老大好襟懷消減全無
漫贏得秋聲兩耳冷泉亭下騎驢

如夢令

小研紅綾箋紙一字一行春淚封了更親題題了又還

拆起歸未歸未好箇瘦人天氣

馮去非

字可遷號深居南康都昌人淳祐元年進士
幹辦淮東轉運使寶祐四年召為宗學諭

喜遷鶯

涼生遙渚正綠芰擎霜黃花招兩鴈外漁燈蒼邊蟹舍
絳葉表秋來路世事不離雙鬢遠夢偏欺孤旅送望眼
但憑舷微笑書空無語 慵看清鏡裏十載征塵長把
朱顏污借箸青油揮毫紫塞舊事不堪重舉間闊故山
猿鶴冷落同盟鷗鷺倦遊也便檣雲施月浩歌歸去

許

字忱父海鹽人有梅屋詩餘
及獻醜集嘉熙間自為序

鷓鴣天

馮去非 許 槩
翠鳳金鸞繡欲成沈香亭下款新晴綠隨楊柳陰邊去
紅踏桃花片上行 鶯意緒蝶心情一時分付小銀箏
歸來玉醉花柔困月瀉窗紗約半更

琴調相思引

組繡盈箱錦滿機倩人縫作護花衣恐花飛去無復上
芳枝 已恨遠山迷望眼不須更畫遠山眉正無聊賴
雨外一鳩啼

後庭花

一春不識西湖面翠羞紅倦兩窗和淚搖湘管意長箋
短 知心惟有雕梁燕自來相伴東風不管琵琶怨落

花吹徧

夜行船

一轡東風留不住離歌斷日斜春暮多事啼鶯如情飛
燕一路送人歸去 文君自被琴心悞却惆悵落花飛
絮錦字機寒玉爐烟冷門外亂山無數

喜遷鶯

鳩雨細燕風斜春悄謝娘家一重簾外即天涯何必暮
雲遮 釧金寒釵玉冷薄醉欲成還醒一春梳洗不簪
花孤負幾年華

詞綜卷十六調名

石州引

謝

念奴嬌

鄭

驀山溪

易

沁園春

邱

夜行船

錦帳春

漢宮春

劉

趙

浣溪沙

漁家傲

危

黃

洞仙歌

邱

劉

憶少年

浪淘沙

李

撲蝴蝶

西江月

蝶戀花

姜

吳

水龍吟

清平樂

霜天曉角

李

戴

趙

吳

醉落魄

劉

二郎神

馬

天仙子

水調歌頭

踏莎行

李楊

江神子

黃

好事近

鷓鴣天

許

十拍子

滿庭芳

毛

朝中措

閻邱馬

孤鸞

賀新郎

李趙

多麗

木蘭花慢

戴

玉樓春

嚴郭

一落索

重疊金

趙

宴清都

滿江紅

謁金門

姚

西河

王曹

小重山

章

柳梢青

羅

一枝春

齊天樂

翁

阮郎歸

夢江南

如夢令

琴調相思引

許

畫堂春

眼兒媚

洪

瑞鶴仙

陸

八六子

楊

被花惱

燭影搖影

梅花引

趙

戀繡衾

喜遷鶯

馮

後庭花

夜行船

昭君怨劉

喜遷鶯又名鶴冲天與馮作異

詞綜卷十七

宋詞八十首

盧祖臯 十五首

高觀國 二十首

史達祖 二十六首

汪莘 九首

吳潛 七首

李昉英 三首

盧祖臯

字申之永嘉人一云邛州人慶元中登第嘉定中為軍器少監有蒲江集詞一卷黃叔暘云蒲江樂章甚工字字可入律呂

倦尋芳

香泥壘燕密葉巢鶯春晴寒淺花徑風柔著地舞裊紅
軟鬪草烟欺羅袂薄秋千影落春遊倦醉歸來記寶帳

歌慵錦屏香煖 別來悵光陰容易還又荼蘼牡丹開
遍妒恨疎狂那更柳花迎面鴻羽難憑芳信短長安猶
近歸期遠倚危樓但鎮日繡簾高捲

西江月

燕掠晴絲裊裊魚吹水葉粼粼禁街微雨灑芳塵寒食
清明相近 謾著官羅試煖閑呼社酒酬春晚風簾幕
悄無人二十四番花信

清平樂

柳邊深院燕語明如剪消息無憑聽又嬾隔斷畫屏雙
扇 寶盃金縷紅牙醉魂幾度兒家何處一春游蕩夢

中猶恨楊花

烏夜啼

段段寒沙淺水蕭蕭暮雨孤篷香羅不共征衫遠砧杵
客愁中 別恨慵看楊柳歸期暗數芙蓉碧梧聲到紗
窗曉昨夜已秋風

又西湖

漾煖紋波颭颭吹晴絲雨濛濛輕衫短帽西湖路花氣
撲春驄 鬪草褰衣溼翠秋千瞥眼飛紅日長不放春
醪困立盡海棠風

謁金門

蘭棹舉相趁落紅飛去一隙輕簾凝睇處柳絲牽不住
昨日翠蛾金縷今夜碧波烟渚好夢無憑窗又雨天
涯知幾許

又

閑院宇獨自行來行去花片無聲簾外雨峭寒生碧樹
做弄清明時序料理春醒情緒憶得歸時停棹處畫
橋看飛絮

水龍吟 淮西重午

會昌湖上扁舟幾年不醉西山路流光又是宮衣初試
安榴半吐千里江山滿川烟草薰風淮楚念離騷恨遠

獨醒人去闌干外誰懷古 亦有魚龍戲舞豔晴川綺
羅歌鼓鄉情節意樽前同是天涯羈旅漲綠池塘翠陰
庭院歸期無據問明年此夜一眉新月照人何處

又 荼蘼

蕩紅流水無聲暮烟細草粘天遠低徊倦蝶往來忙燕
芳期頓嬾綠霧迷牆翠虬騰架雪明香暖笑依依欲挽
春風教住還疑是相逢晚 不似梅妝瘦減占人間丰
神蕭散攀條弄藥天涯猶記曲欄小院老去情懷酒邊
風味有時重見對枕幃空想東窗舊夢帶將離恨

洞仙歌 茉莉

玉肌翠袖較似荼蘼瘦幾度熏醒夜窗酒問炎州何事
得許清涼塵不到一段冰壺剪就 晚來庭戶悄暗數
流光細拾芳英黯回首念日暮江東偏為魂銷人易老
幽韻清標似舊正紋簾如波帳如烟更奈向月明露濃
時候

鷓鴣天

庭綠初圓結蔭濃香溝收拾樹梢紅池塘少歇鳴蛙雨
簾幕輕迴舞燕風 春又老笑誰同澹烟斜日小樓東
相思一曲臨風笛吹過雲山第幾重

魚游春水

離愁禁不去好夢別來無覓處風翻征袂觸目年芳如
許軟紅塵裏鳴鞭鐙拾翠叢中白伴侶都負歲時暗關
情緒 昨夜山陰杜宇似把歸期驚倦旅遙知樓倚東
風凝顰暗數寶香拂拂遺鴛錦心事悠悠尋燕語芳草
暮寒亂花微雨

賀新郎

彭傳師於三高祠前作釣雪亭趙子野邀余賦之

於三高祠前作釣雪亭趙子野邀

挽住風前柳問鷓鴣夷當日扁舟近曾來否月落潮生無
限事零落茶烟未久謾留得蓴鱸依舊可是功名從來
誤撫荒祠誰繼風流後今古恨一搔首 江涵鴈影梅
花瘦四無塵雪飛雲凍夜窗如晝萬里乾坤清絕處付

與漁翁釣叟又恰是題詩時候猛拍闌干呼鷗鷺道他
年我亦垂綸手飛過我共樽酒

沁園春 雙溪狎鷗

幾葉凋楓半篙寒日傍橋繫船愛洞門深鎖人間福地
雙溪分占天上星躔破帽敲寒短鞭敲月此地經行知
幾年空贏得似沈郎消瘦還欠詩篇 沙鷗伴我愁眠
向水驛風亭紅蓼邊有村醪可飲且須同醉溪魚堪鱠
切莫論錢笠澤陂頭垂虹亭上橙蟹肥時霜滿天相隨
否算江南江北惟有君閑

小闌干 桂花

露華深釀古香醲一樹出雲叢窗間試與閑培秋事聊
寄幽悰 鉤簾靜對西風晚塵外小房攏輕陰淡日淺

寒清月想見山中

高觀國

字賓王山陰人有
竹屋癡語一卷
陳唐卿云竹屋梅谿詞要是不經人道語其
妙處少游美成亦未及也張叔夏云竹屋
白石邦卿夢窗格調不凡句法挺異能特
立清新之意刪削靡曼之詞自成一家

蘭陵王 春雨

灑塵閣暮暮天垂似暮春寒峭吹斷萬絲溼影和烟暗
簾箔清愁曉來覺佳景惜惜過却芳郊外鶯恨燕愁不
管秋千冷紅索 行雲楚臺約念今古凝情朝暮如昨

啼紅濕翠春情薄，謾一犁江上半篙隄。外勾引輕陰趁
畫角正孤緒寂寞。斑駁止還作聽點點簷聲沈沈春
酌只愁入夜東風惡，怕催教花放。趲將花落溟濛烟草
夢正遠恨怎託

御街行 詠轎

藤筠巧織花紋細，稱穩步如流水。踏青陌上雨初晴，嫌
怕溼文鴛雙履。要人送上，逢花須住，纔過處香風起。
裙兒挂在簾兒裏，更不把窗兒閉。紅紅白白簇花枝，恰
稱得尋春芳意。歸來時晚，紗籠引道，扶下人微醉。

又賦簾

香波半窄深深院，正日上花陰。淺青絲不動，玉鉤閑看
翠額輕籠。葱蒨鶯聲似隔，篆烟微度，愛橫影參差滿。
那回低挂朱欄畔，念悶損無人捲。窺春偷倚不勝情，仿
彿見如花嬌面。纖柔緩揭，瞥然飛去，不似春風燕。

玲瓏四犯

水外輕陰，做弄得飛雲吹斷。晴絮駐馬橋西，還繫舊時
芳樹，不見翠陌尋春，漫問著小桃無語。恨燕鶯不識，閑
情却隔亂紅飛去。少年曾失春風意，到如今怨恨難
訴。魂驚冉冉江南遠，烟草喚愁如許。此意待寫翠箋，奈
斷腸都無新句。問甚時舞鳳歌鸞，花底再看仙侶。

菩薩蠻

春風吹綠湖邊草春光依舊湖邊道玉勒錦障泥少年
游冶時烟明花似繡且醉旗亭酒斜日照花西歸鴉
花外啼

解連環柳

露條烟葉惹長亭舊恨幾番風月愛細縷先窳輕黃漸
拂水藏鴉翠陰相接纖軟風流眉黛淺三眠初歇奈年
華又晚縈絆游蜂絮飛晴雪依依灞橋怨別正千絲
萬緒難禁愁絕悵歲久應長新條念曾繫花驄屢停蘭
楫弄影搖晴恨閑損春風時節隔郵亭故人望斷舞腰

瘦怯

燭影搖紅

別浦潮平遠村帆落烟江冷征鴻相喚著行飛不耐霜
風緊雪意垂垂未定正慘慘雲橫疎影酒醒情緒日晚
登臨淒涼誰問行樂京華軟紅不斷香塵噴試將心
事卜歸期終是無憑準寥落年華將盡誤玉人高樓凝
恨第一休負西子湖邊江梅春信

喜遷鶯

涼雲歸去再約著晚來西樓風雨水靜簾陰鷗閑菰影
秋到露汀烟浦試省喚回幽恨盡是愁邊新句倦登眺

動悲涼還在殘蟬吟處 淒楚空見訴香鎖霧局心似
秋蓮苦寶瑟彈冰玉臺窺月淺黛可憐偷聚幾時翠溝
題葉無復繡簾吹絮鬢華晚念庾郎情在風流誰與

霜天曉角

春雲粉色春水和烟溼試問西湖楊柳東風外幾絲碧
望極連翠陌蘭橈雙槳急欲訪莫愁何處旗亭在畫
橋側

卜算子

屈指數春來彈指驚春去檐外蛛絲網落花也要留春
住 幾日喜春晴幾夜愁春雨十二雕窗六曲屏題徧

傷春句

少年遊

草

春風吹碧春雲映綠夢曉入芳茵軟襯飛花遠連流水
一望隔香塵 萋萋多少江南舊恨翻憶翠羅裙冷落
閑門淒迷古道烟雨正愁人

齊天樂

碧雲闕處無多雨愁與去帆俱遠倒葦沙閑枯蘭砌冷
寥落寒江秋晚樓陰縱覽正魂怯清吟病多消黯怕楫
西風袖羅香自去年減 風流江左久客舊游得意處
朱簾曾卷載酒春情吹簫夜約猶憶玉嬌香軟塵樓故

苑歎壁月空簷夢雲飛觀送絕征鴻楚峰烟數點

又中秋夜懷梅谿

澄雲知有關山念澄霄卷開清霄素景中分冰盤正溢
何啻嬋娟千里危欄靜倚正玉管吹涼翠觴留醉記約
清吟錦袍初喚醉魂起孤光天地共影浩歌誰與舞
淒涼風味古驛烟寒幽垣夢冷應念秦樓十二歸心對
此想斗插天南鴈橫遼水試問姮娥有愁能為寄

玉樓春

春烟淡淡生春水曾記芳洲蘭棹艤岸花香到舞衣邊
汀草色分歌扇底棹沈雲去人千里愁壓雙鴛鴦飛不

起十年春事十年心怕說濺裙當日意

永遇樂

次韻弔青樓

淺暈脩蛾脆痕紅粉猶記窺戶香斷奩空塵生砌冷誰
喚青鸞舞春風花信秋宵月約歷歷此心曾許銜芳恨
千年怨結玉骨未應成土木蘭艇子莫愁何在謾繫
寒江烟樹事逐雲沈情隨珮冷短夢分今古一坏遙夜
孤光難曉多少碎人腸處空淒黯西風細雨盡吹淚去

金人捧露盤

楚宮閑金成屋玉為欄斷雲夢容易驚殘驪歌幾疊至
今愁思怯陽關清音恨阻抱哀箏知為誰彈年華晚

月華冷霜華重鬢華斑也須念閑損雕鞍斜緘小字錦
江三十六鱗寒此情天闊正梅信笛裏關山

鳳栖梧

雲喚陰來鳩喚雨謝了江梅可踏江頭路
信阻不成日日春寒去見說東風桃葉渡岸隔青山
依舊橫眉媼歸鴈不如箏上柱一行常見相思苦

賀新郎

月冷霜袍擁見一枝年華又晚粉愁香凍雲隔溪橋人
不度的樂春心未縱清影怕寒波搖動更沒纖毫塵俗
態倚高情預得春風寵沈凍蜨挂么鳳一杯正要吳

姬捧想見那柔酥弄白暗香偷送回首羅浮今在否寂
寞烟迷翠壠又爭奈桓伊三弄開遍西湖春意爛算羣
花正作江山夢吟思怯暮雲重

祝英臺近

荷花
擁紅妝翻翠蓋花影暗南浦波面澄霞蘭艇採香去有
人水濺湘裙相招晚醉正月上涼生風露兩凝佇別
後歌斷雲閑嬌姿黯無語魂夢西風端的此心苦遙想
芳臉輕顰凌波微步鎮輸與沙邊鷗鷺

清平樂

春蕪雨溼燕子低飛急雲壓前山羣翠失烟水滿湖輕

碧 小蓮相見灣頭清寒不到青樓請上琵琶絃索今
朝破得春愁

史達祖

字邦卿汴人有

梅溪詞二卷 姜堯章云邦卿詞奇秀清逸融情景於一家 會句意於兩得張功甫云生詞纖綃泉底 去塵眼中安貼輕圓辭情俱到有壞奇警邁 清新閑婉之長而無詭蕩汗淫之失端可分 鏤清真平晚方回

綺羅香 春雨

做冷欺花將烟困柳千里偷催春暮盡日冥迷愁裏欲
飛還住驚粉重蜨宿西園喜泥潤燕歸南浦最妨他佳
約風流鈿車不到杜陵路 沈沈江上望極還被春潮

晚急難尋官渡隱約遙峰和淚謝娘眉嫵臨斷岸新綠
生時是落紅帶愁流處記當日門掩梨花剪燈深夜語

雙雙燕 春燕

過春社了度簾幕中間去年塵冷差池欲住試入舊巢
相並還相雕梁藻井又軟語商量不定飄然快拂花梢
翠尾分開紅影 芳徑芹泥雨潤愛貼地爭飛競誇輕
俊紅樓歸晚看足柳昏花暝應自棲香正穩便忘了天
涯芳信愁損翠黛雙蛾日日畫欄獨凭

玉樓春 梨花

玉容寂寞誰為主寒食心情愁幾許前身清淡似梅妝

遙夜依微留月住 香迷蝴蝶飛時路雪在秋千來往
處黃昏著了素衣裳深閉重門聽夜雨

萬年歡

兩袖梅風謝橋邊岸痕猶帶陰雪過了匆匆燈市草根
青發燕子春愁未醒悞幾處芳音遼絕烟溪上采菖人
歸定應愁沁花骨 非干厚情易歇奈燕臺句老難道
離別小徑吹衣曾記故里風物多少驚心舊事第一是
侵階羅鞵如今但柳髮晞春夜來和露梳月

壽樓春

尋春服感念

裁春衫尋芳記金刀素手同在晴窗幾度因風殘絮照

花斜陽誰念我今無裳自少年消磨疎狂但聽雨挑燈
敲牀病酒多夢睡時妝 飛花去良宵長有絲闌舊曲
金譜新腔最恨湘雲人散楚蘭魂傷身是客愁為鄉算
玉簫猶逢韋郎近寒食人家相思未忘蘋藻香

祝英臺近

落花深芳草暗春到斷腸處金勒驕風欲過大隄去翠
樓菖嶺西邊恰如舊約畫欄映一枝瓊樹 正凝佇芳
意欺月矜春渾欲便偷去多少鶯聲不敢寄愁與謝郎
日日西湖如今歸後幾時見倚簾吹絮

西江月

西月澹窺樓角東風暗落簷牙一燈初見影窗紗又是
重簾不下 幽思屢隨芳草閑愁又似楊花楊花芳草
遍天涯繡被春寒夜夜

夜行船 正月十八日聞賣杏花有感

不剪春衫愁意態過收燈有些寒在小雨空簾無人深
巷已早杏花先賣 白髮潘郎寬沈帶怕看山憶他眉
黛草色拖裙烟光染鬢長記故園挑菜

蝶戀花

二月東風吹客袂蘇小門前楊柳如腰細蝴蝶識人遊
冶地舊曾來處花開未 幾夜湖山生夢寐萍泊尋芳

只怕春寒裏今歲清明逢上巳相思先到濺裙水

臨江仙

草脚青回細膩柳梢綠轉苗條舊遊重到合魂消棹橫
春水渡人凭赤欄橋 歸夢有時曾見新愁未肯相饒
酒香紅被夜迢迢莫教無用月來照可憐宵

又

倦客如今老矣舊遊可奈春何幾曾湖上不經過看花
南陌醉駐馬翠樓歌 遠眼愁隨芳草湘裙憶著春羅
枉教裝得舊時多向來簫鼓地曾見柳婆娑

八歸

秋江帶雨寒沙縈水人瞰畫樓愁獨烟衰散響驚詩思
還被亂鷗飛去秀句難續冷眼盡歸圖畫上認隔岸微
茫雲屋想半屬漁市樵村欲暮競燃竹須信風流未
老憑持酒慰此淒涼心目一鞭南陌數篙官渡賴有歌
眉舒綠只匆匆遠眺早覺閒愁挂喬木應難禁故人天
際望徹淮山相思無鴈足

過龍門

醉月小紅樓錦瑟篋篋夜來風雨曉來收幾點落花饒
柳絮同為春愁寄信問晴鷗誰在芳洲綠波寧處有
蘭舟獨對舊時携手地情思悠悠

秋霽

江水蒼蒼望倦柳愁荷共感秋色廢閣先涼古簾空暮
鴈程最嫌風力故園信息愛渠入眼南山碧念上國誰
是鱸江漢未歸客還又歲晚瘦骨臨風夜聞秋聲
吹動岑寂露蛩鳴清燈冷屋翻書愁上鬢毛白年少俊
遊渾斷得但可憐處無奈苒苒驚魂採香南浦剪梅烟
驛

惜黃花 定興道中

涵秋寒渚染霜丹樹尚依稀是來時夢中行路時節正
思家遠道仍懷古更對著滿城風雨黃花無數碧雲

史達祖
欲暮美人兮美人兮未知何處獨自捲簾櫳誰為開尊
俎恨不得御風歸去

齊天樂 賦橙

犀紋隱隱鶯黃嫩籬落翠深偷見細雨重移新霜試摘
佳處一年秋晚荆江未遠想橘友荒涼木奴嗟怨就說
風流草泥來趁蟹螯健 并刀寒映素手醉魂沈夜飲
曾倩排遣沆瀣含酸金罍裏玉簌簌吳鹽輕點瑤姬齒
軟待惜取團圓莫教分散入手溫存帕羅香自滿

又 白髮

秋風早入潘郎鬢斑斑遽驚如許暖雪侵梳晴絲拂領

裁滿愁城深處瑤簪謾妒便羞插宮花自憐哀暮尚想
春情舊吟淒斷茂陵女 人間公道惟此歎朱顏也恁
容易墮去涅了重緇搔來更短方悔風流相誤郎潛幾
縷漸疎了銅駝俊遊儔侶縱有黔黔奈何詩思苦

又 湖上即席分賦得羽字

鴛鴦拂破蘋花影依依趁涼飛去畫裏移舟詩邊就夢
葉葉碧雲分雨芳游自許過柳影閑波水花平渚見說
西風為人吹恨上瑤樹 闌干斜照未滿杏牆應望斷
春翠偷聚淺約按香深盟搗月誰是窗間青羽孤篴幾
柱問因甚參差暫成離阻夜色空庭待歸聽俊語

夜合花

柳鎖鶯魂花翻蝶夢自知愁染潘郎輕衫未攬猶將淚
點偷藏念前事怯流光早春窺酥雨池塘向銷凝裏梅
開半面情滿徐妝 風絲一寸柔腸曾在歌邊惹恨燭
底縈香芳機瑞錦如何未織鴛鴦人扶醉月依牆是當
初誰敢疎狂把閑言語花房夜久各自思量

東風第一枝 春雪

巧沁蘭心偷粘草甲東風欲障新暖謾疑碧瓦難留信
知暮寒較淺行天入鏡做弄出輕鬆纖軟料故園不捲
重簾誤了乍來雙燕 青未了柳回白眼紅欲斷杏開

素面舊游憶著山陰厚盟遂妨上苑熏爐重熨且慢放
春衫鍼線怕鳳靴挑菜歸來萬一灞橋相見

又 立春

草脚愁回一作蘇花心夢醒鞭香拂散牛土舊歌空憶珠
簾彩筆倦題繡戶粘雞貼燕想占斷東風來處暗惹起
一掬相思亂藏翠盤紅縷 今夜覓夢池秀句明日動
探花芳緒寄聲沽酒人家款一作預約嬉一作俊遊伴侶憐
他梅柳怎忍後天街酥雨待過了一月燈期日日醉扶
歸去 張叔夏云不獨措辭精粹又且見時節風物之感

風流子

紅樓橫落日蕭郎去幾度碧雲飛記窗眼遞香玉臺妝
罷馬蹄敲月沙路人歸如今但一鶯通信息雙燕說相
思入耳舊歌怕聽金縷斷腸新句羞染烏絲相逢南
溪上桃花嫩嬌樣淺淡羅衣恰是怨深腮赤愁重聲遲
悵東風巷陌草迷春恨軟塵庭戶花誤幽期多少寄來
芳字都待還伊

三姝媚

烟光搖縹瓦望晴簷多風柳花如灑錦瑟橫牀想淚痕
塵影鳳絃長下倦出犀帷頻夢見王孫驕馬諱道相思
偷理綃裙自驚腰衩惆悵南樓遙夜記翠箔張燈枕

肩歌罷又入銅駝遍舊家門巷首詢聲價可惜東風將
恨與閑花俱謝記取崔徽模樣歸來暗寫

喜遷鶯

元宵

月波凝滴望玉壺天近了無塵隔翠眼圈花冰絲織練
黃道寶光相直自憐詩酒瘦難應接許多春色最無賴
是隨香趁燭曾伴狂客踪跡謾記憶老了杜郎忍聽
東風笛柳院燈疎梅廳雪在誰與細傾春碧舊情拘未
定猶自學當年游歷怕萬一誤玉人夜寒窗際簾隙

湘江靜

暮草堆青雲浸浦記匆匆倦篙曾駐漁榔四起沙鷗未

喜遠有實光二句舊情二句均用
上五下七其他作异结處別本夜集
下每句國際字然有句國際二字上句平
反亦其他作异

落怕愁沾詩句碧袖一聲歌石城怨西風隨去滄波蕩
晚菰蒲弄秋還重到斷魂處 酒易醒思正苦想空山
桂香懸樹三年夢冷孤吟意短屢烟鐘津鼓屐齒厭登
臨移燈後幾番涼雨潘郎漸老風流頓減閑居未賦

陽春

杏花烟梨花月誰與暈開春色坊巷曉悵悵東風斷舊
火銷處近寒食少年踪跡愁暗隔水南山北還是寶絡
雕鞍被鶯聲喚來香陌 記飛蓋西園寒猶凝驚醉耳
誰家夜笛燈前重簾不挂帶華裾粉淚曾拭如今故里
信息賴海燕年時相識奈芳草正鎖江南夢春衫怨碧

汪

莘

字叔耕休寧人嘉定間下詔求言扣閣三上
書不報為楊慈湖朱晦庵真西山諸公所歎
服後築室柳溪自號方壺
居士有方壺存稿詞二卷
孫山甫云柳塘長短句似坡翁不受音律束
縛山甫云柳塘長短句似坡翁不受音律束
深思遠未易遽班之賀也

杏花天

美人家在江南住每惆悵江南日暮白蘋洲畔花無數
還憶瀟湘風度 幸自是斷腸無處怎強作鶯聲燕語
東風占斷秦箏柱也逐落花歸去

好事近

夾岸隘桃花花下蒼苔如積驀地輕寒一陣上桃花顏

色東鄰西舍絕經過新月是相識白玉闌干斜倚作
蓬山春夕

謁金門

簷漏滴都是春歸消息帶雨牡丹無氣力黃鸝愁雨溼
爭看洛陽春色忘却連天草碧南浦綠波雙槳急沙
頭人佇立

玉樓春

贈別孟倉使

一片江南春色晚牡丹花謝鶯聲嬾問君離恨幾多長
芳草連天猶覺短昨夜溪頭新溜滿樽前自起噴龍
管明朝飛棹下錢塘心共白蘋香不斷

憶秦娥

村南北夜來陡覺霜風急霜風急征途情緒塞垣消息
佳人獨抱琵琶泣一江明月空相憶空相憶寒衣未
絮荻花狼藉

乳燕飛

感秋采楚詞賦此

去郢頻回首正橫江蓀橈容與蘭旌悠久悵望龍門都
不見似把長楸辜負念往日佳人為偶獨向芳洲相思
處采蘋花杜若空盈手乘赤豹誰來後雲中眼界窮
高厚覽山川冀州還在陶唐何有木葉紛紛秋風晚縹
緲瀟湘左右見帝子冰魂相守應記揮絃相對日醉一

杯太乙東皇酒問此意君知否

八聲甘州

惜餘春蛺蝶引春來杜鵑趣春歸算何如桃李渾無言
說開落忘機多謝黃鸝舊友相逐落花飛芳草連天遠
愁殺斜暉 誰向西湖南畔問亭臺在否花木應非看
孤山山下惟說隱君廬想錢塘春遊依舊到梨花寒食
隘舟車尋常事不須惆悵暮雨沾衣

行香子

臘八日與洪仲簡溪行其夜雪作

野店殘冬綠酒春濃念如今此意誰同溪光不盡山翠
無窮有幾枝梅幾竿竹幾株松 籃輿乘興薄暮疎鐘

望孤村斜日匆匆夜窗雪陣曉枕雲峰便擁漁蓑頂漁
笠作漁翁

又雪後閒眺

策杖溪邊倚杖峰前望瓊林玉樹森然誰家殘雪何處
孤烟向一溪橋一茅店一漁船 別般天地新樣山川
喚家僮訪鶴尋猿山深寺遠雪冷鐘殘喜竹間燈梅間
屋石間泉

吳

潛

字毅夫宜國人嘉定十年進士第一淳祐中
參知政事拜右丞相兼樞密使進左丞相封
慶國公改封許國公景定初安置
循州卒贈少師有履齋詩餘三卷

滿江紅

滕王閣

萬里西風吹我上滕王高閣正檻外楚山雲漲楚江濤
作何處征帆林杪去有時野鳥沙邊落近簾鉤暮雨掩
空來今猶昨 秋漸緊添離索天正遠傷漂泊歎十年
心事休休莫莫歲月無多人易老乾坤雖大愁難著向
黃昏斷送客魂銷城頭角

酹江月

瓜洲會趙南仲端明

紅塵飛騎報元戎小隊踏青南陌雪浪堆邊呼曉度吳
楚半江分坼歲月驚心風埃眯目相對頭俱白楊花撩
亂可憐如此春色 誰道燕燕鶯鶯多情猶自認得年
時客重唱江南腸斷句為我滿傾雲液畫鼓舟移金鞍

人遠一晌烟波隔斜陽冉冉依然無限悽惻

二郎神

小樓向晚正柳鎖一城烟雨計十里吳山繡簾朱戶曾
學宮詞內舞浪逐東風無人管但脈脈歲移年度嗟往
事未塵新愁還織怎堪重訴 凝竚問春何事飛紅飄
絮縱杜曲秦川舊家都在誰寄音書說與野草淒迷暮
雲沈黯渾自替人無緒珠淚滴應把寸腸萬結夜帷深
處

鵲橋仙

扁舟乍泊危亭孤嘯目斷閑雲千里前山急雨過溪來

盡洗却人間暑氣 暮鴉木末落鳧天際都是一番一作
團秋意癡兒駭女賀新涼也不道西風又起

青玉案

十年三過蘇臺路還是匆匆去迅景流光容易度鷺
洲鷗渚葦汀蘆岸總是銷魂處 蒼烟欲合斜陽暮付
與愁人砌愁句為問新愁愁底許酒邊成醉醉邊成夢
夢斷前山雨

南柯子

池水凝新碧欄花駐老紅有人獨倚畫橋東手把一枝
楊柳繫春風 鵲伴游絲墜蜂粘落蕊空鞦韆庭院小

簾櫳多少閒情閒緒雨聲中

海棠春

郊行

天涯芳草迷征路還是匆匆春去烏兔裏光陰鶯燕
邊情緒 雲梢霧末溪橋野渡盡是春愁落處把酒勸
斜陽小向花間駐

李昉英

一作昂英字俊明一云字公昂番禺人一云
資州人寶慶中進士第三人任臨汀推官累
官吏部侍郎卒諡忠
簡有文溪詞一卷

蘭陵王

燕穿幕春在深深院落單衣試龍沫旋薰又怕東風曉
寒薄別來情緒惡瘦得腰圍柳弱清明近正似海棠怯

兩芳踪任飄泊 釵留去年約恨易老嬌鶯多誤靈鵲
碧雲香縵天涯各望不斷芳草又迷香絮迴文強寫字
屢錯淚欲注還閣 孤酌駐春脚更彩局誰炊寶軫慵
學階除拾取飛花嚼是少春恨等閑吞却闌干猛拍
歎命薄悔舊諾

摸魚兒

敞茅堂茂林環翠苔磯依蘸烟浦青蓑混入漁家社斜
日斷橋船聚真樂處坐芳草瓦樽滿酒頻頻注臯禽自
舞慣松徑穿雲梅村踏雪朗笑自來去 乘車隊去爭似
修筇穩步前塵回首俱誤安閑得在中年好抱甕尚堪

蔬圃高眼觀算不識人間寵辱除巢許風篁解語應共
笑羣狙無端喜怒三四計朝暮

瑞鶴仙 甲辰除夕

玉城春不夜映月壁寒流燭蕩光射鼇山海雲駕擁遨
頭簫鼓錦旗紅亞東風近也趁樂歲良辰多暇想陽和
早徧南州暖得柳嬌桃冶 堪畫紗籠夾道露重花珠
塵吹蘭麝歌朋舞社玉梅轉鬧蛾耍且重占先探芋郎
戲巧又卜紫姑燈下聽歡聲猶自未歸鈿車寶馬

詞綜卷十七調名

倦尋芳

盧

清平樂

高

謁金門

汪

鷓鴣天

洞仙歌

沁園春

蘭陵王

高

李

玲瓏四犯

解連環

西江月

史

烏夜啼

水龍吟

魚遊春水

賀新郎

高

小闌干

御街行

菩薩蠻

燭影搖紅

喜遷鶯 史

卜算子

齊天樂 史

永遇樂

鳳栖梧

雙雙燕 史

綺羅香

夜行船

臨江仙

過龍門

霜天曉角

少年遊

玉樓春 史 汪

金人捧露盤

祝英臺近 史

萬年歡

壽樓春

蝶戀花

八歸

秋霽

惜黃花

東風第一枝

三姝媚

陽春

好事近

乳燕飛

行香子

酹江月

鵲橋仙

南歌子

夜合花

風流子

湘江靜

杏花天 汪

憶秦娥

八聲甘州

滿江紅 吳

二郎神

青玉案

海棠春

摸魚兒李

瑞鶴仙

芍藥山房重訂

詞綜卷十八

宋詞七十四首

趙以夫 九首

史雋之 一首

陳經國 二首

張榘 一首

方千里 四首

尹煥 二首

陳以莊 一首

沈端節 一首

劉褒 一首

章謙亨 一首

方岳 五首

洪璚 五首

汪暉 一首

馮取洽 二首

盧炳 四首

潘枋 一首

馮艾子 一首

黃昇 五首

文及翁 一首

李芸子 一首

嚴羽 一首

李廷忠 一首

王以宣 一首

陸叡 一首

蕭泰來 一首

趙希邁 一首

趙崇璠 一首

王藻 一首

趙潛 一首

鍾過 一首

張樞 四首

趙希彭 二首

李演 六首

黃簡 一首

李振祖 一首

陳策 一首

趙以夫

字川父長樂人端平中知漳州有虛齋樂府二卷

孤鸞梅

江頭春早問江上寒梅占春多少自照疎星冷祇許春
風到幽香不知甚處但迢迢滿河烟草回首誰家竹外
有一枝斜好記當年曾共花前笑念玉雪襟期有誰
知道喚起羅浮夢正參橫月小淒涼更吹塞管謾相思
鬢毛驚老待覓西湖半曲對霜天清曉

龍山會 九日

九日無風雨一笑凭高浩氣橫秋宇羣峯青可數寒城
小一水縈迴如縷西北最關情謾遙指東徐南楚黯消

魂斜陽冉冉鴈聲悲苦 今朝寒菊依然重上南樓草
草成歡聚詩朋休浪賦舊題處俛仰已隨塵土莫放酒
行疎清漏短涼蟾當午也全勝白衣未至獨醒凝竚

角招梅

曉寒薄苔枝上剪成萬點冰夢暗香無處著立馬斷魂
晴雪籬落溪略約恨寄驛音書遼邈夢遼揚州東閣風
流舊日何郎想依然林壑 離索引杯自酌相看冷淡
一笑人如削水雲寒漠漠底處羣仙飛來霜鶴芳姿綽
約正月滿瑤臺珠箔徒倚闌干寂寞盡分付許多愁城
頭角 溪略約句應四字陽春白雪本溪上有橫字底處
三句作十萬遊仙同驂霜鶴幾多幽約

徵招雪

玉壺凍裂琅玕折駸駸逼人衣袂暖絮漲空飛失前山
橫翠欲依還又起似妝點滿園春意記憶當時剡中情
味一溪雲水 天際絕人行高吟處依稀灞橋鄰里更
剪剪梅花落雲階月砌化工真解事強勾引老來詩思
楚天暮驛使不來悵曲欄獨倚

二郎神 次陳唯道

野塘暗碧漸點點翠鈿明鏡想畫永珠簾人閑金屋時
倚妝臺照影睡起闌干凝思處謾數盡歸鴉棲暝知月
下鶯黃雲邊蛾綠為誰重整 曾倩鴈傳鵲報心期罕

定奈柳絮浮雲桃花流水長是參差不並莫怨春歸莫
愁柘老蟄已三眠將醒腸斷句枉費丹青漠漠水遙烟
迴

雙瑞蓮

千機雲錦裏看並蒂新房駢頭芳藥清標艷態兩兩翠
裳霞袂似是商量心事倚綠蓋無言相對天蘸水彩舟
過處鴛鴦驚起縹緲影搖香想劉阮風流雙仙姝
麗閑情未斷猶戀人間歡會莫待西風吹老薦玉醴碧
筒擗醉清露底月照一襟歸思

永遇樂七夕和劉隨如

雲鴈將秋露螢照夜涼透窗戶星網珠疎月奩金小清
絕無點暑天孫河鼓東西相望隱隱光流華渚妝樓上
青瓜玉果多少駭兒癡女金鍼暗度蛛絲密結便有
繫人心處經歲離思霎時歡愛愁緒空萬縷人間天上
一般情味枉了錦箋囑付又何似吹笙仙子跨黃鶴去

鵲橋仙

翠鋪心事紅樓歡宴深夜沈沈無暑竹邊荷外再相逢
又還逐浮雲飛去錦箋尚溼珠香未歇空惹閑愁千
縷尋思不似鵲橋人猶自得一年一度

憶舊遊慢荷花

望紅蕖影裏冉冉斜陽十里沙平喚起江湖夢向沙鷗
住處細說前盟水鄉六月無暑寒玉散青冰笑老去心
情也將醉眼鎮為花青 亭亭步明鏡似月浸華清人
在秋庭照夜銀河落想粉香溼露恩澤初承十洲縹緲
何許風引綵舟行尚憶得西施餘情裊裊烟水汀

劉

字伯龍登瀛熙進士除司門郎
中歷官朝請郎知西全州有集

滿庭芳 留別

柳裊金絲梨鋪香雪一年春事方中燭前乍見花艷覺
羞紅枕臂香痕未落舟橫岸作計匆匆明朝去暮天平
水雙漿碧雲東 隔籬歌一闋琵琶聲斷燕子樓空歎

陽臺夢香行雨無踪後會芙蓉未老從今去日望歸鴻
愁如織斷腸啼鴉多事訴春風

史雋之

紹定初知
江陰軍

望海潮 浮遠堂

危岑孤秀飛軒爽豁空江泱漭黃流吳札故丘春申舊
國西風吹換清秋滄海浪初收共登高臨眺尊俎綢繆
鳳集高岡駒留空谷接英游 八窗盡控瓊鉤送帆檣
杳杳潮汐悠悠今古興懷關河極目愁邊滅沒輕鷗淮
岸隔重洲認澹霞天末一縷青浮未許英雄老去西北
是神州

章謙亨 字牧叔 吳興人 為鉛山令

念奴嬌 垂楊

垂楊得地在樓臺側畔無人攀折不似津亭舟繫處只
伴客愁離別絲過搖金帶鋪新翠雅稱鶯調舌芳筵相
映最宜斜挂殘月 却得連日春寒未教輕滾一片庭
前雪應恨張郎今老去難比風流時節醉眼渾醒愁眉
都展舞困腰肢怯有時微笑把伊綰箇雙結

陳經國

嘉禧淳祐間人 有龜峯詞一卷

沁園春

丁酉歲感事

誰使神州百年陸沈青氈未還悵晨星殘月北州豪傑

西風斜日東帝江山劉表坐談深源輕進機會失之彈
指間傷心事是年年冰合在在風寒 說和說戰都難
算未必江沱堪宴安歎封侯心在鱣鯨失水平戎策就
虎豹當關渠自無謀事猶可做更剔殘燈抽劒看麒麟
閣豈中興人物不盡儒冠

又

送陳起莘歸長樂

過了梅花縱有春風不如早還正燕泥日煖草綿別路
鶯朝烟淡柳拂征鞍黎嶺天高建溪雷吼歸好不知行
路難龜山下漸楊梅初熟盧橘猶酸 名場老我間關
分歲晚誅茅湖上山歎龍舒君去尚留破硯魚軒人老

長把連環鏡影霜侵衣痕塵暗贏得狂名傳世間君歸
日見家林舊竹為報平安

方

岳字巨山祁門人理宗朝兩為文學掌故
官中秘書出守袁州有秋厓先生小稿

臺城路

和楚客賦蘆

孤篷夜傍依叢宿蕭蕭雨聲悲切一岸霜痕半山烟色
愁到沙頭枯葉淡雲沒滅黯西風吹老滿汀新雪天豈
無情離騷點點送歸客歸去來今怎得儘鷺翹鷗倚
乍寒時節秋晚山川夕陽浦激贏得別腸千結濤翻浪
疊那得似西來一筇橫絕搔首江南鴈銜千里月

滿江紅

九日冶城樓

且問黃花陶令後幾番重九應解笑秋厓人老不堪詩
酒宇宙一舟吾倦矣山河兩戒君知否倚西風無奈劍
花寒虬龍吼江欲醕談天口秋何負持螯手儘石麟
蕪沒斷烟衰柳故國山圍青玉案何人印佩黃金斗倘
只消江左管夷吾終須有

水調歌頭

平山堂用東坡韻

秋雨一何碧山色倚晴空江南江北愁思分付酒螺紅
蘆葉篷舟千里菰菜蓴羹一夢無語寄歸鴻醉眼渺河
洛遺恨夕陽中蘋洲外山欲暝斂眉峯人間俯仰陳
迹歎息兩仙翁不見當時楊柳只是從前烟雨磨滅幾

英雄天地一孤嘯匹馬又西風

又九日多景樓用吳侍郎韻

醉我一壺玉了此十分秋江濤還比當日擊楫渡中流
問訊重陽烟雨俯仰人間今古此意渺滄洲天地幾今
夕舉白與君浮 舊黃花新白髮笑重游滿船明月猶
在何日大刀頭誰跨揚州鶴去已怨故山猿老借箸欲
前籌莫倚闌干北天際是神州

蝶戀花 用韻秋懷

鴈落寒沙秋惻惻明月蘆花共是江南客騎鶴樓高邊
羽急柔情不盡淮山碧 世路只催雙鬢白菰菜蓴羹美

正自令人憶歸夢不知江水隔烟帆飛過平如席

張

榘

字方叔潤州人
有芸窗詞一卷

青玉案

被檄出郊題陳氏山居

西風亂葉溪橋樹秋在黃花羞澀處滿袖塵埃推不去
馬蹄濃露雞聲淡月寂歷荒村路 身名多被儒冠誤
十載重來慢如許且盡清樽公莫舞六朝舊事一江流
水萬感天涯暮

洪

瑛

字叔璣自號空同
詞客有詞一卷

驀山溪

憶中都

潮平風穩行色催津鼓回首望重城但滿眼紅雲紫霧

張 榘 洪 璠
分香解佩空記小樓東銀燭暗繡簾垂昵昵凭肩語
關山千里垂柳河橋路燕子又歸來但惹得滿身花雨
彩箋不寄蘭夢更無憑燈影下月明中魂斷金釵股

踏莎行

滿滿金盃垂垂玉筋離歌不放行人去醉中扶上木蘭
船醒來忘却桃源路帶綰同心釵分一股斷魂空草
高唐賦秋山萬疊水雲深茫茫無著相思處

永遇樂 送春

歌雪徘徊夢雲溶曳欲勸春住薄倖楊花無端杜宇抵
死催教去參差烟岫千回百匝不解禁春歸路病厭厭

那堪更聽小樓一夜風雨金釵鬪草玉盤行菜往事
了無憑據合數松兒分香栢子總是牽情處小桃朱戶
題詩在否尚憶去年崔護綠陰中鶯鶯燕燕也應解語

瑞鶴仙

聽梅花吹動涼夜何其明星有爛相看淚如霰問而今
去也何時會面匆匆聚散便作秋鴻社燕最傷心夜來
枕上斷雲零雨何限因念人生萬事回首悲涼都成
夢幻芳心繾綣空惆悵巫陽館况船頭一轉三千餘里
隱隱高城不見恨無情春水連天片帆如箭

齊天樂

洪璫 方千里
輓轡聲破銀牀凍霜寒又侵鴛被皓月疎鐘悲風斷漏
驚起畫樓人睡銀屏十二歎塵滿絲簧暗消金翠可恨
風流故人迢遞隔千里相思情緒最苦舊歡無續處
魂夢空費斷鴈無情離鸞有恨空想吳山越水花樵玉
悴但翠黛愁橫紅鉛淚洗待剪江梅倩誰傳此意

方千里

三衢人有
和清真詞

齊天樂

碧紗窗外黃鸝語聲聲似愁春晚岸柳飄綿庭花墮雪
惟有平蕪如剪重門向掩看風動疎簾浪鋪湘簟暗想
前歡舊遊心事寄詩卷鱗鴻音信未覩夢魂尋訪後

關山又隔無限客館愁思天涯倦跡幾許良宵展轉閑
情意遠記密閣深閨繡衾羅薦睡起無人料應眉黛斂

塞垣春

和周清真

四遠天垂野向晚景雕鞍卸吳藍滴草塞綿藏柳風物
堪畫對雨收霧霽初晴也正陌上烟光灑聽黃鸝啼紅
樹短長音如寫懷抱幾多愁年時趁歡會幽雅盡日
足相思奈春晝難夜念征塵滿堆襟袖那堪更獨游花
陰下一別鬢毛減鏡中霜滿把

醜奴兒

凌波臺畔花如剪幾點吳霜烟淡雲黃東閣何人見晚

妝 江南春近書千里誰寄清香別墅橫塘鼓角聲中
又夕陽

迎春樂

紅深綠暗春無跡芳心蕩冶遊客記搖鞭跋馬銅駝陌
凝睇認珠簾側 絮滿愁城風卷白漉多少相思消息
何處約歡期芳草外高樓北

汪

暉字處微績溪人開禧中一至闕下不就舉試
蝶戀花秋夜簡趙尉

午夜涼生風小住銀漢無聲雲約疎星度佳客欲眠知
未去對牀只欠蕭蕭雨 素月四更山外吐酒醒衾寒

消盡沈烟縷料想玉樓人倚處歸帆日竚烟中浦

尹

煥字惟曉山陰人官右司有梅津集

霓裳中序第一茉莉

青鬢繁素靨海國仙人偏耐熱餐盡香風露屑便萬里
凌空肯憑蓮葉盈盈步月悄似憐輕去瑤闕人何在憶
渠癡小點點愛清攏 愁絕舊遊輕別忍重看鎖香金
篋淒涼今夜簟席怕杳杳詩魂真化風蝶冷香清到骨
夢十里梅花霽雪歸來也慙慙心事自共素娥說

唐多令

吳興席上

蘋末轉清商溪聲供夕涼緩傳盃催喚紅粧斜綰烏雲

新浴罷裙拂地水沈香
歌短舊情長重來驚鬢霜悵
綠陰青子成雙說著前歡佯不保賜蓮子打鴛鴦周公謹云
可與杜牧之尋芳較晚為偶

馮取洽

字熙之延平人
自號雙溪翁

蝶戀花

和玉林韻

秋到雙溪溪上樹葉葉涼聲未省來何許盡拓溪樓窗
與戶倚欄清夜窺河鼓那得吟朋同此住獨對秋芳
欲寄花無處杖屨相從曾有語未來先自愁君去

摸魚兒

和玉林韻蓋為遺蛻山中桃花作

歎劉郎那回輕別霏霏三落紅兩玄都觀裏應遺恨一

抹淡烟殘縷愁望處想霧暗雲深忘却來時路新花舊
主記刻羽流商裁紅翦翠山徑日將暮空枝上時有
幽禽對語聲聲如問來否人生行樂須聞健衰老念誰
免此吾所與在溪上深深錦繡花千隴何時定去但對
酒思君呼兒為我頻唱小桃句

陳以莊

字敬叟建安
人有月溪集

水龍吟

錢塘記恨

晚來江闊潮平越船吳榜催人去稽山滴翠胥濤濺恨
一襟離緒訪柳章臺問桃仙浦物華如故向秋娘渡口
秦娘橋畔依稀是相逢處窈窕青門紫曲舊羅新衣

翻金縷舊音恍記輕攏慢撚哀絃危柱金屋難成阿嬌
已遠不堪春暮聽一聲杜宇紅殷綠老雨花風絮

盧

炳字叔陽有烘
堂詞一卷

謁金門

春寂寂節物又催寒食樓上捲簾雙燕入斷魂愁似織
門外雨餘風急滿地落英紅溼好夢驚回無處覓天
涯芳草碧

又

春事寂苦筍鮓魚初食風捲繡簾飛絮入柳絲縈似織
迅速韶光去急雨過綠陰尤溼回首舊遊何處覓遠

山空佇碧

點絳脣

過眼溪山向來都是經行處驂鸞人去冷落吹簫侶
小立江亭愁對蒹葭浦無情緒酒杯慵舉閑看江楓舞

踏莎行

秋色人家夕陽洲渚西風催過黃華渡江烟引素忽飛
來水禽破暝雙雙去奔走紅塵棲遲羈旅斷腸猶憶
江南白雲低處鴈回峯明朝便踏瀟湘路

沈端節

字約之吳興人
有克齋詞一卷

虞美人

去年寒食初相見花上雙飛燕今年寒食又花開垂下
重簾不許燕歸來 隔簾聽燕呢喃語似說相思苦東
君都不管閒愁一任落花飛燕兩悠悠

潘

初名公筠夢南臺人持方牛首與之遂易名
方庭堅閩縣人端平初進士通判潭州有紫
巖集

羽仙歌

雕簷綺戶倚晴空如畫曾是吳王舊臺榭自浣紗人去
後落日平蕪行雲斷幾見花開花謝 淒涼闌檻外一
簇青山多少圖王共爭霸莫閑愁金杯潑灑對酒當歌
歡娛地夢中興亡休話漸倚遍西風晚潮生明月裏鷺

鷺背人飛下

馮艾子

字偉壽號雲
月雙溪子
黃叔暘云偉壽精于律呂詞多自製腔

春風娘娜

被梁間雙燕話盡春愁朝粉謝午花柔倚紅欄故與蝶
圍蜂遶柳綿無數飛上搔頭鳳管聲圓蟄蟄房香煖笑挽
羅衫須少留隔院蘭馨趁風遠鄰牆桃影伴烟收 些

子風情未減眉頭眼尾萬千事欲說還休薔薇露 刺 一作

牡丹毬態懃記省前度綢繆夢裏飛紅覺來無覓望中

新綠別後空綢相思難偶歎無情明月今年已是 見 一作

宋

同宗卷八

古

盧炳

沈端節

潘

牯

三度如鈎

黃昇

一作曷字叔暘號玉林有散花菴詞一卷胡季直云玉林蚤棄科舉雅意讀書吟詠自適游受齋嘗稱其詩為晴空冰柱樓秋房聞其與魏菊莊友善併以泉石清士目之

月照梨花

晝景方永重簾花影好夢猶酣鶯聲喚醒門外風絮交
飛送春歸 修蛾畫了無人問幾多別恨淚洗殘妝粉
不知嘶馬何處烟草萋迷鷓鴣啼

醉江月 題玉林

玉林何有有一彎蓮沼數間茅宇斷塹疎籬聊補葺那
得粉牆朱戶未忝西風雞豚曉日活脫田家趣客來茶

罷自挑野菜同煮 多少甲第連雲十眉環座人醉黃
金塢回首邯鄲春夢破零落珠歌翠舞得似衰翁蕭然
陋巷長作溪山主紫芝可採更尋巖谷深處

又

西風解事為人間洗盡三庚煩暑一枕新涼宜客夢飛
入藕花深處冰雪襟懷琉璃世界夜氣清如許劃然長
嘯起來秋滿庭戶 應笑楚客才高蘭成愁悴遺恨傳
千古作賦吟詩空自好不直一盃秋露淡月闌干微雲
河漢耿耿天催曙此情誰會梧桐葉上疎雨

鵲橋仙

青林雨歇珠簾風細人在綠陰庭院夜來能有幾多寒
已瘦了梨花一半寶釵無據玉琴難託合造一襟幽
怨雲窗霧閣事茫茫試與問杏梁雙燕

清平樂 宮詞

珠簾寂寂愁背銀缸泣記得少年初選入三十六宮第
一當時掌上承恩而今冷落長門又是羊車過也月

明花落黃昏

文及翁

字時學號本心綿州人歷官參知政事

賀新涼

遊西湖有感

一勺西湖水渡江來百年歌舞百年酣醉回首洛陽花

石盡烟渺黍離之地更不復新亭墮淚簇樂紅妝搖畫
舫問中流擊楫何人是千古恨幾時洗 余生自負澄
清志更有誰磻溪未遇傅巖未起國事如今誰倚仗衣
帶一江而已便都道江神堪恃借問孤山林處士但掉
頭笑指梅花檠天下事可知矣

李芸子

字耘叟號芳州昭武人

木蘭花慢

占西風早處一番雨一番秋記故國斜陽去年今日落
葉林幽悲歌幾回激烈寄疎狂酒令與詩籌遺恨清商
易改多情紫燕難留 嗟休觸緒繭絲抽舊事續何由

念予懷渺渺羈愁鬱鬱歸夢悠悠生平不如老杜便如
他飄泊也風流寄語庭柯徑菊甚時得棹孤舟

嚴

羽

字儀卿樵川人
自號滄浪逋客

滿江紅送廖叔仁赴闕

日近觚稜秋漸滿蓬萊雙闕正錢塘江上潮頭如雪把
酒送君天上去瓊琚玉佩鸚鵡列丈夫兒富貴等浮雲
看名節天上事吾能說今老矣空凝絕對西風慷慨
唾壺歌缺不灑世間兒女淚難堪親友中年別問相思
他日鏡中看蕭蕭髮

李廷忠

字居厚號橘山
有樂府一卷

生查子薔薇

玉女翠帷薰香粉開妝面不是占春遲羞被羣花見
纖手織柔條絳雪飛千片流入紫金卮未許停歌扇

王以宣

字周士長沙人歷官宣
撫司參謀制置襄鄧

水調歌頭裴公亭懷古

歲歲橘洲上老葉舞愁紅西山光翠依舊影落酒盃中
人在子亭高處下望長沙城郭獵獵酒帘風遠水湛寒
碧獨釣綠蓑翁懷往事追昨夢轉頭空孫郎前日豪
健頤指五都雄起擁奇才劒客十萬銀戈赤幘歌鼓壯
軍容何似裴相國談道老圭峯

陸 叡字景思號雲西會稽人紹定五年進士

瑞鶴仙梅

溼雲黏鴈影望征路愁迷離緒難整千金買光景但疎
鐘催曉亂鴉啼暝花悰暗省許多情相逢夢境便行雲
都不歸來也合寄將音信 孤迴盟鸞心在跨鶴程高
後期無準情絲待剪翻惹得舊時恨怕天教何處參差
雙燕還染殘朱剩粉對菱花與說相思看誰瘦損

蕭泰來字則陽號小山臨江人紹定二年進士理宗朝為御史

霜天曉角梅

千霜萬雪受盡寒磨折賴是生來瘦硬渾不怕角吹徹

清絕影也別知心惟有月元沒春風情性如何共海

棠說

趙希邁字瑞行號西里永嘉人

八聲甘州竹西懷古

寒雲飛萬里一番秋一番攪離懷向隋隄躍馬前時柳
色今度蒿萊錦纜殘香在否枉被白鷗猜千古揚州夢
一覺庭槐 歌吹竹西難問拌菊邊醉著吟寄天涯任
紅樓踪跡茅舍染蒼苔幾傷心橋東片月趁夜潮流恨
入秦淮潮回處引西風恨又渡江來

趙崇璠字漢宗號白雲南豐人嘉定十六年進士官至大宗丞有白雲稿

宋 詞綜卷十八 六

蝶戀花

一剪微寒禁翠袂花下重開舊燕添新壘風旋落紅香
匝地海棠枝上鶯飛起薄霧籠春天欲醉碧草澄波
的的情如水料想紅樓挑錦字輕雲淡月人憔悴

王

藻字身甫號瓦全四明人
一云宦海人太常博士

霜天曉角

梅

疎明瘦直不受東皇識留取伴春應肯萬紅裏怎著得
夜色何處笛曉寒無奈力若在壽陽宮殿一點點有
人惜

趙

潛字元晉號冰壺潭州人忠靖
公葵子咸淳中沿江制置使

臨江仙 西湖春泛

隄曲朱牆近遠山明碧瓦高低好風二十四花期嬌驄
穿柳去文鷁挾波飛簫鼓晴雷殷殷笑歌香霧霏霏
閒情不受酒禁持斷橋無立處斜日欲歸時

鍾

過字改之號梅
心廬陵人

步蟾宮

東風又送酴醾信早吹得愁成潘鬢花開猶是十年前
人不似十年前俊水邊珠翠香成陣也消得燕窺鶯
認歸來沈醉月朦朧覺花氣滿襟猶潤

張

樞字斗南號寄間
西秦人居臨安

宋

詞綜卷十八

九

瑞鶴仙

捲簾人睡起放燕子歸來商量春事風光又能幾減芳
菲都在賣花聲裏吟邊眼底披嫩綠移紅換紫甚等閒
半委東風半委小溪流水 還是苔痕湔雨竹影留雲
待晴猶未蘭舟靜艤西湖上多少歌吹粉蝶兒守定落
花不去溼重尋香兩翅怎知人一點新愁寸心萬里

風入松

春寒嬾下碧雲樓花事等閒休紅綿溼透鞦韆索記伴
仙曾倚嬌柔重疊黃金約臂玲瓏碧玉搔頭 熏爐誰
熨暖衣篝消遣酒醒愁舊巢未著新來燕任珠簾不上

瓊鈎何處東風院宇數聲揭調甘州

南歌子

柳戶朝雲溼花窗午篆清東風未放十分晴留戀海棠
顏色過清明 壘潤棲新燕籠深鎖舊鶯琵琶可是
不堪聽無奈愁人把做斷腸聲

壺中天 月夕登繪幅堂與篋房各賦一解

鴈橫迴碧漸烟收極浦漁唱催晚臨水樓臺乘醉倚雲
引吟情閒遠露脚飛涼山眉鎖暝玉宇冰奩滿平波不
動桂華低印清淺 應是瓊斧修成鉛霜搗就舞霓裳
曲徧窈窕西窗誰弄影紅冷芙蓉深苑賦雪詞工留雲

歌斷偏惹文簫怨人歸鶴唳翠簾十二空捲

趙希彭字清中號十洲四明人寶慶二年進士

霜天曉角桂

姮娥戲劇手種長生粒寶榦婆娑千古飄芳吹滿虛碧
韻色檀露滴人間秋第一金粟如來境界誰移在小

亭側

秋藥香

髻穩冠宜翡翠壓鬢綵絲金藥遠山碧淺蘸秋水香暖
榴裙襯地 窸窣二八餘年紀惱春意玉雲凝重步塵
細獨立花陰寶砌

李

演

字廣翁號秋堂有盟鷗集

摸魚兒

太湖

又西風四橋疎柳驚蟬相對秋語瓊荷萬笠花雲重
嫋嫋紅衣如舞鴻北去渺岸芷汀芳幾點斜陽字吳亭舊
樹又繫我扁舟漁鄉釣里秋色淡歸鷺長干路蔓草
疎烟斷墅商歌如寫羈旅丹溪翠岫登臨事苔屐尚粘
蒼土鷗且住怕月冷吟魂婉冉空江暮明燈暗浦更短
笛銜風長雲弄晚天際畫秋句

聲聲慢

問梅孤山

輕鞵繡谷柔屐烟隄六年遺賞新續小舫重來惟有寒

宋

詞綜卷十八

五

沙鷗熟徘徊舊情易冷但溶溶翠波如縠愁望遠甚雲
消月老暮山自綠 嘖笑人生悲樂且聽我樽前漁歌
樵曲舊閣塵封長得樹陰如屋淒涼五橋歸路載寒秀
一枝疎玉翠袖薄晚無言空倚修竹

醉桃源 題小扇

雙鴛初放步雲輕香簾蒸未晴杏鎔暗淚結紅冰留春
蝴蝶情 寒薄薄日陰陰錦鳩花底鳴春懷一似草無
憑東風吹又生

南鄉子 夜飲燕子樓

芳水戲桃英小滴燕支浸綠雲待覓瓊觚藏綵信流春

不似題紅易得沈 天上許飛瓊吹下蓉笙染玉塵可
惜素鸞留不得更深誤剪燈花斷了心

八六子 次箕房韻

乍鷗邊一番睽綠流紅又怨蘋花看晚吹約晴歸路夕
陽分落漁家輕雲半遮 縈情芳草無涯還報舞香一
曲玉瓢幾許春華正細柳青烟舊時芳陌小桃朱戶去
年人面誰知此日重來繫馬東風淡墨敲鴉黯窗紗人
歸綠陰自斜

祝英臺近 次箕房韻

采芳蘋縈去艣歸步翠微雨柳色如波縈恨滿烟浦東

君若是多情未應花老心已在綠成陰處 因無語柔
被褰損梨雲間修牡丹譜妒粉爭香雙燕為誰舞年年
紅紫如塵五橋流水知送了幾番愁去

黃簡一作蘭字元易
號東浦建安人

柳梢青

病酒心情喚愁無限可奈流鶯又是一年花驚寒食柳
認清明 天涯翠巘層層是多少長亭短亭倦倚東風
只憑好夢飛到銀屏

李振祖字起翁號中
山閩縣人

浪淘沙

春在畫橋西畫舫輕移粉香何處度漣漪認得一船楊
柳外簾影垂垂 誰倚碧欄低酒暈雙眉鴛鴦並浴燕
交飛一片閒情春水隔斜日人歸

陳策字次賈號南墅上
虞人以功授武階

摸魚兒仲宣樓賦

倚危樓醉春懷古輕寒纔轉花信江城望極多愁思前
事惱人方寸湖海興算合付元龍舉白澆談叻憑高試
問問舊日王郎依劉有地何事賦幽憤 沙頭路休記
家山遠近賓鴻一去無信滄波渺渺空歸夢門外北風
淒緊烏帽整便做得功名難綠星星鬢敲吟未穩又白

鷺飛來垂楊自舞誰與寄離恨

陳策

詞綜卷十八調名

孤鸞

趙

角招

二郎神

永遇樂

洪

憶舊遊慢

望海潮

史

沁園春

陳

滿江紅

嚴

蝶戀花

汪

馮

趙

龍山會

徵招

雙瑞蓮

鵲橋仙

黃

滿庭芳

劉

念奴嬌

章

臺城路

方

水調歌頭

王

青玉案

張

詞綜卷十八調名

一

驀山溪

洪

瑞鶴仙

陸

張

塞垣春

方

迎春樂

唐多令

水龍吟

陳

點絳脣

羽仙歌

潘

即洞仙歌

月照梨花

黃

賀新涼

文

踏莎行

盧

齊天樂

方

醜奴兒

霓裳中序第一

尹

摸魚兒

馮

李

陳

謁金門

盧

虞美人

沈

春風嬌娜

馮

清平樂

木蘭花慢

李

芍藥山房重訂

生查子

李

八聲甘州

趙

步蟾宮

鍾

南歌子

聲聲慢

李

南鄉子

祝英臺近

浪淘沙

李

霜天曉角

蕭

王

趙

臨江仙

趙

風入松

張

秋蘂香

趙

醉桃源

八六子

柳梢青

黃

詞綜卷十九

宋詞七十八首

吳文英 五十七首

蔣捷 二十一首

吳文英

字君特四明人從吳毅夫遊有夢窗甲乙丙丁稿四卷張叔夏云吳夢窗如七寶樓臺炫人眼目碎下來不成片段尹維曉云求詞于吾宋前有清真後有夢窗此非予之言四海之公言也沈伯時云夢窗此深得清真之妙但用事下語太晦處人不易知

倦尋芳 餞周糾定夫

暮帆挂雨冰岸飛梅春思零亂送客將歸偏是故宮離苑
醉酒曾同涼月舞尋芳還隔紅塵面去難留悵芙蓉

宋

詞綜卷十九

一

路窄綠楊天遠 便繫馬鶯邊清曉烟草晴花沙潤香
軟爛錦年華誰念故人遊倦寒食相思隄上路行雲應
在孤山畔寄新吟莫空回五湖春鴈

又花翁遇舊歡吳門老妓李憐邀分韻同賦此詞

墜瓶恨井塵鏡迷樓空閉孤燕寄別崔徽清瘦畫圖春
面不約舟移楊柳繫有緣人映桃花見敘分携悔香癥
謾藝綠鬟輕剪 聽細語琵琶幽怨客鬢蒼華衫袖溼
徧漸老芙蓉猶自帶霜重看一縷情深朱戶掩兩痕愁
起青山遠被西風又驚吹夢雲分散

又上元

海霞倒影空霧飛香天市催晚暮靨宮梅相對畫樓簾
捲羅襪輕塵花笑語寶釵爭豔春心眼亂簫聲正風柔
柳弱舞肩交燕 念幼窈東鄰深巷燈外歌沈月上花
淺驚夢離雲點點漏壺清怨珠絡香消空念往紗窗人
老羞相見漸銅壺閉春陰曉寒人倦

燭影搖紅 餞馮深居翼日深居初度

飛蓋西園晚秋恰勝春天氣霜花開盡錦屏空紅葉新
裝綴時放清杯泛水暗淒涼春風舊事夜吟不就松影
闌干月籠寒翠 莫唱陽關但憑彩袖歌千歲秋星入
夢隔明朝十載吳宮會一棹回潮渡葦正西窗燈花報

喜柳蠻櫻素試酒爭憐不教不醉

法曲獻仙音和丁宏庵韻

落葉霞翻敗窗風咽暮色淒涼深院瘦不關秋淚緣生
別情銷鬢霜千點悵翠冷搔頭燕那能語恩怨 紫簫
遠記桃枝向隨春渡愁未洗鉛水又將恨染粉縵澀離
箱忍重拈燈夜裁剪望極藍橋彩雲飛羅扇歌斷料鸚
籠玉鎖夢裏隔花時見

憶舊游別黃澹翁

送人猶未苦苦送春隨人去天涯片紅都飛盡陰陰潤
綠暗裏啼鴉賦情頓雪雙鬢飛夢逐塵沙歎病渴淒涼

分香瘦減兩地看花 西湖斷橋路想繫馬垂楊依舊
敲斜葵麥迷烟處問離巢孤燕飛過誰家故人為寫深
怨空壁掃秋蛇但醉上吳臺殘陽草色歸思賒

點絳脣懷蘇州

明月茫茫夜來應照南橋路夢遊熟處一枕啼秋雨
可惜人生不向吳城住心期誤鴈將秋去天遠青山暮
又 試燈夜初晴

捲盡愁雲素娥臨夜新梳洗暗塵不起酥潤凌波地
輦路重來彷彿燈前事情如水小樓薰被春夢笙歌裏

又

推枕南窗棟花寒入單紗淺雨簾不捲空礙調雛燕
一握柔葱香染榴巾汗音塵斷畫羅閑扇山色天涯遠
又

時霎清明載花不過西園路嫩陰綠樹正是春留處
燕子重來往事東流去征衫貯舊寒一縷淚溼風簾絮
西子妝 夢窗自度腔湖上清明薄遊

流水麴塵豔陽酷酒畫舸遊情如霧笑拈芳草不知名
乍凌波斷橋西堍垂楊謾舞總不解將春繫住燕歸來
問綵繩纖手如今何許 歡盟誤一箭流光又趁寒食
去不堪衰鬢著飛花傍綠陰冷烟深樹元都香句記前

度劉郎曾賦最傷心一片孤山細雨

唐多令

何處合成愁離人心上秋縱芭蕉不雨也颼颼都道晚
涼天氣好有明月怕登樓 年事夢中休花空烟水流
燕辭歸客尚淹留垂柳不繫裙帶住謾長是繫行舟
夏云此詞疎快不質實

玉漏遲 中秋

鴈邊風訊小飛瓊望杳碧雲先晚露冷闌干定怯藕絲
冰腕淨洗浮雲片玉勝花影春燈相亂秦鏡滿素娥未
肯分秋一半 每圓處即良宵甚此夕偏饒對歌臨怨

萬里嬋娟幾許霧屏雲幔孤兔淒涼照水曉風起銀河
西轉摩淚眼瑤臺夢回人遠

又

絮花寒食路晴絲眉日綠陰吹霧客帽欺風愁滿畫船
烟浦綵柱秋千散後悵塵鎖燕簾鶯戶從間阻夢雲無
準鬢霜如許夜久繡閣藏嬌記掩扇傳歌剪燈留語
月約星期細把花鬢頻數彈指一襟怨恨謾空倩啼鴉
聲訴深院宇黃昏杏花微雨

祝英臺近除夜立春

剪紅情裁綠意花信上釵股殘日東風不放歲華去有

人添燭西窗不眠侵曉笑聲轉新年鶯語舊樽俎玉
纖曾擘黃柑柔香繫幽素歸夢湖邊還迷鏡中路可憐
千點吳霜寒銷不盡又相對落梅如雨

又春日客龜溪遊廢園

采幽香巡古苑竹冷翠微路鬪草溪根沙印瓣蓮步自
憐兩鬢清霜一年寒食又身在雲山深處晝閑度因
甚天也慳春輕陰便成雨綠暗長亭歸夢趁風絮有情
花影闌干鶯聲門徑解留我霎時凝竚

又上元

晚雲開朝雪霽時節又燈市夜約遺香南陌少年事笙

簫一片紅雲飛來海上繡簾捲
細桃春起 舊遊地素
娥城闕年年新粧趁羅綺
玉練冰輪無塵泥流水曉霞
紅處啼鴉良宵一夢畫堂正
日長人睡

霜花腴 重陽前一日汎石湖

翠微路窄醉晚風憑誰為整
敲冠霜飽花腴燭銷人瘦
秋光做也都難病懷強寬恨
鴈聲偏落歌前記年時舊
宿淒涼暮烟秋雨野橋寒
妝壓鬢英爭豔度清商一
曲暗墜金蟬芳節多陰
蘭情稀會晴暉稱拂吟箋
更移畫船引珮環邀下嬋娟
算明朝未了重陽紫萸應耐看
喜遷鶯 同丁基仲過希道家看牡丹

凡塵流水正春在絳闕瑤階
十二暖日明霞天香盤錦
依映曉光梳洗故苑浣花
沈恨化作天紅斜紫困無力
倚闌干還倩東風扶起
公子留意處羅蓋牙籤一一
花名字小扇翻歌密圍留客
雲葉翠溫羅綺艷漱紫金
盃重人倚妝臺微醉夜和露
剪殘枝點點花心清淚

又 福山蕭寺歲除

江亭年暮趁飛鴈又聽數聲柔櫓
藍尾杯單膠牙錫淡
重省舊時羈旅雪舞野梅籬
落寒擁漁家門戶晚風峭
做初番花信春還知否
何處圍艷冶紅燭畫堂博簺
良宵午誰念行人愁先芳草
輕送年華如羽自別短檠

不睡空索彩桃新句便歸好料鴛黃已染西池千縷

聲聲慢 閨重九飲郭園

檀藥金碧婀娜蓬萊遊雲不蘸芳洲露柳霜蓮十分點
綴殘秋新彎畫眉未穩似含羞低度牆頭愁送遠駐西
臺車馬共惜臨流 知道池亭多宴掩庭花長是驚落
秦謳膩粉闌干猶聞凭袖香留輸他翠漣拍砧瞰新妝
終日凝眸簾半捲帶黃花人在小樓

又 餞魏繡使泊吳江為友人賦

旋移輕鷁淺傍垂虹還因送客遲留淚雨橫波遙山眉
上新愁行人倚欄心事問誰知只有沙鷗念聚散幾楓

丹霜渚蓼綠春洲 漸近香菰炊黍想紅絲織字未遠
青樓寂寞漁鄉爭如連醉溫柔西窗夜深剪燭夢頻生
不放雲收共悵望認孤烟起處是舟

高陽臺 落梅

宮粉彫痕仙雲墮影無人野水荒灣古石埋香金沙鎖
骨連環南樓不恨吹橫笛恨曉風千里關山半飄零庭
上黃昏月冷闌干 壽陽宮裏愁鸞鏡問誰調玉髓暗
補香瘢細雨歸鴻孤山無限春寒離魂難倩招清此夢
編衣解珮溪邊最愁人啼鳥晴明葉底清圓

又 豐樂樓

脩竹凝妝垂楊駐馬憑欄淺畫成圖山色誰題樓前有
鴈斜書東風緊送斜陽下弄舊寒晚酒醒餘自消凝能
幾花前頓老相如傷春不在高樓上在燈前敲枕兩
外熏爐怕艤遊船臨流可奈清癯飛紅若到西湖底攪
翠瀾總是愁魚莫重來吹盡香綿淚滿平蕪

滿江紅 澱山湖

雲氣樓臺分一派滄浪翠蓬開小景玉盆寒浸巧石盤
松風送流花時過岸浪搖晴練欲飛空算鮫宮祇隔一
紅塵無路通神女驚凌曉風明月低響丁東對兩蛾
猶鎖怨綠烟中秋色未教飛盡鴈夕陽長是墜疎鐘又

一聲欸乃過前巖移釣篷

澆佛閣

暗塵四斂樓觀迴出高映孤館清漏將短厭聞夜久籤
聲動書幔桂花又滿閑步露草偏愛幽遠花氣清婉望
中迤邐城陰度河岸倦客最蕭索醉倚斜陽穿柳綫
還似汴隄虹梁橫水面看浪颺春燈舟下如箭此行重
見歎故友難逢羈思空亂兩眉愁向誰舒展

解語花 梅花

門橫皴碧路入蒼烟春近江南岸暮寒如剪臨溪影一
一半斜清淺飛翼弄晚蕩千里暗香平遠端正看瓊樹

三枝總似蘭昌見 酥瑩雲容夜暖伴蘭翹清瘦簫鳳
柔婉冷雲荒翠幽棲久無語暗申春怨東風半面料準
擬何郎詩卷歡未闌烟雨青黃宜晝陰庭館

尉遲杯

賦楊公小蓬萊

垂楊逕洞鑰啓時遣流鶯迎涓涓暗谷流紅應有緜桃
千頃臨池笑靨春色滿銅華弄妝影記年時試酒湖陰
褪花曾采新杏 珠窗繡網元徑纔石研開奩雨潤雲
凝小小蓬萊香一掬愁不到朱嬌翠靚清樽伴人間日
永斷琴和棋聲竹露冷笑從前醉卧紅塵不知仙在人
境

荔支香近 七夕

輕睡時聞晚鵲噪庭樹又說今夕天津西畔重歡遇蛛
絲暗鎖紅樓燕子穿簾處天上未比人間更情苦 秋
鬢改姤月姊長眉媿過雨西風數葉井梧秋舞夢入藍
橋幾點疎星映朱戶淚溼沙邊凝竚

霜葉飛 重九

斷烟離緒關心事斜陽紅隱霜樹半壺秋水薦黃花香
暎西風雨縱玉勒輕飛迅羽淒涼誰弔荒臺古記醉踏
南屏彩扇咽寒蟬倦夢不知蠻素 聊對舊節傳杯塵
箋蠹管斷闕經歲慵賦小蟾斜影轉東籬夜冷殘蛩語

吳文英
早白髮緣愁萬縷驚颺從捲烏紗去謾細將茱萸看但
約明年翠微高處

瑞鶴仙

淚荷拋碎壁正漏雲篩雨斜捎窗隙林聲怨秋色對小
山不迭寸眉愁碧涼欺岸幘暮砧催銀屏剪尺最無聊
燕去堂空舊幕暗塵羅額 行客西園有分斷柳淒花
似曾相識西風破屐林下路水邊石念寒蛩殘夢歸鴻
心事那聽江村夜笛看雪飛蘋底蘆梢未如鬢白

又 贈道女陳華山內夫人

彩雲棲翡翠聽鳳笙吹下飛駟天際晴霞剪輕袂澹春

姿雪態寒梅清泚東皇有意旋安排闌干十二早不知
為雲為雨盡日建章門閉 堪比紅綃織素紫燕輕盈
內家標致游仙舊事星斗下夜香裏 華峰 紙屏
橫幅春色長供午睡更醉乘玉井秋風采花弄水

齊天樂

新烟初試花如夢疑收楚峰殘雨茂苑人歸秦樓燕宿
同惜天涯為旅遊情最苦早柔絲迷津亂莎荒圃數樹
梨花晚風吹墮半汀鷺 流紅江上去遠翠樽曾共醉
雲外別墅淡月秋千幽香巷陌愁結傷春深處聽歌看
舞駐不得當時柳蠻櫻素睡起懨懨洞簫誰院宇

又

吳文英

烟波桃葉西陵路十年斷魂潮尾古柳重攀輕鷗驟別
陳迹危亭獨倚涼颿乍起渺烟磧飛帆暮山橫翠但有
江花共臨秋鏡照憔悴華堂燭暗送客眼波回盼處
芳艷流水素骨凝冰柔葱蘢雪猶憶分瓜深意清樽未
洗夢不涇行雲謾沾殘淚可惜秋宵亂蛩疎雨裏

又與馮深居登禹陵

三千年事殘鴉外無言倦憑秋樹逝水移川高陵變谷
那識當時神禹幽雲怪雨恨萍溼空梁夜深飛去鴈起
青天數行書似舊藏處寂寥西窗坐久故人慳會遇

同剪燈語敗蘚殘碑零圭斷壁重拂人間塵土霜紅罷
舞謾山色青青霧朝烟暮岸鎖春船畫旗喧賽鼓

又 毘陵陪兩別駕宴丁園

竹深不放斜陽入橫波澹墨林沼斷莽平烟殘荷刺水
宜得秋深纔好荒亭旋掃正著酒寒輕弄花春小障錦
西風半圍歌袖半吟草獨游清興易嬾景饒人未勝
樂事長少柳下停車尊前岸幘同撫雲根一笑秋香未
老漸風雨西城暗敲客帽背日移舟亂鴉溪樹繞

掃花遊

送春古江村

水園沁碧驟夜雨飄紅竟空林鳥艷春過了有塵香墜

宋

詞綜卷十九

十一

鈿尚遺芳草步繞新陰漸覺交枝逕小醉深窈愛綠葉
翠圓勝看花好 芳架雪未掃怪翠被佳人困迷清曉
柳絲繫棹問閨門自古送春多少倦蝶慵飛故撲簪花
破帽酹殘照掩重城暮鐘不到

瑞龍吟 德清清明競渡

大溪面遙望繡羽衝烟錦梭飛練桃花三十六陂鮫宮
睡起嬌雷乍轉 去如箭催趁戲旗遊鼓素瀾雪濺東
風冷溼鮫腥淡陰送晝輕霏弄晚 洲上青萍生處鬪
春不管懷沙人遠殘日半開一川花影零亂山屏醉纈
連棹東西岸闌干倒千紅妝靨鉛香不斷傍暝疎簾捲

翠漣皺淨笙歌未散弄柳嬌桃嬾猶自有玉龍黃昏吹
怨重雲暗閣春霏一片

解蹀躞

醉雲又兼醒雨楚夢時來往倦蜂剛著梨花惹游蕩還
做一段相思冷波葉舞愁紅送人雙槳 暗凝想情共
天涯秋黯朱橋鎖深巷會稀投得輕分頓惆悵此去幽
曲誰來可憐殘照西風半妝樓上

玉樓春

京市舞女

茸茸狸帽遮梅額金蟬羅剪胡衫窄乘肩爭看小腰身
倦態強隨閑鼓笛 問稱家住城東陌欲買千金應不

惜歸來困頓帶春眠猶夢婆娑斜趁拍

深蘭香 淮安重午

盤絲繫腕巧篆垂簪玉隱紺紗睡覺銀瓶露井彩筆雲
窗往事少年依約為當時曾寫榴裙傷心紅綃褪萼炊
黍夢光陰漸老汀洲烟蕪莫唱江南古調怨抑難招
楚江沈魄薰風燕乳暗雨梅黃午鏡深蘭簾幕念秦樓
也擬人歸應剪菖蒲自酌但悵望一縷新蟾隨人天角
惜紅衣余從姜石帚遊苕霅間三十五年矣重來
傷今感昔聊以詠懷
鷺老秋絲蘋愁暮雪鬢那太白倒柳移栽如今暗溪碧
烏衣細語傷伴惹茸紅曾約南陌前度劉郎尋流花踪

跡 朱樓水側雪面波光汀蓮沁顏色當時醉近繡箔
夜吟寂三十六磯重到清夢冷雲南北買釣舟溪上應
有烟蓑相識

風入松

聽風聽雨過清明愁草瘞花銘樓前綠暗分携路一絲
柳一寸柔情料峭春寒中酒交加曉夢啼鶯西園日
日掃林亭依舊賞新晴黃蜂頻撲秋千索有當時纖手
香凝惆悵雙鴛不到幽階一夜苔生

鶯啼序

殘寒正欺病酒掩沈香繡戶燕來晚飛入西城似說春

事遲暮畫船載清明過却晴烟冉冉吳官樹念羈情遊
蕩隨風化為輕絮 十載西湖傍柳繫馬趁嬌塵軟霧
逝紅漸招入仙溪錦兒偷寄幽素倚銀屏春寬夢窄斷
老杜若還生水鄉尚寄旅別後訪六橋無信事往花萎
瘞玉埋香幾番風雨長波妒眇遙山羞黛漁燈分影春
江宿記當時短楫桃根渡青樓彷彿臨分敗壁題詩淚
墨慘淡塵土 危亭望極草色天涯歎鬢侵半苧暗點
檢離痕歡唾尚染鮫綃驪鳳迷歸破鸞慵舞殷勤待寫
書中長恨藍霞遼海沈過鴈謾相思彈入哀箏柱傷心

千里江南怨曲重招斷魂在否

金盞子

吳城連日賞桂一夕風雨悉已零落獨寓
窗晚花方作小蕾未及見開遂有新邑之
役竭來西館籬落間嫣然一枝可愛見似人
而喜為賦此解

賞月梧園恨廣寒宮樹曉風搖落莓砌掃蛛塵空腸斷
薰爐燼消殘夢殿秋尚有餘花鎖烟窗雲幄新鴈又無
端送人江上短亭初泊 籬角夢依約人一笑惺忪翠

袖薄悠然醉魂喚醒幽叢畔淒香霧雨漠漠晚吹乍顫
秋聲早屏空金雀明朝想猶有數點蜂黃伴我斟酌

絳都春

余往來清華池館六年賦詠屢以感昔傷
今益不堪懷乃復作此解

春來鴈渚弄豔冶又入垂楊如許困舞瘦腰啼溼宮黃

池塘雨碧沿蒼蘚雲根路尚追想凌波微步小樓重上
憑誰為唱舊時金縷 凝竚烟蘿翠竹欠羅袖為倚天
寒日暮強醉梅邊招得花奴來樽俎東風須惹春雲住
更莫把飛瓊吹去便教携取熏籠夜温繡戶

十二郎 垂虹橋上有垂虹亭屬吳江

素天際水浪拍碎凍雲不凝記曉葉題霜秋燈吟雨曾
繫長橋過艇又是賓鴻重來後猛賦得歸期纔定嗟繡
鴨能言香鱸堪釣尚廬人境 幽興爭如共載月娥妝
鏡念倦客依前貂裘茸帽重向淞江照影酌酒蒼茫倚
歌平遠亭上玉虹腰冷迎醉面暮雪飛花幾點黛愁山

暝

天香 蠟梅

蟬葉粘霜蠅苞綴凍生香遠帶風峭嶺上寒多溪頭月
冷枝北枝南開小玉奴有姊先占立牆陰春蚤初試宮
黃淡泊偷分壽陽纖巧 銀燭淚珠未曉酒鍾慳貯愁
多少記得短亭歸馬暮衙蜂鬧豈蕊釵頭恨裏但悵望
天涯歲華老遠信難封吳雲鴈杳

古香慢 自度腔夷則商犯無射宮賦滄浪看桂

怨蛾墜柳離佩搖蕙霜訊南圃謾掩橋扉倚竹袖寒日
暮還問月中游夢飛過金風翠羽把殘雲刺水萬頃暗

宋

詞綜卷十九

五

熏冷麝凄苦 漸浩渺凌山高處秋澹無光殘照誰主
露粟侵肌夜約羽林輕誤剪碎惜秋心更腸斷珠塵鮮
路怕重陽又催近滿城風雨

水龍吟 惠山泉

艷陽不到青山淡烟冷翠成秋苑吳娃點黛江妃擁髻
空濛遮斷樹密藏溪草深迷市峭雲一片二十年舊夢
輕鷗素約霜絲亂朱顏變 龍吻春霏玉濺煮銀瓶羊
腸車轉臨泉照影清寒沁骨客塵都浣鴻漸重來夜深
華表露零鶴怨把閒愁換與樓前晚色棹滄波遠

西平樂 過西湖先賢堂

岸壓郵亭路敲華表隄樹舊色依依紅索新晴翠陰寒
食天涯客又重歸歎廢綠平烟帶苑幽渚塵香蕩晚當
時燕又飛來無言對立斜暉追念吟風賞月十載事夢
惹綠楊絲 畫船為市妖妝豔水日落雲沈人換春移
誰更與苔根掃石菊井招魂謾省隨車載酒立馬臨花
猶認媽紅傍路枝歌斷讌闌縈華露草零落山邱過此
西湖恨擬西州羊曇淚落沾衣

柳梢青

與龜翁登研意觀雪懷癸卯歲臘朝斷橋
並馬之遊

斷夢遊輪孤山路杳越樹陰新流水凝酥征衫沾淚都
是離痕 玉屏風冷愁人醉爛熳梅花翠雲傍夜船回

惜春門掩一鏡香塵

桃源憶故人

越山青斷西陵浦一岸密陰疎雨潮帶舊愁生莫曾折
垂楊處桃根桃葉當時渡嗚咽風前柔櫓燕子不留
春住空寄離檣語

醉落魄題藕花洲尼扇

春溫紅玉織衣學剪嬌鴉綠夜香燒短銀屏燭偷擲金
錢重把寸心卜翠深不礙鴛鴦宿採菱誰記當時曲
青山南畔紅雲北一葉波心明滅淡妝束

蝶戀花題華山女道士扇

北斗秋橫雲髻影鶯羽衣輕腰減青絲剩一曲游仙聞
玉磬月華深處人初定十二闌干和笑僂風露生寒
人在蓮花頂睡重不知殘酒醒層城幾度啼鴉暝

望江南

三月暮花落更情濃人去鞦韆閒挂月馬停楊柳倦嘶
風隄畔畫船空厭厭醉長日小簾櫳宿燕夜歸銀燭
外啼鶯聲在綠陰中無處覓殘紅

金縷曲

陪履齋先生滄浪看梅

喬木生雲氣訪中興英雄陳迹暗追前事戰艦東風慳
借便夢斷神州故里旋小築吳宮閒地華表月明歸夜

鶴歎當時花竹今如此枝上露濺清淚 遨頭小簇行
春隊步蒼苔尋幽別隲看梅開未重唱梅邊新度曲催
發寒梢凍蘂此心與東君同意後不如今今非昔兩無
言相對滄浪水懷此恨寄殘醉

蔣

捷字勝欲義興人
有竹山詞一卷

賀新郎

渺渺啼鴉了互魚天寒生峭嶼五湖秋曉竹几一鐙人
做夢嘶馬誰行古道起搔首窺星多少月有微黃籬無
影挂牽牛數朶青花小秋太淡添紅棗 愁痕倚賴西
風掃被西風翻催鬢鬢與秋俱老舊院隔霜簾不捲金

粉屏邊醉倒計無比中年懷抱萬里江南吹簫恨恨參
差白鴈橫天杪烟未斂楚山杳

又

約友三月旦飲

鴈嶼晴嵐薄倚層屏千樹高低粉纖紅弱雲隘東風藏
不盡吹艷生香萬壑又散入汀蘅洲葯擾擾匆匆塵上
面看歌鶯舞燕逢春樂人與物知誰錯 寶釵樓上圍
簾幕小嬋娟雙調彈箏半霄鸞鶴我輩中人無此分琴
思詩情當却也勝似愁橫眉角芳景三分才過二便綠
陰門巷楊花落沾斗酒且同酌

又

宋

詞綜卷十九

六

夢冷黃金屋歎秦箏斜鴻陣裏素絃塵撲化作嬌鶯飛
歸去猶認窗紗舊綠正過兩荆桃如菽此恨難平君知
否似瓊臺湧起彈碁局消瘦影嫌明燭 鴛樓碎瀉東
西玉問芳踪何時再展翠釵難卜待把官眉橫雲樣描
上生綃畫幅怕不是新來妝束綵扇紅牙今都在恨無
人解聽開元曲空掩袖倚寒竹

洞仙歌

對雨思友

世間何處最難忘杯酒惟是停雲想親友此時無一盞
千種離愁西風外長伴枯荷衰柳 去年深夜語傾倒
書窗窗燭心懸小紅豆記得到門時雨正蕭蕭嗟今雨

此情非舊待與子相期采黃花又未卜重陽果能晴否

又柳

枝枝葉葉受東風調弄便是鶯穿也微動自鶯黃千縷
數刻飛綿閑無事誰管將春迎送 輕柔心性在教得
游人酒舞花吟恣狂縱更誰家鸞鏡裏貪學織蛾移來
傍妝樓新種總不道江頭鎖清愁正雨渺烟茫翠陰如

夢

瑞鶴仙

鄉城見月

紺烟迷鴈跡漸碎鼓零鐘街喧初息風檠背寒壁放冰
蛸飛到蛛絲簾隙瓊魂暗泣念鄉關霜蕪似織謾將身

宋

詞綜卷十九

九

化鶴歸來忘却舊遊端的
歡極蓬壺蕪浸花院梨溶
醉連春夕柯雲罷奕櫻桃在夢難覓勸清光乍可幽窗
相伴休照紅樓夜笛怕人間換譜伊涼素娥未識

白苧

正春晴又春冷雲低欲落瓊苞未剖早是東風作惡旋
安排一雙銀蒜鎮羅幕幽壑水生漪皺嫩綠潛鱗初躍
惛惛門巷桃樹紅纔約略知甚時靄華烘破青青萼
憶昨引蛺蝶花邊近來重見身學垂楊瘦削問小學眉山
為誰攢却斜陽院宇任蛛絲罥徧玉箏絃索戶外惟聞
放剪刀聲深在妝閣料想裁縫白苧春衫薄

女冠子 元夕

蕙花香也雪晴池館如畫春風飛到寶釵樓上一片笙
簫琉璃光射而今燈謾挂不是暗塵明月那時元夜况
年來心嬾意怯羞與蛾兒爭耍 江城人悄初更打問
繁華誰解再向天公借別殘紅炮但夢裏隱隱鈿車羅
帕吳箋銀粉研待把舊家風景寫成閑話笑綠鬟鄰女
倚窗猶唱夕陽西下

永遇樂 綠陰

清逼池亭潤侵山閣雲氣凝聚未有蟬前已無蛺蝶後花
事隨逝水西園支徑今朝重到半礙醉筇吟袂除非是

鶯身瘦小暗中引雛穿去
梅簷滴溜風來吹斷放得
斜陽一縷玉子敲枰香綃落
剪聲度深幾許層層離恨
淒迷如此點破謾煩輕絮
應難認爭春舊館倚紅杏處

高陽臺 送翠英

燕捲晴絲蜂黏落絮天教
縮住閑愁閑裏清明匆匆粉
澀紅羞燈搖縹暈茸窗冷
語未闌蛾影分收好傷情春
也難留人也難留
芳塵滿目悠悠為問縈雲珮響還
繞誰樓別酒纔斟從前心事
都休飛鶯縱有風吹轉奈
舊家苑已成秋莫思量楊柳灣西且櫂吟舟

絳都春

蛾眉作我新語

春愁怎畫正鶯背帶綠
酴醾花謝細雨院深淡月廊斜
重簾挂歸時記約燒燈夜
早拆盡千秋紅架縱然歸近
風光又是翠陰初夏
姹姪嚙青泣白恨玉珮罷舞芳
塵凝榭幾擬倩人付與香蘭
秋羅帕知他墮策斜攏馬
在底處垂楊樓下無言暗擁
嬌鬟鳳釵溜也

聲聲慢 秋聲

黃花深巷紅葉低窗淒涼
一片秋聲豆雨聲來中間夾
帶風聲疎疎二十五點麗譙門
不鎖更聲故人遠問誰
搖玉佩簷底鈴聲
彩角聲吹月墮漸連營馬動四起
砧聲閃爍鄰燈燈前尚有砧聲
知他訴愁到曉碎嚶嚶

多少蛩聲訴未了把一半分與鴈聲

金盞子

練月縈窗夢乍醒黃花翠竹庭館心字夜香消人孤另
雙鷓被他羞看擬待告訴天公減秋聲一半無情鴈正
用恁時飛來叫雲尋伴 猶記杏欏煖銀燭下纖影卸
佩款春渦暈紅豆小鶯衣嫩珠痕澹印芳汗自從信誤
青鸞想籠鸚停喚風刀快但剪畫簷梧桐怎剪愁斷

梅花引

白鷗問我泊孤舟是身留是心留心若留時何事鎖眉
頭風拍小簾燈暈舞對閑影冷清清憶舊遊 舊遊舊

遊今在否花外樓柳下舟夢也夢也夢不到寒水空流
漠漠黃雲溼透木綿裘都道無人愁似我今夜雪有梅
花似我愁

解珮令

春晴也好春陰也好著些兒春雨越好春雨如絲繡出
花枝紅裊怎禁他孟婆合阜 梅花風悄杏花風小海
棠風驀地寒峭歲歲春光被二十四風吹老棟花風爾
且慢到

虞美人 聽雨

少年聽雨歌樓上紅燭昏羅帳壯年聽雨客舟中江闊

雲低斷鴈叫西風 而今聽雨僧廬下 鬢已星星也悲
歡離合總無情 一任階前點滴到天明
又梳樓

絲絲楊柳絲絲雨 春在冥濛處 樓兒忒小不藏愁 幾度
和雲飛去覓歸舟 天憐客子鄉關遠 借與花消遣 海
棠紅近綠闌干 纔捲珠簾却又晚 風寒

祝英臺近 次韻惜別

柳邊樓花下館 低卷繡簾半 簾外天絲擾擾似情亂 知
他蛾綠纖眉 鶯黃小袖 在何處 閑遊閑翫 最堪歎 箏
面一寸塵深 玉柱網斜 鴈譜字紅 蕙剪燭記 同看幾回

傳語東風將愁吹去 怎奈向東風不管

行香子 舟宿閩灣

紅了櫻桃綠了芭蕉 送春歸客尚蓬飄 昨宵穀水今夜
蘭皋 奈雲溶溶 風淡淡 雨瀟瀟 銀字笙調 心字香燒
料芳踪乍整 還凋待將春恨都付春潮 過窈娘隄 秋娘
渡 秦娘橋

柳梢青 游女

學唱新腔 秋千梁上 釵股敲雙 柳雨花風 翠鬆裙褶 紅
膩鞋幫 歸來門掩 銀釭淡月裏 疎鐘漸撞 嬌欲人扶
醉嫌人問 斜倚樓窗

霜天曉角 折花

蔣捷

人影窗紗是誰來折花折則從他折去知折去向誰家
簷牙枝最佳折時高折些說與折花人道須插向鬢
邊斜

詞綜卷十九調名

倦尋芳 吳

燭影搖紅

法曲獻仙音

憶舊遊

點絳脣

西子妝

唐多令

玉漏遲

祝英臺近

蔣

霜花腴

喜遷鶯

聲聲慢

蔣

高陽臺

滿江紅

遶佛閣

解語花

荔支香近

尉遲杯

霜葉飛

齊天樂

瑞龍吟

玉樓春

惜紅衣

鶯啼序

絳都春

蔣

天香

水龍吟

桃源憶故人

瑞鶴仙

掃花遊

解蹀躞

澡蘭香

風入松

金盞子

蔣

十二郎

古香慢

西平樂

柳梢青

蔣

醉落魄

望江南

洞仙歌

蔣

女冠子

高陽臺

解珮令

行香子

蝶戀花

金縷曲

蔣作名賀新郎

白苧

永遇樂

梅花引

虞美人

霜天曉角

詞綜卷二十

宋詞八十首

陳允平 二十三首

周密 五十七首

陳允平

字君衡號西麓明州人
有日湖漁唱二卷
張叔夏云詞欲雅而正志之所之
一為物所役則失其雅正之音近代陳西麓所作平正亦
有佳者

摸魚兒 西湖送春

倚東風畫欄十二芳陰簾幕低護玉屏翠冷梨花瘦寂

寞小樓烟雨腸斷處悵折柳柔情舊別長亭路年華似

羽任錦瑟聲寒瓊簫夢遠羞對綵鸞舞 文園賦重憶

河橋眉嫵啼痕猶濺紈素丁香共結相思恨空託繡羅
金縷春已暮縱燕約鶯盟無計留春住傷春倦旅趁暗
綠稀紅扁舟短棹載酒送春去

絳都春

鞦韆倦倚正海棠半坼不耐春寒殢雨弄晴飛梭庭院
繡簾閑梅妝欲試芳情懶翠鬢愁入眉彎霧蟬香冷霞
綃淚搵恨襲湘蘭悄悄池臺步晚任紅醺杏靨碧沁
苔痕燕子未來東風無語又黃昏琴心不度春雲遠斷
腸難託啼鶉夜深猶倚垂楊二十四欄

醉江月 賦水仙

漢江露冷是誰將瑤瑟彈向雲中一曲清冷聲漸杳月
高人在珠宮暈額黃輕塗腮粉艷羅帶織青葱天香吹
散珮環猶自丁東回首杜若汀洲金鈿玉鏡何日得
相逢獨立飄飄烟浪遠羅韞羞濺春紅渺渺予懷迢迢
良夜三十六陂風九疑何處斷魂飛度千峰

又

霽空虹雨傍啼螿莎草宿鷺汀洲隔岸人家砧杵急微
寒先到簾鉤步幄鹿高征衫酒潤誰煖玉香篝風燈微
暗夜長頻換更籌應是雁柱調箏鴛拔織錦付與兩
眉愁不似樽前今夜月幾度同上南樓紅葉無情黃花

有恨辜負十分秋歸心如醉夢魂飛趁東流

清平樂

鳳城春淺寒壓花梢顫有約不來梁上燕十二繡簾空
捲 去年共倚秋千今年獨倚闌干誤了海棠時候不
成直待花殘

永遇樂

玉腕籠寒翠欄凭曉鶯調新簧暗水穿苔遊絲度柳人
靜芳晝長雲南歸鴈樓西飛燕去來慣認炎涼王孫遠
青青草色幾回望斷柔腸 薔薇舊約樽前一笑等閑
辜負年光鬪草庭空拋梭架冷簾外風絮香傷春情緒

惜花時候日斜尚未成妝聞嬉笑誰家女伴又還採桑

八寶妝

望遠秋平初過雨微茫水滿烟汀亂蕙疎柳猶帶數點
殘螢待月重樓誰共倚信鴻斷續兩三聲夜如何頓涼
驟覺紈扇無情 還思驂鸞素約念鳳簫鴈瑟取次塵
生舊日潘郎雙鬢半已星星琴心錦意暗嬾又爭奈西
風吹恨醒屏山冷怕夢魂飛度藍橋不成

綺羅香 秋雨

鴈字蒼寒蛩疏翠冷又是淒涼時候小揭珠簾衣潤唾
花羅縐饒曉鷺獨立衰荷溯歸燕尚棲殘柳想黃華羞

翠東籬斷無新句到重九 孤檠清夢易覺腸斷唐宮
舊曲聲迷宮漏滴入愁心秋似玉樓人瘦烟檻外催落
梧桐帶西風亂捎鴛鴦記畫簷燈影沈沈共裁春夜韭

探春 蘇隄春曉

上苑烏啼中洲鷺起疎鐘纔度雲窈篆冷香篝燈微塵
幌殘夢猶吟芳草搔首捲簾看認何處六橋烟柳翠橈
纔艤西泠趁取過湖人少 掠水風花繚繞還暗憶年
時旗亭歌酒隱約春聲鈿車寶勒次第鳳城開了惟有
踏青心縱早起不嫌寒峭畫欄閑立東風舊紅誰掃

秋霽 平湖秋月

千頃玻璃送遠目斜陽漸下林間題葉人歸採菱舟散
望中水天一色碾空桂魄玉繩低轉雲無迹有素鷗閑
伴夜深呼棹過環碧 相思萬里頓隔嬋媛幾回瑤臺
同駐鸞翼對西風憑誰問取人間那得有今夕應笑廣
寒宮殿窄露冷烟澹還看數點殘星兩行新鴈倚樓橫
笛

百字令 斷橋殘雪

凝雲冱曉正蘼花纔積荻絮初殘華表翩躚何處鶴愛
吟人正孤山凍解苔鋪水融莎甃誰凭玉勾闌茸衫羶
帽冷香吹上吟鞭 將次柳際瓊消梅邊粉瘦添做十

分寒閑踏輕澌來薦菊半潭新漲微瀾水北峰巒城陰
樓觀留向月中看巘雲深處好風飛下晴湍

掃花遊 雷峰落照

數峰蘸碧記載酒紺園柳塘花鳥最堪避暑愛蓮香送
晚翠嬌紅嫵歎乃菱歌乍起蘭橈競舉日斜處望孤鷺
斷霞初下芳杜 遙想山寺古看倒影金輪逝光朱戶
暝烟帶樹有投林鷺宿凭樓僧語可惜流年付與朝鐘
暮鼓謾凝竚步長橋月明歸去

暮山溪 花港觀魚

春波浮淥小隱桃溪路烟雨正林塘翠不礙錦鱗來去

芹香藻膩偏愛鯉花肥簷影下柳陰中逐浪吹萍絮
宮溝泉滑怕有題紅句釣餌已忘機都付與人間兒女
濠梁興在鷗鷺笑人癡三湘夢五湖心雲水蒼茫處

齊天樂 南屏晚鐘

赤欄橋畔斜陽外臨江暮山凝紫戲鼓纔停漁榔乍歇
一片芙蓉秋水餘霞散綺正銀鑰停關畫橈催艤魚板
敲殘數聲初入萬松裏 坡翁詩夢未老翠微樓上月
曾共誰倚御苑烟花宮斜露草幾度西風彈指黃昏盡
也有眠月閑僧醉香遊子鷺嶺猿啼喚人吟思起

明月引 和白雲趙宗簿

雨餘芳草碧蕭蕭
暗春潮蕩雙橈
紫鳳青鸞舊夢帶
文簫綽約珮環風不定
雲欲墮六銖香天外飄
相思為誰蘭恨銷
渺湘魂無處招
素紉猶在真真意
還倩誰描舞鏡空
懸羞對月明宵
鏡裏心心裏
月君去矣舊東風
新畫橋

唐多令 吳江道上寄鄭可大

何處是秋風
月明霜露中
算淒涼未到梧桐
曾向垂虹橋上看
有幾樹水邊楓
客路怕相逢
酒濃愁更濃
數歸期猶是初冬
欲寄相思無好句
聊折贈鴈來紅

又

休去採芙蓉
秋江烟水空
帶斜陽一片征鴻
欲頓閒愁無頓處
都著在兩眉峰
心事寄題紅
畫橋流水東
斷腸人無奈
秋濃回首層樓歸去
嬾早新月挂梧桐

戀繡衾

緗桃紅淺柳褪黃
燕初來宮漏漸長
任日轉花梢也倚
蘭屏猶未試妝
秦鸞舊曲無心理
憶年時相傍採桑
聽綠樹嬌鶯囀
一聲聲都是斷腸

又

銀鴛金鳳畫暗銷
曉簾櫳新翠漸交
算多少相思恨
被東風吹上柳梢
羅窗夜夜梨花瘦
奈月明香夢易遙

便擬倩題紅句趁落花流過謝橋

小重山

岸柳黃深綠漸饒林塘初雨過漲蒲萄秋千亭榭彩旗
交鶯聲裏春在杏花梢 慵整翠雲翹眉尖愁兩點倩
誰描斜陽芳草暗魂銷東風遠猶凭赤欄橋

慶春宮

按絕妙好詞此首作張樞詞日湖漁
唱亦不載

斜日明霞殘虹分雨軟風淺掠蘋波聲冷瑤笙情疎寶
扇酒醒無奈秋何彩雲輕散漫敲缺銅壺浩歌眉痕留
怨依約遙峯學斂雙蛾 銀牀露洗涼柯屏掩香銷忍
掃裯羅楚驛梅邊吳江楓畔庾郎從此愁多草蛩喧砌

料催織回文鳳梭相思遼遠簾卷翠樓月冷星河

垂楊懷古

銀屏夢覺漸淺黃嫩綠一聲鶯小細雨輕塵建章初閉
東風悄依然千樹長安道翠雲鎖玉窗深窈斷腸人空
倚斜陽帶舊愁多少 還是清明過了任烟縷露條碧
纖青嫋恨隔天涯幾回惆悵蘇隄曉飛花滿地誰為掃
甚薄倖隨波縹緲縱啼鶉不喚春歸人自老

瑞鶴仙

燕歸簾半捲正漏約瓊籤笙調玉管蛾眉畫來淺甚春
衫嬾試夜燈慵剪香溫夢暖訴芳心芭蕉未展渺雙波

望極空江二十四橋凭徧 蔥蒨銀屏綵鳳霧帳金蟬
舊家坊院烟花弄晚芳草恨斷魂遠對東風無語綠陰
深處時見飛紅數片算多情尚有黃鸝向人覓晚

周

密

字公謹濟南人僑居吳興自號弁陽嘯翁又號蕭齋有草窗詞二卷一名賓洲漁笛譜

大聖樂

東園餞春

嬌綠迷雲倦紅顰曉嫩晴芳樹漸午陰簾影移香燕語
夢回千點碧桃吹雨冷落錦衾人歸後記前度蘭橈停
翠浦凭欄久謾凝竚鳳翹慵聽金縷 留春問誰最苦
奈花自無言鶯自語對畫樓殘照東風吹遠天涯何許
怕折露條愁輕別更烟暝長亭啼杜宇垂楊晚但羅袖

暗沾飛絮

花犯 水仙花

楚江湄湘娥乍見無言灑清淚淡然春意空獨倚東風
芳思誰寄凌波路冷秋無際香雲隨步起謾記得漢宮
仙掌亭亭明月底 冰絃寫怨更多情騷人恨枉賦芳
蘭幽芷春思遠誰歎賞國香風味相將共歲寒伴侶小
窗淨沈烟熏翠被幽夢覺涓涓清露一枝燈影裏

探春

脩門度歲

綵勝宜春翠盤消夜客裏暗驚時候剪燕心情呼盧笑
語景物總成懷舊愁鬢妒垂楊早穉眼漸濃如豆儘教

寬盡春衫畢竟為誰消瘦 梅浪半空如繡便管領芳
菲忍辜詩酒映竹占花臨窗卜鏡還念歲寒宮袖簫鼓
動春城競點綴玉梅金柳厮勾元宵燈前共誰携手

瑤花 瓊花

朱鈿寶玦天上飛瓊比人間春別江北江南曾未見謾
擬梨雲梅雪淮山春晚問誰識芳心高潔消幾番花落
花開老了玉關豪傑 金壺剪送瓊枝看一騎紅塵香
度瑤闕韶華正好應自喜初識長安蜂蝶杜郎老矣想
舊事花須能說記少年一夢揚州二十四橋明月

玉京秋

烟水闊高林弄殘照晚蛩淒切碧砧度韻銀牀飄葉衣
溼桐陰露冷採涼花時賦秋雪歎輕別一襟幽事砌蛩
能說 客思吟商還怯怨歌長瓊壺暗缺翠扇恩疎紅
衣香褪翻成銷歇玉骨西風恨最恨閑却新涼時節楚
簫咽誰倚西樓淡月

解語花

晴絲罥蜨煖蜜酣蜂重簾卷春寂寂雨萼烟梢壓闌干
花雨染衣紅溼金鞍誤約空極目天涯草色閨苑玉簫
人去後惟有鶯知得 餘寒猶掩翠戶梁燕乍歸芳信
未端的淺薄東風莫因循輕把杏鈿狼籍塵侵錦瑟殘

日綠窗春夢窄睡起折花無意緒斜倚秋千立

曲遊春 遊西湖

禁苑東風外颺煖絲晴絮春思如織燕約鶯期惱芳情
偏在翠深紅隙漠漠香塵隔沸十里亂絃叢笛看畫船
盡入西泠閑却半湖春色 柳陌新烟凝碧映簾底宮
眉隄上游勒輕暝籠烟怕梨雲夢冷杏香愁幕歌管酬
寒食奈蛺蝶怨良宵岑寂正滿湖碎月搖花怎生去得

秋霽

秋日遊西湖

重到西泠記芳園載酒畫舸橫笛水曲芙蓉渚邊鷗鷺
依依似曾相識年華易失段橋幾換垂楊色謾自惜愁

損庾郎雙鬢點華白 殘蛩露草怨蛺蝶寒花轉眼西風
又成陳迹歎如今才消量減樽前辜負醉吟筆欲寄遠
情秋水隔舊遊空在凭高望極斜陽亂山浮紫暮雲凝
碧

臺城路 梅

宮簷融暖晨妝嬾輕霞未勻酥臉倚竹嬌顰臨溪瘦影
依約樽前重見盈盈笑靨映珠絡玲瓏翠綃葱蒨夢入
羅浮滿衣清露暗香染 東風千樹易老怕紅顏漸減
芳意偷變贈遠天寒吟香夜永多少江南新怨瓊疏靜
掩任剪雪裁雲競誇輕艷畫角黃昏夢隨春去遠

宋

詞綜卷二十

又

東風又入江南岸年年漢宮春早寶屑無痕生香有韻
消得何郎花惱孤山夢繞記路隔金沙那回曾到夜月
相思翠樽誰共飲香醪天寒空念贈遠水邊憑為問
春到多少竹外凝情牆陰照影誰見嫣然一笑吟香未
了怕玉管西樓一聲霜曉花自多情看花人自老

又 赤壁重遊

清溪數點芙蓉雨蘋颺泛涼吹艦洗玉空明浮珠沆瀣
人靜籟沈波息仙潢咫尺想翠宇瓊樓有人相憶天上
人間未知今夕是何夕此生此夜此景自仙翁去後

清致誰識散髮吟商簪花弄水誰伴空江橫笛流年暗
惜怕一度西風井梧吹碧底事間愁醉歌浮大白

又

曲屏遮斷行雲夢西樓怕聽疎雨硯凍凝華香寒散霧
呵筆慵題詩句長安倦旅歎衣染塵痕鏡添秋縷過盡
飛鴻錦箋誰與寄愁去簫臺應是怨別曉寒梳洗嬾
依舊眉嫵酒滴鑪香花園坐煖閒却珠鞦鈿柱芳心謾
語恨柳外遊韉繫情何處暗卜歸期細將梅蘂數

又 蟬

槐陰忽送清商怨依依乍聞還歇故苑愁深危絃調苦

宋

詞綜卷二十

十一

前夢蛻痕枯葉傷情惜別是幾度斜陽幾回殘月轉眼
西風一襟幽恨向誰說 輕鬟猶記動影翠蛾應妒我
雙鬢如雪枝冷頻移葉疎猶抱肯負好秋時節淒淒切
切漸迤灑黃昏砌蛩相接露沈餘悲暮烟聲更咽

一枝春

酒邊聞歌和韻

碧淡春姿柳眠醒似怯朝來酥雨芳程乍數喚起探花
情緒東風尚淺甚先有翠嬌紅嫵應自把羅綺圍春占
得畫屏春聚 留連繡叢深處愛歌雲裊裊低隨香縷
瓊窗夜暖試與細評新譜妝眉媚粉料無奈弄顰佯妒
還只怕簾外籠鶯笑人醉語

又 春晚和韻

簾影移陰杏蕚寒乍溼西園絲雨芳期暗數又是去年
心緒金花謾剪倩誰畫舊時眉嫵空自想楊柳風流淚
滴軟綃紅聚 羅窗那回歌處歎庭花倦舞香銷冰縷
樓空燕冷碎錦嬾尋塵譜么絃謾賦記曾是倚嬌成妒
深院悄門掩梨花倩鶯寄語

綠蓋舞風輕白蓮

玉立照新妝翠蓋亭亭凌波步秋綺真色生香明璫搖
淡月舞袖斜倚耿耿芳心奈千縷情絲縈繫恨開遲不
嫁東風顰怨嬌藥 花底謾卜幽期素手採珠房粉豔

宋

詞綜卷二十

七

初洗雨溼鉛腮碧雲深暗聚軟綃清淚訪蓮尋藕楚江
遠相思誰寄棹歌回衣露滿身花氣

玲瓏四犯 戲調夢窗

波暖塵香正嫩日輕陰搖蕩清晝幾日新晴初展綺屏
紋繡年少忍負才華儘占斷艷歌芳酒奈翠簾蝶舞蜂
喧催趁禁烟時候 杏腮紅透梅鈿皺燕歸時海棠
厮勾尋芳較晚東風約還在劉郎後憑問柳陌舊鶯人比
似垂楊誰瘦倚畫欄無語春恨遠頻回首

拜星月慢 春暮寄夢窗

膩葉陰清孤花香冷池灑芳洲春換薄酒孤吟悵相如

遊倦想人在絮幕香簾凝望誤認幾許烟樁風幔芳草
天涯負華堂雙燕 記簫聲淡月梨花院研箋紅謾寫
東風怨一夜花落鶻啼喚四橋吟伴蕩歸心已過江南
岸清宵夢遠逐飛花亂幾千萬絲縷垂楊繫春愁不斷
長亭怨慢

記千竹萬荷深處綠淨池臺翠涼亭宇醉墨題香閑簫
橫玉盡吟趣勝流星聚知幾誦燕臺句零落碧雲空歎
轉眼歲華如許 凝佇望涓涓一水夢到隔花窗戶十
年舊事儘消得庾郎愁賦燕樓鶴表半飄零算惟有盟
鷗堪語慢倚遍河橋一片涼雲吹雨

宴清都 雪川圖

老去閒情嬾東風外霏霏花絮零亂輕漚漲綠啼鶉暗
碧一春過半尋芳已是來遲怕池灑年華暗換應悵恨
白雪歌空秋霜鬢冷誰管 凭欄自笑清狂事隨花謝
愁與春遠持盃顧曲登樓賦筆杜郎才減前歡已隔前
溪但耿耿臨高望眼溯輕紅一棹歸時半蟾弄晚

霓裳中序第一

湘屏展翠疊恨入宮溝流怨葉釭冷金花暗結又鴈影
帶霜蛩音淒月珠寬腕雪歎錦箋芳字盈篋人何在玉
簫舊約忍對素娥說 愁絕夜砧幽咽任帳底沈烟漸

滅紅蘭誰採贈別悵洛浦分綃漢臯遺玦舞鸞光半缺
最怕聽離絃乍闕憑欄久一庭香露桂影弄淒蛻

惜餘春慢 避暑和韻

紺玉波寬碧雲亭小冉冉水花香細魚牽翠帶燕掠紅
衣雨急萬荷喧睡臨檻自採瑤房鉛粉沾襟雪絲縈指
喜嘶蟬樹遠盟鷗鄉近鏡奩光裏 簾戶悄竹色侵棋
槐陰移漏晝永葦花鋪水清眠乍足晚浴初慵瘦約楚
裙尺二曲砌虛庭夜深月透龜紗涼生蟬翅看銀潢瀉
露金井鴉啼漸起

祝英臺近 攬秀園

宋

詞綜卷二十

古

步玲瓏尋窈窕瑤草四時碧小小蓬萊花氣透簾隙幾
回翠水荷初蒼崖梅小綺寮掩玉壺春色 柳屏窄芳
檻日日東風幾醉幾吟筆曲折花房鶯燕似曾識最憐
燈影纔收歌塵初靜畫樓外一聲秋笛

又 后溪次韻日熙堂主人

殢餘醒尋舊雨愁與病相半綠意陰陰絲竹靜深院絕
憐事逐春移淚隨花落似剪斷鮫房珠串 喜重見為
誰倦酒慵詩篋屏掩雙扇白髮潘郎羞見看花伴可堪
好夢殘時新愁生處烟月冷子規聲斷

徵招 九日有懷楊守齋

江蘼搖落江楓冷霜空鴈程初到萬景正悲秋奈曲終
人杳登臨嗟老矣問今古清愁多少一夢東園十年心
事恍然驚覺 腸斷紫霞深知音遠寂寂怨琴淒調短
髮已無多怕西風吹帽黃花空自好問誰識對花懷抱
楚山遠九辨難招更晚烟殘照

聲聲慢 柳花

燕泥沾粉魚浪吹香芳隄十里新晴靜惹遊絲花邊裊
裊扶春多情最憐漂泊記章臺曾挽青青堪愛處是撲
簾嬌軟隨馬輕盈 長是河橋三月做一番晴雪惱亂
詩魂帶雨沾衣羅襟點點離痕休綴潘郎鬢影怕綠窗

周 密
年少人驚卷春去前剪東風千縷碎雲

又 送王聖與次韻

瓊壺敲月白髮簪花十年一夢揚州恨入琵琶小憐重
見灣頭樽前漫題金縷奈芳情已逐東流還送遠甚長
安亂葉都是閒愁 次第重陽近也看黃花綠酒只合
遲留脆柳無情不堪重繫行舟百年正消幾別對西風
休賦登樓怎去得怕淒涼時節團扇悲秋

醉落魄

洪魯仲之江西書以為別

寒侵徑葉鴈風擊碎珊瑚屑硯涼閒試霜晴帖頌菊騷
蘭秋事正奇絕 故人又作江西別書樓虛度中秋節

碧欄倚遍誰人說愁是新愁月是舊時月

水龍吟

燕翎誰寄愁箋天涯望極王孫草新烟換柳光風浮蕙
餘寒尚峭倚杖看雲剪燈聽雨幾番詩酒歎長安倦客
江南舊夢飛花亂清明後 隄上垂楊風驟散香綿輕
沾吟袖麴塵兩岸紋波十里暖蒸香透海闊雲深水流
春遠夢魂難勾問鶯邊按譜花前覓句解相思否

又

舞紅輕帶愁飛寶鞮暗憶章臺路吟香醉雨吹簫門巷
飄梭院宇立盡殘陽眼迷晴樹夢隨風絮歎江潭冷落

宋

詞綜卷二十

六

周 密
依依舊恨人空老柳如許 錦瑟年華暗度賦行雲空
題短句晴絲繫燕么絃彈鳳文君更苦烟水流紅暮雲
凝紫是春歸處悵江南望遠蘋花自採寄將愁與

又白蓮

素鸞飛下青冥舞衣半惹涼雲碎藍田種玉綠房迎曉
一奩秋意擎露盤深憶君清夜暗傾鉛水想鴛鴦正結
梨雲好夢西風冷還驚起 應是飛瓊仙會倚涼颺碧
簪斜墜輕妝鬪白明璫照影紅衣羞避霽月三更粉雲
千點靜香十里聽湘絃奏徹冰綃偷剪聚相思淚

天香 龍涎香

碧腦浮冰紅薇染露驪宮玉唾誰搗麝月雙心鳳雲百
和寶玦珮環爭巧濃熏淺注疑醉度千花春曉金餅著
衣餘潤銀葉透簾微裊 素被瓊篝夜悄酒初醒翠屏
深窈一縷舊情空趁斷烟飛繞羅袖餘馨漸少悵東閣
淒涼夢難到誰念韓郎清愁漸老

珍珠簾 琉璃簾

寶階斜轉春宵永雲屏敞霞卷東風新霽光照萬星寒
曳冷雲垂地暗憶連昌遊冶事照炫轉熒煌珠翠難比
是鮫人織就冰綃清淚 猶記夢入瑤臺正玲瓏透月
瓊鈎十二金縷逗濃香接翠蓬雲氣縞夜梨花生煖白

浸瀲灩一池春水沈醉恍歸時人在明河影裏

疎影梅影

冰條凍葉又橫斜照水一花初發素壁秋屏招得芳魂
彷彿玉容明滅疎疎滿地珊瑚冷全誤却撲花幽蝶甚
美人忽到窗前鏡裏好春難折 閑想孤山舊事浸清
漪倒映千樹殘雪暗裏東風可慣無情攪碎一簾香月
輕妝誰寫崔徽面認隱約烟綃重疊記夢回紙帳殘燈
瘦倚數枝清絕

玉漏遲 題吳夢窗霜花腴詞集

老來歡意少錦鯨仙去紫簫聲杳怕展金奩依舊故人

懷抱猶想烏絲醉墨驚俊語香紅圍繞閒自笑與君共
是承平年少 兩窗短夢難憑是幾調宮商幾番吟嘯
淚眼東風回首四橋烟草載酒倦遊處已換却花間啼
鳥春恨悄天涯暮雲殘照載酒句 一作載酒倦遊甚處

南樓令

開了木芙蓉一年秋已空送新愁千里孤鴻搖落江蘼
多少恨吟不盡楚雲峯 往事夕陽紅故人江水東翠
衾寒幾夜霜濃夢隔屏山飛不去隨夜鵲繞疎桐

西江月

波影暖浮玉甃柳陰深鎖金鋪湘桃花褪燕調雛又是

一番春暮 碧柱情深鳳怨雲屏夢淺鶯呼繡窗人倦
冷熏爐簾影搖花亭午

又 茶蘼閣

花氣半侵雲閣柳陰近隔春城畫欄明月按瑤箏醉倚
滿身花影 翠格素虬晴雪錦籠紫鳳香雲東風吹玉
滿閑庭二十四簾春靚

鷓鴣天 清明

燕子時時度翠簾柳寒猶未褪香綿落花門巷家家雨
新火樓臺處處烟 情默默恨恹恹東風吹動畫秋千
刺桐開盡鶯聲老無奈春何祇醉眠

又

相傍清明晴便慳閉門空自惜花殘海棠半坼難禁雨
燕子初歸不奈寒 金鴨冷錦鴛閒銀缸空照小屏山
翠羅袖薄東風悄獨倚西樓第幾欄

夜行船

寒菊敲風棲小蝶簾櫳靜半規涼月夢不分明恨無憑
據腸斷錦箋盈篋 哀角吹霜寒正怯倚瑤箏暗愁難
說寶獸頻添玉虫暗剪長記舊家時節

杏花天

瑞雲盤翠侵宮額眉柳嫩不禁愁積返魂誰染東風筆

宋

詞綜卷二十

元

寫出郢中春色 人去後垂楊自碧
歌舞夢欲尋無迹
愁隨兩槩江南北
日暮石城風急

又

金池瓊苑曾經醉
是多少紅情綠意
東風一枕遊仙睡
換却鶯花人世
漸暮色鶉聲四起
正愁滿香溝御水
一色柳烟三十里
為問春歸那裏

又昭君

漢宮乍出慵梳掠
關月冷玉沙飛
幕龍香撥指春風弱
一曲哀絃謾託
君恩厚空憐命薄
青塚遠幾番花落
丹青自是難描摸
不是當時畫錯

浪淘沙

芳草碧茸茸
染恨無窮
一春心事雨聲中
窄素宮羅寒
尚峭閑倚熏籠
猶記粉牆東
同醉香叢金鞍何處驟
花驄曷曷綠窗殘
夢斷紅杏東風

點絳脣 南漪釣隱 年存叟

午夢初回卷簾盡
放春愁去晝長無侶
自對黃鸝語
絮影蘋香春在無人處
移舟去未成新句
一硯梨花雨

謁金門

花不定燕尾剪開紅影
幾點落英蜂翅趁
日遲簾幕靜
試把翠蛾輕暈愁薄
寶臺鸞鏡屈指一春將次盡
歸

宋

詞綜卷二十一

期猶未穩

又吳山觀濤

天水碧染就一江秋色
鰲戴雪山龍起
鰲快風吹海立
數點烟鬟青滴
一杼霞綃紅溼
白鳥明邊帆影直
隔江聞夜笛

又

芳事晚數點杏鈿香
淺惻惻輕寒風
剪剪錦屏春夢遠
穉柳拖烟嬌軟
花影暗藏深院
初試輕衫并畫扇
牡丹紅未展

清平樂

曉鶯嬌咽庭戶溶溶
月一樹湘桃飛茜
雪紅豆相思漸結
看看芳草平沙
遊韉猶未歸家
自是蕭郎漂泊
錯教人恨楊花

鳳棲梧生香亭

竹杏花深連別墅
曲曲回廊小小
閑庭宇忽地香來無
覓處杖藜閑趁
遊蜂去老桂凝秋
森玉樹澗底孤芳
苒苒吹詩句
一掬幽情知幾許
鈎簾半畝藤花雨

少年遊官詞擬小山

簾銷寶篆捲官羅
蜂蝶撲飛梭
一樣春風燕梁
鶯戶那處春多
曉妝日日隨春輦
多在牡丹坡
花深深處柳

陰陰處一片笙歌

甘州 燈夕寄二隱

漸淒淒芳草綠江南輕暉弄春容記少年遊處簫聲巷
陌燈影簾櫳月暖烘鑪戲鼓十里步香紅敲枕聽新雨
往事朦朧 還是春江夢曉怕等閒愁見鴈影西東喜
故人好在水驛寄詩筒數芳程漸催花信送歸帆知第
幾番風空吟想梅花千樹人在其中

一萼紅登蓬萊閣有感

步深幽正雲黃天淡雪意未全休鑑曲寒沙茂林烟草
俛仰今古悠悠歲華晚飄零漸遠誰念我同載五湖舟

磴古松斜屋陰苔老一片清愁 回首天涯歸夢幾魂
飛西浦淚灑東州故國山川故園心眼還似王粲登樓
最負他秦鬟妝鏡好江山何事此時遊為喚狂吟老監
共賦銷憂

三姝媚 送聖與還越

淺寒梅未綻正潮過西陵短亭逢鴈秉燭相看歎俊游
零落滿襟依黯露草霜花愁正在廢宮蕪苑明月河橋
笛外樽前舊情消減 莫訴離觴深淺恨聚散匆匆夢
隨帆遠玉鏡塵昏怕賦情人老後逢淒惋一樣歸心忍
喚起故園愁眼立盡斜陽無語空江歲晚

法曲獻仙音 弔雪香亭梅

松雪飄寒嶺雲吹凍紅破數枝春淺襯舞臺荒浣妝池
冷淒涼市朝輕換歎花與人凋謝依依歲華晚 共淒
黯問東風幾番吹夢應慣識當年翠屏金輦一片古今
愁但廢綠平烟空遠無語消魂對斜陽衰草淚滿又西
泠殘笛低送數聲春怨

探芳信 西泠春感

步晴晝向水院維舟津亭喚酒歎劉郎重到依依漫懷
舊東風空結丁香怨花與人俱瘦甚淒涼暗草沿池溼
苔侵甃 橋外晚風驟正香雪隨波淺烟迷岫廢苑塵

梁如今燕來否翠雲零落空隄冷往事休回首最消魂
一片斜陽戀柳

詞綜卷二十調名

摸魚兒

陳

醉江月

永遇樂

綺羅香

秋霽

周

掃花遊

齊天樂

唐多令

小重山

絳都春

清平樂

周

八寶妝

探春

周

百字令

即醉江月

驀山溪

明月引

戀繡衾

唐春宮

垂楊

大聖樂周

瑤花

解語花

臺城路

綠蓋舞風輕

拜星月慢

宴清都

惜餘春慢

徵招

瑞鶴仙

花犯

玉京秋

曲遊春

一枝春

玲瓏四犯

長亭怨慢

霓裳中序第一

祝英臺近

聲聲慢

醉落魄

天香

疎影

南樓令

鷓鴣天

杏花天

點絳脣

鳳栖梧

甘州

三姝媚

水龍吟

珍珠簾

玉漏遲

西江月

夜行船

浪淘沙

謁金門

少年遊

一萼紅

法曲獻仙音

探芳信

芍藥山房重訂

詞綜卷二十一

宋詞八十五首

王沂孫 三十五首

張炎 五十首

王沂孫

字聖與號碧山又號中仙會稽人
有碧山樂府二卷一名花外集

天香

龍涎香

孤嶠蟠烟層濤蛻月驪宮夜採鉛水訊遠槎風夢深薇
露化作斷魂心字紅蕤候火還乍識冰環玉指一縷縈
簾翠影依稀海天雲氣 幾回帶嬌半醉剪春燈夜寒
花碎更好故溪飛雪小窗深閉荀令如今頓老總忘却
樽前舊風味謾惜餘熏空篝素被

南浦 春水

柳下碧粼粼認麴塵乍生色嫩如染清溜滿銀塘東風
細參差穀紋初遍別君南浦翠眉曾照波痕淺再來漲
綠迷舊處添却殘紅幾片蒲萄過雨新痕正拍拍輕
鷗翩翩小燕簾影蘸樓陰芳流去應有淚珠千點滄浪
一舸斷魂重唱蘋花怨采香幽徑鴛鴦睡誰道湔裙人
遠

又 前題

柳外碧連天漾翠紋漸平低蘸雲影應是雪初消巴山
路蛾眉乍窺清鏡綠痕無際幾番飄蕩江南恨弄波素

鞦韆知甚處空把落紅流盡何時橘里尊鄉泛一舸翩
然東風歸興孤夢遶滄浪蘋花岸漠漠雨昏烟暝連筒
接纒故溪深掩柴門靜只愁雙燕銜芳去拂破藍光千
頃

花犯 苔梅

古嬋娟蒼鬢素靨盈盈瞰流水斷魂十里歎紺纒飄零
難繫離思故山歲晚誰堪寄琅玕聊自倚謾記我綠蓑
衝雪孤舟寒浪裏三花兩蕊破蒙茸依依似有恨明
珠輕委雲卧穩藍衣正護春顛顛羅浮夢半蟾挂曉
鳳冷山中人乍起又喚取玉奴歸去餘香空翠被

露華碧桃

王沂孫

紺葩乍坼笑爛熳嬌紅不是春色換了素妝重把青螺
輕拂舊歌共渡烟江却占玉奴標格風霜峭瑤臺種時
付與仙骨 閒門晝掩淒惻似淡月梨花重化清魄尚
帶唾痕香凝怎忍攀摘嫩綠漸滿溪陰簌簌粉雲飛出
芳艷冷劉郎未應認得

無悶雪意

陰積龍荒寒度鴈門西北高樓獨倚恨短景無多亂山
如此欲喚飛瓊起舞怕攪碎紛紛銀河水凍雲一片藏
花護玉未教輕墜 清致悄無似有照水南枝已攬春

意誤幾度憑欄莫愁凝睇應是梨花夢好未肯放東風
來人世待翠管吹破蒼茫看取玉壺天地

眉嫵新月

漸新痕懸柳澹彩穿花依約破初暝便有團圓意深深
拜相逢誰在香逕畫眉未穩料素娥猶帶離痕最堪愛
一曲銀鈎小寶簾挂秋冷 千古盈虧休問歎謾磨玉
斧難補金鏡太液池猶在淒涼處何人重賦清景故山
夜永試待他窺戶端正看雲外山河還老桂花舊影

水龍吟牡丹

曉寒慵揭珠簾牡丹院落花開未玉闌干畔柳絲一把

宋

同宗卷二十一

三

和風半倚國色微酣天香乍染扶春不起自真如舞罷
謫仙賦後繁華夢如流水 池館家家芳事記當時買
栽無地爭如一朶幽人獨對水邊竹際把酒花前剩拌
醉了醒來還醉怕洛中春色匆匆又入杜鵑聲裏

又 海棠

世間無此娉婷玉環未破東風睡將開半斂似紅還白
餘花怎比偏占年華禁烟纔過夾衣初試歎黃州一夢
燕宮絕筆無人解看花意 猶記花陰同醉小闌干月
高人起千枝媚色一庭芳景清寒似水銀燭延嬌綠房
留艷夜深花底怕明朝小雨濛濛便化作燕支淚

又 落葉

曉霜初著青林望中故國淒涼早蕭蕭漸積紛紛猶墜
門荒徑悄渭水風生洞庭波起幾番秋杪想重崖半沒
千峯盡出山中路無人到 前度題紅杳杳遡宮溝暗
流空遶啼螿未歇飛鴻欲過此時懷抱亂影翻窗碎聲
敲砌愁人多少望吾廬甚處只應今夜滿庭誰掃

綺羅香

屋角疎星庭陰暗水猶記藏鴉新樹試折梨花行入小
欄深處聽粉片簌簌飄階有人在夜窗無語料如今門
掩孤燈畫屏塵滿斷腸句 佳期渾似流水還見梧桐

幾葉輕敲朱戶一片秋聲應做兩邊愁緒江路遠歸鴈
無憑寫繡箋倩誰將去謾無聊猶掩芳樽醉聽深夜雨

齊天樂

螢

碧痕初化池塘草熒熒野光相趁扇薄星流盤明露滴
零落秋原飛燐練裳暗近記穿柳生涼度荷分暝誤我
殘編翠囊空歎夢無準樓陰時過數點倚欄人未睡
曾賦幽恨漢苑飄苔秦陵墜葉千古淒涼不盡何人為
省但隔水餘輝傍林殘影已覺蕭疎更堪秋夜永

又蟬

綠槐千樹西窗悄厭厭晝眠驚起飲露身輕吟風翅薄

半剪冰箋誰寄淒涼倦耳謾重拂琴絲怕尋冠珥短夢
深宮向人猶自訴憔悴殘虹收盡過雨晚來頻斷續
都是秋意病葉難留纖柯易老空憶斜陽身世窗明月
碎甚已絕餘音尚遺枯蛻鬢影參差斷魂青鏡裏

又前題

一襟餘恨宮魂斷年年翠陰庭樹乍咽涼柯還移暗葉
重把離愁深訴西窗過雨怪瑤珮流空玉笋調柱鏡裏
妝殘為誰嬌鬢尚如許銅仙鉛淚似洗歎移盤去遠
難貯零露病翼驚秋枯形閱世消得斜陽幾度餘音更
苦甚獨抱清高頓成淒楚謾想薰風柳絲千萬縷

又贈秋厓道人西歸

王沂孫

冷烟殘水山陰道家擁門黃葉故里魚肥初寒鴈落
孤艇將歸時節江南恨切問還與何人共歌新闕換盡
秋芳想渠西子更愁絕 當時無限舊事歎繁華似夢
如今休說短褐臨流幽懷倚石山色重逢都別江雲凍
結算只有梅花尚堪攀折寄取相思一枝和夜雪

三姝媚

次周公謹故京送別韻

蘭釭花半綻正西窗淒淒斷螢新鴈別久逢稀謾相看
華髮共成銷黯總是飄零更休賦梨花秋苑何況如今
離思難禁俊才都減 今夜山高江淺又月落帆空酒

醒人遠彩袖烏絲解愁人惟有斷歌幽婉一信東風再
約看紅腮青眼只恐扁舟西去蘋花弄晚

又櫻桃

紅櫻懸翠葆漸金鈴枝深瑤階花少萬顆燕支贈舊情
爭奈弄珠人老扇底清歌還記得樊姬嬌小幾度相思
紅豆都銷碧絲空裊 芳意荼蘼開早正夜色瑛盤素
蟾依照薦筍同時歎故園春事已無多了貯滿筠籠偏
暗觸天涯懷抱謾想青衣初見花陰夢好

慶清朝

榴花

玉局歌殘金陵句絕年年負却薰風西鄰窈窕獨憐入

宋

詞綜卷二十一

六

戶飛紅前度綠陰載酒枝頭色比舞裙同何須擬蠟珠
作帶湘彩成叢誰在舊家殿閣自太真仙去掃地春
空朱旛護取如今應誤花工顛倒絳英滿徑想無車馬
到山中西風後尚餘數點還勝春濃

高陽臺

殘萼梅酸新溝水綠初晴節序暄妍獨立雕欄誰憐枉
度華年朝朝準擬清明近料燕翎須寄銀箋又爭知一
字相思不到吟邊雙蛾不拂青鸞冷任花陰寂寂掩
戶閒眠屢卜佳期無憑却恨金錢何人寄與天涯信趁
東風急整歸船縱飄零滿院楊花猶是春前

又

西麓陳君衡遠遊未還周公謹有懷人之賦倚
其歌而和之

駝褐輕裝戎韉小隊冰河夜渡流澌朔雪平沙飛花亂
拂蛾眉琵琶已是淒涼調更賦情不比當時想如今人
在龍庭初勸金卮一枝芳信應難寄向山邊水際獨
抱相思江鴈孤回天涯人自歸遲歸來依舊秦淮碧問
此愁還有誰知對東風空似垂楊零亂千絲

又

殘雪庭陰輕寒簾影霏霏玉管春葭小帖金泥不知春
在誰家相思一夜窗前夢奈個人水隔天遮但淒然滿
樹幽香滿地橫斜江南自是離愁苦况遊驄古道歸

鴈平沙怎得銀箋殷勤與說年華如今處處生芳草縱
凭高不見天涯更消他幾度東風幾度飛花

掃花游

秋聲

商飈乍發淅淅初聞蕭蕭還住頓驚倦旅背青燈弔
影起吟愁賦斷續無憑試立荒庭聽取在何許但落葉
滿階惟有高樹迢遞歸夢阻正老耳難禁病懷淒楚
故山院宇想邊鴻孤唳砌蛩私語數點相和更著芭蕉
細雨避無處這閑愁夜深尤苦

又

綠陰

小庭蔭碧遇驟雨疎風刺紅如掃翠交徑小問攀條弄

藥有誰重到謾說青青比似花時更好怎知道一別
漢南遺恨多少清晝人悄悄任密護簾寒暗迷窗曉
舊盟誤了又新枝嫩子總隨春老漸隔相思極目長亭
路香攪懷抱聽蒙茸數聲啼鳥

又

捲簾翠溼過幾陣殘寒幾番風雨問春住否但匆匆暗
裏換將花去亂碧迷人總是江南舊樹謾凝竚念昔日
采香人更何許芳徑携酒處又蔭得青青嫩苔無數
故林晚步想參差漸滿野塘山路倦枕閑牀正好微曛
院宇送淒楚怕涼聲又催秋暮

宋

詞綜卷二十一

又

王沂孫

滿庭嫩碧漸密葉迷窗亂枝交路斷紅甚處但匆匆換
得翠痕無數暗影沈沈靜鎖清和院宇試凝竚怕一點
舊香猶在幽樹 濃陰知幾許且拂簟清眠引筇閑步
杜郎老去算尋芳較晚倦懷難賦縱勝花時到了愁風
怨雨短亭暮謾青青怎遮春去

瑣窗寒

趁酒梨花催詩柳絮一窗春怨疎疎過雨洗盡滿階芳
片數東風二十四番幾番誤了西園宴認小簾朱戶不
如飛去舊巢雙燕 曾見雙蛾淺自別後多應黛痕不

展撲蝶花陰怕看題詩團扇試憑他流水寄情遡紅不
到春更遠但無聊病酒厭厭夜月荼蘼院

又春寒

料峭東風廉纖細雨落梅飛盡單衣惻惻再整金猊香
燼誤千紅試妝較遲故園不似清明近但滿庭柳色柔
絲羞舞淡黃猶凝 芳景還重省向薄晚窺簾嫩陰敲
枕桐花漸老已做一番風信又看看綠遍西湖早催塞
北歸鴈影等歸時為帶春歸併帶江南恨

應天長

疎簾蛺粉幽徑燕泥花間小雨初足又是禁城寒食輕

舟泛晴涼尋芳地來去熟尚彷彿大隄南北望楊柳一
片陰陰搖曳新綠重訪艷歌人聽取春聲猶是杜郎
曲蕩漾去年春色深深杏花屋東風曾共宿記小刻近
窗新竹舊游遠沈醉歸來滿院銀燭

摸魚兒

洗芳林夜來風雨匆匆還送春去方纔送得春歸了那
又送君南浦君聽取怕此際春歸也過吳中路君行到
處便快折河邊千條翠柳為我繫春住春還住休索
吟春伴侶殘花今已塵土姑蘇臺下烟波遠西子近來
何許能喚否又只恐殘春到了無憑據煩君妙語更為

我將春連花帶柳寫入翠箋句

又 蕤

玉簾寒翠痕微斷浮空清影零碎碧芽也抱春洲怨雙
捲小絨芳字還又似繫羅帶相思幾點青鈿綴吳中舊
事悵酪乳爭奇鱸魚謾好誰與共秋醉江湖興昨夜
西風又起年年輕誤歸計如今不怕歸無準却怕故人
千里何況是正落月垂虹怎賦登臨意滄浪夢裏縱一
舸重遊孤懷暗老餘恨渺烟水

聲聲慢

啼螿門靜落葉階深秋聲又入吾廬一枕新涼西窗晚

雨疎疎舊香舊色換却但滿川殘柳荒蒲茂陵遠任歲
華冉冉老盡相如昨夜西風又起想尊邊呼櫂橘後
思書短景淒然殘歌空扣銅壺當時送行共約鴈歸時
人賦歸歟鴈歸也問人歸如鴈也無

望梅

畫欄人寂喜輕盈照水犯寒先坼數枝雲縷鮫綃露
淺淺塗黃漢宮嬌額剪玉裁冰已占斷江南春色恨風
前素艷雪裏暗香偶成拋擲如今眼穿故國待拈花
弄藥時話思憶想隴頭依約飄零甚千里芳心杳無消
息粉怯珠愁又只恐吹殘羌笛正斜飛半窗曉月夢回

隴驛

長亭怨 重過中庵故園

泛孤艇東臯過訊尚記當日綠陰門掩屐齒莓階酒痕
羅袖事何限欲尋舊跡空惆悵成秋苑自約賞花人別
後總風流雲散水遠怎知流水外却是亂山尤遠天
涯夢短想忘了綺疏雕檻望不盡苒苒斜陽梅喬木年
華將晚但數點紅英猶識西園淒惋

慶宮春 水仙

明玉擎金纖羅飄帶為君起舞回雪柔影參差幽芳零
亂翠圍腰瘦一捻歲華相誤記前度湘臯怨別哀絃重

聽都是淒涼未須彈徹 國香到此誰憐烟冷沙昏頓
成愁絕花惱難禁酒消欲盡門外冰漸初結試招仙魄
怕今夜瑤簪凍折携盤獨出空想咸陽故宫落月

踏莎行題草窗詞卷

白石飛仙紫霞悽調斷歌人聽知音少幾番幽夢欲回
時舊家池館生青草 風月交游山川懷抱憑誰說與
春知道空留離恨滿江南相思一夜蘋花老

張

炎

字叔夏循王後裔居臨安自號
樂笑翁有山中白雲詞八卷

仇仁近云叔夏詞意度超元律呂協洽當與
白石老仙相鼓吹

南浦春水

波暖綠粼粼燕飛來好是蘇隄纔曉魚沒浪痕圓流紅
去翻笑東風難掃荒橋斷浦柳陰撐出扁舟小回首池
塘青欲遍絕似夢中芳草 和雲流出空山甚年年淨
洗花香不了新綠乍生時孤村路猶憶那回曾到餘情
渺渺茂陵觴詠如今悄前度劉郎從去後溪上碧桃多
少

解連環孤鴈

楚江空晚悵離羣萬里恍然驚散自顧影欲下寒塘正
沙淨草枯水平天遠寫不成書只寄得相思一點歎因
循誤了殘氈擁雪故人心眼 誰憐旅愁荏苒謾長門

夜悄錦箏彈怨想伴侶猶宿蘆花也曾念春前去程應
轉暮雨相呼怕驀地玉關重見未羞他雙燕歸來畫簾
半捲

水龍吟白蓮

仙人掌上芙蓉涓涓猶滴金盤露輕妝照水纖裳玉立
飄飄似舞幾度消凝滿湖烟月一汀鷗鷺記小舟夜悄
波明香遠渾不見花開處應是浣紗人妒褪紅衣被
誰輕誤閑情雅澹冶姿清潤憑嬌待語隔浦相逢偶然
傾蓋似傳心素怕湘臯珮解綠雲十里卷西風去

又寄袁竹初

幾番問竹平安鴈書不盡相思字籬根半樹村深孤艇
闌干屢倚遠草兼雲凍河膠雪此時行李望去程無數
并州回首還又渡桑乾水笑我曾遊萬里甚匆匆便
成歸計江空歲晚栖遲猶在吳頭楚尾疎柳經寒斷橋
浮月依然憔悴待相逢說與相思想亦在相思裏

探春雪霽

銀浦流雲綠房迎曉一抹牆腰月淡暖玉生烟懸冰解
凍碎滴瑤階如霰纔放些晴意早瘦了梅花一半也知
不作花看東風何事吹散搖落似成秋苑甚釀得春
來怕教春見野渡舟迴前村門掩應是不勝清怨次第

尋芳去灞橋外蕙香波暖猶聽簷聲看燈人在深院

又歲晚吳中作

列屋烘爐深門響竹催殘客裏時序投老情懷薄遊滋
味消得幾回淒楚聽鴈聽風雨更聽過數聲柔櫓暗將
一點歸心試託鄉書分付借問西樓在否休忘了盈
盈端正窺戶簾卸蟾冰柳縈蛾雪次第滿城簫鼓閑見
誰家月渾不記舊游何處伴我微吟恰有梅花一樹

高陽臺 西湖春感

接葉巢鶯平波卷絮斷橋斜日歸船能幾番游看花又
是明年東風且伴薔薇住到薔薇春已堪憐更淒然萬

綠西冷一抹荒烟 當年燕子知何處但苔深韋曲草

暗斜川見說新愁如今也到鷗邊無心再續笙歌夢掩

重門淺醉閑眠莫開簾怕見飛花怕聽啼鶯

掃花遊 台城春飲醉餘偶賦

嫩寒禁暖正草色侵衣野光如洗去城數里遶長隄是

柳釣船初艤小立斜陽試數花風第幾問春意待留取

斷紅心事難寄 芳信成摠指甚遠客他鄉老懷如此

醉餘夢裏尚分明認得舊時羅綺可惜空簾誤却歸來

燕子勝遊地想依然斷橋流水

又高疏寮東野園

烟霞萬壑記曲徑尋幽霽痕初曉綠窗窈窕看隨花鬢
石就泉通沼幾日不來一片蒼雲未掃自長嘯悵喬木
荒涼都是殘照 碧天秋浩渺聽虛籟泠泠飛下孤峭
山空翠老步仙風怕有采芝人到野色閉門芳草不除
更好境深悄比斜川又清多少

渡江雲 久客山陰王菊存問予近作書以寄之

山空天入海倚樓望極風急暮潮初一簾鳩外雨幾處
閒田隔水動春鉏新烟禁柳想如今綠到西湖猶記得
當年深隱門掩兩三株 愁余荒洲古澗斷梗疎萍更
漂流何處空自覺圍羞帶減影怯燈孤長疑即見桃花

面甚近來翻致無書書縱遠如何夢也都無

又次趙元甫韻

錦香繚繞地深燈挂壁簾影浪花斜酒船歸去後轉首
河橋那處認紋紗重盟鏡約還記得前度秦嘉惟只有
葉題堪寄流不到天涯 驚嗟十年心事幾曲闌干想
蕭娘聲價閑過了黃昏時候疎柳啼鴉浦潮夜湧平沙
淨問斷鴻知落誰家書又遠空江片月蘆花

綺羅香 紅葉

萬里飛霜千山落木寒艷不招春妒楓冷吳江獨客又
吟愁句正船艤流水孤村似花繞斜陽芳樹甚荒溝一

片淒涼載情不去載愁去 長安誰問倦旅羞見衰顏
借酒飄零如許謾倚新妝不入洛陽花譜為回風起舞
樽前盡化作斷霞千縷記陰陰綠過江南夜窗聽暗雨
清平樂

候蛩淒斷人語西風岸月落沙平江似練望盡蘆花無
鴈 暗教愁損蘭成可憐夜夜關情只有一枝梧葉不
知多少秋聲

紅情荷花

無邊香色記涉江自採錦機雲密剪剪紅衣學舞波心
舊曾識一見依然自語流水遠幾回空憶動倒影取次

窺妝玉潤露痕溼 閒立翠屏側愛向人弄芳背酣斜
日料應太液三十六宮土花碧清興凌風更爽正無數
滿汀如昔泛片葉烟波裏卧橫紫笛

綠意荷葉

碧圓自潔白淺洲遠渚亭亭清絕猶有遺簪不展秋心
能卷幾多炎熱鴛鴦密語同傾蓋且莫與浣紗人說恐
怨歌忽斷花風碎却翠雲千疊 回首當年漢舞怕飛
去謾綰留仙裙褶戀戀青衫猶染枯香還歎鬢絲飄雪
盤心清露如鉛水又一夜西風吹折喜靜看匹練秋光
倒瀉半湖明月

疎影 梅影

張炎

黃昏片月似碎陰滿地還更清絕枝北枝南疑有疑無
幾度背燈難折依稀倩女離魂處緩步出前村時節看
夜深竹外橫斜應如過雲明滅 窺鏡蛾眉淡掃為容
不在貌獨抱孤潔莫是花光描取春痕不怕麗譙吹徹
還驚海上燃犀去照水底珊瑚疑活做弄得酒醒天寒
空對一庭香雪

又余于庚寅歲北歸與西湖諸友夜酌因有感于舊遊寄周草窗

柳黃未結放嫩晴消盡斷橋殘雪隔水人家渾是花陰
曾醉好春時節輕車幾度新隄曉想如今燕鶯猶說縱

艷遊得似當年早是舊情都別 重到翻疑夢醒弄泉
試照影驚見華髮却笑歸來石老雲荒身世飄然一葉
閉門約住青山色自容與吟窗清絕怕夜寒吹到梅花
休捲半簾明月

摸魚子

愛吾廬傍湖千頃蒼茫一片清潤晴嵐暖翠融融處花
影倒窺天鏡沙浦迴看野水涵波隔柳橫孤艇眠鷗未
醒甚占得蓴鄉都無人見斜照起春暝 休重省莫問
山中秦晉桃源今度難認林間却是長生路一笑元非
捷徑深更靜待散髮吹簫鶴背天風冷憑高露飲正碧

落塵空光搖半壁月在萬松頂

甘州 錢沈秋江

記玉關踏雪事清遊寒氣脆貂裘傍枯林古道長河飲
馬此意悠悠短夢依然江表老淚灑西州一字無題處
落葉都愁 載取白雲歸去問誰留楚珮弄影中洲折
蘆花贈遠零落一身秋向尋常野橋流水待招來不是
舊沙鷗空懷感有斜陽處最怕登樓

月下笛 甬東積翠山舍

萬里孤雲清遊漸遠故人何處寒窗夢裏曾記經行舊
時路連昌約略無多柳第一是難聽夜雨謾驚回悽悄

相看燭影擁衾誰語 張緒歸何暮半零落依依斷橋
鷗鷺天涯倦旅此時心事良苦只愁重灑西州淚問杜
曲人家在否恐翠袖正天寒猶倚梅花那樹

臺城路 送周方山之吳

朗吟未了西湖酒驚心又歌南浦折柳官橋呼船野渡
還聽垂虹風雨漂流最苦况如此江山恁時情緒怕有
鷓夷笑人何事載詩去 荒臺祇今在否再休登望遠
都是愁處暗草埋沙明波洗月誰念天涯羈旅荷陰未
暑快料理歸程再盟鷗鷺只恐空山近來無杜宇
又 寄太白山人陳又新

薛濤箋上相思字重開又還重摺太白秋聲東瀛柳色
一縷離痕輕折虛沙動月歎千里悲歌唾壺敲缺却說
巴山此時懷抱那時節寒香深處話別病來渾瘦損
懶賦情切笑裏移春吟邊慨古多少英游消歇迴潮似
咽送一點愁心故人天末江影沈沈夜涼鷗夢闊

又 杭友抵越適鑑曲漁舍會飲

春雲不暖垂楊柳吹却絮雲多少燕子人家夕陽巷陌
行入野畦深窈籌花鬪草記小艇尋芳斷橋初曉那日
心情幾人同向近來老消憂何處最好夜遊頻秉燭
猶是遲了南浦歌闌東林社冷贏得如今懷抱吟悰暗

惱待醉也慵聽勸歸啼鳥怕攪離愁亂紅休去掃

又 庚辰會江蘭坡於薊北恍然如夢回憶舊遊已
十八年矣

十年舊事翻疑夢重逢可憐俱老水國春空山城歲晚
無語相看一笑荷衣換了任京洛塵沙冷凝風帽見說
吟情近來不到謝池草歡遊曾步翠窈亂紅迷紫曲
芳意今少舞扇招香歌撓喚玉猶憶錢塘蘇小無端暗
惱又幾度流連燕昏鶯曉回首妝樓甚時重去好

又 為湖天賦

扁舟忽過蘆花浦閑情便隨鷗去水國吹簫虹橋問月
西子如今何許危欄漫撫正獨立蒼茫半空飛露倒影

虛明洞庭波映廣寒府 魚龍吹浪自舞渺然凌萬頃
如聽風雨夜氣浮山晴暉蕩日一色無尋秋處驚鳧自
語尚記得當時散人來否勝景平分此心遊太古

真珠簾

近雅軒即事

雲深別有新庭宇小簾櫳占取芳菲多處花暗水房春
潤幾番酥雨見說蘇隄晴未穩便好趁踏青人去休去
且料理琴書夷猶今古 誰見靜裏閒心縱荷衣未葺
雪巢堪賦醉醒一乾坤任此情何許茂樹石牀同坐久
又却被清風留住欲住奈簾影妝樓剪燈人語

三姝媚 送舒亦山

蒼潭枯海樹正雪竇高寒水聲東去古意蕭閒問結廬
人遠白雲誰侶賀監猶狂還散跡千巖風露抱瑟空游
都是淒涼此愁誰語 莫趁江湖鷗鷺怕太乙爐烟暗
銷鉛虎投老心情判歸來何事共成羈旅布韞青鞋休
誤入桃源深處待得重逢却說巴山夜雨

憶舊遊

新朋故侶詩酒遲留吳山蒼蒼渺渺兮予懷也

記開簾送酒隔水懸燈款語梅邊未了清游興又飄然
獨去何處山川淡風暗收榆莢吹下沈郎錢歎客裏光
陰消磨艷冶都在尊前 留連殢人處是鏡曲窺鶯蘭
沼圍泉醉拂珊瑚樹寫百年幽恨分付吟箋故鄉幾回

飛夢江雨夜涼船縱忘却歸期千山未必無杜鵑

探芳信 次周草窗韻

坐清晝正治思縈花餘醒倦酒甚探芳人老芳心尚如
舊消魂忍說銅駝事不是因春瘦向西園竹掃頰垣蔓
羅荒甃 風雨夜來驟歎歌冷鶯簾恨凝蛾袖愁到今
年都似去年否賦情懶聽山陽笛目極空搔首我何堪
老却江潭漢柳

梅子黃時雨 病中懷歸

流水孤村愛塵事頓消來訪深隱向醉裏誰扶滿身花
影鷗鷺相看如一作驚瘦近來不是傷春病嗟流景竹

外野橋猶繫烟艇 誰引斜川歸興便啼鵑縱少無奈
時聽待棹擊空明魚波千頃彈斷琵琶留不住最愁人
是黃昏近江風緊一行柳陰吹暝

瑣窗寒

亂雨敲春深烟帶晚水窗慵凭空簾謾卷數日更無花
影怕依然舊時歸燕定知未識江南冷最憐他樹底鳶
紅不語背人吹盡 清潤通幽徑謾移燈剪韭試香溫
鼎分明醉裏過了幾番風信想竹間高閣半開小車未
來猶自等傍新晴隔柳呼船待教潮信穩

又 王碧山又號中仙越人也其詩清峭其詞閒雅
有姜白石意趣今絕響矣余悼之

斷碧分山空簾刺月故人天外香留酒殢蝴蝶一生花
裏想如今醉魂未醒夜臺夢語秋聲碎自中仙去後詞
箋賦筆便無清致 都是淒涼意悵玉筍埋雲錦袍歸
水形容憔悴料應也孤吟山鬼那知人彈折素絃黃金
鑄出相思淚但柳枝門掩枯陰候蛩愁暗葦

法曲獻仙音

聽琵琶有懷昔遊

雲隱山暉樹分溪影未放妝臺簾卷篝密籠香鏡圓窺
粉花深自然寒淺正人在銀屏底琵琶半遮面 語聲
軟且休彈玉關愁怨怕喚起西湖那時春感楊柳古灣
頭記小憐隔水曾見聽到無聲謾贏得情緒難剪把一

襟心事散入落梅千點

西河

史元叟依綠莊賞荷

花最盛西湖曾泛烟艇鬧紅深處小秦箏斷橋夜飲鴛
鴦水宿不知寒如今翻被驚醒 那時事都倦省闌干
來此間凭是誰分得半機雲恍疑畫錦想當年飛燕皺
裙時舞盤微墮珠粉 軟波不剪素練靜碧盈盈移下
秋影醉裏玉書難認且脫中露髮飄然乘興一葉浮香
天風冷

長亭怨

辛卯歲會菊泉於薊北踰八年會於甬東未幾別去將復之北作此以餞

記橫笛玉關高處萬疊沙寒雪深無路做却貂裘遠遊

歸後共誰語故人何許渾忘了江南舊雨不擬重逢應
笑我飄零如羽同去釣珊瑚海樹底事便成行旅烟
蓬斷浦更幾點戀人飛絮如今又京洛尋春定應被薇
花留住且莫把孤愁說與當時歌舞

又有懷故居

望花外小橋流水門巷惜惜玉簫聲絕鶴去臺空珮環
何處弄明月十年前事愁千折心情頓別露粉風香誰
為主都成消歇淒咽曉窗分袂處同把帶鴛親結江
空歲晚肯忘了尊前曾說恨西風不庇寒蟬便掃盡一
林殘葉謝楊柳多情還有綠陰時節

西子妝慢

吳夢窗自製此曲余喜其聲調妍雅久
欲效而未成甲午春寓羅江與羅景良
野遊江上綠陰芳草景况離離因填此解惜
舊譜零落不能倚聲歌也

白浪搖天青陰漲地一片野懷幽意楊花點點是春心
替風前萬花吹淚遙岑寸碧有誰識朝來清氣自沈吟
甚流光輕擲繁華如此斜陽外隱約孤村隔鴈閒門
閉漁舟何似莫歸來想桃源路通人世危橋靜倚千年
事都消一醉謾依依愁落鷓聲萬里

風入松

小窗晴綠颭簾波畫影舞飛梭惜春猶問花多少柳成
陰春已無多乍試泥金巧扇初裁水碧輕羅園林未

肯受清和人醉牡丹坡嘯歌且盡平生事問東風畢竟
如何燕子尋常巷陌酒邊莫唱西河

又賦稼村

老來學圃樂年華茅屋短籬遮兒孫戲逐田翁去小橋
橫路轉三叉細雨一犁春意西風萬寶生涯携筇猶
記渡晴沙流水帶寒鴉門前少得寬閒地遶平疇盡是
桑麻却笑牧童遙指杏花深處人家

瑤臺聚八仙

秋水涓涓人正遠魚鴈待拂吟箋也知遊事多在第二
橋邊花底鴛鴦深處睡柳陰淡隔裏湖船路綿綿夢吹

舊笛如此山川平生幾兩謝屐任放歌自得直上風
烟峭壁誰家長嘯竟落松前十年孤劍萬里又何似畦
分抱甕泉中山酒且醉浪石髓白眼青天

南樓令

風雨客殊鄉梧桐傍小窗甚秋聲今夜偏長憶著舊時
歌舞地誰得似牧之狂茉莉擁釵梁雲窩一枕香醉
曹騰多少思量明月半牀人睡覺聽說道夜深涼

南歌子

葉密春聲聚花多瘦影重只留一路過東風圍得生香
不斷錦薰籠月地連金屋雲樓瞰翠蓬惺鬆語笑隔

簾櫳知是誰調鸚鵡柳陰中

浪淘沙

香霧溼雲鬢蕊珮珊珊酒醒微步晚波寒金鼎尚存丹
已化雪冷虛壇 遊冶未知還鶴怨空山瀟湘無夢繞
叢蘭碧海茫茫歸不去却在人間

壺中天

夜渡古黃河與沈堯道曾子敬同賦

揚舲萬里笑當年底事中分南北須信平生無夢到却
向而今遊歷老柳官河斜陽古道風定波猶直野人驚
問汎槎何處狂客 迎面落葉蕭蕭水流沙共遠都無
行迹衰草淒迷秋更綠惟有閒鷗獨立浪挾天浮山邀

雲去銀浦橫空碧扣舷歌斷海蟾飛上孤白

又養拙園夜飲

瘦筇訪隱正繁陰閒鎖一壺幽綠喬木蒼寒圖畫古窈
窕行人韋曲鶴響天高水流花淨笑語通華屋虛堂松
外夜深涼氣吹燭 樂事楊柳樓心瑤臺月下有生香
堪掬誰理商聲簾外悄蕭瑟懸璫鳴玉一笑難逢四愁
休賦任我雲邊宿倚欄歌罷露螢飛上秋竹

湘月

余載書往來山陰道中每以事奪不能盡興
戊子冬晚與徐平野王中仙曳舟溪上天空
水寒古意蕭颯中仙有詞雅麗平野作晉雪
圖亦清逸可觀余述此調

行行且止把乾坤收入篷窗深裏星散白鷗三四點數

筆橫塘秋意岸嘴衝波籬根受葉野徑通村市疎風迎面溼衣原是空翠 堪歎敲雪門荒爭棋墅冷苦竹鳴山鬼縱使如今猶有晉無復清遊如此落日沙黃遠天雲淡弄影蘆花外幾時歸去剪取一半烟水

聲聲慢 送琴友季靜軒還杭

荷衣消翠蕙帶餘香燈前共語生平苦竹黃蘆都是夢裏遊情西湖幾番夜雨怕如今冷却鷗盟倩寄遠見故人說道杜老飄零 難挽清風飛珮有相思都在斷柳長汀此別何如一笑寫入瑤琴天空水雲變色任惜惜山鬼愁聽興未已更何妨彈到廣陵

滿庭芳 小春

晴皎霜花曉鎔冰羽開簾覺道寒輕誤聞啼鳥生意又園林間了淒涼賦筆便而今不聽秋聲銷凝處一枝借暖終是未多情 陽和能幾許尋紅探粉也恁快人笑鄰娃癡小料理護花鈴却怕驚回睡睫恐和他草夢都醒還知否能消幾日風雪灞橋深

木蘭花慢

舟中有懷澄江陸起潛皆山樓昔遊

水痕吹杏雨正人在隔江船看燕集春蕪魚棲暗竹溼影浮烟餘寒尚猶戀柳怕東風未肯擘晴綿愁重遲教醉醒夢長催得詩圓 樓前笑語當年情款密思留連

記白月依絃青天墮酒哀哀山川垂髻至今在否倚飛
臺誰擲買花錢不是尋春較晚都緣聽得啼鴉

張炎

詞綜卷二十一調名

天香

王

花犯

無悶

水龍吟

齊天樂

慶清朝

掃花遊

應天長

聲聲慢

張

張

張

南浦

張

露華

眉嫵

綺羅香

三姝媚

高陽臺

瑣窗寒

摸魚兒

望梅

張

張

張

張

詞綜卷二十一調名

長亭怨 張

踏莎行

探春

清平樂

紅情

疎影

月下笛

真珠簾

探芳信

法曲獻仙音

慶宮春

解連環 張

渡江雲

摸魚子

綠意

甘州

臺城路

憶舊遊

梅子黃時雨

西河

西子妝

瑤臺聚八仙

南歌子

壺中天

滿庭芳

風入松

南樓令

浪淘沙

湘月

木蘭花慢

詞綜卷二十二

宋詞七十三首

石孝友 十三首

張槃 二首

湯恢 五首

汪元量 九首

翁元龍 六首

毛翊 一首

覃懷高 一首

樓扶 二首

孫惟信 一首

潘希白 一首

張矩 二首

趙耆孫 一首

李肩吾 一首

施岳 三首

趙旭 一首

楊彥齡 一首

石孝友

李珣一首

汪存一首

周格非一首

丁羲叟一首

王武子一首

王文甫一首

鄭覺齋一首

房舜卿一首

薛夢桂二首

黃孝邁二首

方有聞一首

陳德武一首

陳龍養善一首

呂直夫一首

趙君舉一首

施芸隱一首

王月山一首

林正大一首

曾揆一首

江開二首

石孝友 字次仲有金谷遺音一卷

點絳脣

霽景澄秋晚風吹盡朝來雨夕陽烟樹萬里山光暮
一帶長川自在流今古人何處月波橫素冷浸蘆葭浦

又

醉倚危檣望中歸思生天際山腰渚尾幾簇漁樵市
帆落西風一段蘆花水八千里錦書欲寄新鴈曾來未

西地錦

回望玉樓金闕正水遮山隔風兒又起雨兒又煞好愁
人天色 兩岸荻花楓葉爭舞紅吹白中秋過也重陽

近也作天涯孤客

好事近

微雨灑芳塵醞造可人春色聞道夢雲樓外正小桃花
發殷勤留取最繁枝樽前待閑折準擬亂紅深處化
一雙蝴蝶

清平樂

天涯重九獨對黃花酒醉撚黃花和淚嗅憶得去年携
手去年同醉流霞醉中折盡黃花還是黃花時候去
年人在天涯

謁金門

雲樹直雨歇半空猶溼山影插尖高幾尺依依銜落日
遠岸雙飛鷓鴣一水無情自碧颯颯白蘋風正急斷
腸人獨立

臨江仙

醉袖吟鞭行色裏帽簷低處風斜晚山一半被雲遮殘
陽明遠水古木集栖鴉暮去朝來緣底事不如早早
還家曲屏深幌小窗紗翠沾眉上柳紅搵臉邊花

又

長記夢雲樓上住殘燈影裏遲留依稀綠慘更紅羞露
痕雙臉淚山樣兩眉愁一點輕帆天際去雲濤烟浪

悠悠今宵獨宿古江頭水腥魚菜市風碎荻花洲

南歌子

亂絮飄晴雪殘花繡地衣西園歌舞驟然稀只有多情
蝴蝶作團飛 舊事深琴怨新愁減帶圍倚樓凝望更
依依怕見一天風雨捲春歸

又

春淺梅紅小山寒嵐翠薄斜風吹雨入簾幙夢覺南樓
嗚咽數聲角 歌酒工夫嬾別離情緒惡舞衫寬盡不
堪著若比那回相見更消削

鷓鴣天

別後應憐信息疎西風幾度到庭梧夜來縱有鴛鴦夢
春去空餘蛺蝶圖 烟樹遠塞鴻孤垂垂天影帶平蕪
憑誰寫此相思曲寄與馮川鄭小奴

眼兒媚

愁雲淡淡雨蕭蕭暮暮復朝朝別來應是眉峯翠減腕
玉香銷 小軒獨坐相思處情緒好無聊一叢萱草數
竿脩竹幾葉芭蕉

減字木蘭花 贈何藻

新荷小小比目魚兒翻翠藻小小新荷點破清光景趣
多 青青半捲一寸芳心渾未展待得圓時早定鴛鴦

一對兒

孫惟信

字季蕃號花翁有詞一卷

沈伯時云孫花翁有好詞亦善運意但雅正中忽有一兩句市井語可惜

風流子

三疊古陽關輕寒沁清月滿征鞍記玉笋攬衣翠囊親
贈繡巾拭淚金柳初攀自回首燕臺雲掩丹鳳閣雨闌
珊天有盡頭水無西注鬢難留黑帶易成寬啼妝東
風悄菱花在擬倩錦鳥封還應任恨蛾凝黛慵髻堆鬟
奈情逐事遷心隨春老夢和香冷歡與花殘閒殺烟茸
窗閣十二屏山

張

槃

有梅厓集

綺羅香

漁浦有感

浦月窺檐松泉漱枕屏裏吳山何處暗粉疎紅依舊為
誰勻注都負了燕約鶯期更聞却柳烟花雨縱十分春
到郵亭賦懷應是斷腸句青青原上薺麥還被東風
無賴翻成離緒望極天西惟有隴雲江樹斜照帶一縷
新愁盡分付暮潮歸去步閒階時卜心期落花空細數

浣溪沙

習習輕風破海棠鞦韆移影上迴廊晝長蝴蝶為誰忙
度柳早鶯分暖綠過花小燕帶春香滿庭芳草又斜

陽

潘希白

字懷古號漁莊永嘉人寶祐中登第幹辦臨安府節制司公事德祐中起為史館檢校不赴

大有 九日

戲馬臺前采花籬下問歲華還是重九恰歸來南山翠
色依舊簾櫳昨夜聽風雨都不似登臨時候一片宋玉
情懷十分衛郎清瘦 紅萸佩空對酒砧杵動微寒暗
欺羅袖秋色無多早是敗荷衰柳強整帽簷敲側曾經
向天涯搔首幾回憶故國尊鱸霜前鴈後

湯

恢字充之號西村眉山人

二郎神 用徐幹臣韻

瑣窗睡起閑竚立海棠花影記翠楫銀塘紅牙金縷杯
泛梨花冷燕子銜來相思字道玉瘦不禁春病應蝶粉
半銷鴉雲斜墜暗塵侵鏡 還省香痕碧唾春衫猶凝
悄一似荼蘼玉肌翠帔消得東風喚醒青杏單衣楊花
小扇閒却晚春風景最苦是蝴蝶盈盈弄晚一簾風靜

倦尋芳

錫簫吹暖蠟燭分烟春思無限風到棟花二十四番吹
徧烟濕濃堆楊柳色晝長閒墜梨花片悄簾櫳聽幽禽
對語分明如剪 記舊日西湖行樂載酒尋春十里塵

軟背後腰肢彷彿畫圖曾見宿粉殘香隨夢冷落花流水和天遠但如今病懨懨海棠池館

滿江紅

小院無人正梅粉一階狼藉疎雨過溶溶天氣早如寒食啼鳥驚回芳草夢峭風吹淺桃花色漫玉爐沈水熨春衫花痕碧綠縠水紅香陌紫桂棹黃金勒悵前歡如夢後遊何日酒醒香銷人自瘦天空海闊春無極又一林新月照黃昏梨花白

祝英臺近

宿醒蘇春夢醒沈水冷金鴨落盡桃花無人掃紅雪漸

催煮酒園林單衣庭院春又到斷腸時節恨離別長憶人立荼蘼珠簾捲香月幾度黃昏瓊枝為誰折都將千里芳心十年幽夢分付與一聲啼鴉

又中秋

月如冰天似水冷浸畫欄溼桂樹風前濃香半狼籍此翁對比良宵別無可恨恨只恨古人頭白洞庭窄誰道臨水樓臺清光最先得萬里乾坤元無片雲隔不妨彩筆銀箋翠尊冰醞自管領一庭秋色

張

矩字子成有

應天長 麴院風荷

換橋渡舫添柳護隄坡仙舊迹今續四面水窗如染香
波釀春麴田田處成暗綠正萬羽背風斜矗亂鷗去不
信雙鴛午睡猶熟還記湧金樓共撫雕欄低度浣沙
曲自與故人輕別榮枯換涼燠亭亭影驚艷目忍到手
又成輕觸悄無語獨撚花鬚心事曾卜

又南屏晚鐘

翠屏對晚烏榜占隄鐘聲又斂春色幾度半空敲月山
南應山北歡娛地空浪迹謾記省五更聞得洞天曉夾
柳橋疎穩縱香勒前度湧金樓嘯傲東風鷗鷺半相
識暗數院僧歸盡長虹卧深碧花間恨猶記憶正素手

暗裁輕折夜深來不道人來燈細窗隙

汪元量

字大有號水雲錢塘人以善琴事謝后王昭儀宋亡隨三宮留燕後為黃冠師南歸有湖

滿江紅

山類藁多紀國亡北徙事吳江秋夜

一箇蘭舟雙桂檣順流東去但滿目銀光萬頃淒其風
露漁火已歸鴻雁汊櫂歌更在鴛鴦浦漸夜深蘆葉冷
颼颼臨平路吹鐵笛鳴金鼓絲玉鱸傾香醕且浩歌
痛飲藕花深處秋水長天迷遠望曉風殘月空凝竚問
人間今夕是何年清如許

琴調相思引

越上賞花

曉拂菱花巧畫眉
猩羅新剪作春衣
恐春歸去無處看
花枝已恨東風成去客
更教飛燕舞些時
惜花人醉頭上插花歸

長相思 越上寄雪江

水雲宮笛序第二疊正潮打句晚二字
第三疊隔江橫唱句亦脫二字

吳山深越山深空谷佳人金玉音
有誰知此心 夜沈沈
沈漏沈沈閒却梅花一曲琴
月高松竹林

好事近 浙江樓聞笛

獨倚浙江樓滿耳怨笳哀笛
猶有梨園聲在念那人天
北海棠顛顛怯春寒風雨怎禁得
回首華清池畔渺露蕪烟荻

鶯啼序 重過金陵

金陵故都最好有朱樓迢遞嗟倦客
又此憑高檻外已少佳致
更落盡梨花飛盡楊花春也成憔悴
問青山三國英雄六朝奇偉
麥甸葵丘荒臺敗壘鹿豕銜枯薺
正潮打孤城寂寞斜陽影裏
聽樓頭哀笳怨角未把酒
愁心先醉漸夜深月滿秦淮烟籠寒水
悽悽慘慘冷冷清清燈火渡頭市
慨商女不知興廢隔江猶唱庭花
餘音疊疊傷心千古淚痕如洗
烏衣巷口青蕪路認依稀
王謝舊鄰里臨春結綺可憐紅粉成灰
蕭索白楊風起
因思疇昔鐵索千尋謾沈江底
揮羽扇障西塵便

好角中私第清談到底成何事回首新亭風景今如此
楚囚對泣何時已歎人間今古真兒戲東風歲歲還來
吹入鍾山幾重蒼翠

六州歌頭

江都

綠蕪城上懷古恨依依淮山碎江波逝昔人非今人悲
惆悵隋天子錦帆裏環珠履叢香綺展旌旗盪漣漪擊
鼓搥金擁瓊瑤玉吹恣意游嬉

斜日暉暉亂鶯啼銷魂此際君臣醉魄絀弊事如
飛山河墜烟塵起風淒淒雨霏霏草木皆垂淚家國棄
竟忘歸笙歌地歡娛地盡荒畦惟有當時皓月依然挂

楊柳青枝聽隄邊漁叟一笛醉中吹興廢誰知

水龍吟

淮河舟中夜聞宮人琴聲

鼓鞞驚破霓裳海棠亭北多風雨歌闌酒罷玉啼金泣
此行良苦駝背模糊馬頭匝朝朝暮暮自都門燕別
龍艘錦纜空載得春歸去目斷東南半壁悵長淮已
非吾土受降城下草如霜白淒涼酸楚粉陣紅圍夜深
人靜誰賓誰主對漁燈一點羈愁一搦譜琴中語

望江南

幽州九日

官舍悄坐到月西斜永夜角聲悲自語客心愁破正思
家南北各天涯腸斷裂搔首一長嗟綺席象牀寒玉

枕美人何處醉黃花和淚撚琵琶

唐多令 吳江中秋

莎草被長洲吳江拍岸流憶故家西北高樓十載客窗
憔悴損搔短鬢獨悲秋人在塞邊頭斷鴻書寄不記
當年一片閒愁舞罷羽衣塵滿面誰伴我廣寒遊

趙耆孫

遠朝歸梅

金谷先春見乍開江梅玉膩珠簾院落人靜雨疏烟細
橫斜帶月別是一般風味金尊裏任遺英亂點殘粉低
墜惆悵秦隴當年念水遠天長故人難寄山城倦眼

無緒更看桃李當時醉魄算依舊徘徊花底斜陽外謾
回首畫樓十二

翁元龍

字時可號處
靜句章人

瑞龍吟

清明近還是流豔東風做成花訊芳時一刻千金半晴
半雨酌春未準鴈橫陣數字向人慵寫暗雲難認西
園猛憶逢迎翠紈障面花間笑隱曲徑池蓮平砌絳
霞曾與濯香湔粉無奈燕幕鶯簾輕負嬌俊青榆巷陌
蹋馬紅成寸十年夢秋千弔影鞦韆羅塵褪事往憑誰問
晝長病酒添新恨烟冷斜陽暝山黛遠曲曲闌干凭損

柳絲千尺半隄風緊

水龍吟 雪霽登吳山見滄閣聞城中簫鼓聲

畫樓紅溼斜陽素妝褪出山眉翠街聲暮起塵侵鐙戶
月來舞地宮柳招鶯水萍飄雁隔年春意黯梨雲散作
人間好夢瓊簫在錦屏底 樂事輕隨流水暗蘭消作
花心計情絲萬軸因春織就愁羅恨綺昵枕迷香占簾
看夜舊遊經醉任孤山剩雪殘梅漸嬾跨東風騎

風流子 聞桂花懷西湖

天闊玉屏空輕陰弄淡墨畫秋容正涼挂半蟾酒醒窗
下露催新雁人在山中又一片好秋花占了香換却西

風簫女夜歸帳栖青鳳鏡娥妝冷釵墜金蟲 西湖花
深窈間庭砌曾占席地歌鐘載取斷雲歸去幾處房櫳
恨小簾燈暗粟肌消瘦熏爐烟滅珠袖玲瓏三十六宮
清夢還與誰同

醉桃源 柳

千絲風雨萬絲晴年年長短亭閣黃看到綠成陰春由
他送迎 鶯思重燕愁輕如人離別情繞湖烟冷罩波
明畫船移玉笙

謁金門

鶯樹暖弱絮欲成芳繭流水惜花流不遠小橋紅欲滿

原上草迷離苑金勒晚風嘶斷等得日長春又短愁
深山翠淺

絳都春 秋晚海棠與黃菊盛開

花嬌半面記蜜燭夜闌同醉深院衣袖粉香猶未經年
如年遠玉顏不趁秋容換但換却春遊同伴夢回前度
郵亭倦客又拈箋管 慵按梁州舊曲怕離柱斷絃驚
破金雁霜被睡濃不比花前良宵短秋娘羞占東籬畔
待說與深宮幽怨恨他情淡陶郎舊緣較淺

李肩吾 字子我號蟻洲

清平樂

夢魂尋遍忽向尊前見好似烏衣春社燕軟語東風庭

院 丁字記取兒家碧雲隱映紅霞直下小橋流水門

前一樹桃花 絕妙好詞前關作美人嬌小鏡裏容顏好

毛翊 字元白號吾竹

踏莎行 題草窗詞卷

顧曲多情尋芳未老一庭風日知音少夢隨蝶去恨牆

高醉聽鶯語嫌籠小 紅燭呼盧黃金買笑彈絲踮躑

長安道彩箋拈起錦囊花綠窗留得羅裙草

施岳 字仲山號梅川吳人

水龍吟

翠麓湧出滄溟影橫棧壁迷烟野樓臺對起闌干重
僊山川自古梁苑平蕪汴隄疎柳幾番晴雨看天低四遠
江空萬里登臨處分吳楚兩岸花飛絮舞度春風滿
城簫鼓英雄暗老昏潮曉汐歸帆過櫓淮水東流塞雲
北渡夕陽西去正淒涼望極中原路杳月來南浦

解語花

雲容洎雪暮色添寒樓臺共臨眺翠叢深宵無人處數
藥弄春猶小幽姿謾好遙相望含情一笑花解語因甚
無言心事應難表莫待牆陰暗老趁琴邊月夜笛裏
霜曉護香須早東風度咫尺畫欄瓊沼歸來夢繞歌雲

墜依然驚覺想恁時小几銀屏冷未了

曲遊春

清明湖上

畫舸西泠路占柳陰花影芳意如織小楫衝波度麴塵
扇底粉香簾隙岸轉斜陽隔又過盡別船簫笛傍斷橋
翠繞紅圍相對半篙晴色頃刻千山暮碧向沽酒樓
前猶繫金勒乘月歸來正梨花夜編海棠烟幕院宇明
寒食醉乍醒一庭春寂任滿身露溼東風欲眠未得

覃懷高

水調歌頭

遊武彞

翠蕤插雲表初意隔仙凡臨風據案一見邂逅似開顏

幾欲挈舟九曲便擬捫參絕頂直下俯塵寰聊此稅吾
駕贏得片時間 問仙人緣底事去不還長風浩浩何
許清夢香難攀只有蒼烟古木好在清湍白石依舊畫
圖間回首武夸路窈窕沒雲鬟

趙旭

曲入冥

握管淚盈眸欲寫還休人間情是阿誰留千丈游絲不
落地風外悠悠 烟雨晚山稠人在西樓幾行候鴈下
汀洲一箇思鄉寒夜客萬種離愁

樓

扶

字叔茂號梅麓涪
祐間知秦州軍事

菩薩蠻

絲絲楊柳鶯聲近晚風吹過秋千影寒色一簾輕燈殘
夢不成 耳邊消息在笑指花梢待又是不歸來滿庭
花自開

水龍吟

和清真梨花韻

素娥洗盡繁妝夜深步月秋千地輕腮暈玉柔肌籠粉
緇塵斂避霽雪留香曉雲同夢昭陽空閉悵仙園路杳
曲欄人寂疎雨濕盈盈淚 未放遊蜂葉底怕春歸不
禁狂吹象牀困倚冰魂微醒鶯聲喚起愁對黃昏恨催
寒食滿襟離思想千紅過盡一枝獨冷把梅花比

楊彥齡

浣溪沙 武進廳壁

倦客東歸得自由
西風江上泛扁舟
夜寒霜月素光流
想得故人千里外
醉吟應上謝家樓
不多天氣近中秋

秋

李

珏 字元輝 號鶴
田吉水人

擊梧桐 別西湖社友

楓葉濃於染
秋正老江上
征衫寒淺
又是秦鴻過
霽烟外
寫出離愁幾點
年來歲去
朝生暮落
人似吳潮展轉
怕聽陽關曲
奈短笛喚起天涯情遠
雙屐行春扁舟

嘯晚憶著鷗湖鶯苑
小小梅花屋
雪月後記把山扉牢
掩惆悵
明朝何處故人相望
但碧雲半斂
定蘇隄重來
時候芳草如剪

方有聞 字躬明 號堂溪 歙州人 中進士 授南豐尉 擢

點絳脣

七里灘邊江光漠漠
山如戟
漁舟一葉徑入寒烟碧
笑我塵勞羞對雙臺石
身如織
年年行役魚鳥渾相識

汪

存 字公澤 婺源人 授西京文學
辭官歸養 學者稱四友先生

步蟾宮

冬日送姪赴省

玉京此去春猶淺
正雪絮馬頭零亂
姮娥剪就綠雲裳

待來步蟾宮與換 明年二月桃花岸雙鶩浪平烟煖
揚州十里小紅樓盡卷上珠簾一半

陳德武

三山人有白雪遺音一卷

浣溪沙

送春

月落桐梢杜宇啼雲埋芳樹鷓鴣飛夜闌分作送春詩
山上安山經幾歲口中添口又何時相思一曲訴伊
誰

周格非

多麗

隴頭泉未到隴下輕分一聲聲淒涼嗚咽豈堪側耳重

聞細思量那時携手畫樓高簾幕黃昏月不長圓雲多
輕散天應偏妒有情人自別後小窗幽院無處不消魂
羅衣上殘妝未減猶帶啼痕 自一從瓶沈簪折要知
欲見無因也渾疑事如春夢又只恐人是朝雲破鏡分
來朱絃斷後不堪獨自對芳樽試與問多才誰更匹配
得文君須知道東陽瘦損不為傷春

陳襲善

漁家傲

憶管伎周子文

鷲嶺峯前欄獨倚愁眉蹙損愁腸碎紅粉佳人傷別袂
情何已登山臨水年年是 長記同來今獨至孤舟晚

漾湖光裏哀草斜陽無限意誰與寄西湖水是相思淚

丁羲叟

漁家傲

十里寒塘初過雨采蓮舟上誰家女秋水接雲迷遠樹
天光暮船頭忘了回來路却繫蘭舟深處住歌聲驚
散鴛鴦侶波上清風花上露無計去月明腸斷雙棲羽

呂直夫

洞仙歌

征鞍帶月濃露沾襟袖馬上輕衫峭寒透望翠峯深淺
憶著眉兒腰肢弱忍看風前細柳別時頻囑付早寄

書來能及清明到家否這言語便夢裏也在心頭重相
見不知伊瘦儂瘦縱百卉千花已離披須趁得酴醾牡

丹時候

王武子

一作子武文獻通考
經籍志有詞一卷

玉樓春

紅樓十二春寒側樓角何人吹玉笛天津橋上舊曾聽
三十六宮秋草碧昭華人去無消息江上青山空晚
色一聲落盡短亭花無數行人歸未得

趙君舉

字子發

眼兒媚

五武子 趙君舉 王文甫 施芸隱
曉山日薄半春陰烟煖柳拖金滿眼新晴歌聲樓影悠
蕩碧波心 閒亭客散人歸去疎雨溼羅襟樓閣濛濛
斷虹明處十里暮雲深

王文甫

虞美人 迴文

黃金嫩柳搖絲軟永日堂空掩卷簾飛燕未歸來客去
醉眠敲枕帶殘杯 眉山淺拂青螺黛整整垂雙帶水
沈香熨窄衫輕瑩玉碧溪春溜眼波橫

施芸隱

摸魚兒 瓊花

柳蒙茸暗淩波路烟飛慘澹平楚香車深駐狻猊掩遙
認翠華雲母芳景暮鴛鴦鏡悄銖衣來按飛瓊舞淒涼洛
浦漸玉漏沈沈清陰滿地乘月步虛去 銷凝處誰說
三生小杜翔螭聲斷簫鼓情知禁苑酥塵浣羞與倡紅
同譜春幾度想依舊苔痕長印唐昌土風流千古人在
小紅樓朱簾半捲香注玉壺露

鄭覺齋

揚州慢 瓊花

弄玉輕盈飛瓊淡竚鞦韆塵步下迷樓試新妝纔了炷沈
水香毬記曉剪春冰馳送金莖露溼緹騎星流甚天中

月色被風吹夢南州 樽前相見似羞人蹤跡萍浮問
弄雪飄枝無雙亭上何日重遊我欲纏腰騎鶴烟霄遠
舊事悠悠但凭欄無語烟花三月春愁

王月山

臺城路 初秋

夜來疎雨鳴金井一葉舞風紅淺蓮渚生香蘭皋浮爽
涼思頓欺班扇秋光冉冉任老却蘆花西風不管清興
難磨幾回有句到詩卷 長安故人別後料征鴻聲裏
畫欄凭遍橫竹吹商疏砧點月好夢又隨雲遠閒情似
綫共繫損柔腸不堪裁剪聽著寒蛩一聲聲是怨

房舜卿

秦樓月

與君別相思一夜梅花發梅花發淒涼南浦斷橋斜月
盈盈微步凌波鞵東風笑倚天涯闊天涯闊一聲羌
管暮雲愁絕

林正大

字敬之號隨菴嘉泰中
人著有風雅遺音四卷
括盧全有所思

滿江紅

為憶當時沈醉裏青樓弄月閒想像繡幃珠箔魂飛心
折羞向姮娥談舊事幾經三五盈還缺望翠眉蟬鬢一
天涯傷離別 尋昨夢巫雲結流別淚湘江咽對花深

兩岸忽添悲切試與含愁彈綠綺知音不遇絃空絕忽
窗前一夜寄相思梅花發

薛夢桂字叔載
號梯颺

醉落魄

單衣乍著滯寒更傍東風作珠簾壓定銀鈎索雨弄新
晴輕旋玉塵落花脣巧借妝紅約嬌羞纔放三分夢
尊前不用多評泊春淺春深都向杏梢覺

三姝媚

薔薇花謝去更無情連夜送春風雨燕子呢喃似念人
憔悴往來朱戶漲綠烟深早零落點池萍絮暗憶年華

羅帳分釵又驚春暮芳草淒迷征路待去也還將畫
輪留住縱使重來怕粉容消膩却羞郎覷細數盟言猶
在悵青樓何處縮盡垂楊爭似相思寸縷

曾揆字舜卿
號嬾翁

西江月

檐雨輕敲夜夜牆雲低度朝朝日長天氣已無聊何況
洞房人悄眉共新荷不展心隨垂柳頻搖午眠髻髻
見金翹驚覺數聲啼鳥

黃孝邁字德文
號雪舟

湘春夜月

近清明翠禽枝上消魂可惜一片清歌都付與黃昏欲
共柳花低訴怕柳花輕薄不解傷春念楚鄉旅宿柔情
別緒誰與溫存空樽夜泣青山不語殘月當門翠玉
樓前惟是有一波湘水搖蕩湘雲天長夢短問甚時重
見桃根這次第算人間沒箇并刀剪斷心上愁痕

水龍吟

閒情小院沈吟草深柳密簾空翠風簷夜響殘燈慵剔
寒衾怯睡店舍無烟關山有月梨花滿地二十年好夢
不曾圓合而今老都休矣誰共題詩秉燭兩厭厭天
涯別袂柔情一寸七分是恨三分是淚芳信不來玉簫

塵染粉衣香退待問春怎把千紅換得一池綠水

江

開

字開之
號月湖

浣溪沙

手撚花枝憶小蘋綠窗空鎖舊時春滿樓飛絮一簾塵
素約未傳雙燕語新愁還入賣花聲十分春事情行

雲

杏花天

謝娘庭院通芳徑四無人花梢轉影幾番心事無憑準
等得青春過盡鞦韆下佳期又近算畢竟沈吟未穩
不成又是教人恨待倩楊花去問

詞綜卷二十二調名

點絳脣 石方

好事近 汪

謁金門 翁

南歌子 趙

眼兒媚 趙

風流子 孫翁

浣溪沙 楊江

二郎神 湯

滿江紅 汪林

西地錦

清平樂 李

臨江仙

鷓鴣天

減字木蘭花

綺羅香 張

大有 潘

倦尋芳

祝英臺近

應天長 張

長相思

六州歌頭

望江南

遠朝歸 趙

醉桃源

踏莎行 毛

曲遊春

曲入冥 趙

擊梧桐 李

琴調相思引 汪

鶯啼序

水龍吟 翁 施 樓

唐多令

瑞龍吟 翁

絳都春

解語花 施

水調歌頭 覃

菩薩蠻 樓

步蟾宮 汪

阮郎歸 徐

漁家傲 陳

玉樓春 王

摸魚兒 施

臺城路 王

醉落魄 薛

西江月 曾

杏花天 江

丁

多麗 周

洞仙歌 呂

虞美人 王

揚州慢 鄭

秦樓月 房

三姝媚

湘春夜月 黃

詞綜卷二十三

宋詞七十四首

文天祥一首

王鼎翁一首

李南金一首

趙與鉞一首

徐一初一首

黃公紹一首

李彭老九首

王易簡七首

鄧剡二首

何夢桂二首

莫崙二首

樓槃二首

劉辰翁三首

康仲伯一首

李萊老六首

馮應瑞一首

唐藝孫 三首

呂同老 三首

練恕可 四首

趙汝鈞 一首

唐珏 四首

李居仁 一首

王夢應 一首

譚宣子 二首

陳逢辰 一首

樓采 三首

奚減 一首

趙聞禮 一首

丁宥 一首

史介翁 一首

周端臣 一首

何光大 一首

劉瀾 一首

張龍榮 一首

王億之 一首

余桂英 一首

文天祥

字宋瑞又字履善吉水人舉進士第一歷軍官右丞兼樞密使加少保信國公為元兵所執留燕三年不屈死柴市有文山集

大江東去

驛中言別友人

水天空闊恨東風不借世間英物蜀烏吳花殘照裏忍見荒城頽壁銅雀春情金人秋淚此恨憑誰雪堂堂劍氣斗牛空認奇傑那信江海餘生南行萬里送扁舟齊發正為鷗盟留醉眼細看濤生雲滅晚柱吞羸回旗走懿千古衝冠髮伴人無寐秦淮應是孤月

鄧剡

字光薦廬陵人宋亡後以節行稱有中齋集

賣花聲

疎雨洗天清枕簟涼生井梧一葉做秋聲誰念客身輕
似葉千里飄零 夢斷古臺城月澹潮平便須携酒訪
新亭不見當時王謝宅烟草青青

南樓令

雨過水明霞潮回岸帶沙葉聲寒飛透窗紗懊恨西風
催世換更隨我落天涯 寂寞古豪華烏衣日又斜說
興亡燕入誰家只有南來無數鴈和明月宿蘆花

王鼎翁

字炎午安福人上
舍生有梅邊集

沁園春

又是年時杏紅欲吐柳綠初芽奈尋春步遠馬嘶湖曲

賣花聲過人唱窗紗暖日晴烟輕衣羅扇看遍王孫七
寶車誰知道十年魂夢風雨天涯 休休何必傷嗟謾
贏得青青兩鬢華且不知門外桃花何代不知江左燕
子誰家世事無情天公有意歲歲東風歲歲花撩一笑
且醒來杯酒醉後杯茶

何夢桂

字巖叟初名應祈字申甫涪安人咸淳中廷
試一甲三名授台州軍事判官歷仕至大理
寺卿至元中累徵不起有潛齋集詞一卷

摸魚兒

記年時人人何處長亭曾共杯酒酒闌歸去行人遠折
不盡長亭柳漸白首待把酒送君恰又清明後青條似

何夢桂
舊問江北江南離愁如我還更有人否 留不住強把
蔬盤瀾韭行舟又報潮候風急岸花飛盡也一曲啼紅
滿袖春波皺青草外人間此恨年年有留連握手歎人
世相逢百年歡笑能得幾回又

喜遷鶯

留春不住又早是清明楊花飛絮杜宇聲聲黃昏庭院
那更半簾風雨勸春且休歸去芳草天涯無路悄無語
待闌干立盡落紅無數 誰想長門事記得當年曾趁
梨園舞霓羽香銷梁州聲歇昨夢轉頭今古金屋玉樓
何在尚有花鈿塵土君不顧怕傷心休上危樓高處

李南金

自號三溪
冰雪翁

賀新郎

贈妓

流落今如許我亦三生杜牧為秋娘著句先自多愁多
感慨更值江南春暮君看取落花飛絮也有吹來穿繡
幌有因風飄墮隨塵土人世事總無據 佳人命薄君
休訴若說與英雄心事一生更苦且盡樽前今日意休
記綠窗眉嫵但春到兒家庭戶幽恨一簾烟月曉恐明
朝鴈亦無尋處渾欲倩鶯留住

莫

崙

字若山江都人
咸淳四年進士

摸魚兒

聽春教燕嬾鶯訴朝朝花因風雨六橋忘却清明後碧
盡柳絲千縷蜂蝶侶正閒覓閒花閒草閒歌舞最憐西
子尚薄薄雲情盈盈波淚點點舊眉嫵 流紅記空泛
秋宮怨句才人何處嬌妒落紅無限隨風絮詩恨有誰
曾遇堪恨處恨二十四番花信催花去東君暗苦更多
囑多情多愁杜宇多訴斷腸語

卜算子

紅底過絲明綠外飛綿小不道東風上海棠白地春歸
了 月笛曲欄留露寫芳池繞爭得閒情似舊時徧索
檐花笑

趙與錡字慶御號崑崙

謁金門

歸去去風急蘭舟不住夢裏海棠花下語醒來無覓處
薄倖心情似絮長是輕分輕聚待得來時春幾許綠
陰三月暮

樓 槃字考甫號曲澗

霜天曉角 梅

月淡風輕黃昏未是清吟到十分清處也不啻二三更
曉鐘天未明曉霜人未行只有城頭殘角說得盡我
平生

又

剪雪裁冰有人嫌太清
又有人嫌太瘦都不是我知音
誰是我知音孤山人姓林
一自西湖別後辜負我到
如今

徐一初

徐一初初見吳禮部詩話西風下有亭宮格

摸魚兒

對茱萸一年一度龍山
今在何處參軍莫道無勳業
消得從容樽俎君看取
便破帽飄零也得傳千古
當年幕府知多少時流等閒收拾
有箇客如許追往事滿目
山河晉土征鴻又過邊羽
登臨莫上高層望怕見故宮

未黍觴綠醕澆萬斛
牢愁淚閣新亭兩黃花無語畢竟
是西風披拂猶識舊時主

劉辰翁

字會孟廬陵人舉進士值宋亂隱居不仕有須溪集附詞

寶鼎現

丁酉元夕

紅妝春騎踏月花影千旗
穿市望不盡瑤樓歌舞習習
香塵蓮步底簫聲斷約彩鸞歸去
未怕金吾呵醉甚輦路喧闐
且止聽得念奴歌起父老猶記
宣和事抱銅仙清淚如水還轉盼
沙河多麗滉漾明光連邸第簾影
凍散紅光成綺月浸蒲桃十里
看往來神仙才子肯把菱花撲碎
腸斷竹馬兒童空見說三千樂指
等多時

宋

同宗卷二十三

六

春不歸來到春時欲睡又說向燈前擁髻暗滴鮫珠墜
便當日親見霓裳天上人間夢裏

大酺春寒

任瑣窗深重簾閉春寒知有人處當年笑花信問東風
情性是嬌是妒冰柳成鬚吹桃欲削知更海棠堪否相
將燕歸又看香泥半雪欲歸還誤謾低回芳草依稀寒
食朱門封絮少年慣鞚旅亂山斷鼓樹喚船渡正暗
思雞聲落月梅影孤屏更夢衾千里似霧相如倦遊去
掩四壁淒其春暮休回首都門路幾番行曉箇箇阿嬌
深貯而今斷烟細雨

蘭陵王送春

送春去春去人間無路鞦韆外芳草連天誰遣風沙暗
南浦依依甚意緒謾憶海門飛絮亂鴉過斗轉城荒不
見來時試燈處春去最誰苦但箭鴈沈邊梁燕無主
杜鵑聲裏長門暮想玉樹凋土淚盤如露咸陽送客屢
回顧斜日未能渡春去尚來否正江令恨別庾信愁
賦蘇隄盡日風和雨歎神遊故國花記前度人生流落
顧孺子共夜語

黃公紹

譙郡人咸
濬進士

青玉案

年年社日停針線，爭忍見雙飛燕。今日江城春已半，
身猶在亂山深處，寂寞溪橋畔。征衫著破誰針線，
點行行淚痕滿。落日解鞍芳草岸，花無人戴，酒無人勸，
醉也無人管。

康仲伯

憶真妃

匆匆一望關河，聽離歌艇子，急催雙槳。下清波，
淋浪醉闌干淚，奈情何。明日畫橋西畔，暮雲多。

李彭老

字商隱，號箕房，涪州中沿江制置司屬官。

天香

龍涎香

搗麝成塵，薰薇注露，風酣百和。花氣品重，雲頭葉翻，
蕉樣共說內家新製。波浮海沫，誰喚覺鮫人春。睡清潤，
俱饒片腦芬馥，半是沈水。相逢酒邊，雨外火初溫。翠爐
烟細，不侶寶珠金縷，領巾紅墜。荀令如今憔悴，消未盡，
當時愛香意。燼煖燈寒，秋聲素被。

摸魚兒

蕙

過垂虹，四橋飛雨，沙痕初漲。春水腥波，十里吳歛，遠綠
蔓半縈船尾。連復碎，愛滑卷青簫香裊。冰絲細，山人雋
味笑杜老，無情香羹碧澗空。祇賦芹美。歸期早，誰似
季鷹高致。鱸魚相伴，菰米紅塵如海。丘園夢一葉，又秋

風起湘湖外看采擷芳條際曉隨魚市舊遊謾記但望
極江南秦鬟賀鏡渺渺隔烟翠

桂枝香

蟹

樂府補題此首作呂同老詞

松江岸側正亂葉墜紅殘浪收碧猶記燈寒暗聚斷疎
輕入休嫌郭索尊前笑且開顏共傾芳液翠橙絲霧玉
葱泥雪嫩黃初擘與那日新詩換得又幾度相逢落
潮秋色常是籬邊早菊慰渠岑寂如今謾有江山興更
誰憐草泥蹤跡但將身世浮沈醉鄉舊遊休憶

浣溪沙

題贛洲漁笛譜

玉雪庭心夜色空移花小檻鬪春紅輕衫短帽醉歌重

彩扇舊題烟雨外玉簫新譜燕鶯中闌干到處是春
風

清平樂

綠窗初曉枕上聞啼鳥不恨王孫歸不早只恨天涯芳
草錦書紅淚千行一春無限思量折得垂楊寄與絲
絲都是愁腸

一萼紅

寄弁陽嘯翁

過薔薇正風暄雲澹春去未多時古岸停橈單衣試酒
滿眼芳草斜暉故人老經年賦別燈暈裏相對夜何其
泛剡清愁買花芳事一卷新詩流水孤航漸遠想家

李彭老

山猿鶴喜見重歸北阜尋幽青津問釣多情楊柳依依
最難忘吟邊舊語數菖蒲老是來期幾夕相思夢蝶飛
澆蘋溪

木蘭花慢

正千門繫柳賜宮燭散青烟看秀靨芳脣塗妝暈色試
盡春妍田田滿階榆莢弄輕陰淺冷似秋天隨處飴香
杏暖燕飛斜躡鞦韆朱絃幾換華年扶醉向落紅前
記舊時遊冶燈樓倚扇水院移船吟邊夢雲飛遠有題
紅都在薛濤箋聽絕殘簫倦笛夜堂明月窺簾

高陽臺落梅

飄粉杯寬盛香袖小青青半掩苔痕竹裏遮寒誰念減
盡芳雲么鳳叫晚吹晴雪料水空烟冷西泠感凋零殘
縷遺鈿迤邐成塵東園曾趁花前約記按箏籌酒戲
挽飛瓊環珮無聲草暗臺榭春深欲倩怨笛傳清譜怕
斷霞難返吟魂轉銷凝點點隨波望極江亭

生查子

羅襦隱繡茸玉合銷紅豆深院落梅鈿寒峭收燈後
心事卜金錢月上鴛黃柳拜了夜香休翠被聽春漏

李萊老

彭老弟字周隱號秋
崖咸淳中嚴州知州

清平樂

題草窗詞

日寒風細庭館浮花氣白髮潘郎吟欲醉綠暗薜蘿千
里西園南浦東城一春多少閒情日暮采蘋歌遠夢
回喚得愁醒

惜紅衣 寄弁陽翁

笛送西泠帆過杜曲晝陰芳綠門巷清風還尋故人書
屋蒼華髮冷笑瘦影相看如竹幽谷烟樹曉鶯訴經年
愁獨 殘陽古木書畫歸船匆匆又南北蘋洲鷗鷺素
熟舊盟續甚日浩歌招隱聽雨弁陽同宿料重來時候
香蕩幾灣紅玉

高陽臺 落梅

門掩香殘屏搖夢冷珠鈿糝綴芳塵臨水寒花流來疑
是行雲蘚梢空挂淒涼月想鶴歸猶怨黃昏黯銷凝人
老天涯雁影沈沈 斷腸不在聽橫笛在江臯解珮翳
玉飛瓊烟溼荒村背春無限愁深迎風點點飄寒粉悵
秋娘滿袖啼痕更關情青子懸枝綠樹成陰

生查子

妾情歌柳枝郎意憐桃葉羅帶綰同心誰信愁千結
樓上數殘更馬上看新月繡被怨春寒怕學鴛鴦疊

杏花天

年時中酒風流病正雨暗薜蘿深徑人家寒食烟初禁

狼藉梨花雪影 西湖夢紅沈翠冷記舞板歌裙厮趁
斜陽苦與黃昏近生怕畫船歸盡

青玉案 草窗詞卷

吟情老盡江南句幾千萬垂絲縷花冷絮飛寒食路漁
烟鷗雨燕昏鶯曉總入昭華譜 紅衣妝靚涼生渚環
碧斜陽舊時樹拈葉分題觴詠處荀香猶在庾愁何許
雲冷西湖賦

王易簡

字理得號可竹山陰人登進士除瑞
安簿不赴隱居城南有山中觀史吟

天香

龍涎香

烟嶠收痕雲沙擁沫孤槎萬里春聚蠟杵冰塵水研花

片帶得海山風露纖痕透曉銀鏤小初浮一縷重剪紗
窗暗燭深垂繡簾微雨 餘馨惱人最苦染羅衣少年
情緒謾省珮珠曾解蕙羞蘭妒好是芳釵翠嫵恨素被
濃熏夢無據待剪秋雲殷勤寄與

水龍吟

白蓮

翠裳微護冰肌夜深暗泣瑤臺露芳容淡淨風神蕭散
凌波晚步西子殘妝環兒初起未須勻注看明璫素鞵
相逢憔悴當應被薰風誤 十里雲愁雪妒抱淒涼盼
嬌無語當時姊妹朱顏褪酒紅衣按舞別浦重尋舊盟
惟有一行鷗鷺伴玉顏月曉盈盈冷艷洗人間暑

摸魚兒

王易簡

怪鮫宮水晶簾捲冰痕初斷香縷柔波盪漿人難到三
十六陂烟雨春又去伴點點荷錢隱約吳中路相思日
暮恨洛浦娉婷芳鈿翠前奩影照淒楚功名夢消得
西風一度高人今在何許鱸香菘冷斜陽裏多少天涯
意緒誰記取但枯豉紅鹽溜玉凝秋筋樽前起舞算惟
有淵明黃花歲晚此興共千古

又前題

過湘臯碧龍驚起冰涎猶護髯影春洲未有菱歌伴獨
占暮烟千頃呼短艇試剪取纖條玉溜青絲瑩樽前細

認似水面新荷波心半卷點點翠鈿淨淒涼味酪乳
那堪比並吳鹽一箸秋冷當時不為鱸魚去聊爾動渠
歸興還記省是幾度西風幾處吹愁醒鷗昏鷺暝謾換
得霜痕蕭蕭兩鬢羞與共秋鏡樂府補題此首作佚名

齊天樂

蟬

碧雲深鎖齊姬恨纖柯暗翻冰羽錦瑟重調綃衣乍著
聊飲人間風露相逢甚處記槐影初涼柳陰新雨聽著
殘聲為誰驚起又飛去商量秋信最早晚來吟未徹
都是淒楚斷韻還連餘悲似咽欲和愁邊佳句幽期與
語恨寒葉凋零蛻痕塵土古木斜暉向人懷抱苦

宋

詞綜卷二十三

三

又客長安賦

王易簡

宮烟曉散春如霧參差護晴窗戶柳色初分錫香未冷
正是清明百五臨流笑語映十二闌干翠頰紅妒短帽
輕鞍倦遊曾徧斷橋路東風為誰媚嫵歲華頻感慨
雙鬢何許前度劉郎三生杜牧贏得征衫塵土心期暗
數總寂寞當年酒籌花譜付與春愁小樓今夜雨

慶春宮

謝草窗惠詞卷

庭草春遲汀蘋香老數聲珮悄蒼玉年晚江空天寒日
暮壯懷聊寄幽獨倦遊多感更西北高樓送目佳人不
見慷慨悲歌夕陽喬木紫霞洞窅雲深嫋嫋餘音鳳

簫誰續桃花賦在竹枝詞遠此恨年年相觸翠楸芳字
謾重省當時顧曲因君凝竚依約吳山半痕蛾綠

馮應瑞

字祥夫
號友竹

天香

龍涎香

枯石流痕殘沙擁沫驪宮夜螿驚起海市收時鮫人分
處誤入衆芳叢裏春霖未就都化作淒涼雲氣惟有清
寒一點消磨小窗殘醉當年翠篝素被拂餘熏倦懷
如水謾惜舞紅猶在為誰重試幾片金昏字古向故篋
聊將伴憔悴

下伏

唐藝孫

字英發有瑤
翠山房集

宋

詞綜卷二十三

古

天香 龍涎香

馮應瑞 唐藝孫

螺甲磨星犀株搗月麤英嫩壓拖水海蜃樓高仙娥鈿
小縹緲結成心字麝煤候煖載一朶輕雲未起銀葉初
生薄暈金狓旋翻纖指 芳盃惱人漸醉碾微馨鳳團
間試滿架舞紅都換嬾收珠珮幾片菱花鏡裏更摘索
雙環伴秋睡早是新涼重熏翠被

齊天樂 蟬

柳風微扇閑池閣深林翠陰人靜漸理琴絲誰調金奏
淒咽流空清韻虹明雨潤正乍集庭柯凭欄新聽午夢
驚回有人嬌困酒初醒 西軒晚涼又嫩向枝頭占得

銀露千頃蛻剪花輕翼翻紙薄老去易驚秋信殘聲送
暝恨秦樹斜陽暗催光景淡月疎桐半窗留鬢影

桂枝香 蟹

收帆渡口認遠岸夜篝松炬如晝還見沙痕雪外水紋
霜後秦官夢到無腸斷望明河月殘疎柳瑣窗相對茶
邊猶記眼波頻溜 漸嫩菊初萸綠酒歎風味尊前瀟
灑如舊幾度金橙香霧玉盤纖手清愁小醉淒涼裏揉
今生容易消瘦草心春淺年年相憶看燈時候

呂同老 字和甫

水龍吟 白蓮

冰肌不污天真曉來玉立瑤池裏亭亭翠蓋盈盈素靨
時妝淨洗太液波翻霓裳舞罷斷魂流水甚依然舊日
濃香淡粉花不似人憔悴 欲喚浚波仙子泛扁舟浩
波千里只愁回首冰奩半掩明璫亂墜月影淒迷露華
零落小欄誰倚共芳盟猶有雙棲雪鷺夜寒驚起

齊天樂 蟬

綠陰初蔽林塘路淒淒乍留清韻倦咽高槐驚嘶別柳
還憶當時曾聽西窗夢醒歎絃絕重調珥空難整綽約
冰綃夜深誰念露華冷 不知身世易老一聲聲斷續
頻報秋信墜葉山明疎枝月小惆悵齊姬薄倖餘音未

盡早枯翼飛仙暗嗟殘景見洗冰奩怕翻雙翠鬢

天香 龍涎香

冰片鎔肌水沈換骨蜿蜒夢斷瀛島剪碎腥雲杵勻枯
沫妙手製成翻巧金篝候火無似有微熏初好簾影垂
風不動屏深護春宜小 殘梅舞紅褪了珮珠寒滿懷
清峭幾度酒餘重省舊愁多少荀令風流未減怎奈向
飄零賦情老待寄相思仙山路杳

陳恕可字行之越州人陳述古之後原本陳作練誤

水龍吟 白蓮

素姬初宴瑤池珮環誤落雲深處分香華井洗妝湘渚

天姿淡泞碧蓋吹涼玉冠迎曉盈盈笑語記當時乍識
江明夜淨只愁被嬋娟誤 幾點沙邊飛鷺舊盟寒遠
迷烟雨相思未盡纖羅曳水清鉛泣露玉鏡臺空銀瓶
綆絕斷魂何許待今宵試採中流一葉共凌波去

齊天樂 蟬

碧柯搖曳聲何許陰陰晚涼庭院露溼身輕風生翅薄
昨夜綃衣初剪琴絲宛轉弄幾曲新聲幾番淒惋過雨
高槐為渠一洗故宫怨 清虛襟度謾與向人低訴處
幽思無限敗葉枯形殘陽絕響消得西風腸斷塵情已
倦任翻鬢雲寒綴貂金淺蛻羽難留頓驚仙夢遠

又 前題

蛻仙飛珮流空遠珊珊數聲林杪薄暑眠輕濃陰聽久
勾引淒涼多少長吟未了想猶怯高寒又移深窈與整
綃衣滿身風露正清曉 微熏庭院晝永那回曾記得
如訴幽抱斷響難尋餘悲獨省葉底還驚秋早齋宮路
杳歎事往魂消夜閑人悄謾想輕盈粉奩雙鬢好

桂枝香 蟹

西風故國記乍脫內黃歸夢溪曲還是秦星夜映楚霜
秋足無腸枉抱東流恨任年年褪筐微綠草汀篝火蘆
洲緯箔早寒漁屋 敘舊別芳筍薦玉正香擘新橙清

泛佳菊依約行沙亂雪誤驚窗竹江湖歲晚相思遠對
孤燈謾懷幽獨嫩湯浮眼枯形蛻殼斷魂重續

趙汝鈞字真卿
號月洲

水龍吟白蓮

露華洗盡凡妝玉妃來侍瑤池宴風裳水珮冰肌雪豔
清涼不汗解語情多凌波步穩酒容消散想溫泉浴罷
天然真態渾疑是宮妝淺 暗想淒愁別岸粉痕消香
腮凝腕雪空水冷此情惟許鷺知鷗見羽扇微搖翠帷
低擁清涼亭院待夜深月上闌干更邀取姮娥伴句與
調稍異

唐

珏字玉潛號菊山越州人與林景熙相善宋亡
同為采藥之行潛拾諸陵遺骸攢葬樹以冬
青私識焉世人多其義烈

摸魚兒尊

漸滄浪凍痕銷盡瓊絲初漾明鏡鮫人夜剪龍髯滑織
就水晶簾冷鳥翹葉淨最好似嫩荷半捲浮晴影玉流翠
凝早枯豉融香紅鹽和雪醉齒嚼清瑩 功名夢曾被
秋風喚醒故人應動高興悠然世味渾如水千里舊懷
誰省空對景奈回首姑蘇臺畔愁波暝烟寒夜靜但只
有芳洲蘋花與老何日泛歸艇

桂枝香蟹

松江舍北正水落晚汀霜老枯荻還見青筐似繡紺螯
如戟西風有恨無腸斷悵東流幾番潮汐夜燈爭聚微
光挂影誤投簾隙更喜薦新篔玉液正半殼含黃一
醉秋色纖手香橙風味有人相憶江湖歲晚聽飛雪但
沙痕空記行迹至今茶鼎時時猶記眼波愁碧

臺城路蟬

蛻痕初染仙莖露新聲又移涼影珮玉流空綃衣剪霧
幾度槐昏柳暝幽窗睡醒奈欲斷還連不堪重聽怨結
齋姬故宮烟樹翠陰冷當時舊情在否晚妝清鏡裏
猶記嬌鬢亂咽頻驚餘悲漸杳搖曳風枝未定秋期話

盡又抱葉淒淒暮寒山靜付與孤蛩苦吟清夜永

水龍吟白蓮

淡妝人更嬋娟晚奩淨洗鉛華膩泠泠月色蕭蕭風度
嬌紅欲避太液池空霓裳舞倦不堪重記歎冰魂猶在
翠輿難駐玉簪為誰輕墜別有淩空一葉泛清寒素
波千里珠房淚溼明璫恨遠舊遊夢裏羽扇生秋瓊樓
不夜尚遺仙意奈香雲易散綃衣半脫露涼如水

李居仁

字師呂
號五松

水龍吟白蓮

藥仙羣擁宸遊素肌似怯波心冷霜裳縞夜冰壺凝露

紅塵洗盡弄玉輕盈飛瓊綽約淡妝臨鏡更多情一片
碧雲不捲籠嬌面回清影 菱唱數聲乍聽載名娃藕
絲縈艇雪鷗沙鷺夜來同夢曉風吹醒酒暈全消粉痕
微漬色明香瑩問此花曷貯瑤池應未許繁紅竝按結句與調稍異

王夢應字靜得攸縣人咸熙中進士調廬陵尉元兵陷臨安起兵勤王兵敗奔永新卒

念奴嬌

欲霜更雨記青黃籬落東風前此簾外秋容人共老鴈
與愁飛千里水郭烟明竹陂波小萬葉寒聲起凭高那
更九疑吹盡雲氣 婉婉空復多情年年歸夢花與柴

桑似誰解魂消風日晚短笛孤舟秋水江蟹籠新露黃
斟淺澆得鄉關思平蕪天遠一痕黃抹秋霽

譚宣子字明之號在菴

謁金門

人病酒生怕日高催繡昨夜新番花樣瘦旋描雙蝶湊
閒凭繡牀呵手却說春愁還又門外東風吹綻柳海

棠花廝勾

江城子 詠柳

嫩黃初染綠初描倚春嬌索春饒燕外鶯邊想見萬絲
搖便作無情終軟美天賦與眼眉腰 短長亭外短長

譚宣子 陳逢辰 樓 采
橋駐金鑣繫蘭橈可愛風流年紀可憐宵辦得重來攀
折後烟雨暗不辭遙

陳逢辰字振祖
號存熙

烏夜啼

月痕未到朱扉送郎時暗裏一汪兒淚沒人知
搵不住收不聚被風吹吹作一天愁雨損花枝

樓 采字君亮

瑞鶴仙

凍痕消夢草又招得春歸舊家池沼園扉掩寒峭倩誰
將花信徧傳深窈追遊趁早便裁却輕衫短帽任殘梅

飛滿溪橋和月醉眠清曉 年小青絲纖手綵勝嬌鬟
賦情誰表南樓信杳江雲重雁歸少記衝香嘶馬流紅
回岸幾度綠楊殘照想暗黃依舊東風灞陵古道

法曲獻仙音

花匣么絃象奩雙陸舊日留歡情意夢到銀屏恨裁蘭
燭香篝夜闌鴛鴦被料燕子重來地桐陰鎖窗綺 倦梳
洗暈芳鈿自羞鸞鏡羅袖冷烟柳畫欄半倚淺雨壓茶
蘼指東風芳事餘幾院落黃昏怕春鶯驚笑憔悴倩柔
紅約定喚取玉簫同醉

二郎神

露牀轉玉喚睡醒綠雲梳曉正倦立銀屏新寬衣帶生
怯輕寒料峭悶絕相思無人問但怨入牆陰啼鳥嗟露
屋鎖春晴風暄晝柳輕梅小 人悄日長謾憶秋千嬉
笑悵燼冷爐薰花深鶯靜簾箔微紅醉裏帶結留詩粉
痕銷帕情遠竊香年少凝恨極盡日憑高目斷淡烟芳
草

奚

減

字倬然
號秋崖

華胥引

中秋紫霞席上

澄空無際一幅輕綃素秋弄色剪剪天風飛飛萬里吹
淨碧遙想玉杵芒寒聽珮環無迹圓缺何心有心偏照

歌席 多少情懷甚年年共憐今夕藥宮珠殿還吟飄
香秀筆隱約霓裳聲度認紫霞樓笛獨鶴歸來更無清
夢成覓

趙聞禮

字立之
號釣月

水龍吟

水仙

幾年埋玉藍田綠雲翠水烘春煖衣熏麝馥鞞羅塵沁
凌波步淺鈿碧搔頭膩黃冰腦參差難剪乍聲沈素瑟
天風珮冷翩躚舞霓裳徧 湘浦盈盈月滿抱相思夜
寒腸斷含香有恨招魂無際瑤琴寫怨幽韻淒涼暮江
空渺數峰清遠粲迎風一笑持花酌酒結南枝伴

趙開禮
丁 宥
字基重
號宏菴

水龍吟

鴈風吹裂雲痕小樓一線斜陽影殘蟬抱柳寒蛩入戶
淒音忍聽愁不禁秋夢還驚客青燈孤枕未更深早是
梧桐泣露那更度蘭宵永空歎銀瓶金井醉鄉醒溫
柔鄉冷征塵倦撲閒花謾舞何心管領葱指冰絃蕙懷
春錦楚梅風韻悵芙蓉城杳藍雲依黯鎖巫峰暝

史介翁

字吉父
號梅屋

菩薩蠻

柳絲輕颺黃金縷織成一片紗窗雨鬪合做春愁困慵

熏玉篝

暮寒羅袖薄社雨催花落先自為詩忙薔薇

一陣香

周端臣

字彥良號葵窗
官御前應制

木蘭花慢

送人之官九華

靄芳陰未解乍天氣過元宵訝客袖猶寒吟窗易曉春
色無聊梅梢尚留顧藉帶東風未肯雪輕飄知道詩翁
欲去遞香要送蘭橈清標會上叢霄千里阻九華遙
料今朝別後他時有夢應夢今朝河橋柳愁未醒贈行
人又恐越魂消留取歸來繫馬翠長千縷柔條

何光大

字謙履
號半湖

宋

詞綜卷二十三

三

謁金門

天似水池上藕花風起隔岸垂楊青到地亂螢飛又止
露溼玉欄閒倚人靜自生涼意泛碧沈朱供晚醉月
斜纔去睡

劉 瀾字養源號江村天台人

齊天樂 吳興郡宴遇舊人

玉釵分向金華後回頭路迷仙苑落翠驚風流紅逐水
誰信人間重見花深半面尚歌得新詞柳家三變綠葉
陰陰可憐不似那時看 劉郎今度更老雅懷都不到
書帶題扇花信風高茗溪月冷明日雲帆天遠塵緣較

短怪一夢輕回酒闌歌散別鶴驚心感時花淚濺

張龍榮字成子號梅深

摸魚兒

又吳塵暗斑吟袖西湖深處能浣晴雲片片平波影飛
趁棹歌聲遠回首喚彷彿記春風共載斜陽岸輕携分
短悵柳密藏橋烟濃斷徑隔水語音換 思量徧前度
高陽酒伴離悰悲事何限雙峰塔露書空穎情共暮鴉
盤轉歸思嬾悄不似留眠水國蓮花畔燈簾暈滿正蠹
帙重繙沈煤半冷風雨閉宵館

王億之字景陽號松間

高陽臺

張龍榮

王億之

余桂英

雙槳敲冰低篷護冷扁舟曉渡西泠回首吳山微茫遙
帶重城隄邊幾樹垂楊柳早嫩黃搖動春情問孤鴻何
處飛來共喚飄零輕帆初落沙洲暝漸潮痕雨漬面
色風皺旅思羈愁偏能老大行人姮娥不管征途苦甚
夜深儘照孤衾想玉樓猶凭闌干為我銷凝

余桂英

字子發
號野雲

小桃紅

芳草連天暮斜日明汀渚懊恨東風恍如春夢匆匆又
去早知人酒病更詩愁鎮輕隨飛絮寶鏡空留恨箏

雁渾無據門外當時薄情流水如今何處正相思望斷
碧山雲又鶯啼晚雨

詞綜卷二十三調名

大江東去文

南樓令

摸魚兒

賀新郎李

謁金門趙

寶鼎現劉

蘭陵王

憶真妃康

桂枝香

唐

練

唐

賣花聲鄧

沁園春王

喜遷鶯

卜算子莫

霜天曉角樓

大酺

青玉案黃李

天香李王馮呂

浣溪沙

清平樂 李

木蘭花慢 周

生查子 李

杏花天 李

齊天樂 練 劉 唐

臺城路 唐

江城子 譚

瑞鶴仙 樓

二郎神

菩薩蠻 史

一萼紅

高陽臺 李 王

惜紅衣 李

水龍吟 唐 李 練 趙 丁

慶春宮

念奴嬌 王

烏夜啼 陳

法曲獻仙音

華胥引 奚

小桃紅 余

詞綜卷二十四

宋詞一百首

胡仲弓 一首

王 奕 四首

張 林 一首

趙崇霄 一首

朱 藻 一首

尚希尹 一首

吳大有 一首

曹良史 一首

柴 望 一首

王同祖 一首

張 桂 二首

趙與仁 三首

黃 鑄 一首

朱鼎孫 一首

范晞文 一首

王茂孫 二首

胡仲已

鄭斗煥 一首

湯彌昌 二首

趙必瑒 一首

楊澤民 一首

陳先 一首

陳紀 一首

束從周 一首

李震 一首

李銓 一首

陳從古 一首

鄭子玉 一首

寇寺丞 一首

陳參政 一首

杜郎中 一首

德祐太學生 二首

無名氏 四十四首

李清照 十一首

朱淑真 五首

胡仲弓 字希聖號葦杭清源人

謁金門

蛾黛淺只為晚寒妝嬾潤逼鏡鸞紅霧滿額花留半面

漸次梅花開徧花外行人已遠欲寄一枝嫌夢短溼

雲和恨剪

柴望 字仲山號秋堂衢之江山人景炎二年以布衣授迪功郎史館編校有涼州鼓吹一卷

念奴嬌

春來多困正晷移簾影銀屏深閉喚夢幽禽烟柳外驚

斷巫山十二宿酒初醒新愁半解惱得成憔悴鬢鬆雲

鬢不忺鸞鏡梳洗門外滿地香風殘梅零落玉糝蒼

苔碎乍煖乍寒渾莫擬欲試羅衣猶未鬪草雕闌買花

深院做踏青天氣晴鳩鳴處一池昨夜春水

王

奕

字伯敬號斗山玉山人宋亡又自號至元逸民有集十二卷梅崑雜詠七卷皆散失僅存東行斐稿三卷詞附

醉江月

和辛稼軒金陵賞心亭

英雄老矣對江山莫遣淚珠成斛一簟西風休掩面白浪黃塵眯目鳳去臺空鷺飛洲冷幾度斜陽木欲書往事南山應恨無竹 寔是商女當年後來腔調拍手銅鞮曲偃蹇老松雖拗面猶逞一枰殘局烏巷垂楊鵲橋野草今為誰家綠賞心何處浩歌歸卧梅屋

臨江仙

和元遺山題揚州平山堂

二十四橋明月好暮年方到揚州鶴飛仙去總成休襄陽風笛急何事付悠悠 幾闕平山堂上酒夕陽還照邊樓不堪風景重回頭淮南新棗熟應不說防秋

賀新郎

僕過魯自葛水買舟至維揚又自維揚買舟至孔林登泰山復還淮楚盡江山所歷之妙真所謂茲行冠平生者也

有客過東魯自葛水泛舟西下帆開三楚萬里湖光磨水鏡五老落星烟渚又飛過二姑門戶彭澤柳青新舊色望九華依約池陽路風雨廟烏江羽 蛾眉牛渚皆如故問緣何澹港汀洲江聲無語采石書生勳業在公子錦袍何處流恨下秦淮商女多景樓頭吟北固笑平

山堂裏誰為主且爛飲瓊花露

又

醉醒瓊花露買扁舟召伯津頭向秦郵去流水孤村鴉
萬點回首少游斜樹又著訪山陽酒侶細別留城碑蘚
看上歌臺一嘯江東主望鳥繹過鄒魯孔林百拜瞻
塋墓歷曲阜少皞之墟大庭之庫竟涉汶河登泰岱夜
半清光元圃迤邐問東平歸路冢黃花吟笑罷下新
州醉白樓頭賦復淮楚尋故步

王同祖字與之號花洲金華人建康府通判

阮郎歸

一簾疏雨細於塵春寒愁殺人桐花庭院近清明新烟
浮舊城尋蜨夢怯鶯聲柳絲如妾情丙丁帖子畫教
成妝臺求晚晴

張林字去非號樗池州守

柳梢青燈花

白玉枝頭忽看蓓蕾金粟珠垂半顛安榴一枝穠杏五
色薔薇何須羯鼓聲催銀缸裏春工四時却笑燈蛾
學他蜂蜨照影頻飛

張桂字惟月號竹山

菩薩蠻

東風忽驟無人見
玉塘烟浪浮花片
步溼下香階
苔粘金鳳鞋
翠鬟愁不整
臨水間窺影
摘得野薔薇
游蜂相趁歸

浣溪沙

雨壓楊花路半乾
蜂遺花粉在闌干
牡丹開盡正春寒
懶品么絃金鴈並
瘦驚雙釧玉魚寬
新愁不放翠眉閒

趙崇霄

字有得
號蓮臬

東風第一枝

妒雪梅甦迷烟柳醒
游絲輕颺新霽捲
簾看燕初歸步

慄為花早起春來猶淺
便做出十分春意
喜鳳釵纔卸珠幡早換
巧梳描翠看數點催花
雨膩更一陣遞香風
細小鶯吹煖調聲嫩
蝶試晴舞翅清歡易失
怕輕負年芳流水好趁
閒共整吟韉日日訪桃
尋李

趙與仁

字元父
號學舟

柳梢青

落桂

露冷仙梯霓裳散舞
記曲人歸月度層霄
雨連深夜誰管花飛
金鋪滿地苔衣似一片
斜陽未移生怕清香
又隨涼信吹過東籬

琴調相思引

冰箔紗簾小院清
暗塵不動地花平
昨宵風雨涼到木
樨屏 香月照妝秋
粉薄水雲飛珮藕
絲輕好天良夜
閒理玉鞞笙

西江月

夜半河痕依約
雨餘天氣溟濛
起行微月徧池東
水影浮花花影動
簾櫳 量減難追
醉白恨長莫盡啼
紅鴈聲能到畫樓
中也要玉人知道
有秋風

朱藻 號野逸

採桑子

障泥油壁人歸後
滿院花陰樓影沈沈
中有傷春一片

心閒穿綠樹尋梅子
斜日籠明團扇風輕
一徑楊花不避人

黃鑄 字晞顏 號乙山 邵武人 官柳州守

秋蕊香令

花外數聲風定
烟際一痕月淨
水晶屏小敲翠枕
院靜鳴蛩相應
香銷斜掩青銅鏡
背燈影寒砧夜半
和鴈陣秋在劉郎
綠鬢

尚希尹 字莘老 號畏齋

浪淘沙

結客去登樓
誰繫蘭舟半篙清漲
雨初收把酒留春春

不住柳暗江頭 老去怕閒愁莫莫休休晚來風惡下
簾鉤試問落花隨水去還解西流

朱昇孫字令則
號萬山

真珠簾

春雲做冷春知未春愁在碎雨敲花聲裏海燕已尋蹤
到畫溪沙際院落鞦韆楊柳外待天氣十分晴霽春市
又青帘巷陌紅芳歌吹 須信處處東風又何妨對此
籠香覓醉曲盡索餘情奈夜航催離夢滿冰衾身似寄
算幾度吳鄉烟水無寐試明朝說與西園桃李

吳大有

字有大號松壑嵯人寶祐間遊太學元初辟
為國子檢閱不赴有松下偶抄雪後清音歸

來幽莊

等集

點絳脣送李琴泉

江上旗亭送君還是逢君處酒闌呼渡雲壓沙鷗暮

漠漠蕭蕭香凍梨花雨添愁緒斷腸柔櫓相逐寒潮去

范晞文

字景文號葑莊錢唐人太學生入
元擢江浙儒學提舉轉長興丞

意難忘

清淚如鉛歎咸陽送遠露冷銅仙崑花紛墜雪津柳暗
生烟寒食後暮江邊草色更芊芊四十年留春意緒不
似今年 山陰欲棹歸船暫停杯雨外舞劍燈前重逢
應未卜此別轉堪憐憑急管倩繁絃思苦調難傳望故

鄉都將往事付與啼鵲

曹良史字之才號梅南錢唐人

江城子

夜香燒了夜寒生掩銀屏理銀箏一曲春風都是斷腸聲
杜宇欲啼楊柳外愁似海思如雲背燈暗卸乳鷺裙
酒初醒夢初醒蘭炷熏篝誰為煖羅衾二十四簾人悄悄
花影碎月痕深

王茂孫字景周號梅山

高陽臺春夢

遲日烘晴輕烟縷畫鎖窗雕戶慵開人獨春閒金狔暖

透蘭煤山屏緩倚珊瑚畔任翠陰移過瑤階悄無聲綵翅翩翩何處飛來
片時千里江南路被東風誤引還近陽臺膩雨嬌雲多情恰喜徘徊無端枝上啼鳩喚便
等閒孤枕驚回惡情懷一院楊花一徑蒼苔

點絳脣蓮房

折斷烟痕翠蓬初離鴛鴦浦玉纖相妒翻被專房誤乍脫青衣猶著輕羅護
多情處芳心一縷都為相思苦

鄭斗煥字丙文號松窗

新荷葉

乳鴨池塘晴波漾綠鱗鱗宿藕根香夏來生意還新蚨

錢小鈿花貼翠相間萍星一番雨過一番暗展圓青
魚戲龜遊看來猶未勝情因憶年時垂釣曾約輕盈玉
人何處關情是半捲芳心簾風一棹駕鶯催起歌聲

湯彌昌

字師言瑞安州判
官有碧山類稿

虞美人 題水村圖卷趙文敏為錢德鈞圖

翰林妙寫溪村趣荷屋知何處溪翁想像住溪灣一笑
如今家在畫圖間 西風門掩蘆花澈聊與漁樵伍人
間不信有張翰剪取吳淞空向卷中看

祝英臺近 前題

染秋雲圖澤國野趣入游戲能事何須五日畫一水重

重楊柳陂塘茅茨村落蘆鄉外西風漁計 晚烟霽有
客乘著扁舟延緣度疏葦欲訪幽居宛在碧溪尾浩然
日送飛鴻醉歌欸乃溪光裏亂山橫翠

趙必瑗

官參軍
僉書

宴清都

舟中思家用美成韻

遠遠漁村鼓斜陽外賓鴻三兩飛度茅簷春小白雲隱
几青山當戶騷人底事飄蓬渾忘却耕徒釣侶何時尋
斗酒江鱸悠悠千古重賦 風流種柳淵明折腰五斗
身為名苦有秫田二頃菊松三徑不如歸去山靈休勒
俗駕容我卧草堂深處問故園怨鶴啼猿今無恙否

楊澤民有和清真詞一卷

滿庭芳

春過園林雨餘池沼嫩荷點點輕圓晝長人靜芳樹欲生烟一徑幽通邃竹松風漱石齒濺濺平生志功名未就先覓五湖船不如歸去好良田二頃茅舍三椽任高歌月下痛飲花前果解忘情寄意又何在琴撫無絃烟波客扁舟過我相伴白鷗眠

陳先

好事近石亭探梅

尋徧石亭春點點暮山明滅竹外小溪深碧倚一枝寒

月淡雲疎雨苦無情得折便須折醉帽風鬟歸去有餘香愁絕

陳

紀咸淳進士

賀新郎聽琵琶

趁拍哀絃促聽泠泠絃間細語手間推覆鶯語間關花底滑急雨斜穿梧竹又澗底松風簌簌鐵撥鯤絃春夜永對金釵鐘乳人如玉敲象板剪銀燭六幺聲斷涼州續悵梅花歲晚天寒佳人空谷有限絃聲無限意淪落天涯幽獨頓喚起閒愁千斛賀老定場無處問到如今尺鼓昭君曲呼羯鼓瀉醞醑

東從周人合肥

小重山 題依綠軒

楊柳絲絲兩岸風前村溪路遠小橋通人家依約水西
東舟一葉移過葦花叢 清景迴涵空好山青未了暮
雲重是誰驚起幾征鴻天然趣都在畫圖中

李震廬陵人

賀新涼 題高尚書夜山圖

樓據吳山背倚高寒塵飛不到越山相對老月騰輝羣
動息獨坐清分沆瀣更滿聽潮聲澎湃醉裏詩成神鬼
泣景蒼涼又在新詩外渾忘却功名債 憑誰妙筆能

圖繪羨中郎前身摩詰宛然心會拈出清宵無限意半
幅溪藤光怪方信有人間仙界雲淡天低奇絕處笑僧
殊未識丹青在留此軸誇千載

李銓

點絳脣 牡丹

十二紅闌帝城穀雨初晴後粉拖香逗易惹春衫袖
把酒題詩遐想歡如舊花知否故人消瘦長憶同携手

陳從古 湖字兆

蝶戀花 芍藥

日借輕黃珠綴露困倚東風無限嬌春處看盡嫣紅渾

李 鈞 陳從古 鄭子玉 寇寺丞
謾與淡妝偏稱泥金縷 不共鉛黃爭勝負殿後開時
故欲尋春去去似朝霞無定所那堪更著催花雨

鄭子玉

八聲甘州慢 草

漸鶯聲近也探年芳河畔扼輕輪旋東風染綠綿綿平
野無際烟春最苦夕陽天外愁損倚欄人無奈瀟湘杳
留滯王孫 冷落池塘殘夢是送君歸後南浦消魂賴
東君能容醉卧展香裯儘教更行人遠也相伴連水復
連雲關山道算無今古客恨長新

寇寺丞

點絳脣

春睡曹騰覺時鴛被堆香煖起來猶懶獨自情何限
深院日斜人靜花陰轉柔腸斷凭高不見芳草連天遠

陳參政

木蘭花慢 送陳石泉自北歸

北歸人未老喜依舊著南冠正雪暗滹沱雲迷芒碭夢
落邯鄲鄉心日行萬里幸此身生入玉門關多少秦烟
隴霧西湖淨洗征衫 燕山望不見吳山回首一征鞍
慨故宮離黍故家喬木那忍重看鈞天紫微何處問瑤
池八駿幾時還誰在天津橋上杜鵑聲裏闌干

杜郎中

玉樓春

風解池冰蟬翅薄庭樹枯枝翻翠萼背寒就暖起偏慵
半捲珠簾憑畫閣 晴景融融烟漠漠天際行人乖信
約病身先是怕春來長到恁時添瘦削

德祐太學生

百字令 德祐乙亥

半隄花雨對芳辰消遣無奈情緒春色尚堪描畫在萬
紫千紅塵土鴉從歸期鶯收佞舌燕作留人語澆欄紅
藥韶華留此孤主 真箇恨殺東風幾番過了不似今

番苦樂事賞心磨滅盡忽見飛書傳羽湖水湖烟峰南
峰北總是堪傷處新塘楊柳小腰猶自歌舞見湖海新
衆宮女行五謂朝士去六謂臺官默七指太學上書八
九謂只陳宜中在東風謂賈似道飛書傳羽北軍至也
新塘楊柳謂賈妾

祝英臺近 德祐乙亥

倚危欄斜日暮騫騫甚情緒穉柳嬌黃全未禁風雨春
江萬里雲濤扁舟飛渡那更聽塞鴻無數 歎離阻有

恨流落天涯誰念泣孤旅滿目風塵冉冉似飛霧是何

人惹愁來那人何處怎知道愁來不去穉柳謂幼君嬌
黃謂太后扁舟

飛渡謂北軍至塞鴻指流民也人惹愁來謂賈出那人
何處謂賈去

無名氏

魚遊春水 春景

秦樓東風裏燕子還來尋舊壘餘寒猶峭紅日薄侵羅
綺嫩草方抽碧玉茵媚柳輕穿黃金縷鶯嚀上林魚遊
春水 幾曲闌干遍倚又是一番新桃李佳人應怪歸
遲梅妝淚洗鳳簫聲絕沈孤鴈望斷清波無雙鯉雲山
萬重寸心千里

眉峯碧

蹙破眉峯碧纖手還重執鎮日相看未足時忍便使鴛
鴦隻 薄暮投村驛風雨愁通夕窗外芭蕉窗裏人分

明葉上心頭滴 玉照新志裕陵親書其後此詞甚佳不
知何人所作

撲蝴蝶

烟條雨葉綠遍江南岸思歸倦客尋芳來較晚岫邊紅
日初斜陌上花飛正滿淒涼數聲羌管 怨春短玉人
應在明月樓中畫眉嬾變箋錦字多時魚鴈斷恨隨去
水東流事與行雲共遠羅衾舊香猶煖 胡元任云非惟
藻麗可喜其腔
調亦自婉美

踏莎行

碧蘚迴廊綠楊深院花期夜入簾猶捲照人無奈月華
明潛身却恨花陰淺 密約難憑幽歡未展看看滴盡

宋

詞綜卷二十四

古

德祐太學生

無名氏

銅壺箭闌干敲遍不應人分明燭下聞刀剪

玉瓏璫

城南路橋南樹玉鈎簾卷香橫霧新相識舊相識淺顰
低笑嫩紅輕碧惜惜惜 劉郎去阮郎住為雲為雨朝

還暮心相憶空相憶露荷心性柳花踪跡得得得能改

錄近有士人嘗於錢塘江漲橋為狹斜之游作此詞其
後朝廷復收河南士人陷而不返其友作詩寄之且附
以龍涎香詩云江漲橋邊花發時故人曾共著征衣請
君莫唱橋南曲花已飄零人不歸紫羅囊餘薰未歇人
之云認得吳家心字香玉窗春夢紫羅囊餘薰未歇人
何許洗破征衣更斷腸

九張機

一張機采桑陌上試春衣風晴日暖慵無力桃花枝上

啼鶯言語不肯放人歸

又

四張機鴛鴦織就欲雙飛可憐未老頭先白春波碧草

曉寒深處相對浴紅衣

又

五張機橫紋織就沈郎詩中心一句無人會不言愁恨

不言憔悴只恁寄相思

又

七張機春蠶吐盡一生絲莫教容易裁羅綺無端剪破

仙鸞綵鳳分作兩邊衣

又

九張機雙花雙葉又雙枝薄情自古多離別從頭到底
將心縈繫穿過一條絲

又

輕絲象牀玉手出新奇千花萬草光凝碧裁縫衣著春
天歌舞飛蝶語黃鸝

又

春衣素絲染就已堪悲塵昏汗污無顏色應同秋扇從
茲永棄無復奉君時

玉樓春題鉛山驛壁

見能改齋漫錄

東風楊柳門前路畢竟雕鞍留不住柔情勝似嶺頭雲
別淚多於花上雨青樓畫幕無重數聽得樓邊車馬
去若將眉黛染情深直到丹青難畫處

踏青游贈妓崔念四

識箇人人恰止二年歡會似賭賽六隻渾四向巫山重
重去如魚水兩情美同倚畫樓十二倚了又還重倚
兩日不來時時在人心裏擬問卜常占歸計揀三八清
齋望永同駕被到夢裏暮然被人驚覺夢也有頭無尾
吳虎臣云政和間士人作都下盛傳

調笑

桃源集句

見宣和九重樂府

相誤桃源路萬里蒼蒼烟水暮留君不住君須去秋月
春風閒度桃花零亂如紅雨人面不知何處

祝英臺近

憶別

見樂府雅詞

海棠開花影下憶得舊遊戲恰似驂鸞同在彩雲裏夢
回雨散雲收匆匆歸去一枕乍驚殘春睡甚情味人
去花也飄零餘香半憔悴點點飛紅都是去時淚可堪
冷落黃昏瀟瀟微雨斷魂處朱欄獨倚

又

剪酴醾移芍藥深院教鸚鵡消遣宿醒敲枕熏沈炷自
從載酒西湖探梅南浦久不見雪兒歌舞恨無據因

甚不展眉頭凝愁過百五雙燕無情難寄斷腸句可憐
淚溼青綃怨題紅葉落花亂一簾風雨

水調歌頭

建炎庚戌題吳江

見中吳記聞

平生太湖上短棹幾經過如今重到何事愁與水雲多
擬把匣中長劍換取扁舟一葉歸去老漁蓑銀艾非吾
事丘壑已蹉跎鱸新鱸斟美酒起悲歌太平生長豈
謂今日識干戈欲瀉三江雪浪淨洗邊塵千里不為挽
天河回首望霄漢雙淚墮清波

楊柳枝

見樂府雅詞

簌簌花飛一雨殘乍衣單展風數幅畫江山水雲間

水調歌頭亦見每行獨理雜志作紹興中題吳江長橋詞
中短棹作來往已蹉跎作漫蹉跎美酒作碧石酒豈謂作
石謂瀉作撲邊塵作胡塵石為作不用不題姓氏後傳入禁
中上存詢訪其人甚力秦松乃請降黃榜招之其人竟
不至或曰隱者也自謂銀艾服吾事其意可見矣招以黃
榜以招之計也

別易會難無計那淚潸潸夕陽樓上凭闌干望長安

浣溪沙 瓜陂鋪題壁 見能改齋漫錄

剪碎香羅裛淚痕鷓鴣聲斷不堪聞馬嘶人去近黃昏

整整斜斜楊柳陌疎疎密密杏花村一番風月更消

魂 黃季岑云瓜洲瓜陂鋪有用篋刀刻青泥壁為詞

鷓鴣天 上元 見蘆浦筆記

宣德樓前雪未融賀正人見彩山紅九衢照影紛紛月

萬井吹香細細風 複道遠暗相通平陽主第五王宮

鳳簫聲裏春寒淺不到珠簾第二重 劉興伯云上元詞

之盛非想像者所能道當與夢華錄並行也

擷芳詞 見古今詞話

風搖動雨濛茸翠條柔弱花頭重春衫窄香肌濕記得

年時共伊曾摘 都如夢何曾共可憐孤似釵頭鳳關

山隔晚雲碧燕兒來也又無消息

御街行 見古今詞話

霜風漸緊寒侵袂聽孤鴈聲嘹唳一聲聲送一聲悲雲

淡碧天如水披衣告語鴈兒略住聽我此兒事 塔兒

南畔城兒裏第三箇橋兒外瀕河西岸小紅樓門外梧

桐雕砌請教且與低聲飛過那裏有人人無寐

應天長 見古今詞話

雕鞍成謾駐望斷也不歸院深天暮倚遍舊日曾共凭
肩門戶踏青何處所想醉拍春衫歌舞征旆舉一步紅
塵一步回顧行行愁獨語想媚容今宵怨郎不住來
為相思却又空將愁去人生無定據歎後會不知何處
愁萬縷憑仗東風和淚吹與

念奴嬌 和東坡韻

炎精中否歎人材委靡都無英物鐵馬長驅三犯闕誰
作長城堅壁萬里奔騰兩宮幽陷此恨如何雪草廬三
顧豈無高卧豪傑天意建我中興吾君神武卜一作
曾孫周發海岳封疆俱效職一作順一作堠火會看消滅翠羽

南巡叩閣無路徒有衝冠髮孤忠耿耿劔鏃冷浸秋月
又題項羽廟

鮑魚腥斷楚將軍鞭虎驅龍而起空費咸陽三月火鑄
就金刀神器垓下兵稀陰陵道狹月暗雲如壘楚歌喧
唱山川都姓劉矣悲泣喚醒虞姬為伊死別血刃飛
花碎霸業銷沈騅不逝氣盡烏江江水古廟頽垣斜陽
紅樹遺恨鴉聲裏興亡休問高陵秋草空翠

點絳脣 秋社

燕子依依曉來總為誰歸去淡雲生處已覺賓鴻度
淺笑低顰便面機中素乘鸞女瑣窗瓊宇會有明年暑

烏夜啼

無名氏 見天機餘錦

都無一點殘紅夜來風底事東君歸去太匆匆
醉梨花淚總成空斷送一年春在綠陰中
桃花

又

見古今詞話

一彎月挂危樓似藏鈎醉裏不知黃葉報新秋
斷歸雲亂遠峯愁愁見綠楊凝恨在江頭
征鴻

秦樓月

題蓬萊閣

烟漠漠海天搖蕩蓬萊閣蓬萊閣朱甍碧瓦半侵寥廓
三山謾有長生藥茫茫雲海風濤惡風濤惡仙槎不
見暮沙潮落

又

秋寂寂碧紗窗外人橫笛人橫笛天津橋上舊曾聽得
宮妝玉指無人識龍吟水底聲初息月明江
岸數峯凝碧

西江月

見翰墨全書

記得洛陽話別十年社燕秋鴻今朝相遇暮雲東對坐
旗亭說夢破帽手遮斜日練衣袖卷寒風蘆花江上
兩衰翁消得幾番相送

此首葛氏收入安陸集不知何
洛陽一作錢塘

尉遲杯

見梅苑

歲云暮歎光陰冉冉能幾許江梅尚怯餘寒長安信音

猶阻東風無據凭欄久欲去還凝佇憶溪邊月底徘徊
暗香疎影庭戶朝來凍解霜消南枝上香英數點微
露把酒看花無言有淚還是那時情緒花依舊晨妝何
處謾贏得花前愁千縷儘高樓畫角頻吹任教紛紛飛
素

洞仙歌

見梅苑

斷雲疎雨冷落空山道匹馬駸駸又重到望孤村三兩
茅屋疎籬溪水畔一簇蘆花晚照尋思行樂地事去
無痕回首湘波與天杳歎人生幾度能醉金釵青鏡裏
贏得朱顏未老又一點枝頭破黃昏問客路春風為誰

開早

萬年歡

見梅苑

天氣嚴凝乍寒梅數枝嶺上開坼傅粉凝脂疑是素娥
妝拭先報陽和信息更雪月交光一色因追念往日歡
遊共君携手同摘別來又經歲隔奈高樓夢斷無計
尋覓冷豔寒香啼雨恨烟愁溼似向人前淚滴怎不使
伊家思憶還只恐寂寞空枝又隨昨夜羌笛

鞞紅

見梅苑

粉香尤嫩霜寒可慣怎奈向春心已轉玉容別是一般
閑婉悄不管桃紅杏淺月影簾櫳金隄波面漸細細

香風滿院一枝折寄故人雖遠莫輒使江南信斷

憶少年

見梅苑

疎疎整整斜斜淡淡盈盈脈脈徒憐暗香句笑梨花顏色
羈馬蕭蕭行又急空回首水寒沙白天涯倦牢落
忽一聲羌笛

琴調相思引

膽樣瓶兒幾點春剪來猶帶水雲痕且移孤冷相伴最
深樽每為惜花無曉夜教人甚處不銷魂為君惆悵
何獨是黃昏

眼兒媚

蕭蕭江上荻花秋做弄許多愁半竿落日兩行新鴈一
葉扁舟惜分長怕君先去直待醉時休今宵眼底明
朝心上後日眉頭君一作郎賀方回作按此詞載陽春白雪係

步蟾宮

東風控就腰肢細繫六幅裙兒不起看來只慣掌中行
怎教在燭花影裏更闌應是鉛華退暗感損眉峯雙
翠夜深著緗小鞋兒斜靠著屏風立地按陽春白雪此詞為陸永仲作

搗練子

見天機餘錦

林下路水邊亭涼吹水曲散餘醒小藤牀隨意橫猶
記得舊時經翠荷鬧雨做秋聲恁時節不堪聽

無名氏

謁金門

見天機餘錦

山無數遮斷故人何處見說蘭舟獨繫住溪邊紅葉樹
憶著前時歡遇惹起今番愁緒怎得西風吹淚去陽
臺為暮雨

風光好

見天機餘錦

柳陰陰水沈沈風約雙鳧立不禁碧波心
孤村橋斷
人迷路舟橫渡旋買村醪淺淺斟更微吟

天香

龍涎香

瀛嶠浮烟滄波挂月潛虬睡起清曉萬里棹程一番花
信付與露薇冰腦纖雲漸暖凝翠席氤氳不了銀葉重

調火活珠簾日垂風悄
螺屏酒醒夢好繡羅幃依舊

痕少幾度試拈心字暗驚芳抱隱約仙州路杳謾珮影

玲瓏護嬌小素手金篝春情未老
按樂府補題此首作

李清照

字易安格非之女嫁趙

明誠有漱玉集一卷

張正夫云易安元宵永遇樂詞云落日鎔金
暮雲合璧已自工緻更于染柳烟輕吹梅笛
怨春意知幾許氣象更好後疊云于今憔悴
風鬟霜鬢知幾許向花間重去皆以尋常語
音律鍊句精巧則易平淡入調者難且秋詞入
聲聲慢此乃公孫大娘舞劍手本朝非無能
詞之士未曾有一下十疊字者後疊又云
到黃昏點點滴又使疊字俱無斧鑿痕怎
生得黑黑字不許第二人押婦人有此奇筆
殆間氣也

鳳凰臺上憶吹簫

宋

同宗卷二十四

三

香冷金猊被翻紅浪起來慵自梳頭任寶奩塵滿日上
簾鉤生怕離懷別苦多少事欲說還休新來瘦非干病
酒不是悲秋 休休這回去也千萬遍陽關也則難留
念武陵人遠烟鎖秦樓惟有樓前流水應念我終日凝
眸凝眸處從今又添一段新愁

壺中天慢

蕭條庭院又斜風細雨重門須閉寵柳嬌花寒食近種
種惱人天氣險韻詩成扶頭酒醒別是閑滋味征鴻過
盡萬千心事難寄 樓上幾日春寒簾垂四面玉闌干
慵倚被冷香消新夢覺不許愁人不起清露晨流新桐

初引多少遊春意日高烟斂更看今日晴未黃叔暘云
前輩稱易
安綠肥紅瘦為佳句予謂寵柳嬌花語亦甚奇俊前此
未有能道之者

一剪梅

紅藕香殘玉簟秋輕解羅裳獨上蘭舟雲中誰寄錦書
來鴈字回時月滿西樓 花自飄零水自流一種相思
兩處閑愁此情無計可消除纔下眉頭却上心頭

醉花陰 九日

薄霧濃雲愁永晝瑞腦銷金獸佳節又重陽玉枕紗幮
半夜涼初透 東籬把酒黃昏後有暗香盈袖莫道不
銷魂簾卷西風人似黃花瘦

怨王孫 春暮

帝里春晚重門深院草綠階前暮天鴈斷樓上遠信誰
傳恨綿綿多情自是多沾惹難擽舍又是寒食也秋
千巷陌人靜皎月初斜浸梨花

浣溪沙

樓上晴天碧四垂樓前芳草接天涯勸君莫上最高梯
新筍已成堂下竹落花都入燕巢泥忍聽林表杜鵑
啼

又

髻子傷春嬾更梳晚風庭院落梅初淡雲來往月疎疎

無
玉鴨薰爐閑瑞腦朱櫻斗帳掩流蘇通犀還解辟寒

武陵春

風住塵香花已盡日晚倦梳頭物是人非事事休欲語
淚先流聞說雙溪春尚好也擬汎輕舟只恐雙溪舴
艋舟載不動許多愁

點絳脣

寂寞深閨柔腸一寸愁千縷惜春春去幾點催花雨
倚遍闌干祇是無情緒人何處連天芳樹望斷歸來路

賣花聲

簾外五更風吹夢無踪畫樓重上與誰同記得玉釵斜
撥火寶篆成空 回首紫金峯雨潤烟濃一江春浪醉
醒中留得羅襟前日淚彈與征鴻

聲聲慢

尋尋覓覓冷冷清清悽悽慘慘戚戚乍暖還寒時候最
難將息三杯兩盞淡酒怎敵他曉來風急鴈過也正傷
心却是舊時相識 滿地黃花堆積憔悴損如今有誰
堪摘守著窗兒獨自怎生得黑梧桐更兼細雨到黃昏
點點滴滴這次第怎一箇愁字了得

朱淑真

錢唐人有斷腸集詞一卷

蝶戀花 送春

樓外垂楊千萬縷欲繫青春少住春還去猶自風前飄
柳絮隨春且看歸何處 滿目山川聞杜宇便做無情
莫也愁人意把酒送春春不語黃昏却下瀟瀟雨

眼兒媚

風日遲遲弄輕柔花徑暗香流清明過了不堪回首雲
鎖朱樓 午窗睡起鶯聲巧何處喚春愁綠楊影裏海
棠枝畔紅杏梢頭

謁金門

春已半觸目此情無限十二闌干閒倚遍愁來天不管

好是風和日暖輸與鶯鶯燕燕滿院落花簾不卷斷腸芳草遠

生查子 元夕

去年元夜時花市燈如晝月上柳梢頭人約黃昏後今年元夜時月與燈依舊不見去年人淚溼春衫袖

又

年年玉鏡臺梅藥宮妝困今歲未還家怕見江南信酒從別後疎淚向愁中盡遙想楚雲深人遠天涯近

詞綜卷二十四調名

謁金門 胡李朱

醉江月 王

臨江仙

柳梢青 張趙

東風第一枝 趙

西江月 佚名

秋藥香令 黃

真珠簾 朱

意難忘 范

念奴嬌 柴 佚名

賀新郎 陳

阮郎歸 王

菩薩蠻 張

琴調相思引 趙 佚名

採桑子 朱

浪淘沙 尚

點絳脣 吳 李冠 佚名

江城子 曹

高陽臺

王

虞美人

湯

宴清都

好事近

陳

蝶戀花

陳

朱

木蘭花慢

陳

百字令

太學生

眉峯碧

踏莎行

九張機

新荷葉

鄭

祝英臺近

太學生

佚名

滿庭芳

楊

賀新涼

李

八聲甘州慢

鄭

玉樓春

杜

佚名

魚遊春水

佚名

撲蝴蝶

玉玲瓏

踏青遊

調笑

楊柳枝

鷓鴣天

御街行

烏夜啼

尉遲盃

萬年歡

憶少年

步蟾宮

風光好

水調歌頭

浣溪沙

李

擷芳詞

應天長

秦樓月

洞仙歌

鞞紅

眼兒媚

朱

搗練子

天香

鳳凰臺上憶吹簫李

一剪梅

怨王孫

賣花聲

生查子朱

壺中天慢

醉花陰

武陵春

聲聲慢

小重山朱

詞綜卷二十五

宋詞五十七首

盧氏一首

魏夫人三首

阮逸女一首

吳淑姬二首

鄭意娘一首

孫道絢三首

陸游妾一首

王清惠一首

舒氏一首

延安夫人一首

幼卿一首

蔣興祖女一首

慕容品卿妻一首

鄭文妻二首

美奴二首

徐君寶妻一首

盧氏

金德淑一首

章麗真一首

袁正真一首

琴操一首

盼盼一首

聶勝瓊一首

蜀中妓一首

玉英一首

吳城小龍女一首

赤城韓夫人二首

衛芳華一首

紫姑一首

裴湘一首

僧揮三首

祖可三首

惠洪一首

上清蔡真人一首

于真人二首

葛長庚九首

乩仙一首

盧氏

天聖中氏父作縣令自漢州歸氏隨父行有詞題泥溪驛壁

蝶戀花

蜀道青天烟霧翳帝里繁華迢遞何時至
回望錦川揮粉淚鳳釵斜亸烏雲膩
綬帶雙垂金縷細玉珮珠璫
露滴寒如水從此鸞妝添遠意
畫眉學得遙山翠

舒氏

王齊叟彥齡之妻

點絳脣

獨自臨池悶來強把闌干凭
舊愁新恨耗却年時興
鷺散魚潛烟斂風初定
波心靜照人如鏡
少箇年時影
按尼堅支志云彥齡元祐中樞密彥霖弟也善為詞曲妻舒亦工篇翰而婦翁本出武列彥齡頗失禮於翁翁

怒邀其女歸竟至離絕女在父家偶獨行池上懷其夫

乃作此詞

盧氏舒氏魏夫人
宣之室
朱晦庵云本朝婦人能文者惟魏夫人及李易安二人而已

菩薩蠻

溪山掩映斜陽裏樓臺影動鴛鴦起隔岸兩三家出牆
紅杏花綠楊堤下路早晚溪邊去三見柳綿飛離人
猶未歸

好事近

雨後曉寒輕花外曉鶯啼歇愁聽隔溪殘漏正一聲淒
咽不堪西望去程賒離腸萬回結不似海棠花下按

涼州時節

點絳脣

波上清風畫船明月人歸後漸消殘酒獨自凭欄久
聚散匆匆此恨年年有重回首淡烟疎柳隱隱蕪城漏

延安夫人

侯鯖錄云是蘇丞相子容之妹

更漏子

寄季玉妹

小欄杆深院宇依舊當時別處朱戶鎖玉樓空一簾霜
日紅弄珠江何處是望斷碧雲無際凝淚眼出重城
隔溪羌笛聲

阮逸女

花心動

仙苑春濃小桃開枝枝已堪攀折乍雨乍晴輕煖輕寒
漸近賞花時節柳搖臺榭東風軟簾櫳靜幽禽調舌斷
魂遠閑尋翠徑頓成愁結 此恨無人共說還立盡黃
昏寸心空切強整繡衾獨掩朱扉簟枕為誰鋪設夜長
更漏傳聲遠紗窗映銀缸明滅夢回處梅梢半籠淡月
幼卿能改齋漫錄云宣和間有
女子幼卿題詞陝府驛壁

賣花聲

極目楚天空雲雨無蹤謾留遺恨鎖眉峯自是荷花開
較晚孤負東風 客館歎飄蓬聚散匆匆揚鞭那忍驟

花驄望斷斜陽人不見滿袖啼紅

吳淑姬

嫁士人楊子治有
陽春白雪詞五卷
黃叔暘云淑姬詞佳處不減李易安

惜分飛 送別

岸柳依依拖金縷是我朝來別處惟有多情絮故來衣
上留人住 兩眼啼紅空彈與未見桃花又去一片征
帆舉斷腸遙指苕溪路

祝英臺近

粉痕消芳信斷好夢總無據病酒無聊敲枕聽殘雨斷
腸曲曲屏山温温沈水都是舊看承人處 久離阻應

念一點芳心閑愁知幾許偷照菱花清瘦自羞覩可堪
梅子酸時楊花飛絮亂鶯又催將春去

蔣興祖女靖康間金人犯闕陽武蔣令興祖死之其女為賊鹵去題詞雄州驛中蔣令浙西人

減字木蘭花題雄州驛

朝雲橫度輾輾車聲如水去白草黃沙月照孤村三兩
家飛鴻過也百結愁腸無晝夜漸近燕山回首鄉關
歸路難

鄭意娘楊思厚之妻撒八太尉自

好事近

往事與誰論無語暗彈清血何處最堪腸斷是黃昏時

節倚樓凝望又徘徊誰解此情切何計可同歸鴈趁
江南春色

慕容崑卿妻

浣溪沙

滿目江山憶舊游汀花汀草弄春柔長亭艤住木蘭舟
好夢易隨流水去芳心猶逐曉雲愁行人莫上望京

樓平江雍熙寺月夜有客聞婦人歌此詞傳之姑蘇崑

孫道緬號冲虛居

如夢令官詞

翠縠紅蕉影亂月上朱欄一半風自碧空來吹落歌珠

一串不見不見人被繡簾遮斷

憶少年 葛氏姪女告歸送之

雨晴雲斂烟花淡蕩遙山凝碧驅車問征路賞春風南
陌 正雨後梨花幽艷白悔匆匆過了寒食歸家漸春
暮探酴醿消息

秦樓月 季温歸譙陽書寄

秋寂寞秋風秋雨傷離索傷離索老懷無奈淚珠零落
故人一去無期約尺書忽寄西飛鶴西飛鶴故人何
在水村山郭

鄭文妻孫氏

憶秦娥

花深深一鈎羅鞵行花陰行花陰閑將柳帶試結同心

日邊消息空沈沈畫眉樓上愁登臨愁登臨海棠開

後望到如今 古杭雜記云文秀州人太學服膺齋上舍孫氏寄以詞一時傳播酒樓伎館皆歌之

燭影搖紅

乳燕穿簾亂鶯啼樹清明近隔簾時度柳花飛猶覺寒
成陣長記眉峯偷隱臉桃紅猶藏酒暈背人微笑半鞦韆
鸞釵輕籠蟬鬢 別久啼多眼應不似當時俊滿園珠
翠逞春嬌沒箇他風韻若見賓鴻試問待相將綵箋寄
恨幾時得見鬪草歸來雙鴛微潤

陸游妾陸游之蜀宿一驛中見題壁詩詢之則驛中女也遂納為妾半載夫人逐之妾賦詞而別

生查子
只知眉上愁不識愁來路窗外有芭蕉陣陣黃昏雨
曉起理殘妝整頓教愁去不合畫春山依舊留愁住

美奴陸藻敦禮侍兒

如夢令 送別

日暮馬嘶人去船逐清波東注後夜最高樓還肯思量
人否無緒無緒生怕黃昏疎雨

卜算子

送我出東門乍別長安道兩岸垂楊鎖暮烟正是秋光

老 一曲古陽關莫惜金尊倒君向瀟湘我向秦魚鴈

何時到

王清惠

宋昭儀入元為女道士號冲華

滿江紅 題驛壁

太液芙蓉渾不是舊時顏色曾記得承恩雨露玉樓金

闕名播蘭簪妃后裏暈潮蓮臉君王側忽一朝鼙鼓揭

天來繁華歇 龍虎散風雲滅千古恨憑誰說對山河

百二淚沾襟血驛館夜驚塵土夢官車曉碾關山月願

嫦娥相顧肯從容隨圓缺東園友聞云此詞或傳昭儀下張璠英所賦

徐君寶妻

岳州人被掠至杭其主者數欲犯之輒以計脫主者強焉告曰俟祭先夫然後為君

王清惠 徐君寶妻 金德淑

婦主者許諾乃焚香再拜題詞壁上投池中死

滿庭芳 題壁

漢上繁華江南人物尚遺宣政風流綠窗朱戶十里爛
銀鈎一旦刀兵齊舉旌旗擁百萬貌貅長驅入歌樓舞
榭風捲落花愁 清平三百載典章人物掃地都休幸
此身未北猶客南州破鑑徐郎何在空惆悵相見無由
從今後斷魂千里夜夜岳陽樓

金德淑

宋宮人入元歸章丘李生

望江南 贈汪水雲

春睡起積雪滿燕山萬里長城橫縞帶六街燈火已闌

珊人在玉樓間

章麗真

宋宮人

長相思

送汪水雲歸吳

吳山秋越山秋吳越兩山相對愁長江不盡流 風颭

颭雨颭颭萬里歸人空白頭南冠泣楚囚

袁正真

宋宮人

長相思 前題

南高峰北高峰南北高峰雲淡濃湖山圖畫中 采芙蓉
賞芙蓉小小紅船西復東相思無路通

琴操

杭州伎後削髮為尼

滿庭芳

改少游詞

章麗真

袁正真

琴操

盼盼

山抹微雲天連衰草畫角聲斷斜陽暫停征轡聊共飲
 離觴多少蓬萊舊侶頻回首烟靄茫茫孤村裏寒鴉萬
 點流水遶紅牆 魂傷當此際輕分羅帶暗解香囊謾
 贏得秦樓薄倖名狂此去何時見也襟袖上空有餘香
 傷心處長城望斷燈火已昏黃能改齋漫錄云西湖有
戲舉畫角聲斷斜陽琴操在側云譙門非斜陽也倅因
談曰爾可改韻否琴操即改作陽字韻東坡聞而賞之
 盼盼瀘南官妓

惜春容

侑涪翁

少年看花雙鬢綠走馬章臺絃管逐而今老更惜花深

終日看花看不足 坐中美女顏如玉為我同歌金縷

曲歸時壓得帽簷敲頭上春風紅簌簌

聶勝瓊長安妓歸

鷓鴣天寄別李生

玉慘花愁出鳳城蓮花樓下柳青青尊前一唱陽關曲
 別箇人人第五程 尋好夢夢難成有誰知我此時情
 枕前淚共階前雨隔箇窗兒滴到明

蜀中妓

市橋柳 送行

欲寄意渾無所有折盡市橋官柳看君著上春衫又相

聶勝瓊 蜀中妓 玉英 吳城小龍女

將放船楚江口 後會不知何日 又是男兒休要鎮長
相守苟富貴無相忘若相忘有如此酒周公謹云詞亦可喜

玉英 蓬萊仙人 見夷堅志

浪淘沙

塞上早春時 煖律猶微 柳舒金線水回隄 料得江鄉應
更好開盡梅蹊 晝漏漸遲遲 愁損香肌 幾回無語斂
雙眉 凭遍闌干十二曲 日下樓西

吳城小龍女

江亭怨

簾卷曲欄獨倚 山展暮天無際 淚眼不曾晴 家在吳頭

楚尾 數點雪花亂委 撲漉沙鷗驚起 詩句欲成時 沒
入蒼烟叢裏 冷齋夜話云黃魯直登荆州亭柱間有此
詞夜夢一女子云有感而作魯直驚悟曰
此必吳城小龍女也

赤城韓夫人

法駕導引

東風起 東風起 海上百花搖 十八風鬟雲半動 飛花和
雨著 輕綃歸路碧迢迢

又

烟漠漠 烟漠漠 天淡一簾秋 自洗玉舟斟白醴 月華微
映是空舟 歌罷海西流 紹興間都下有烏衣推髻女子
歌此詞凡九闕皆非人世語或

赤城韓夫人

衛芳華

紫姑

記之以問一道士道士驚曰此赤城韓夫人所製水府
蔡真君法駕導引也烏衣女子疑龍云
衛芳華女鬼自言是衛芳華故宋理宗朝宮人

木蘭花慢

記前朝舊事曾此地會神仙向月地雲階重携翠袖來
拾花鈿繁華總隨流水歎一場春夢香難圓廢港芙蓉
滴露斷隄楊柳垂烟 兩峯南北只依然輦路草芊芊
恨別館離宮烟銷鳳蓋波沒龍船平生玉屏金屋對漆
燈無焰夜如年落日牛羊隴上西風燕雀林邊

紫姑

吳興周權孫伯乾道五年知衢州西安縣
招郡士沈延年邀致紫姑神賦牡丹詞

瑞鶴仙

賦一捻紅牡丹

靚嬌紅細捻是西子當日留心千葉西都競栽接好園
林臺榭何妨日涉輕羅慢褶費多少陽和調燮向曉來
露浥芳苞一點醉紅潮頰 雙靨姚黃國艷魏紫天香
倚風羞怯雲鬢試插引動狂蜂蝶况東君開宴賞心樂
事莫惜獻酬頻疊看相將紅藥翻階尚餘媵妾

裴

湘字楚老仁宗時
內官有肯堂集

浪淘沙

并門

鴈塞說并門郡枕西汾山形高下遠相吞古寺樓臺依
碧嶂烟景遙分 晉廟鎖溪雲簫鼓仍存牛羊斜日自
歸村惟有故城禾黍地前事消魂

僧仲殊

名揮姓張氏安州進士棄家為僧居杭州吳山寶月寺有詞七卷黃叔暘云仲殊之詞多矣佳者固不少而小令為最

南柯子

十里青山遠潮平路帶沙數聲啼鳥怨年華又是淒涼時候在天涯
白露收殘月清風散曉霧綠楊隄畔鬧荷花記得年時沽酒那人家

玉樓春

芭蕉

飛香漠漠簾帷暖一線水沈烟未斷紅樓西畔小闌干
盡日倚欄人已遠黃梅雨過芭蕉晚鳳尾翠搖雙葉短
舊年顏色舊年心留到如今春不管

柳梢青

岸草平沙吳王故苑柳裊烟斜雨後寒輕風前香軟春
在梨花行人一棹天涯酒醒處殘陽亂鴉門外秋千

牆頭紅粉深院誰家

僧祖可

字正平丹陽人蘇伯固之子住廬山與陳師道徐俯謝逸預西江詩社有東溪集吳虎臣云正平工詩其長短句尤佳世徒稱其詩也

小重山

誰向江頭遣恨濃碧波流不斷楚山重柳烟和雨隔疎
鍾黃昏後羅幕更朦朧桃李小園空阿誰猶笑語拾
殘紅珠簾卷盡夜來風人不見春在綠蕪中

菩薩蠻

僧祖可 釋惠洪

西風簌簌低紅葉梧桐影裏銀河匝夢破畫簾垂月明
烏鵲飛 新愁知幾許欲似絲千縷鴈已不堪聞砧聲
何處村

又

誰能畫取沙邊雨和烟澹掃蒹葭渚別岸却斜暉采蓮
人未歸 鴛鴦如解語對浴紅衣去去了更回頭教儂
特地愁

釋惠洪

字覺範有石門文字禪

許彥周云上人善作小詞情思婉約似秦少游仲殊參寥皆不能及

青玉案 和賀方回韻

綠槐烟柳長亭路恨取次分離去日永如年愁難度高
城回首暮雲遮盡目斷知何處 解鞍旅舍天將暮暗
憶丁寔千萬句一寸柔腸情幾許薄衾孤枕夢回人靜
徹曉瀟瀟雨

上清蔡真人

法駕導引

闌干曲闌干曲紅颺繡簾旌花嫩不禁纖手捻被風吹
去意還驚眉恨感山青 夷堅志云陳東靖康間嘗飲于京師酒樓有妓倚欄歌此詞音
調清越東不覺傾聽其後有鏗鐵板閑引步虛聲塵世
無人知此曲却騎黃鶴上瑤京風冷月華清五句問何

人所製曰上清蔡真人詞也

上清蔡真人 于真人

于真人詞見彭致中鳴鶴餘音按北宋有

鳳栖梧

綠暗紅稀春已暮燕子銜泥飛入垂楊處柳絮欲停風
不住杜鵑聲裏山無數竹杖芒鞋無定據穿過溪南
獨木橫橋路樵子漁師來又去一川風月誰為主

行香子

閨苑瀛洲金谷重樓總不如茅舍清幽野花鋪地算也
風流却也宜春也宜夏也宜秋酒熟堪簞客至須留
更無榮無辱無憂退閑一步著甚來由但倦時眠渴時

飲醉時謳

葛長庚

自號白玉蟾閩人一云瓊州人居武居嘉定

中詔徵赴闕館太乙宮封紫清明道真人有

醉江月

詞二卷 武昌懷古

漢江北瀉下長淮洗盡胸中今古樓櫓橫波征鴈遠誰
見魚龍夜舞鸚鵡洲雲鳳凰池月付與沙頭鷺功名何
處年年惟見春絮非不豪似周瑜壯如黃祖亦逐秋
風度野草閑花無限數渺在西山南浦黃鶴樓人赤烏
年事江漢亭前路浮萍無據水天幾度朝暮

水龍吟

採藥徑

雲屏謾鎖空山寒猿啼斷松枝翠芝英安在求苗已老
徒勞屐齒應記洞中鳳簫錦瑟鎮常歌吹悵蒼苔路杳
石門信斷無人問溪頭事 回首暝烟無際但紛紛落
花如淚多情易老青鸞何處書成難寄欲問雙蛾翠蟬
金鳳向誰嬌媚想分香舊恨劉郎去後一溪流水

水調歌頭

江上春山遠山下暮雲長相留相送時見雙燕語風檣
滿目飛花萬點回首故人千里把酒沃愁腸回鴈峰前
路烟樹正蒼蒼 漏聲殘燈燭短馬蹄香浮雲飛絮一
身將影向瀟湘多少風前月下迤邐天涯海角魂夢亦

淒涼又是春將暮無語對斜陽

摸魚兒

問滄江舊盟鷗鷺年來景物誰主悠悠客鬢知何事吹
滿西風塵土渾未悟謾自許功名談笑侯千戶春衫戲
舞怕三徑都荒一犁未把猿鶴笑君誤 君且住未必
心期盡負江山秋事如許月明風靜萍花路敲枕試聽
鳴櫓還又去道喚取陶泓要草歸來賦相思最苦是野
水連天漁榔四起蓑笠占烟雨

霜天曉角 綠淨堂

五羊安在 城市何曾改 十萬人家闐闐東亦海 西亦海

歲歲蒲澗會地接蓬萊界老樹知他一劍千山外萬
山外

賀新郎

且盡杯中酒問平生湖海心期更如君否渭樹江雲多
少恨離合古今非偶更風雨十常八九長鉞歌彈明月
墮對蕭蕭客鬢閑携手還怕折渡頭柳小樓夜久微
涼透倚危欄一池倒影半空星斗此會明年知何處蘋
末秋風未久謾輸與鷺朋鷗友已辦扁舟松江去與鱸
魚蓴菜論交舊應念此重回首

又送趙帥之江州

倏又西風起這一年光景早過三分之二燕去鴻來何
日了多少世間心事待則甚功名遂楓葉荻花動涼
思又尋思江上琵琶淚還感慨勞夢寐愁來長是朝
朝醉剗地成宋玉傷感三閭憔悴况是淒涼寸心碎目
斷水蒼山翠更送客長亭分袂閣阜山前梧桐雨起風
檣露舶無窮意君此去趁秋霽

又肇慶府送談金華張月窗

謂是無情者又如何臨歧欲別淚珠如灑此去蘭舟雙
槳急兩岸秋山似畫况已是芙蓉開也小立西風楊柳
岸覺衣單略說些些話重把我袖兒把小詞做了和

愁寫送將歸要相思處月明今夜客裏不堪仍送客平
昔交游亦寡况慘慘蒼梧之野未可淒涼休哽咽更明
朝後日纔方卸情默默斜陽下

好事近

贈趙制機

行到竹林頭探得梅花消息冷蘂疎英如許更無人知
得水枯雪老歲年徂俯仰自嗟惜醉卧影裏有
何人相識

亂仙

憶少年

淒涼天氣淒涼院落淒涼時候孤鴻叫斜月伴寒燈殘

漏落盡梧桐秋影瘦菱鑑古畫眉難就重陽又近也
對黃花依舊

詞綜卷二十五調名

蝶戀花

盧

菩薩蠻

魏

祖可

更漏子

延安

賣花聲

幼卿

祝英臺近

浣溪沙

慕容妻

憶少年

元

憶秦娥

鄭妻

生查子

陸妾

點絳脣

舒

魏

好事近

鄭

葛

花心動

阮

惜分飛

吳

減字木蘭花

蔣

如夢令

孫

秦樓月

燭影搖紅

如夢令

美奴

卜算子

滿庭芳 徐 琴操

長相思 章 袁

鷓鴣天 聶

浪淘沙 玉英 裴

法駕導引 韓夫人 蔡

瑞鶴仙 紫姑

玉樓春

小沖山 祖可

鳳樓梧 于

滿江紅 王

望江南 金

惜春容 盼盼

市橋柳 蜀妓

江亭怨 小龍女

木蘭花慢 衛

南柯子 仲殊

柳梢青

青玉案 惠洪

行香子

醉江月 葛

水調歌頭

霜天曉角

水龍吟

摸魚兒

賀新郎

詞綜卷二十六

金詞七十六首

完顏璠 三首

吳激 三首

劉著 一首

趙可 一首

王庭筠 三首

王特起 四首

趙秉文 一首

党懷英 二首

蔡松年 一首

高士談 一首

李晏 一首

劉仲尹 二首

劉迎 二首

韓玉 三首

高憲 一首

王渥 一首

完顏璫

景覃 三首

王 礪 一首

趙 攄 一首

折元禮 一首

李獻能 一首

高 永 一首

段克己 五首

段成己 三首

李俊民 五首

元好問 二十三首

王予可 一首

鄧千江 一首

完顏璫

字仲寶一字子瑜世宗之孫越王永功子自號樗軒居士封密國公宣宗南渡以開府儀同三司奉朝請所著有如庵小藁

青玉案

凍雲封却駝岡路有誰訪溪梅去夢裏疎香風暗度覺

來惟見一窗涼月瘦影無尋處 明朝畫筆江天暮定

向漁簑得奇句試問簾前深幾許兒童笑道黃昏時候

猶是廉纖雨

漁父詞

楊柳風前白板扉荷花雨裏綠蓑衣紅糴美錦鱗肥漁

笛聞拈月下吹

又

釣得魚來卧看書船頭穩置酒葫蘆烟際柳雨中蒲乞

與人間作畫圖

蔡松年

字伯堅從父靖除真定府判官遂為真定人累官吏部尚書參知政事遷尚書左丞封郜

金

同蔡松年二十六

完顏瑋 蔡松年 吳 激
國公進拜右丞相加儀同三司後又封衛國
公卒加封吳國公諡文簡有蕭閒公集六卷

尉遲杯

紫雲煖恨翠離珠樹雙栖晚小花靜院相逢的的風流
心眼紅潮照玉盃午香重草綠宮羅淡喜銀屏小語私
分麝月春心一點 華年共有好願何時定妝鬟暮雨
零亂夢似花飛人歸月冷一夜小山新怨劉郎興尋常
不淺况不似桃花春溪遠覺情隨曉馬東風病酒餘香
相半

吳

激

字彥高建州人宋宰相拭之子米芾之壻使
金留不遣官翰林待制皇統初出知深州卒
有東山集詞一卷時彥高與
伯堅才譽並推號吳蔡體

黃叔暘云彥高詞精妙悽惋

風流子 感舊

書劍憶遊梁當時事底處不堪傷望蘭楫嫩漪向吳南
浦杏花微雨窺宋東牆鳳城外燕隨青步障絲惹紫游
韁曲水古今禁烟前後暮雲樓閣芳草池塘 回首斷
人腸流年去如電雙鬢如霜欲遣從來遺恨頻近清觴
聽出塞琵琶風沙浙瀝寄書鴻鴈烟月微茫不似海門
潮信猶到潯陽

春從天上來 感舊

海角飄零歎漢苑秦宮墜露飛螢夢回天上金屋銀屏

歌吹競舉青冥問當時遺譜有絕藝鼓瑟湘靈促哀彈
似林鶯啞啞山溜泠泠梨園太平樂府醉幾度春風
鬢髮星星舞徹中原塵飛滄海風雪萬里龍庭寫胡笳
幽怨人憔悴不似丹青酒微醒對一軒涼月燈火青燐
黃叔暘云三山鄭中卿從張貴謨北使時聞彼中有歌
此調者元遺山云曾見王防禦公玉說此詞皆用琵琶
故實引據甚明惜不能記憶

人月圓 宴張侍御家有感

南朝千古傷心地還唱後庭花舊時王謝堂前燕子飛
入人家 恍然在遇天姿勝雪宮鬢堆鴉江州司馬青
衫淚溼同是天涯 洪景廬云先公在燕山赴北人張總
侍御家集出侍兒佐酒中有一人意

狀摧抑可憐叩其故乃宣和殿小宮姬也坐客翰林直
學士吳激作詞紀之聞者揮涕中州樂府云彥高賦
此時宇文叔通亦賦念奴嬌先成而頗近鄙俚及見彥
高作茫然自失是後人有求作樂府者叔通即批云吳
郎近以樂府名天下可往求之

高士談 州字子文一字季默宣和末任忻
州戶曹仕金為翰林直學士

減字木蘭花

西湖睡起飛絮遊絲春老矣漲綠涵空十頃玻璃四面
風 平時事少天與湖山供坐嘯他日西州却怕羊曇
感舊遊

劉著 字鵬南皖城人宣政末登進士第仕金
官翰林脩撰出守武遂終忻州刺史

鷓鴣天

雪照山城玉指寒一聲羌管怨樓間江南幾度梅花發
人在天涯鬢已斑星點點月團團倒流河漢入杯盤
翰林風月三千首寄與吳姬忍淚看

李晏字致美高平人皇統中進士官至禮部尚書翰林學士承旨卒謚文簡

虞美人

佳人酒暈潮生頰艷艷霞千疊雨餘紅淚溼黃昏誤認
當年人面倚朱門飄零又送青春暮悵望劉郎去教
人不恨五更風只恨馬蹄無處避殘紅

趙可字獻之高平人貞元二年進士仕至翰林直學士有玉峯散人集

望海潮贈妓

雲垂餘髮霞拖廣袂人間自有飛瓊三館俊遊百街高
選翩翩老阮才名銀漢會雙星尚相看脈脈似隔盈盈
醉玉添春夢雲同夜惜卿卿離觴草草同傾記靈犀
舊曲曉枕餘醒海外九州郵亭一別此生未卜他生江
上數峯青悵斷雲殘雨不見高城二月遼陽芳草千里
路傍情

劉仲尹字致君蓋州人正隆中進士以潞州節度副使召為都水監丞有龍山集

浣溪沙春情

繡館人人倦踏青粉垣深處簸錢聲賣花門外綠陰清
簾幕風柔飛燕燕池塘花煖語鶯鶯有誰知道一春

情

琴調相思引

蟬欲眠時日已曛柔桑葉大綠團雲羅敷猶小陌上看
行人翠實低條梅弄色輕花吹隴麥初勻鳴鳩聲裏
過盡太平村

王庭筠

字子端蓋州熊岳人大定中登第官至翰林修撰晚年卜居黃華山自號黃華老人

訴衷情

夜涼清露滴梧桐庭樹又西風薰籠舊香猶在曉帳煖
芙蓉雲淡薄月朦朧小簾攏江湖殘夢半在南樓畫
角聲中

蝶戀花

衰柳疎疎苔滿地十二闌干故國三千里南去北來人
老矣短亭依舊殘陽裏紫蟹黃柑真解事似倩西風
勸我歸歟未王粲登臨寥落際鴈飛不斷天連水

百字令

小雪家集作

山堂晚色滿疎籬寒雀烟橫高樹小雪輕盈如解舞故
故穿簾入戶掃地燒香團圓一笑不道因風絮冰漸生
硯問誰先得佳句有夢不到長安此心安穩只有歸
耕去試問雪溪無恙否十里淇園佳處修竹林邊寒梅
樹底準擬全家住柴門新月小橋誰掃歸路

劉 迎 字無黨東萊人大定中進士除幽王府記室改太子司經有詩文樂府號山林長語

烏夜啼

離恨遠縈楊柳夢魂長遶梨花青衫記得章臺月歸路
玉鞭斜 翠鏡啼痕印袖紅牆醉墨籠紗相逢不盡平生事春思入琵琶

又

菱鑑玉篔秋月蕙爐銀葉朝雲宿醒人困屏山夢烟樹
小江村 翠甲未消蘭恨粉香不斷梅魂離愁分付殘
春雨花外泣黃昏

王特起 字正之崞縣人擢第為沁源令後為司監

喜遷鶯 別內

東樓歡宴記遺簪綺席題詩紈扇月枕雙敲雲窗同夢
相伴小花深院舊歡頓成陳跡翻作一番新怨素秋晚
聽陽關三疊一尊相餞 留戀情纏繞紅淚洗妝雨溼
梨花面鴈底關河馬頭星月西去一程程遠但願此心
如舊天也不違人願再相見把生涯分付藥爐經卷

又

登山臨水正桂嶺瘴開蘋洲風起玄鶴高翔蒼鷹遠擊
白鷺欲飛還止江上層波似練沙際行人如蟻目斷處
見遙峯簇翠殘霞浮綺 千里關塞遠鴈陣不來猶把

闌干倚數疊悲笳一行征旆城郭幾番成毀白塔前朝
陵寢青嶂故都營壘念往事但寒烟滿目愁蟬盈耳

又題却仙女廟壁

汀洲蘋滿記翠籠采采相將鄰媛蒼渚烟生金支光爛
人在霧綃鮫館小鬟頓成雲散羅鞵凌波不見翠鸞遠
但清溪如鏡野花留靨情睠驚變現身後神功絲滿
吳蠶繭漢女菱歌湘妃瑤瑟香動倚雲層殿彤車載花
一色醉盡碧桃清讌故山晚歎流年一笑人間飛電

梅花引

山之麓河之曲一灣秀色盤虛谷水溶溶雨濛濛有人

行李蕭蕭落葉中 人家籬落炊烟溼天外雲峯迷淡

碧野雲昏失前村溪橋路滑平沙沒舊痕

韓

玉

字温甫北平人擢第後授翰林為應奉
文字旋為鳳翔府判官有東浦詞一卷

感皇恩

廣東與康伯可

遠柳綠含烟土膏才透雲海微茫露晴岫故鄉何在夢
寐草堂溪友舊時遊賞處誰携手 塵世利名於身何
有老去生涯殢樽酒小橋流水一樹雪香寒瘦故人今
夜月相思否

減字木蘭花 贈歌者

香檀素手緩理新詞來伴酒音調淒涼便是無情也斷

賜 莫歌楊柳記得渭城朝雨後客路茫茫幾度東風
蕙草長

賀新郎

柳外鶯聲碎晚晴天東風力軟嫩寒初退花底覓春春
已去時見亂紅飛墜又閑傍闌干十二欄外青山烟縹
緲遠連空愁與眉峯對凝望處兩疊翠 鴛鴦結帶靈
犀佩綺屏深香羅帳小寶檠燈背誰謂彩雲和夢斷青
翼阻尋後會待都把相思情綴便做錦書難寫恨奈菱
花都見人憔悴那更有枕函淚

趙秉文

字周臣磁州人擢第入翰林因言事外補後
再入館為修撰待制轉禮部郎中出典岢嵐

青杏兒

平定宣邊三郡南渡為直學士遷侍讀拜禮
部尚書再改翰林學士自號閑閑居士所著
有滄水集

風雨替花愁風雨罷花也應休勸君莫惜花前醉今年
花謝明年花謝白了人頭 乘興兩三甌揀溪山好處
追遊但教有酒身無事有花也好無花也好選甚春秋

高

憲

字仲常遼東人王庭筠之甥泰
和三年登第任博州防禦判官

梅花引

按此詞係賀方回小梅花之上半闕今
載陽春白雪非高憲作也

城下路淒風露今人犁田昔人墓岸頭沙帶葦葭漫漫
昔時流水今人家 黃埃赤日長安道倦客無漿馬無

草開函關閉 函關千古如何不見一人閑

党懷英 字世傑其先馮翊人後居泰安宋太尉進士承旨卒謚文獻

一代孫舉進士官翰林學士

感皇恩

一葉下梧桐 新涼風露喜鵲橋成 渺雲步舊家機杼巧
織紫綃如霧新愁還織就無重數 天上何年人間朝
暮回首星津又空渡 盈盈別淚散作半空疎雨 離魂都
付與秋將去

月上海棠

傲霜枝 象團珠蕾冷香霏烟雨晚秋意蕭散繞東籬尚

彷彿見山清氣西風外夢到斜川栗里 斷霞魚尾明
秋水帶三兩飛鴻點烟際疎林颯秋聲似知人倦遊無
味家何處落日西山紫翠

王

渥

字仲澤太原人擢第令宜陵召為省掾使宋
回為太學助教充樞密院經歷官遷右司都

水龍吟

援武仙戰歿出
從商帥國器獵同裕之賦

短衣匹馬清秋慣曾射虎南山下西風白水石鯨鱗甲

山川圖畫千古神州一時勝事賓僚儒雅快長隄萬弩

平岡千騎波濤卷魚龍夜 落日孤城鼓角笑歸來長

圍初罷風雲慘澹貌貅得意旌旗閑暇萬里天河更須

一洗中原兵馬看鞞橐嗚咽咸陽道左拜西還駕

景

覃字伯仁華陽人自號渭濱野叟

天香

市遠人稀林深犬吠山連水村幽寂田里安閑東鄰西舍準擬醉時歡適社祈雨禱有簫鼓喧天吹擊宿雨新晴隴頭閑看露桑風麥無端短亭暮驛恨連年此時行役何似臨流蕭散緩衣輕幘炊黍烹雞自勞有脆綠甘紅薦芳液夢裏春泉糟牀夜滴

又

百歲中分流年過半塵勞繫人無盡桑柘週圍管茅依

架且喜水親山近倦飛高鳥算也有閑枝栖穩紙帳練衾日高睡起懶梳蓬鬢閑階上花碧潤緩步鞦韆恐傷蝸蚓側掩衡門空解草玄誰信俗駕輕雲易散賴獨有蓮峯破孤悶世事悠悠從教莫問

鳳栖梧

倦客情悰紛似縷小院無人卧聽秋蟲語歸意已攬新鴈去晚涼更作瀟瀟雨架上秋衣蠅點素冷菊殘妝尚被春花妒別有溪山容杖屨等閑不許知人處

王

礪字逸賓汴梁人以丞相馬吉甫舉德行才能授鹿邑主簿就乞致仕

浣溪沙

夢中作

林樾人家急暮砧夕陽人影入江深倚欄踈快比風襟
兩自北山明處黑雲從白鳥去邊陰幾多秋思亂鄉
心

趙

攄字子充宛平人官內
翰自號醉全道人

南歌子

澗草萋萋綠林鶯恰恰啼汀沙過雨便無泥換得芒屨
隨意到前溪浦漱渾堪畫雲烟總是題江湖老伴一
蓑衣真箇斜風細雨不須歸

折元禮

官治中

望海潮

從軍舟中作

地雄河岳疆分韓晉潼關高壓秦頭山倚斷霞江吞絕
壁野烟縈帶滄洲虎旆擁貔貅看陣雲截岸霜氣橫秋
千雉嚴城五更殘角月如鉤西風曉入貂裘恨儒冠
誤我却羨兜牟六郡少年三關老將賀蘭烽火新收天
外嶽蓮樓想斷雲橫曉誰識歸舟剩著黃金換酒羯鼓

醉涼州

李獻能

字欽叔河中人擢第入翰林為應奉出為廊
州觀察判官再入遷脩撰正大末授河中帥
府經
歷官

春草碧

紫簫吹破黃昏月簌簌小梅花飄香雪寂寞花底風鬟

顏色如花命如葉千里泥凝塵浚波鞅 心事鑑影鸞
孤箏絃鴈絕舊時雪堂人今華髮腸斷金縷新聲杯深
不覺琉璃滑醉夢遶南雲花上蜨

高

永字信卿初名夔字舜卿又名揆漁陽人
累舉不第正大末上書不報自號應菴

大江西上曲

滕王閣

閑登高閣歎興亡滿目風烟塵土畫棟珠簾當日事不
見朝雲暮雨秋水長天落霞孤鶩千載名如故長空澹
澹去鴻嘹唳誰數 遙憶才子當年如椽健筆坐上題
佳句物換星移知幾度遺恨西山南浦往事無憑昔人
安在漫向尋歌舞長江東注為誰流盡今古

段克己字復之河東人進士入元
不仕有遯齋樂府一卷

漁家傲

龍尾溝邊飛柳絮虎頭山下花無數花底醉眠留杖屨
花上露隨風散漫飄香霧 老去逢春能幾度不妨且
作風流主明日不知風共雨回首處夕陽又下西山去

又

詩句一春渾漫賦一作紛紛紅紫俱塵土樓外垂楊千

萬縷風落絮闌干倚遍空無語 畢竟春歸何處所樹
頭樹底無尋處惟有閑愁將不去依舊住伴人直到黃
昏雨

水調歌頭有感而作癸卯八月十七日逆旅平陽夜聞笛聲

亂雲低薄暮微雨洗清秋涼蟾乍飛破鏡倒影入南樓
水面金波潑灑簾外玉繩低轉河漢截天流桂子墮無
跡爽氣襲征裘 廣寒官在何處可神遊一聲羌管誰
弄吹徹古梁州月自與人無意人被月明催老今古共
悠悠壯志久寥落不寐數更籌

望月婆羅門引

癸卯元宵與諸君各賦詞以為樂
京華所見以望月婆羅門引歌之酒酣擊節
將有墮開元之淚者

暮雲收盡柳梢華月轉銀盤東風輕扇春寒玉輦通宵
遊幸綵仗駕雙鸞間鳴絃脆管鼎沸鼇山 漏聲未殘

人半醉尚追歡是處燈圍花護雕鞍繁華夢斷醉幾度
春風雙鬢斑回首處不見長安

蝶戀花聞薦有感

鷓鴣一聲春已曉蝴蝶雙飛煖日明花草花底笙歌猶
未了流鶯又復催春老 早是殘紅枝上少飛絮無情
更把人相惱老檜獨含冰雪操春來悄没人知道

段成己

字誠之克己弟進士主宜陽簿
元不仕有菊軒樂府一卷

大江東去

送楊國瑞南歸

西風溘浦鴈初飛秋水渺茫無際有底忙時來復去汎
若虛舟不繫籬菊將開村醪初熟且住為佳耳笑言相

答酒中吏隱無愧 歲月不貸閒人君顏非少我髮白
如此好把金杯休去手萬事惟消沈醉日轉山腰馬嘶
柳外歌闌行人起憑高西望相思目斷烟水

滿江紅 新春用遼菴韻

料峭東風吹醉面向人如舊凝竚立野禽聲裏無言搔
首庭下梅花開盡也春痕已到江邊柳待人間事了覓
清歡身名朽 菟裘計何時有休下約牀頭酒怕流年
不覺鬢邊還透往事不堪重記省舊愁未斷新愁又把
春光分付少年場從今後

又 春事闌珊謹用遼菴登鸛雀樓韻以寫所懷

檢點花枝風雨外雪堆瑤甃春去也朱絲絃斷鸞膠難
續眼底光陰容可惜舊游回首尋無跡對青山一晌倚
枯藤灘聲急 人已老身猶客家在邇歸猶隔縱語音
如舊形容非昔芳草絲絲隨意綠平波渺渺傷心碧到
愁來惟覺酒杯寬人間窄

李俊民

字用章澤州人承安五年進士第一應奉翰林文字罷歸不出金亡元世祖欲官之不可卒賜諡莊靖先生有莊靖集詞附

洞仙歌

謝楊誠之寄梅

隴頭瀟灑辜負尋芳眼浪蘂浮花問名嬾縱看看驛使
帶得春來祇恐怕綠葉成陰子滿 暗香無恙否月落

參橫惆悵羅浮夢魂短賴故人情重不減西湖花一月
分我黃昏一半更選甚南枝與北枝是一種春風待爭
寒暖

摸魚兒 送姪謙甫出山

這光景能消幾度大都數十寒暑結廬人在山深處萬
壑千巖風雨朝復暮甚不管堂堂背我青春去高情自
許似野鶴孤雲江鷗遠水此興有誰阻功名事休歎
儒冠多誤韓顛彭蹶無數一溪隔斷桃源路只有人家
雞黍歌且舞更不住醉中時出烟霞語暫來樵斧貪看
兩爭慕人間不道俯仰成今古

謁金門 探梅

誰便道昨夜雪中開了次第不將消息報探芳人草草
宜在嫩寒清曉興比孤山更好籬落逢花須醉倒惜
花人易老

滿江紅 和張文玘

宿酒纔醒聽喚起一聲春曉無限恨滿城風絮一川烟
草年少拋人容易去萬紅千紫都開了試但教頭上插
花枝花應笑狂言在人絕倒狂藥盡愁難掃待了寧
囑付再來青鳥團扇不堪題往事斷絃惟恨知音少但
時時頻把鏡來看人將老

點絳脣 重陽菊間小酌同申元帥

秋樹風高可憐憔悴門前柳白衣去後閒却持杯手

一笑相逢落帽年時友君知否南山如舊人比黃花瘦

元好問

字裕之秀容人興定五年進士歷官左司都事轉行尚書省左司員外郎金亡不仕有遺

山樂府

張叔夏云遺山詞深于用事精于練句風流

水調歌頭

賦德新王又絕勝處也

玉溪溪在嵩前費莊兩山

空濛玉華曉瀟洒石淙秋嵩高大佳處元在玉溪頭

翠壁丹崖千丈古木寒藤兩岸村落帶林丘今日好風

色可以放吾舟 百年來算惟有此翁游山川邂逅佳

客猿鳥亦相留父老雞豚鄉社兒女籃輿竹几來往亦
風流萬事已華髮吾道付滄洲

木蘭花慢 遊三臺

渺漲江東下流不盡古今情記海上三山雲中雙闕當

日南城黃鶴幾年飛去淡春陰平野草青青冰井猶殘

石枕露盤已失金莖 風流千古短歌行慷慨缺壺聲

想醜酒臨江賦詩按馬詞氣縱橫飄零舊家王粲似南

飛鳥鵲月三更笑殺西園賦客壯懷無復平生

最高樓 商於魯縣北山

商於路山遠客來稀雞犬靜柴扉東家勸飲薑芽脆西

家留宿芋魁肥覺重來猿與鶴總忘機
問華屋高資誰不戀問美食大官誰不羨
風浪裏竟安歸雲山既不求吾是林泉
又不責吾非任年年藜藿飯芟荷衣

玉漏遲

有懷浙江別業

浙江歸路杳西南却羨投林高鳥升斗微官
世界累苦相縈繞不如麒麟畫裏又不與巢由
同調時自笑虛名負我半生吟嘯擾擾馬足車
塵被歲月無情暗消年少鐘鼎山林一事幾時
曾了四壁秋蟲夜雨更一點殘燈斜照清鏡曉
白髮又添多少

滿江紅

一枕餘醒厭厭共相思無力人語定小窗風雨
暮寒岑寂繡被留歡香未減錦書封淚紅猶溼
問寸腸能著幾多愁朝還夕春草遠春江碧雲
黯淡花狼藉更柳棉閑颺柳絲難織入夢終疑
神女賦寫情除有文通筆恨伯勞東去燕西飛
空相憶

石州慢

赴召史館與德新丈別去岳祠西新店明日以此寄之

擊筑行歌按馬賦詩年少豪舉從渠里社浮沈
枉笑人間兒女生平王粲而今憔悴登樓江山
信美非吾土天地一飛鴻渺翩翩何許羈旅山
中父老相逢應念此行良苦幾為虛名誤却東
家雞黍漫漫長路蕭蕭兩鬢

黃塵騎驢漫與行人語詩句欲成時滿西山風雨

洞仙歌

黃塵鬢髮六月長安道羞向清溪照枯槁似山中遠志
謾出山來成箇甚只是人間小草昇平十二策丞相
封侯說與高人笑應倒對清風明月展放眉頭長恁地
大醉高歌也好待都把功名付時流只求箇天公放教
空老

江神子

夢德新文因及欽叔舊遊

河山亭上酒如川玉堂仙重留連猶恨春風桃李負芳
年燕語鶯啼花落處歌扇後舞衫前舊遊風月夢相

牽路三千去無緣減沒飛鴻一線入秋烟白髮故人今
健否西北望一潸然

又觀別

旗亭誰唱渭城詩酒盈卮兩相思萬古垂楊都是折殘
枝舊見青山青似染緣底事淡無姿情緣不到木腸
兒鬢成絲更須辭只恨芙蓉秋露冷胭脂為問世間離
別淚何日是滴休時

臨江仙

自洛陽往孟津道中作

今古北邙山下路黃塵老盡英雄人生長恨水長東幽
懷誰共語遠目送歸鴻蓋世功名將底用從前錯怨

天公浩歌一曲酒千鍾男兒行處是未要論窮通

又寄德新丈

自笑此生無定在北州又復南州買田何日遂歸休向
來凡落落此去亦悠悠赤日黃塵三百里嵩丘幾度
登樓故人多在玉溪頭清泉明月曉高樹亂蟬秋

又內鄉北山

夏館秋林山水窟家家林影湖光三年閑為一官忙簿
書愁裏過箇蕨夢中香父老書來招我隱臨流已蓋
茅堂白頭兄弟共論量山田尋二頃他日作桐鄉

鵲橋仙

梨花春暮垂楊秋晚歸袖無人重挽浮雲流水十年間
算只有青山在眼風臺月榭朱脣檀板多病全疎酒
盞劉郎爭得似當時比前度心情又減

鷓鴣天

隆德故宮同希顏欽叔知幾諸人賦

臨錦堂前春水波蘭皋亭下落梅多三山宮闕空銀海
萬里風埃暗綺羅雲子酒雪兒歌留連風月共婆娑
人間更有傷心處奈得劉伶醉後何

又

華表歸來老令威頭皮留在姓名非舊時逆旅黃梁飯
今日田家白板扉沽酒市釣魚磯愛閑直與世相違

墓頭不要征西字元是中原一布衣

太常引東原上清宮同楊飛卿夜話汝梁舊遊追懷欽叔內翰

十年流水共行雲相見重情親滄海內揚塵便疑是前

身後身 風臺月榭舞裙歌扇樂事幾回新莫話洛陽

春更誰似金鑿故人

清平樂 憶鎮陽

悲歡聚散世事天誰管梳去梳來雙鬢短鏡裏看看雪

滿 燕南十月霜寒孤身去住都難何日西窗燈火眼

前兒女團圓

又

離腸宛轉瘦覺妝痕淺飛去飛來雙乳燕消息知郎近

遠 樓前小雨珊珊海棠簾幕輕寒杜宇一聲春去樹

頭無數青山

邁陂塘

秦和中大名民家小兒女有以私情不遂赴水者官為蹤跡之無見也其後踏藕者得二屍水中衣服仍可驗其事乃白是歲此陂荷花無不並蒂者沁水梁國用時為錄事判官為李用章內翰言如此

問蓮根有絲多少蓮心知為誰苦雙花脈脈嬌相向只

是舊家兒女天已許甚不教白頭生死鴛鴦浦夕陽無

語算謝客烟中湘妃江上未是斷腸處 香奩夢好在

靈芝瑞露中間俯仰今古海枯石爛情緣在幽恨不埋

黃土相思樹流年度無端又被西風誤蘭舟少住怕載酒重來紅衣半落狼藉卧風雨

又

太和五年乙丑歲赴并州道逢捕鴈者云今日獲一鴈殺之矣其脫網者悲鳴不能去竟自投于地而死予因買得之汾水之上累石為識號曰鴈丘并作鴈丘詞

問世間情是何物直教生死相許天南地北雙飛客老翅幾回寒暑歡樂趣離別苦就中更有癡兒女君應有語渺萬里層雲千山暮雪隻影向誰去橫汾路寂寞當年簫鼓荒烟依舊平楚招魂楚些何嗟及山鬼暗啼風雨天也妒未信與鶯兒燕子俱黃土千秋萬古為留待騷人狂歌痛飲來訪鴈丘處

點絳脣

醉裏春歸綠窗猶唱留春住問春何處花落鶯無語

渺渺予懷漠漠烟中樹西樓暮一簾疎雨夢裏尋春去

江月晃重山

初到嵩山作

塞上秋風鼓角城頭落日旌旗少年鞍馬適相宜從軍樂莫問所從誰候騎纔通冀北先聲已動遼西歸期猶及柳依依春閨月紅袖不須啼

青玉案

代贈欽叔所親樂府憚生

苧蘿坊裏青驄駐愛鸚鵡垂簾語一捻嬌春能幾許寒梅欲動小桃初放恰是關心處西城流水東城雨綠

元好問 王予可 鄧千江

葉成陰慣相誤只恐韶華容易去一聲金縷一尊芳酒
且為花枝住

王予可 字南雲
吉州人

生查子

夜色靜明河風好來千里水殿謫仙人皓齒清歌起
前聲金學中後調銀河底一夜嶺頭雲遶遍樓前水

鄧千江 臨洮人

望海潮 獻張六太尉

雲雷天塹金湯地險名藩自古臯蘭營屯繡錯山形米
聚襟喉百二秦關鏖戰血猶殷見陣雲冷落時有雕盤

靜塞樓頭曉月依舊玉弓彎 看看定遠西還有元戎

聞令上將齋壇區脫晝空兜鈴夕解甘泉又報平安吹

笛虎牙間且宴陪珠履歌按雲鬟招取英靈毅魄長繞

賀蘭山 陶九成云近世所謂大曲蘇小蝶戀花蘇東

軒摸魚子 吳彥高春草碧蔡伯堅石州慢張子野天仙

子朱淑真生查子 鄧千江望海潮

詞綜卷二十六調名

青玉案 完顏

尉遲杯 蔡

春從天上來

減字木蘭花 高 韓

虞美人 李

浣溪沙 劉 王

蝶戀花 段

烏夜啼 劉

梅花引 又名貧也樂 高

漁父詞

風流子 吳

人月圓

鷓鴣天 劉 元

望海潮 趙 折 鄧

訴衷情 王

百字令

喜遷鶯 王

感皇恩 韓 党

賀新郎

月上海棠党

天香景

南歌子趙

大江西上曲高

水調歌頭元

大江東去段

洞仙歌李

謁金門

木蘭花慢元

青杏兒趙

水龍吟王

鳳棲梧

春草碧李

漁家傲段

望月婆羅門引段

滿江紅李

摸魚兒

點絳脣

最高樓

玉漏遲

江神子

鵲橋仙

清平樂

點絳脣

青玉案

石州慢

臨江仙

太常引

邁陂塘即摸魚兒

江月晃重山

生查子王

詞綜卷二十七

元詞七十首

許衡一首

耶律楚材一首

燕公楠一首

程鉅夫四首

劉敏中一首

仇遠三首

王恽八首

劉因三首

張弘範一首

劉秉忠一首

許謙一首

盧摯一首

楊果一首

李冶三首

張可久四首

趙孟頫五首

許衡

梁曾一首

馮子振四首

白無咎一首

陳孚二首

汪宗臣一首

姚雲文四首

詹正四首

吳澄一首

應法孫一首

喬吉一首

李琳二首

何繼高一首

陳深一首

劉忠之一首

歐陽元三首

王連三首

許

衡字仲平河內人
被召為京北提學累官集賢
大夫司徒謚文正加祭酒領太史院事贈榮祿大
魏國公從祀孔子廟庭有魯齋先生集

滿江紅 別大名親舊

河上徘徊未分袂
孤懷先怯
中年後此般憔悴怎禁離
別淚苦滴成襟
畔溼愁多
擁就心頭
結倚東風搔首謾
無聊情難說
黃卷在消白日
青鏡裏增華髮
念歲寒
交友故山烟月
虛負人生
歸去好
誰知美事難雙得
計從今佳會幾何時
長相憶

張弘範

字仲疇定興人官至鎮國上將軍江東道宣
慰使贈銀青榮祿大夫平章政事謚武略加
贈太師開府儀同三司上柱國齊國公改
謚忠武延祐中追封淮陽王更謚獻武

臨江仙 憶舊

千古武陵溪上路
桃源流水潺潺
可憐仙侶剩濃歡
黃

鷓鴣夢破青鳥喚春還 回首舊遊渾不見蒼烟一片
荒山玉人何處倚闌干紫簫明月底翠袖暮雲寒

耶律楚材字晉卿遼東丹王後入元累官中書省贈太師封廣寧王諡文正有湛然居士集

鷓鴣天 題七真洞

花氣傾顏事已遷浩歌遙望意茫然江山王氣空千劫
桃李春風又一年 橫翠嶂架寒烟野花平碧怨啼鶯
不知何限人間夢併觸沈思到酒邊

劉秉忠

字仲晦邢州人少為僧隨其師海雲入見世祖遂留之從代宗時人為稱書記至元初拜光祿大夫位太保參預中書省事卒贈太師封趙國公諡文貞成宗時加贈太師諡文正仁宗時進封常山王有藏春散人集

乾荷葉

乾荷葉色蒼蒼老柄風搖蕩減清香越添黃都因昨夜
一番霜寂寞秋江上

燕公楠

字國材江州人至元初辟贛州通判累官資德大夫湖廣行中書省右丞有五峯集

摸魚兒

答程雪樓見壽

又浮生平頭六十登樓悵望荆楚出山小草成何事閑
却竹烟松雨空自許早掞落江潭一似琅琊樹蒼蒼天
路謾伏櫪心長銜圖志短歲晏欲誰與 梅花賦飛墮
高寒玉宇鐵腸還解情語英雄操與君侯耳過眼羣兒
誰數霜鬢縷祇夢聽枝頭翡翠催歸去清觴飛羽且細

酌盱泉酣歌郢雪風致美無度

許謙字益之金華人受業金履祥之門累薦不起至元三年卒賜諡文懿學者稱白雲先生有白雲集

蜨戀花 正月十一日

楊柳池塘春信早簾卷東風猶帶餘寒峭煖透博山紅

霧繞洞簫扶起歌聲杳 初試花冠金鳳小鬢亂釵橫

長怯傍人笑銀燭未殘樽未倒雞聲漏水頻催曉

程鉅夫原名文海避武宗諱以字行其先休立人後徙居郢至鉅夫始遷建昌仕世祖官翰林學士承旨贈光祿大夫追封楚國公諡文憲有雪樓集詞一卷

摸魚兒 壽燕五峯右丞

記江梅向來輕別相逢今又平楚東風小試南枝煖早

已千林烟雨春幾許向五老仙家移下瓊瑤樹溪橋驛

路更月曉隄沙霜秋野水疎影自容與 平生事幾度

含章殿宇隔花么鳳能語苔枝天矯蒼龍瘦誰把冰鬚

細數千萬縷簇一點芳心待與和羹去移官換羽且度

曲傳觴主人花下今日慶初度

又 次韻盧疏齋題歲寒亭

問疎齋湘中朱鳳何如江上鸚鵡波寒木落人千里客

裏與誰同住茅屋趣吾自愛吾亭更愛參天樹勞君為

賦渺雪鴈南飛雲濤東下歲晏欲何處 疎齋老意氣

經文緯武平生握手相許江南江北尋芳路共看碧雲
來去黃鶴舉記我度秦淮君正臨清句宣城水名歌聲緩與
怕徑竹能醒庭花起舞驚散夜來雨

點絳脣 送王蓋臣

綠鬢青雲王郎故是乘驄侶阿龍風度想在烏衣住

帶得春來又共春歸去江頭路美人何處官柳吹風絮

清平樂

西野使君自遼左寄詩詞至灤陽猥承見及次韻代訊

新來酒戶想勝看花處帶得春行平壤路同笑同歌同

住灤陽却近山家芒鞋夜夜丹霞流水落花歸思蒼

烟白石生涯

盧

摯

字處道號疎齋涿州人仕至翰林學士元初稱能詩者以劉因盧摯為首有疎齋集

摸魚兒

題雪樓先生歲寒亭詩卷

為君歌歲寒亭子無煩洲畔鸚鵡江山勝槩風霜地要

近魯東家住丘壑趣應素愛昂霄老柏孤松樹登高作

賦想白雪陽春碧雲日暮別有倚樓處金閨彥尚憶

西清接武年來喬木如許團茅時復羲皇上我醉欲眠

卿去歌欲舉還自悟君家琢就瓊瑤句疎齋試與倩倚

竹佳人湘絃赴節涼滿北窗雨

劉敏中

章丘人至元中為監察御史累遷翰林學士承旨卒諡文簡有中齋集

點絳脣

寄程雪樓

短夢驚回北窗一陣芭蕉雨雨聲還住斜日明高樹
起望行雲送雨前山去山如霧斷虹猶怒直入山深處

楊

果字正卿號西菴蒲陰人金正大中進士路元
為北京宣撫使拜參知政事出為淮孟路總

摸魚兒

同遺山賦鴈丘

悵年年鴈飛汾水秋風依舊蘭渚網羅驚破雙棲夢孤
影亂翻波素還碎羽算古往今來只有相思苦朝朝暮
暮想塞北風沙江南烟月爭忍自來去埋恨處依約
并門舊路一丘寂寞寒雨世間多少風流事天也有心
相妒休說與還却怕有情多被無情誤一杯會舉待細

讀悲歌滿傾清淚為爾醉黃土

仇

遠

字仁近錢塘人官溧陽州儒學教授一時遊
其門者若張雨張翥莫維賢皆有名當世所
著有山村集

生查子

釵頭綴玉蠶耿耿東窗曉京洛少年遊猶恨歸來早
寒食正梨花古道多芳草今夜試青燈依舊雙花小

齊天樂

賦蟬

夕陽門巷荒城曲清音早鳴秋樹薄剪綃衣涼生鬢影
獨飲天邊風露朝朝暮暮奈一度淒吟一番淒楚尚有
殘聲暮然飛過別枝去齊官往事謾省行人猶與說

當時齊女兩歌空山月籠古柳彷彿舊曾聽處離情正
苦甚嬾拂冰箋倦拈琴譜滿地霜紅淺莎尋蛻羽

八犯玉交枝 招寶山觀月上

滄島雲連綠瀛秋入暮景却沈洲渚無浪無風天地白
聽得潮生人語擊空孤柱翠倚高閣憑虛中流蒼碧迷
烟霧惟見廣寒門外青無重數 不知是水是山不知
是樹漫漫知是何處倩誰問浚波輕步謾凝睇乘鸞秦
女想庭曲霓裳正舞莫須長笛吹愁去怕喚起魚龍三
更噴作前山雨

李

冶字仁卿欒城人金進士辟知鈞州事城潰微
服北渡流落忻崞間世祖聞其賢召之未仕

邁陂塘

晚家封龍山下至元初再以學士召
就職暮月以老病辭去有敬齋集
和元遺山鴈丘

鴈雙雙正分汾水回頭生死殊路天長地久相思債何
似眼前俱去推勁羽倘萬一幽冥却有重逢處詩翁感
遇把江北江南風嘹月唳并付一丘土 仍為汝小草
幽蘭麗句聲聲字字酸楚拍江秋影今何在宰木欲迷
隄樹霜魂苦算猶勝王嬙青冢真娘墓憑誰說與對鳥
道長空龍艘古渡馬耳淚如雨

又

大名有男女以私情不遂赴水者後三日二尸
相携出水濱是歲陂荷俱並蒂

為多情和天也老不應情遽如許請君試聽雙燕怨方

見此情真處誰點注香激灑銀塘對抹胭脂露藕絲幾
縷絆玉骨春心金沙曉淚漠漠瑞紅吐連理樹一樣
驪山懷古古今朝暮雲雨六郎夫婦三生夢幽恨從來
間阻須念取共鴛鴦翡翠照影長相聚秋風不住悵寂
寞芳魂輕烟北渚涼月又南浦

鷓鴣天

此中秋同遺山飲倪文仲家蓮花白醉中賦

太乙滄波下酒星露醺秘訣出仙局情知天上蓮花白
壓盡人間竹葉青迷晚色散秋馨兵厨曉溜玉泠泠

楚江雲錦三千頃笑殺靈均語獨醒

王

暉字仲謀汲縣人官至翰林學士嘉議大夫累進中奉大夫贈翰林學士承旨資善大夫追

封太原郡公謚文定有秋澗集詞四卷

春從天上來

見故宮人感賦

羅綺深宮記紫袖雙垂當日昭容錦封香重彤管春融
帝座一點雲紅正臺門事簡更捷奏清晝相同聽鈞天
侍瀛池內宴長樂歌鐘回頭五雲雙闕恍天上繁華
玉殿珠櫳白髮歸來昆明灰冷十年一夢無踪寫杜娘
哀怨和淚點彈與孤鴻淡長空看五陵何似無樹秋風

點絳脣

送董秀才西上

楊柳青青玉門關外三千里秦山渭水未是消魂地
坦卧東牀恐減風雲氣功名際願君著意莫搵春閨淚

水龍吟 賦秋日紅梨花

纖苞淡貯幽香玲瓏輕鎖秋陽麗仙根借煖定應不待
荆王翠帔瀟灑輕盈玉容渾是金莖露氣甚西風宛轉
東欄暮雨空點綴真妃淚 誰遣司花妙手又一番角
奇爭異使君高卧竹亭閑寂故來相慰燕几螺屏一枝
披拂繡簾風細約洗妝快瀉玉屏芳酒枕秋蟾醉

平湖樂

採蓮人語隔秋烟波靜如橫練入手風光莫流轉共留
連 畫船一笑春風面江山信美終非吾土問何日是
歸年

又

秋風湖上水增波水底雲陰過憔悴湘纍莫輕和且高
歌 凌波幽夢誰驚破佳人望斷碧雲暮合道別後意
如何

又

安仁雙鬢已驚秋更甚眉頭皺一笑相逢且開口玉為
舟 新詞淡似鶯黃酒醉歸扶路竹西歌吹人道似揚
州

又

秋風嫋嫋白雲飛人在平湖醉雲影湖光淡無際錦屏

五 憚 張可久
圍 故人遠在千山外百年心事一樽濁酒長使此心
違

後庭花破子 晚眺臨武堂

綠樹遠連洲青山壓樹頭落日高城望烟霏翠滿樓木
蘭舟彼汾一曲春風佳可遊

張可久

字伯遠號小山慶元人以路
吏轉首領有小山樂府二卷

風入松 九日

哀箏一抹十三絃飛鴈隔秋烟携壺莫道登臨晚雙雙
燕為我留連仙客玲瓏玉樹佳人窄索金蓮 琅琅新
雨洗湖天小景六橋邊西風潑眼山如畫有黃花休恨

無錢細看茱萸一笑詩翁健似當年

人月圓

春日次韻

羅衣還怯東風瘦不似少年游匆匆塵世看看鏡裏白
了人頭 片時春夢十年往事一點閒愁海棠開後梨
花暮雨燕子空樓

又 客吳江

三高祠下天如鏡山色浸空濛尊羹張翰漁舟范蠡茶
竈龜蒙 故人何在前程莫問心事誰同黃花庭院青
燈夜雨白髮秋風

又 吳門懷古

山藏金虎雲藏寺池上老梅枝洞庭歸興香柑紅樹鱸
膾銀絲 白家亭館吳宮花草可似當時最憐人處啼
烏夜月猶怨西施

劉

因

字夢吉容城人至元中徵授承德郎右贊善大夫以母疾歸尋以集賢學士嘉議大夫固辭卒贈翰林學士資善大夫護軍追封容城郡公諡文靖有靜脩集詞一卷

木蘭花

未開常探花開未又恐纔開風雨至花開風雨不相妨
為甚不來花下醉 今年休作明年計明日已非今日
事春風欲勸坐中人一片落紅當眼墜

鵲橋仙

喜雨

紆干生處幾時飛去欲去被天留住野人得飽更無求
滿意看一犁春雨 田家作苦濁醪釀黍準備歲時歌
舞不妨分我一豚蹄更試聽清秋社鼓

風中柳

飲山亭留宿

我本漁樵不是白駒空谷對西山悠然自足北窗疎竹
南窗叢菊愛村居數間茅屋 風烟草屨滿意一川平
綠問前溪今朝酒熟幽泉歌曲清泉琴筑欲歸來故人
留宿

趙孟頫

字子昂宋太祖子秦王德芳之後四世祖伯圭賜第湖州遂為湖州人宋末為真州司戶

參軍至元中以程鉅夫薦入見授兵部郎中累官翰林學士承旨榮祿大夫卒追封魏國

公謚文敏有
松雪詞一卷
邵復孺云公以承平王孫而嬰世變黍離之
悲有不能忘情者故長短句深得騷人意度

後庭花破子

清溪一葉舟芙蓉兩岸秋採菱誰家女歌聲起暮鷗亂
雲愁滿頭風雨帶荷葉歸去休

蝶戀花

儂是江南遊冶子烏帽青鞋行樂東風裏落盡楊花春
滿地萋萋芳草愁千里扶上蘭舟人欲醉日暮青山
相映雙蛾翠萬頃湖光歌扇底一聲吹下相思淚

虞美人 浙江舟中作

潮生潮落何時了斷送行人老消沈萬古意無窮盡在
長空澹澹鳥飛中 海門幾點青山小望極烟波渺何
當駕我以長風便欲乘桴浮到日華東

浣溪沙

李叔固丞相會間贈歌者貴貴

滿捧金卮低唱詞樽前再拜索新詩老夫慚愧鬢成絲
羅袖染將修竹翠粉香須上小梅枝相逢不似少年

時

浪淘沙

今古幾齊州華屋山丘杖藜徐步立芳洲無主桃花開
又落空使人愁 沙上往來舟萬事悠悠春風曾見昔

人遊惟有石橋橋下水依舊東流

梁

曾

字貢父燕人以薦起歷官湖南宣慰司副使
改授淮南宣慰司副使兩使安南授吏部尚書
文館大學士資德大夫

木蘭花慢

西湖送春

問花花不語為誰落為誰開算春色三分半隨流水半
入塵埃人生能幾歡笑但相逢尊酒莫相推千古幕天
席地一春翠繞珠圍彩雲回首暗高臺烟樹渺吟懷
揉一醉留春留春不住醉裏春歸西樓半簾斜日怪銜
春燕子却飛來一枕青樓好夢又教風雨驚回

馮子振

字海粟攸州人仕為承事郎
集賢院待制自號瀛洲客

鷓鴣天

贈歌兒珠簾秀

十二闌干映遠眸醉香空斷楚天秋
鰕鬚影薄微微見龜背紋輕細細浮
香霧斂翠雲收海霞為帶玉為鈎
夜來捲盡西山雨不著人間半點愁

鸚鵡曲

和白无咎韻

巍峨峰頂移家住旦暮見上下樵父爛柯時
樹老無花葉葉枝枝風雨故人曾喚我歸來却道不如休去指
門前萬疊青山是不費青蚨買處

黑漆弩

正宮

錢塘初夏

錢塘江上親曾住司馬樵不是村父縷金衣唱徹流年

幾陣紗窗梅雨 夢回時不見犀梳燕子又銜春去便
人間月缺花殘是小小香魂斷處

又 溪山小景

長繩短繫虛名住傾濁酒 勸鄰父草亭前矮樹當門
畫出輕烟疎雨 看燕南陌上紅塵馬耳北風吹去一
年年月夜花朝自占取溪山好處

白無咎

百字折桂令

傲裘塵土壓征鞍鞭絲倦裊蘆花弓劍蕭蕭一徑入烟
霞動羈懷西風木葉秋水蒹葭千點萬點老樹昏鴉三

行兩行寫長空啞啞鴈落平沙 曲岸西邊近水灣漁
網綸竿釣槎斷橋東壁傍溪山竹籬茅舍人家滿山滿
谷紅葉黃花正是淒涼時候離人又在天涯

陳

孚

太常引

字剛中臨海人至元中官翰林待制兼國史
院編修繼出為台州路總管府治中有集
端陽日當母誕不得歸

綵絲堂上簇蘭翹記生母在今朝無地捧金蕉奈烟水
龍沙路遙 碧天迢遞白雲何處風急雨瀟瀟萬里夢
魂消待飛逐錢唐夜潮

又

短衣孤劍客乾坤奈無策報親恩三載隔晨昏更疎雨

寒燈斷魂 赤城霞外西風鶴髮猶想倚柴門蒲醅謾
盈尊倩誰寫青衫淚痕

汪宗臣

字公輔號紫巖婺源人與方虛谷交善有集四卷

蝶戀花 清明前兩日聞燕

年去年來來去早怪底不來庭院春光老知向誰家翻
別調家家望斷飛踪杳 千里瀟湘烟渺渺不記雕梁
舊日恩多少逼近清明纔一到故巢猶在朱檐曉

姚雲文

字聖瑞高安人宋咸淳進士入元授承直郎撫建兩路儒學提舉有江村遺稿

摸魚兒 艮岳

渺人間蓬瀛何許一朝飛入梁苑輞川梯洞層崖出猶

帶鬼愁龍怨窮遊宴談笑裏金風吹折桃花扇翠華天
遠悵莎沼螢粘錦屏烟合草露泣蒼蘚 東華夢好在
牙檣瑠瓊畫圖歷歷曾見落紅萬點孤臣淚斜日牛羊
春晚摩雙眼看塵世鼇宮又報鯨波淺吟鞭拍斷便乞
與媧皇化成精衛填不盡遺憾

紫萸香慢 九日

近重陽偏多風雨絕憐此日暄明問秋香濃未待携客
出西城正自羈懷多感怕荒臺高處更不勝情向樽前
又憶漉酒插花人只坐上已無老兵 淒清淺醉還醒
愁不肯與詩平記長楸走馬雕弓摧柳前事休評紫萸

一枝傳賜夢誰到漢家陵儘烏紗便隨風去要天知道
華髮如此星星歌罷涕零

玲瓏玉 半閒堂賦春雪

開歲春遲早贏得一白瀟瀟風窗浙簌夢驚錦帳春嬌
是處韶裘透煖任尊前回舞紅倦柔腰今朝虧陶家茶
鼎寂寥 料得東皇戲劇怕蛾兒街柳先鬪元宵宇宙
低迷倩誰分淺亞深凹休嗟空花無據便真箇瓊雕玉
琢總是虛飄且沈醉趁樓頭零片未消

齊天樂

柳花引過橫塘路縈回曲蹊通圃插槿編籬挨梅砌石

次第海棠成鴉吟筇獨拄待尋訪斜橋水邊窺戶已約
青山雲深不礙客來處 繁華閱人無數問舊日平原
君還知否啼鳥窗幽晝陰人寂慵困不如飛絮匆匆燕
語似迎得春來且留春住惜取名花一枝堪寄與

詹 正 一作玉字可大別號天

霓裳中序第一 至元間監醮長春宮見羽士文室
寶四字有感因賦 似秋葉背有金刻宣和御

一規古蟾魄瞥過宣和幾春色知那箇柳鬆花怯曾搓
玉團香塗雲抹月龍章鳳刻是如何兒女消得便孤了
翠鸞何限人更在天北 磨滅古今離別幸相從薊門

仙客蕭然林下秋葉對雲淡星疎眉青影白佳人已傾
國謾贏得癡銅舊畫興亡事道人知否見了也華髮

三姝媚

古衛舟子謂曾載錢唐宮人

一篷兒別若是誰家花天月地兒女紫曲藏嬌慣錦窠
金翠玉璫鐘呂綺席傳宣笑聲裏龍樓三鼓歌扇題詩
舞袖籠香幾曾塵土因甚留春不住怎知道人間匆
匆今古金屋銀屏被西風吹換蓼汀蘋渚如此江山應
悔却西湖歌舞載取斷雲何處江南烟雨

齊天樂

贈童甕天兵後歸杭

相逢喚醒京華夢吳塵暗斑吟髮倚擔評花認旗沽酒

歷歷行歌奇迹吹香弄碧有坡柳風情逋梅月色畫鼓
紅船滿湖春水斷橋客當時何限俊侶甚花天月地
人被雲隔却載蒼烟更招白鷺一醉修江又別今回記
得再折柳穿魚賞花催雪如此湖山忍教人更說

清平樂

醉紅宿翠髻鞦烏雲隊管是夜來渾不睡那更今朝早
起東風滿搦腰肢階前小立多時却恨一番新雨想
應溼透鞋兒

吳

澄

字幼清崇安人仕至翰林學士追封臨川

渡江雲

揭浩齋送春和韻

名園花正好嬌紅帶白百態競春妝笑痕添酒暈豐臉
凝脂誰與試鉛霜詩朋酒伴趁此日流轉風光儘夜遊
不妨秉燭未覺是疎狂 茫茫一年一度爛熳離披似
長江去浪但要教啼鶯語燕不怨盧郎問春春道何曾
去任蜂蝶飛過東牆君看取年年潘令河陽

應法孫 字堯成
號芝室

霓裳中序第一 和周草窗韻

愁雲翠萬疊露柳殘蟬空抱葉簾卷流蘇寶結乍庭戶
嫩涼闌干微月玉纖勝雪委素紈塵鎖香篋思前事鶯
期燕約寂寞向誰說 悲切漏籤聲咽漸寒地蘭缸未

滅良宵長是間別恨酒凝紅綃粉浣瑤玦鏡盟鸞影缺
吹怨笛西風數闋無言久和衣成夢睡損縷金蝶

喬吉 字夢符太原人有
猩猩道人樂府一卷

天淨沙

一從鞍馬西東幾番衾枕朦朧薄倖雖來夢中爭如無
夢那時真箇相逢

李琳 號梅谿
長沙人

六么令 京中清明

淡烟疎雨香逕渺啼鴉新晴畫簾閑卷燕外寒尤力依
約天涯芳草染得東風碧人間陳迹斜陽今古幾縷遊

絲趁飛蝶 誰向尊前起舞又覺春如客翠袖折取
紅笑與簪華髮回首青山一點簷外寒雪豐梨花著雨
柳花飛絮夢繞闌干滿園雪

木蘭花慢

汴京

藥珠仙馭遠橫羽葆簇蛺旌甚鸞月流輝鳳雲布彩翠
繞蓬瀛舞衣怯環珮冷問梨園幾度沸歌聲夢裏芝田
八駿禁中花漏三更 繁華一瞬化飛塵輦路劫灰平
悵碧減烟綃紅凋露粉寂寞秋城興亡事空陳迹只青
山淡淡夕陽晴未向沙鷗說得柳風吹上旗亭

何繼高

字左昌至正八年
進士知嵩明州

採桑子

醉歸那忍旋分手竹屋燈明石鼎茶聲坐久聽來酒力
輕 粉箋染就芙蓉滑小句初成轉自淒清寒逼春衫
欲二更

陳深

字子微吳郡人與趙
孟頫錢舜舉同時

虞美人

題玉環玩書圖

玉搔斜壓烏雲墮敲枕看書臥開元天子惜娉婷一笑
嫣然何事便傾城 馬嵬風雨歸時路香骨銷黃土多
情誰寫畫圖中江水江花千古恨無窮

劉忠之

太常引 送郭復齋

陳深 劉忠之 歐陽元

少年南北快飛騰，身到處有佳聲。夙社化纜行，又出使
餘杭故城。春風滿路隄邊，楊柳難繫去，留情何處望
雙旌。泛千里孤舟月明。

歐陽元

字原功，瀏陽人。從張貫之學。延祐元年，以尚書與貢明年賜進士累官翰林學士承旨。進階光祿大夫，追封楚國公。諡。

漁家傲

五月都城猶衣袂，端陽蒲酒新開。臘月傍西山青一搯
荷花夾西湖，近歲過蒼雪。血色金羅輕汗，搦宮中盡
扇傳油法，雪腕綵絲紅。玉甲添香，鴨涼糕時候，秋生榻

又

八月都城新過鴈，西風偏解驚游宦。十載辭家衣線綻
清宵半家家，擣練砧聲亂。等待中秋明月，翫客中只
作家中看秋草，牆頭螢火暗。疎鐘斷鄰雞喚起，情何限
又

十月都城家百蓄，霜菘雪韭冰蘆葍。煖炕煤爐香豆熟
燔獐鹿，高昌家賽羊頭福。貂袖豹祛，銀鼠襪美人來
往。羶車續花戶，油窗通曉旭。回寒燠，梅花一夜開金屋

王

連

字國器，吳興人。趙文敏婿。

菩薩蠻

題黃子久溪山雨意圖

青山不趁江流去數點翠收林際雨漁屋遠模糊江村
半有無一峰飛醉墨秋與天爭碧淨洗綺羅塵一巢
棲亂雲

踏莎行 沐髮

寶鑑凝膏溫泉流膩瓊纖一把青絲墜冰膚淺漬麝煤
春花香石髓和雲洗玉女峰前咸池月底臨風細把
犀梳理陽臺行雨乍歸來羅巾猶帶瀟湘水

又 破窗風雨為性初徵君賦

潤逼疎櫺寒侵芳袂梨花寂寞重門閉檢書剪燭話巴
山秋池回首人千里 記得彭城逍遙堂裏對牀夢破

簷聲碎林鳩呼我出華胥恍然枕石聽流水

詞綜卷二十七調名

滿江紅

許

臨江仙

張

鷓鴣天

耶律

李

馮

乾荷葉

劉

摸魚兒

燕揚

程

盧

姚

蝶戀花

許

趙

汪

點絳脣

程

劉

王

清平樂

詹

八犯玉交枝

仇

齊天樂

姚

詹

生查子

春從天上來

王

水龍吟

平湖樂

後庭花破子

趙

風入松

張

人月圓

木蘭花

劉

慢字

梁

李作加

鵲橋仙

虞美人 趙 陳

浪淘沙

黑漆弩 即鸚鵡曲

太常引 陳 劉

玲瓏玉

三姝媚

天淨沙 喬

採桑子 何

菩薩蠻 王

風中柳

浣溪沙

鸚鵡曲 馮

百字折桂令 白

紫萸香慢 姚

霓裳中序第一 詹 應

渡江雲 吳

六么令 李

漁家傲 歐陽

踏莎行

詞綜卷二十八

元詞六十八首

趙 雍 八首

羅志仁 四首

趙 文 三首

周 景 一首

蕭 列 一首

王學文 三首

危復之 一首

劉景翔 一首

彭元遜 四首

韋居安 一首

宋 遠 一首

劉將孫 一首

司馬昂父 一首

彭芳遠 一首

顏子俞 一首

吳元可 二首

劉鉉一首

黃子行五首

李裕翁一首

劉天迪三首

尹公遠一首

李天驥一首

周孚先二首

王從叔一首

彭泰翁一首

戴山隱一首

蕭允之四首

彭履道一首

段弘章一首

周伯陽一首

曾允元五首

劉應幾一首

尹濟翁一首

蕭漢傑一首

趙功可一首

姜介翁一首

趙

雍字仲穆文敏
之子官待制

玉珥墜金環

乳燕交飛曉鶯輕囀花深處畫堂簾幕捲東風晴雪飄
香絮猶記當時院宇悄寒輕梨花暮雨繡衾同夢鴛鴦枕
雙敲綠窗低語春已闌珊落紅飄滿西園路強拈針
線解春愁只是無情緒無奈年華暗度黛眉顰柔腸萬
縷章臺人遠芳草和烟萋萋南浦

又

新綠成陰落紅如雨春光晚當年誰與種相思空羨雙
飛燕寂寞幽窗孤館念同遊芳郊秀苑香塵隨馬細草

承輪都成腸斷 別久情深幾時重約間庭院高樓終
日卷珠簾極目愁無限莫恨藍橋路遠有心時終須再
見休教長怨鏡裏孤鸞篋中團扇

攤破浣溪沙

春草萋萋綠漸濃梨花落盡晚來風試問相逢何處好
小樓東 朱箔影移無限恨玉簫聲轉曲將終獨倚闌
干誰是伴月明中

水調歌頭

春色去何急春去尚微寒滿地落花芳草漸覺綠陰圓
馬足車輪情味暑往寒來歲月擾擾十餘年贏得朱顏
老孤負好林泉 寶妝鞍金作鐙玉為鞭須臾得志紛
華滿眼縱相漫功名自來無意富貴浮雲何濟於我亦
徒然萬事付一笑莫放酒盃乾

江城子

仙肌香潤玉生寒悄無言思綿綿無限柔情分付與春
山青鳥能傳雲外信憑說與帶圍寬 花梢新月幾時
圓再團圓是何年可是當初真箇兩無緣極目故人天
際遠多少恨凭闌干

浣溪沙

楊柳樓臺鎖翠烟楊花簾幕撲香綿佳人何處隔江山

芳草已生千里恨玉笙吹徹五更寒夜深和淚倚闌

干

憶秦娥

按趙待制遺藁此詞梨花白天涯客下皆有疊句

春寂寂重門半掩梨花白芳心如醉暗思當日金釵
欲墮烏雲側佳人望斷天涯客今年又過清明寒食

人月圓

人生能幾渾如夢夢裏奈愁何別時猶記眸盈秋水淚
溼春羅綠楊臺榭梨花院宇重想經過水遙山遠魚
沈鴈杳分外情多

彭元遜

字翼吾廬陵人

漢宮春

元夕

十日春風又一番調弄怕煖愁陰夜來風雨搖得楊柳
黃深薰篝未斷夢舊寒殘醉同衾便是聞燈見月看花
對酒驚心携手滿身花影香霏冉冉露溼羅襟笙歌
行人歸去回首沈沈人間此夜誤春光一刻千金明日
問紅中青鳥蒼苔自拾遺簪

玉女迎春慢

柳

纔入新年逢人日拂拂淡烟無雨葉底妖禽自語小啄
幽香還吐東風辛苦便怕有踏青人誤清明寒食消得
渡江黃翠千縷看臨小帖宜春填輕暈溼碧花生霧

為說釵頭裊裊繫著輕盈不住問郎留否似昨夜教成
鸚鵡走馬章臺憶得畫眉歸去

子夜歌 和劉尚友韻

視春衫篋中半在浥浥酒痕花露恨桃李隨風吹盡夢
裏故人如霧臨穎美人秦川公子却共何人語對誰家
花草池臺回首故園咫尺未成歸去 昨宵聽危絃急
管酒醒不知何處漂泊情多衰遲感易無限堪憐許似
尊前眼底紅顏消幾寒暑年少風流未諳春事追與東
風賦待他年君老巴山共君聽雨

解珮環

江空不渡恨靡蕪杜若零落無數遠道荒寒婉婉流年
望望美人遲暮風烟雨雪陰晴晚更何須春風千樹盡
孤城落木蕭蕭日夜江聲流去 日晏山深聞笛恐他
年流落與子同賦事闊心違交淡媒勞蔓草沾衣多露
汀洲窈窕餘醒寐遺珮浮沈澧浦有白鷗淡月微波寄
語逍遙客與

羅志仁 號壺秋
涂川人

霓裳中序第一 四聖觀

來鴻又去燕看罷江潮收畫扇謾湖曲雕欄倦倚正船
過西陵快篙如箭凌波不見但陌花遺曲淒怨孤山路

晚蒲病柳淡綠鎖深院 離恨五雲宮殿記舊日曾遊
翠輦青紅如寫便面悵下鵲池荒放鶴人遠粉牆隨岸
轉漏壁瓦殘陽一線蓬萊夢人間那信坐看海濤淺

風流子 泛湖

歌咽翠眉低湖船客尊酒謾重携正斷續齋鐘高峯南
北飄零野褐太乙東西淒涼處翠連松九里僧馬蹶障
泥菖嶺樓臺夢隨烟散吳山宮闕恨與雲齊 靈峯飛
來久飛不去有落日斷猿啼無限風荷廢港露柳荒畦
歎岳公英骨麒麟舊冢坡仙吟魄鶯燕長隄欲弔梅花
無句素壁慵題

金人捧露盤 錢唐懷古

溼苔青妖血碧壞垣紅怕精靈來往相逢荒烟瓦礫寶
釵零亂隱鸞龍吳峯越巘翠嶺鎖若為誰容 浮屠換
朝陽殿僧磬改景陽鐘興亡事淚老金銅驪山廢盡更
無宮女說元宗海濤落月魚聲起滿眼秋風

虞美人 淨慈尼

君王曾惜如花面往事多恩怨霓裳和淚換袈裟又送
鸞輿北去聽琵琶 當年未削青螺髻知是歸期未天
花交室萬緣空結綺臨春何處淚痕中

韋居安 號梅澗

摸魚兒

繞茗城水平波渺雙湖遙睇無際就中惟有漁灣好占
得西關佳致楊柳外羨汎宅浮家當日元真子溪山信
美歎陳迹猶存前賢已往誰會景中意 蕭閑甚築屋
三間近水汀洲香汎蘭芷清風明月知多少肯滯軟紅
塵裏垂釣餌趁春水生時賸有桃花魚鱖煩襟淨洗待
取輕蓑來分半席相對弄清泚

趙

文

字儀可號青山廬陵人東湖書院山長

八聲甘州

和孔瞻懷信國公韻因念亦周弟

是去年春草又萋萋塵生縷金衣悵朱顏為土白楊堪

柱燕子誰依謾說漫漫六合無地著相思遼鶴歸來後
城亦全非 更有延平一劔向風雷半夜何處尋伊怪
天天何物堪作玉彈棋到今年無腸堪斷向清明獨自
掩荆扉何堪又禽聲杜宇花事酴醾

瑞鶴仙

劉氏園柳

綠楊深似雨西湖上舊日愁絲恨縷風流似張緒羨春
風依舊年年眉嬾宮腰楚楚倚畫欄曾鬪妙舞想如今
似我零落天涯却悔相妒 痛絕長秋別後楊白花飛
舊腔誰譜年光暗度淒涼孰訴記菩提寺路段家橋水
何時重到夢處况柔條老去爭奈繫春不住

塞翁吟

坐對梅花笑還記初度年時名利事總成非謾老矣何
為吳山夜月閩山霧回首鬢影如絲懶更問斗牛箕強
憑醉成詩 閑思嗟漂泊浮雲飛絮曾跌蕩春風柘枝
便萬里金臺築就已長分采藥龐公誓墓義之百年政
爾一笑樽前兒女牽衣

宋

遠字梅洞
涂川人

意難忘

同滕玉霄周秋陽劉尚友蕭高峯邂逅古
洪題樟鎮華光閣誌別分韻得重字

雞犬雲中笑種桃道士虛費春風山城看過鴈春水夢
為龍雲上下燕西東久別各相逢向夜深江聲浦樹燈

影漁篷

舊遊新恨重重便十分談笑一樣飄蓬元經

擢意氣丹鼎賺英雄年易老世無窮春事苦匆匆更與

誰題詩藥市沽酒新豐

周

景

字秋陽
南陽人

水龍吟

前題得細字

人生能幾相逢百年四海為兄弟舊時青眼今番白髮
年華隕涕春更無情拋人先去楊花無蒂况江程漸短
別期漸緊須重把蘭舟繫 幸自清江如砥指黃壚流
鶯聲細滄波如許平蕪何處明朝迢遞何預興亡不如
休去牆陰桃薺且相期共看蓬萊清淺更三千歲

劉將孫字尚友廬陵人辰翁子

憶舊遊前題得論字

正落花時節憔悴東風綠滿愁痕悄客夢驚呼伴侶斷
鴻有約回泊歸雲江空共道惆悵夜雨隔篷聞儘世外
縱橫人間恩怨細酌休論歎他鄉異縣渺舊雨新知
歷落情真匆匆那忍別料當君思我我亦思君人生自
非麋鹿無計久同羣此去重銷魂黃昏細雨人閉門

蕭

列號高峯涂川人

八聲甘州前題得文字

可憐生飄零到荼蘼依然舊銷魂殘春幾許風風雨雨

客裏又黃昏無奈一江烟霧腥浪捲河豚身世忽如葉
那自清渾莫厭悲歌笑語奈天涯有夢白髮無根怕
相思別後無字寫回文更月明洲渚杜鵑聲裏立盡臨
分三生石情緣千里風月柴門

司馬昂父字九臯

最高樓

花信緊二十四番愁風雨五更頭侵階苔蘚迴羅韞逗
衣梅潤試香篝綠窗閒人夢覺鳥聲幽按秦箏學弄
相思調寫幽情恨殺知音少向何處說風流一絲楊柳
千絲恨三分春色二分休落花時流水裏兩悠悠

王學文

字竹澗
眉山人

摸魚兒 送汪水雲之湘

記當年舞衫零亂淋鈴忍按新闌杜鵑枝上東風晚點
點淚痕凝血芳信歇念初試琵琶曾識關山月悲絃易
絕奈笑罷顰生曲終愁在誰解寸腸結 浮雲事又作
南柯夢徹一簪聊寄華髮乾坤桑海無窮事才歷昆明
初劫誰共說都付與焦桐寫入梅花疊黃花送別休更
問湘魂獨醒何在沈醉浩歌發

綺寮怨

忽忽東風又老冷雲吹晚陰疎簾下茶鼎孤烟斷橋外

梅豆千林江南庾郎憔悴睡未醒病酒愁怎禁倚闌干
一扇涼風看平地落花如雪深 千曲囊中古琴平泉
金谷不堪舊事重尋當日登臨都化作夢銷沈元龍丘
墳無恙誰喚起共論心哀歌怨吟問何似啼鳥枝上音

柳梢青

友人至

客裏淒涼桐花滿地杜宇深山幸是君來誰教春去剪
剪輕寒 愁懷無語相看謾寫入徽絃自彈小院黃昏
前村風雨莫倚闌干

元草堂詩餘此首及前綺寮怨
一首均作趙功可詞

彭芳遠

滿江紅 聞笛

愁滿關山又吹得蘆花雪深西樓外天低水湧龍挾泓
吟回首人間無此曲數峯江上落餘音似斷雲飛絮兩
悠悠何處尋 江南路晴又陰聲韻改淚盈襟自中郎
去後羽泛商沈牛背斜陽添別恨鸞膠秋月續琴心待
醉騎黃鶴度蒼寒霜滿林

危復之 撫州人元帥郭昂薦為儒學官不就至元中
累徵不應隱紫霞山中卒私謚貞白先生

永遇樂

早葉初鶯晚風孤蜨幽思何限檐角縈雲階痕積雨一
夜苔生徧玉窗閒掩瑤琴慵理寂寞水沈烟斷悄無言
春歸無覓卷簾見雙飛燕 風亭泉石烟林薇蕨夢繞

舊時曾見江上閒鷗心盟猶在分得眠沙畔引鷓浮月
飛談卷霧莫管愁深歡淺起來倚闌干拾得殘紅一片

顏子俞 號吟竹
和人

清平樂 留王靜得

留君少住且待晴時去水鶴夜深雲外語明日棠梨花
雨 尊前不盡餘情都上鳴絃細聲二十四番風後綠
陰芳草長亭

劉景翔 號溪山
安成人

如夢令

獨立荷汀烟暮一霎錦雲香雨似為我無情驚起鴛鴦

飛去飛去飛去却在綠楊深處

吳元可

字山庭
吉安人

鳳凰臺上憶吹簫

更不成愁何曾是醉豆花雨後輕陰似此心情自可多了閒吟秋在西樓西畔秋較淺不似情深夜來月為誰瘦小塵鏡羞臨彈箏舊家伴侶記鴈啼秋水下指成音聽未穩當時自誤又况如今那是柔腸易斷人間事獨此難禁雕籠近數聲別似春禽

采桑子

江南二月春深淺芳草青時燕子來遲剪剪輕寒不滿

衣清宵欲寐還無寐顧影頻舉眉整帶心思一樣東風兩樣吹

劉鉉

字鼎
玉

烏夜啼石榴

垂楊影裏殘紅甚匆匆只有榴花全不怨東風暮雨急曉霞溼綠玲瓏比似茜裙初染一般同

蕭允之

號竹
屋

蝶戀花舟行懷舊

十幅歸帆風力滿記得來時買酒朱橋畔遠樹平蕪空日斷亂山惟見斜陽半誰把新聲翻玉筧吹過滄浪

多少傷春怨已是客懷如絮亂畫樓人更回頭看

虞美人

朱樓曾記回嬌眄滿座春風轉紅潮生面酒微醺一曲
清歌留住半牕雲大都咫尺無消息望斷青鸞翼夜
長香短燭花紅多少思量只在雨聲中

點絳脣

花徑相逢眼期心諾情如昨怕人疑著佯弄鞦韆索
知有而今何似當初莫愁難託雨鈴風鐸夢斷燈花落

瑣窗寒

細雨收塵輕陰弄日柳絲掠道桃邊杏處猶記玉驄曾

到對東風回首舊游香消艷歇無音耗悵佳人有約難
來綠遍滿庭芳草愁抱沈吟久問翠珥金鈿為何人
好回文細字塵暗當年纖縞倚闌干斜陽又西歡期易
失春易老待何時再覓芳叢共把清尊倒

黃子行

號蓬
甕

西湖月 自度商調

湖光冷浸玻璃蕩一餉薰風小舟如葉藕花十丈雲梳
霧洗翠嬌紅怯壺觴圍坐處正酒醪吹波潮暈頰尚記
得玉臂生涼不放汗香輕泱 殢人小摘牆榴為碎搗
猩紅細認裙褶舊遊如夢新愁似織淚珠盈睫秋娘風

味在怎得對銀缸生笑靨 消瘦沈約詩腰彷彿堪捻

又探梅

初弦月挂林梢又一度西園探梅消息粉牆朱戶苔枝
露蕊淡勻輕飾玉兒應有恨為悵望東昏相記憶便解
珮飛入雲階長伴此花傾國 還嗟瘦損幽人記立馬
攀條倚欄橫笛少年風味拈花弄蕊愛香憐色揚州何
遜在試點染吟箋留醉墨謾贏得疎影寒窗夜深孤寂

滿江紅 歸自湖南題富春館

津鼓匆匆猶記得故人相送春江上烏啼花影馬嘶香
鞚情逐陽關金縷斷淚和楊柳春絲重算別來幾度月

明時相思夢 山萬疊秋眉聳春一點歸心動問風傳
月侶有誰遊從百里家山明日到一尊芳酒今宵共任
樓頭吹盡五更風梅花弄

花心動 落梅

誰倚青樓把謫仙長笛數聲吹裂一片乍零千點還飛
正是雨晴時節水晶簾外東風起卷不盡滿庭春雪畫
欄小斜鋪亂飈翠苔成纈 嫋嫋餘香未歇空悵望音
塵兩眉愁切翠袖淚乾粉額妝寒此恨有誰同說江南
春信無痕跡餘情在冷烟殘月夢魂遠蘭燈伴人易滅

小重山

一點斜陽紅欲滴白鷗飛不盡楚天碧漁歌聲斷晚風
急攬蘆花飛雪滿林溼孤館百憂集家山千里遠夢
難覓江湖風月好收拾故溪雲深處著蓑笠

彭履道

蘭陵王

章臺路西出重城幾步秦樓曉花氣分明一霎空濛洗
高樹行人半倚戶飛去黃鸝自語秋千小不繫柳條惟
有輕陰約飛絮鈿車暗相遇早拂拭紅巾初放鸚鵡
聞歌猶是淋鈴處喚鳴箏掩面倚壚呼酒東風重記舊
眉嫵報伊共歌舞西去屢回顧漸客舍荒涼嘶馬先

駐玉關萬里知何許但倦擁荒澤瓜洲難渡將軍垂老
望故國夜夢苦

李裕翁

摸魚兒

訝江南許多風景繁華只在晴晝此兒淡沲冲融意到
處粘花著柳疎雨後更豔豔綿綿潑眼濃如酒飛浮宇
宙但借日浮香隨風著物巧筆畫難就惆悵處曾記
蘇隄携手十年驚覺回首蒼埃霽景成陰晦湖水湖烟
依舊凝望久問燕燕鶯鶯識此年華否長門別有脈脈
斷腸人柔情蕩漾長是為伊瘦

段宏章

號嬾融
吉州人

洞仙歌

荼蘼

一庭晴雪了東風孤注睡起濃香占窗戶對翠蛟盤雨
白鳳迎風知誰見愁與飛紅流處想飛瓊弄玉共駕
蒼烟欲向人間挽春住清淚滿檀心如此江山都付與
斜陽杜宇是曾約梅花帶春來又自趁梨花送春歸去

劉天迪

字雲間
西昌人

齊天樂

嚴縣尹席上和李觀我韻

瑞麟香軟飛瑤席吟仙笑陪歡宴桐影吹香梅陰弄碧
一味晚涼堪薦停杯緩勸記羅帕求詩琵琶遮面十載

揚州夢回前事楚雲遠人生總是逆旅但相逢一笑
如此何限采石宮袍沈香醉筆何似輕衫小扇流年暗
換甚新雨情懷故園心眼明日西江斜陽帆影轉

一萼紅

夜聞南婦哭北夫

擁孤衾正朔風淒緊羶帳夜驚寒春夢無憑秋期又誤
迢遞烟水雲山斷腸處黃茅瘴雨恨驄馬憔悴只空還
揉翠盟孤啼紅怨切暗老朱顏堪歎揚州十載甚倡
條冶葉不省春殘蔡琰悲笳昭君怨曲何預當日悲歡
謾贏得西鄰倦客空惆悵今古上眉端夢破梅花角聲
又報更闌

虞美人

子規解勸春歸去春亦無心住江南風景正堪憐到得而今不去待何年無端往事縈心曲兩鬢先驚綠
薔薇花發望春歸謝了薔薇又見棟花飛

周伯陽

字震

摸魚兒

又匆匆月鞭露鐙梅花江上歸路海圖破碎來時線何似彩衣低舞風雪暮正望斷青山一髮雲橫處浩歌獨舉便想見迎門牽衣兒女總是舊眉嫵陽關曲揮灑紫薇花露妙音清遠高駐經寒楊柳休輕折搖動一溪

霜霧邯鄲步笑布鞵青鞋去住知何許汀鷗沙鷺若問我重來明年有約今日是前度

尹公遠

號琴泉

尉遲盃題盧古溪響碧琴所

冰絃語在竹樹院落深深處當年野草閒花何許浮雲飛絮征鴻止止縱汗漫遊人遠回顧遲瓊樓五色簾開喚醒元鶴飛舞何事夢斷湖山尚九里松聲八月潮怒三十年餘臺池淚應不為花奴羯鼓想天上羣仙老矣甚比似人間更愁苦倩畫欄留住西風莫教吹入雲去古溪琴操浙音故云

尹公遠 曾允元
曾允元 字舜卿號鷗
江太和人

月下笛

吹老楊花浮萍點一溪春色閒尋舊迹認溪頭浣沙磧
柔條折盡成輕別向空外瑤簪一擲算無情更苦鶯巢
暗葉啼破幽寂凝立闌干側記露飲東園聯鑣西陌
容銷鬢減相逢應是難識東風吹得愁如海謾點染空
階自碧獨歸晚解說心中事月下短笛

謁金門

山銜日淚灑西風獨立一葉扁舟流水急轉頭無處覓
去則而今已去憶則如何不憶明日到家應記得寄

書回鴈翼

點絳脣

一夜東風枕邊吹散愁多少數聲啼鳥夢轉紗窗曉
來是春初去是春將老長亭道一般芳草只有歸時好

水龍吟

吟春夢

日高深院無人楊花撲帳春雲暖回文未就停鍼不語
繡牀倚遍翠被籠香綠鬢隨膩傷春成倦儘雲山烟水
柔情一縷又暗逐金鞍遠鸞珮相逢甚處似當年劉
郎仙苑凭肩後約畫眉新巧從來未慣枕落釵聲簾開
燕語風流雲散甚依稀難記人間天上有緣重見

齊天樂 次趙方谷韻

曾允元 李天驥

碧梧枝上占秋信微聞雨聲還愜虹影分晴雲光透晚
殘日依依團箒闌干一霎又長笛歸舟亂鴉荒堞兩鬢
西風有人心事到紅葉 嬌蓮相對欲語奈蓮莖有刺
愁不成折天上歡期人間巧意今夜明河如雪新寬帶
結想寶篆頻溫翠奩低揭霧溼雲鬟淺妝深拜月

李天驥

字仁飛廬陵人

摸魚兒

燈花

又何須向明還滅寒花點綴孤影玉龍度海吹魚浪烟
淡寶釵橫鬢斜又整是蟲滴驪珠兩兩相交頸夜長人

靜恁玉果低拋金錢暗卜此意有誰領 歡娛事料想
憑伊先應帕綃新淚猶凝銀篦未忍輕挑去只恐暗風
吹燼重記省怕莫是明朝有箇青鸞信怎知無定算只
解窺人人孤影隻成瘦又成病

劉應幾

號定叟安成人

憶舊遊

聞鴈

記銅駝載酒翠陌吹簫曾聽相呼不盡離離意攪柔腸
如剪立馬踟躕人生似此蒼鬢堪得幾聲疎想怨入秋
深愁隨天遠滿日平蕪 音書未曾寄正人在燕臺忘
却回車奈菰蒲舊地山空木落霜老泉枯月明仙掌何

元

詞原卷二十八

元

處轉首失棲鳥待說與雲間瀟湘近日風捲湖

周孚先號梅心西昌人

木蘭花慢

訪梅江路遠喜春在劔川湄正鴈磧雲深魚村笛晚茸
帽斜敝舊遊不堪回首更文園多病減腰圍惟有秋娘
聲價風流仍似前時 依稀壁粉舊曾題烟草半淒迷
歎單父臺荒黃公壚寂難覓佳期誰家歌樓催雪遣夜
來風雨緊些兒醉後唾壺敲缺龍光搖動晴漪

蝶戀花

舟艤津亭何處樹曉起瓏璵回首迷烟霧江上離人來

又去飄零只似風前絮 倦倚蓬窗誰共語野草閑花

一一傷離緒明日重來須記取綠楊門巷深深處

尹濟翁字澗民吉州人

一萼紅和玉霄感舊

玉搔頭是何人敲折應為節奏秦謳悲几朱絃剪燈雪藕
幾回數盡更籌草草又一番春夢夢覺了風雨楚江秋
却恨閑身不如鴻鴈飛過妝樓 又是水枯山瘦歎迴
腸難貯萬斛新愁懶復能歌那堪對酒物華冉冉都休
江上柳千絲萬縷惱亂人更忍凝眸猶怕月來弄影莫
上簾鉤

王從叔號山樵廬陵人

秋藥香用清真韻

薄薄羅衣乍煖紅入酒痕潮面絮花舞倦帶嬌眼昨夜
平隄水淺 故人信斷風箏線誤歸燕夢魂不怕山路
遠無奈暮聲隔院

蕭漢傑號唵所吉水人

賣花聲春雨

溼逗晚香殘春淺春寒灑窗填戶著幽欄慘慘悽悽仍
滴滴做出多般 和霰撒珠盤枕上更闌芭蕉怨曲帶
愁彈綠遍階前苔一片曉起誰看

彭泰翁

字會心安福人

拜星月慢祠壁宮姬控絃可念

霧滑飀稜塵侵團扇恨滿哀彈倦理控雨籠雲共閑情
孤倚斂蛾黛怕似流鶯歷歷惹得玉銷瓊碎可惜闌干
但苔花沈穗 算天音不入人間耳何人謾衰損青衫
淚不是舊譜都忘厭新腔嬌脆多生不得丹青意重來
又花鎖重門閉到夜來笙鶴歸時月明天似水

趙功可號晚山廬陵人

曲遊春

千樹籠芳草正蒲風微過梅雨新霽客裏幽窗算無春

可到和愁都閉萬種人生計應不似午天閒睡起來時
踏碎松陰蕭蕭欲動疑水 借問歸舟歸未望柳色烟
光何處明媚抖擻人間除離情別恨乾坤餘幾一笑晴
鳧起酒醒後闌干獨倚時見雙燕飛來斜陽滿地

戴山隱

滿江紅聞笛

醉倚江樓長空外行雲遙駐甚淒涼孤吹含商引羽薄
夜冷侵沙浦鴈老龍吟徹寒潭雨暮涼颿一陣捲潮來
驚飛去 重欲聽知何處誰為我胡牀據謾尋尋覓覓
凝情如許舊日山陽應有恨向生長往今誰賦恐憑欄

人有愛梅心空愁竚

姜个翁

霓裳中序第一春晚旅寓

園林罷組織樹樹東風翠雲滴草滿地間行迹聽得聲
聲曉鶯如覓愁紅半溼煞憔悴牆根堪惜可念我飄零
如此一地送岑寂 龜石當年第一也似老人間風日
餘葩選甚顏色羞撚江南斷腸詞筆留春渾未得翻些
入啼鶉夜泣清江晚綠楊歸思隔岸數峯出
上有時字又地間作舊家

元草堂詩
餘本聽得

詞綜卷二十八調名

玉珥墜金環趙紅

即燭影

攤破浣溪沙

水調歌頭

江城子

浣溪沙

憶秦娥

人月圓

漢宮春彭

玉女迎春慢

子夜歌

解珮環

霓裳中序第一羅姜

風流子

金人捧露盤

虞美人

蕭劉

摸魚兒韋周李李

八聲甘州趙蕭

瑞鶴仙

塞翁吟

水龍吟周 曾

最高樓司馬

柳梢青

永遇樂危

如夢令劉

採桑子

蝶戀花蕭 周

瑣寒窗蕭

花心動

意難忘宋

憶舊遊劉 劉

綺寮怨王

滿江紅彭 黃 戴

清平樂顏

鳳凰臺上憶吹簫吳

烏夜啼劉

點絳脣曾 蕭

西湖月黃

小重山

蘭陵王彭

齊天樂劉 曾

尉遲盃尹

謁金門

秋蘂香王

拜星月慢彭

洞仙歌段

一萼紅尹

月下笛曾

木蘭花慢周

賣花聲蕭

曲遊春趙

詞綜卷二十九

元詞七十三首

虞集四首

宋駿二首

曹伯啓一首

許有孚一首

許楨二首

張翥二十七首

沈禧一首

楊立齋一首

鮮于樞一首

劉詵一首

許有壬四首

馬熙二首

薩都刺七首

袁易二首

洪希文一首

孟昉二首

元

詞綜卷二十九

一

舒頔二首

舒遜一首

何可視二首

袁華一首

于立一首

陸仁一首

張遜一首

石民瞻一首

鄭韶一首

柯九思一首

王逢一首

何景福一首

虞

集

字伯生號邵菴宋相允文五世孫家崇仁以薦授大都路儒學教授累官翰林直學士兼國子祭酒天曆中除奎章閣侍書學士卒贈江西行省中書省參知政事封仁壽郡公諡文靖有

蘇武慢和馮尊師

放棹滄浪落霞殘照聊倚岸迴山轉乘鴈雙鳧斷蘆漂
葦身在畫圖秋晚雨送灘聲風搖燭影深夜尚披吟卷
算離情何必天涯咫尺路遙人遠空自笑洛下書生
襄陽者舊夢底幾時曾見老矣浮丘賦詩明月千仞碧
天長劒雪霽瓊樓春生瑤席容我故山高宴待雞鳴日
出羅浮飛渡海波清淺

又

憶昔東坡夜游赤壁孤鶴掠舟西過英雄消盡身世茫
然月小水寒星大何似漁翁不知今古醉傍蓼花燃火
夢相逢羽服蹠蹠未必此時非我誰解道歲晚江空

風帆目力橫
梨賦詩江左
清露衣裳晚
風洲渚多少短
歌長些玉宇
高寒故人何處
渺渺予懷無那
歎乘桴浮海飄
然從我未知誰
可

風入松寄柯敬仲

畫堂紅袖倚清酣
華髮不勝簪
幾回晚直金鸞殿
東風軟花裏停驂
書詔許傳宮燭
輕羅初試朝衫
御溝冰泮水
按藍飛燕語呢喃
重重簾幕寒猶在
憑誰寄銀字泥緘
報道先生歸也
杏花春雨江南

南鄉一剪梅招熊少府

南阜小亭臺
薄有山花取次開
寄語多情熊少府
晴也

須來雨也須來
隨意且銜盃
莫惜春衣坐綠苔
若待

明朝風雨過
人在天涯春在天涯

鮮于樞字伯機漁陽人官至太

念奴嬌八詠樓

長溪西注似延平
雙劍千年初合
溪上千峯明紫翠
放出羣龍頭角
瀟灑雲林微茫
烟草極目春洲闊
城高樓迴恍然
身在寥廓我來陰
雨兼旬灘聲怒起
日日東風惡
須待青天明月夜
一試嚴維佳作
風景不殊溪山
信美處處堪行
樂休文何事年年
多病如削

宋 裴字顯夫宛平人泰定中進士累官翰林直學

士贈國子祭酒輕車都尉范陽郡侯謚文清

所著有燕石
集詞一卷

穆護砂 燭淚

底事蘭心苦便淒然泣下如雨倚金臺獨立搵香無主
腸斷封家相妒亂撲簌驪珠愁有許向午夜銅盤傾注
便不似紅冰綴頰也溼透仙人烟樹羅綺筵前海棠花
下淫淫常怕鳳脂枯比洛陽年少江州司馬多少定誰
如 照破別離心緒學人生有情酸楚想洞房佳會而
今寥落誰能暗收玉筋算只有金釵曾巧補輕溼盡粉
痕如故愁思減舞腰纖細清血盡媚臉膚腴又恐嬌羞
絳紗籠却綠窗伴我檢詩書更休教鄰壁偷窺幽蘭啼

曉露

浣溪沙 崑山州城西小寺

落日吳江駐畫橈招提佳處暫逍遙海風吹面酒全消
曲沼芙蓉秋的小山叢桂晚蕭蕭幾時容我夜吹
簫顯夫聽雨賀新涼詞夢斷羅裙天如漆一寸鄉心淒
楚點點是寂寥情緒明日孤舟成獨往更難堪長夜
滿湘浦亦有佳致惜全首不稱也

劉

詵號桂翁廬陵人謚文
敏有桂隱集附詞

謁金門

春睡倦自揀花枝行遍昨日新紅今日變細按將袖染
翠扇迎風撲面飛去晴絲還轉簾外楊花簾裏燕相

元

詞宗卷二十九

四

逢如未見

曹伯啓

字士開，陽山人。被薦拜西臺御史，歷集賢學士。引年歸天。歷中召為淮東廉訪使，陝西諸道行御史臺中丞，不起。贈行中書左丞。上護軍，追封魯郡公。諡文貞。有漢泉漫稿詞一卷。

南鄉子

四川道中作

蜀道古來難，數日驅馳已闌石。棧天梯三百尺，危欄應被傍人畫裏看。兩握不曾乾，俯瞰飛流過石灘。到

晚纔知身是我，平安孤館青燈夜更寒。

許有壬

字可用，湯陰人。延祐二年進士，累官集賢大士，改樞密副使，拜中書左丞。卒。諡文忠。有圭塘小稿。

摸魚兒

和明初韻

買陂塘，旋栽楊柳歸來，此是先務。他鄉故里都休較，舊雨不如新雨。鴻在渚，笑爾尚南飛，吾已安孤嶼。黃花解語，道人老宜秋，身安耐酒，此正有真趣。鑿坡路，大手深慚燕許，超騰又悖鍾呂。但求閒澹如元亮，不恨詩無奇句。傾綠醕，底須按樂天池，上霓裳譜。休論往古，有三日重陽約，君同醉老子築西圃。

太常引

池荷

幽人早起赴池亭，初日照娉婷。風蓋露珠，傾又勝似前時雨聲。水沈香裏錦雲深處，雙檜插天青。一葉釣舟，輕似野渡，無人自橫。

又

四隄楊柳接松筠香破水芝新羅韞不生塵笑畫裏凌
波未真 紅衣縹緲清風蕭瑟半醉岸烏巾不是葛天
民也做得江湖散人

沁園春

臨清舟中次韓伯高見贈韻寄可行

草木無情不問寒暄開時便開只黃花多事偏憐隱逸
白頭何補且避賢才老友相逢清談絕倒休校劉郎去
後栽尊中物勝他年千里謾寄寒梅 神仙合住蓬萊
奈老去思兒忍不回任景莊槐老誰為癡夢杜家酒美
且浣幽懷渭北江東暮雲春樹何日扁舟更此來公知

否便連朝觴詠能幾徘徊

許有孚

字可行官湖廣儒學副提舉歷中憲大夫同僉太常禮儀院事

摸魚子

買陂塘旋栽楊柳不妨三月農務溪翁走報新痕漲昨
夜西山雷雨將沒渚有複徑雙洲繚繞通孤嶼黃鸝對
語正春色暄妍物華明媚好在浴沂趣 天涯路芳草
茫茫如許蠻箋難寫心呂碧雲冉冉春波綠都是相思
情句花共醕似梅與山礬臭味曾同譜隄陰樹古要亂
絮漫空柔條蘸水慎勿折樊圃

馬

熙字明初

元

詞宗卷二十九

六

摸魚子

買陂塘旋栽楊柳夢中還理家務十年不到衡山麓
辜負楚雲湘雨蘋映渚渺杜若江蘼香接烟霞嶼口心相
語為蠅驥東西雲龍上下誤却釣游趣平生志欲識
平輿二許煌煌岳降申呂菲詞聊為先生壽博得月章
星白毋我醕只小草幽蘭心醉離騷譜松存徑古待遊
遍西園荷鋤歸去吾亦愛吾圃

太常引

和池荷韻

園中風物水中亭消得兩娉婷濁酒卷荷傾早洗盡箏
聲笛聲四隄晴柳一天花氣付與晚山青飛絮挾雲

輕任膝上瑤琴自橫

許

楨有壬子與楚人馬熙及弟有孚
倡和楨與焉共為圭塘歎乃集一卷

摸魚子

買陂塘旋栽楊柳求田專理農務扁舟來往烟波裏青
筠綠蓑風雨時泛渚把遠岫遙岑收拾來孤嶼霜花笑
語道鳳閣鸞臺黃塵烏帽爭似醉鄉趣洹溪上道士
而今誰許非熊夢斷姜呂水聲山色相縈繞湧出筆端
新句斟桂醕聽萬籟笙竽一派仙家譜休論往古向種
菊籬邊觀魚軒外晚節有秋圃

太常引

池亭荷淨納涼時四面柳依稀棹得酒船回看風裏紗
巾半敝殘霞照水夕陽明樹天付畫中詩應不負歸
期更誰看桃花面皮

薩都刺

字天錫鴈門人登泰定進士官
京口錄事終河北廉訪司經歷

滿江紅

金陵懷古

六代繁華春去也更無消息空悵望山川形勝已非疇
昔王謝堂前雙燕子烏衣巷口曾相識聽夜深寂寞打
孤城春潮急思往事愁如織懷故國空陳迹但荒烟
衰草亂鴉斜日玉樹歌殘秋露冷胭脂井壞寒蟬泣到
如今只有蔣山青秦淮碧

小闌干

去年人在鳳凰池銀燭夜彈絲沈水香消梨雲夢暖深
院繡簾垂今年冷落江南夜心事有誰知楊柳風柔
海棠月澹獨自倚欄時

百字令

登石頭城

石頭城上望天依吳楚眼空無物指點六朝形勝地惟
有青山如壁蔽日旌旗連雲檣舫白骨紛如雪一江南
北消磨多少豪傑寂寞避暑離宮東風輦路芳草年
年發落日無人松逕裏鬼火高低明滅歌舞尊前繁華
鏡裏暗換青青髮傷心千古秦淮一片明月

又題清溪白雲圖

周郎幽趣占清溪一曲小橋橫渡溪上紅塵飛不到惟
有白雲來去出岫無心凌江有態水面魚吹絮倚門遙
望鍾山一半留住 涵影淡蕩悠揚朝朝暮暮是幾番
今古指點昔人行樂地半是鷺洲鷗渚映水朱樓踏歌
畫舫寂寞知何處天涯倦客幾時歸釣春雨

又過淮陰

短衣瘦馬望楚天空闊碧雲林杪野水孤城斜日裏猶
憶那回曾到古木鴉啼紙灰風起飛入淮陰廟植牛醜
酒英雄千古誰弔 何處漂母荒墳清明落日腸斷王

孫草烏盡弓藏成底事百事不如歸好半夜鐘聲五更
雞唱南北行人老道傍楊柳青春又來了

水龍吟 贈友

王郎錦帶吳鉤醉騎赤鯉銀河去絳袍弄月銀壺吸酒
錦箋揮兔禿鬢西風短篷落月東吳西楚悵丹陽郭裏
相逢較晚共剪燭西窗雨 文采風流俊偉碧紗巾挂
珊瑚樹出門萬里掀髯一笑青山無數揚子江頭凍沙
寒雨暮天飛鷺待明朝酒醒金山 過瓜洲渡

木蘭花慢 彭城懷古

古徐州形勝消磨盡幾英雄想鐵甲重腫烏騅汗血玉

帳連空楚歌八千兵散料夢魂應不到江東空有黃河
如帶亂山迴合雲龍 漢家陵闕起秋風未黍滿關中
更戲馬臺荒畫眉人遠燕子樓空人生百年寄耳且開
懷一飲盡千鍾回首荒城斜日倚欄目送飛鴻

張翥

字仲舉晉寧人至正初以薦為國子助教累
官河南行省平章政事兼翰林學士有蠅巖

樂府
二卷

瑞龍吟

癸丑歲冬訪游宏道樂安山中席賓米仁
則用清真詞韻賦別和以見情

鼇溪路瀟灑翠壁丹崖古藤高樹林間猿鳥欣然故人
隱在溪山深處 久延佇渾似種桃源裏白雲窗戶燈
前素瑟清樽開懷正好連牀夜語 應是山靈留客雪

飛風起長松掀舞誰道倦途相逢傾蓋如故陽春一曲
總是關心句何妨共磯頭把釣梅邊徐步只恐匆匆去
故園夢裏長牽別緒寂寞閑鍼縷還念我飄零江湖烟
雨斷腸歲晚客衣誰絮

多麗

西湖汎舟夕歸施成大席上以晚山青為起
白各賦一詞

晚山青一川雲樹冥冥正參差烟凝紫翠斜陽畫出南
屏館娃歸吳臺遊鹿銅仙去漢苑飛螢懷古情多憑高
望極且將尊酒慰飄零自湖上愛梅仙遠鶴夢幾時醒
空留得六橋疎柳孤嶼危亭 待蘇隄歌聲散盡更須
携妓西泠藕花深雨涼翡翠菰蒲軟風弄蜻蜓澄碧生

秋闌紅駐景採菱新唱最堪聽見一片水天無際漁火
兩三星多情月為人留照未過前汀

摸魚兒

送黃任伯歸豐城時任伯先放其妾還家故及

正匆匆楚鄉秋晚孤鴻飛過南浦同來桃葉堪惆悵一

舸載春先去愁絕處問那曲闌干曾聽人低語今宵最

苦向楓樹溪橋蘆花野館剪燭卧聽雨

吳霜鬢破帽

西風怎護絲絲多是離緒舊情頓冷新愁重總付墜鞭

詞譜君記取待雪夜相思乘興柴岡路唱予和汝要欸

段隨車輕盈喚酒重為國香賦

又

春日西湖泛舟

漲西湖半篙新雨麴塵波外風軟蘭舟同上鴛鴦浦天
氣嫩寒輕暖簾半捲度一縷歌雲不礙桃花扇鶯嬌燕
婉任狂客無腸王孫有恨莫放酒杯淺 垂楊岸何處
紅亭翠館如今遊興全懶山容水態依然好惟有綺羅
雲散君不見歌舞地青蕪滿目成秋苑斜陽又晚正落
絮飛花將春欲去目送水天遠

又

黃季景湖亭蓮花中雙頭一枝邀予同賞而為人折去季景惘然請賦

問西湖舊家兒女香魂還又連理多情欲賦雙蕖怨閑

却滿奩秋意嬌旖旎愛照影紅妝一樣新梳洗王孫正

擬喚翠袖輕歌玉箏低按涼夜為花醉 鴛鴦浦淒斷

同宗卷二十一

凌波夢裏空憐心苦絲脆吳娃小艇應偷採一道綠萍
猶碎君試記還怕是西風吹作行雲起闌干謾倚待載
酒重來尋芳已晚餘恨渺烟水

又題熊伯宣藏梅花卷子

記西湖水邊曾見查牙老樹如此冰痕冷沁苔枝雪的
礫數花纔試天也似愛玉質清高不入間紅紫孤山處
士謾賦得招魂烟荒水暗寂寞抱香死 春風筆休憶
深宮舊事添人多恨多思墨池雪嶺三生夢喚起縞衣
仙子仍獨自伴瘦影黃昏和月窺窗紙聲聲字字寫不
盡江南閑愁萬斛訴與綠衣使

又 元夕吳門姚子章席上同柯敬仲賦敬仲以虞
學士書風入松于羅帕作軸故末句及之楚芳
吳蘭二妓名

記蘇臺舊時風景西樓燈火如畫嚴城月色依然好無
復綺羅遊冶歡意謝向客裏相逢還有思陶寫金樽翠
筍把錦字新聲紅牙小拍分付倦司馬 繁華夢喚起
燕嬌鶯婉肯教孤負元夜楚芳玉潤吳蘭媚一曲夕陽
西下沈醉罷君試問人生誰是無情者先生歸也但留
意江南杏花春雨和淚在羅帕

疎影 王元章墨梅圖

山陰賦客怪幾番睡起窗影生白縹緲仙姝飛下瑤臺

淡貯東風顏色微霜却護朦朧月更漠漠暝烟低隔恨
翠禽啼處驚殘一夜夢雲無迹 惟有龍煤解染數枝
入畫裏如印溪碧老樹枯苔玉暈冰圈滿幅寒香狼藉
墨池雪嶺春長好悄不管小樓橫笛怕有人誤認真花
欲點曉來妝額

解連環 留別臨川諸友

夜來風色歎青燈素被早寒欺客想寂寞人在簾櫳望
塞鴈欲來又催刀尺秋滿關河更誰倚夕陽橫笛記題
花賦月此地與君幾度遊歷 江頭楚楓漸赤對離樽
飲淚難問消息趁一舸千里東歸渺天末亂山水邊孤

驛婉晚年華悵回首雨南雲北算今古此情此恨甚時
盡得

綺羅香 雨中舟次汨上

燕子梁深秋千院冷半溼垂楊烟縷怯試春衫長恨踏
青期阻梅子後餘潤留寒藕花外嫩涼銷暑漸驚他秋
老梧桐蕭蕭金井斷蛩暮 薰篝須待被煖催雪新詞
未穩重尋笙譜水閣雲窗總是慣曾聽處曾信有客裏
關河又怎禁夜深風雨一聲聲滴在疎篷做成情味苦

喜遷鶯 瓊花

東風吹盡但一片綠陰空留春恨后土祠荒飛瓊謫久

還喜玉容堪認二十四橋夜月二十四番花信便載酒
怕芳菲易老陰晴難穩 嬌困羞起晚竚立畫欄淨洗
閒脂粉沈水濃薰蜂黃淡染自有絕塵香韻也知世間
無對肯許浮花相近鳳簫遠待數枝折與玉峯人問

水龍吟 廣陵送客次鄭蘭玉賦蓼花韻

芙蓉老去妝殘露華滴盡珠盤淚水天瀟灑秋容冷淡
憑誰點綴瘦葦黃邊疏蘋白外滿汀烟棧把餘妍分與
西風染就猶堪愛紅芳媚 幾度臨流送遠向花前偏
驚客意船窗雨後數枝依入香零粉碎不見當年秦淮
花月竹西歌吹但此時此處叢叢滿眼伴離人醉

又 蠟梅

玉人梳貌堪憐曉妝一洗鉛華盡此花應是菊分顏色
梅分風韻萼點駝酥口攢金磬心凝檀粉甚女貞染就
仙衣絕勝蜂兒重鴛兒嫩 說與玉龍莫品怕宮波一
般流恨故人堪寄折枝代取江南春信沈水全薰麝絲
密綴額黃深暈乍燕姬未識是花是蠟笑俚人問

摘紅英

鶯聲寂鳩聲急柳烟一片梨雲溼驚人困教人恨待到
平明海棠應盡 青無力紅無跡殘香賸粉那禁得天
難準晴難穩晚風又起倚欄爭忍

齊天樂

臨川夜飲滄陽李輔之寓所

紅霜一樹淒涼葉驚烏夜深啼落客裏相逢尊前細數
幾度雨飄風泊微吟緩酌漸月影斜敲畫欄東角只怕
梅花無人看管瘦如削 江湖容易歲晚想多情念我
歸信曾約塵土狂蹤山林舊隱夢寄草堂猿鶴離懷最
惡是酒醒香殘燭寒花薄一段銷凝覺來無處著

木蘭花慢

次韻陳見心文學孤山問梅

愛西湖千樹曾幾度為携樽向柳外停橈苔邊待鶴酒
熟詩溫瀛洲舊時月色悵荒涼惟有數枝存天上梨花
成夢江南桃葉移根 如今憔悴客愁村難返暗香魂

甚歲晚春遲角寒笛曉雪暗雲昏登臨不堪寄目但青
山隱隱月紛紛再約與君同醉從他啄木敲門

真珠簾

壽韓伯清提舉時在平江

銀蟾半露嬋娟影西風早次第中秋天氣涼透小簾櫳
乍夜長遲睡見說靈巖山色好甚也不濃如歸意歸未
趁西泠載酒南園尋桂 還是客裏生朝把金尊綠酒
與誰同醉烟雨隔垂虹望美人秋水桃葉妝樓團扇曲
但小草鸞箋相寄傳示送白蘋一剪碧雲千里

東風第一枝

憶梅

老樹渾苔橫枝未葉青春肯誤芳約背陰未返冰魂陽

稍已含紅萼佳人寒怯誰驚起曉來梳掠是月斜花外
么禽霜冷竹間幽鶴 雲淡淡粉痕漸薄風細細凍香
又落叩門喜伴金樽倚欄怕聽畫角依稀夢裏記半面
淺窺朱箔甚時得重寫鸞箋去訪舊遊東閣

陌上花

使歸閩浙歲暮有懷

關山夢裏歸來還又歲華催晚馬影雞聲諳盡倦郵荒
館綠箋密記多情事一看一回腸斷待殷勤寄與舊遊
鶯燕水流雲散 滿羅衫是酒香痕凝處唾碧啼紅相
半只恐梅花瘦倚夜寒誰暖不成便沒相逢日重整釵
鸞箏鴈但何郎縱有春風詞筆病懷渾懶

定風波

商角調 宿醒而賦此

西江客舍酒後聞梅花吹香滿

恨行雲特地高寒牢籠好夢不定婉晚年華淒涼客况
泥酒渾成病畫欄深碧窗靜一樹瑤花可憐影低映怕
明月照見青禽相並 素衾正冷又寒香枕上薰愁醒
甚銀牀霜凍山童未起誰汲牆陰井玉笙殘錦書迴應
是多情道薄倖爭肯等閒孤負西湖春興

八聲甘州

秋日西湖泛舟午後遇雨

向芙蓉湖上駐蘭舟淒涼勝遊稀但西泠橋外北山隄
畔殘柳依依追憶鶯花舊夢回首冷烟霏惟有盟鷗好
時傍人飛 聽取紅顏象板儘歌回彩扇舞換仙衣正

白蘋風急吹雨暗斜暉空惆悵離懷未展更酒邊忍又
送將歸江南客此生心事只在漁磯

滿江紅錢舜舉桃花折枝

前度劉郎重來訪元都燕麥回首地暗香銷盡暮雲低
碧啼鳥猶知人悵望東風不管花狼藉又淒淒紅雨夕
陽中空相憶繁華夢渾無迹丹青筆還留得恍一枝
長見故園春色塵世事多吾欲避武陵路遠誰能覓但
有山可隱便須歸栽桃客

風入松廣陵元夜病中有感

東風巷陌暮寒驕燈火鬧河橋勝游憶徧錢唐夜青鸞

遠信斷難招蕙草情隨雪盡梨花夢與雲銷客懷先
自病無聊綠酒負金蕉下帷獨擁香篝睡春城外玉漏
聲遙可惜滿街明月更無人為吹簫

踏莎行江上送客

芳草平沙斜陽遠樹無情桃葉江頭渡醉來扶上木蘭
舟將愁不去將人去薄劣東風天斜落絮明朝重覓
吹笙路碧雲紅雨小樓空春光已到銷魂處

露華玉簪

瀛洲種玉總付與花神月底深劖琢就瑤笄光映鬢雲
斜亘幾度借取搔頭別試漢宮妝東風露冷幽香半襟

淡佇欄曲 亭亭雪豔愁獨愛粉沁冰筍鬚撚金粟石
上那回磨斷爭忍輕觸一自楚客歸來珠履舊遊誰續
秋夢起殘妝半簪墜綠

謁金門 寒食臨川平塘道中

溪水漫岸口小橋衝斷沽酒人家門巷短柳陰旗一半
細雨鳴鳩相喚曲港落花流滿兩兩睡紅鷓鴣暖惱
人春不管

唐多令

花下鈿篋篋尊前白雪謳記懷中朱李曾投鏡約釵盟
心已許詩寫在小紅樓 忍淚上雲兜斷魂隨綵舟等

閒閒惹得離愁欲寄長河魚信去流不到白蘋洲

袁

易

字通用吳郡人有靜春詞一卷

臺城路

和師言送春

落紅填徑東風惡貪飛燕離歸晚聽雨樓低留春地窄
誰念閑情消減天涯流覽正鷗渚波寬柳汀雲黯賴有
遙峯數尖遮斷送愁眼 年年春草又綠看花人自老
遺恨天遠鴈柱凝塵鮫綃暗墨青鬢吳霜輕點風流漸
懶但詩惱東陽病添中散院落無人繡簾和絮捲

燭影搖紅

日日春陰瑞香亭畔寒成陣鳳鞦頻誤踏青期寂寞牆

陰冷翠被堆牀未整睡初酣風簟喚醒幾多心緒鵲語
難憑燈花無準得酒澆愁舊愁不去添新病吳綾題
滿斷腸詞歌罷何人聽寶篆香消晝永裊餘烟蕭蕭鬢
影出門長嘯白鷺雙飛清江千頃

沈

禧字廷錫吳興人
有竹窗詞一卷

踏莎行

雜組香絨錯綜紋理倚牀脈脈如春醉沈吟暗想玉京
人雕鞍何處鳴珂里無限離愁誰知就裏滔滔比似
西江水無情日夜向東流一絨好寄相思淚

洪希文

字汝執莆田人有
續軒渠集詞一卷

浣溪沙

丈室蕭條似病禪打窗風雨罷吟箋歸心一點落燈前
猶有十三樓上酒可無三百杖頭錢一年心老一年
年

楊立齋

鷓鴣天

聽楊玉娥唱故人所撰曲有感

烟柳風花錦簇筵霜芽露葉玉裝船誰知皓齒纖腰會
只在輕衫短帽邊啼粉靨咽冰絃舊遊一去更無傳
詞人彩筆佳人口再喚春風到眼前

孟

昉

字天偉本西域人寓北平至正中為
翰林待制官至江南行臺監察御史

天淨沙

上樓迎得春歸暗黃著柳依依弄野輕寒似水錦牀鴛
被夢回初日遲遲

又

依微香雨青氛金塘間水生蘋數點殘芳墮粉綠莎輕
襯月明空照黃昏

舒

太常引

山色共承宣君秩滿我遲延幾度醉花前曾怪殺春山
杜鵑 菱花再照鸞膠再續應笑雪盈顛深夜語嬋娟

也曾是都門少年

風入松

紗幮過雨晚涼生枕簟不勝情冰肌玉骨元無汗香風
迴深院語流鶯翠幌光搖絳蠟畫堂暖瀉銀餅 玉笋
牙板按新聲雲鬢寶釵橫銀絲脰細江鱸脆揚州月照
我醉吹笙舊事十年猶記壯懷此日堪驚

舒

感皇恩

字士謙號可庵績溪
人貞素先生之弟

疎雨滴清秋洗殘流火爽動涼飈透簾幙寒蛩吟徹誰
道小窗蕭索青燈相伴我情依約 螢照更殘烏啼月

落悲壯山城數聲角漫漫長夜扣角長歌方覺人生能有幾須行樂

何可視字思明嘉興人值元末世亂不仕自號爛柯樵者

蝶戀花送春

金井啼鴉深院曉颺盡東風柳絮吹難了燕子多情相識早杏梁依舊雙雙到一縷沈烟簾幕悄滿眼飛花祇攪人懷抱十二玉樓春樹杪天涯不斷青青草

玉樓春

鄰雞喔喔晨窗白檐樹深沈初辨色鴛鴦瓦上露溶溶翡翠簾邊風瑟瑟小樓一半屏山隔不減銀釭通照

夕還鄉好夢却忘愁夢破那堪仍在客

袁華字子英崑山人

水調歌頭宴顧仲瑛金粟影亭賦桂

山橫眉黛淺雲擁髻鬟愁天香笑携滿袖曾向廣寒游素腕光搖寶釧金縷聲停象板歌罷不勝秋十指露春筍伴整玉搔頭記錢塘朝載酒夜藏鈎青衫斷腸司馬消減舊風流三百六橋春色二十四番花信重會在蘇州水調按新曲明月照高樓

于

立字彥成南康人學道會稽山中與顧仲瑛友善

水調歌頭前題

微紅暈雙臉濃黛寫新愁好似霓裳仙侶曾向月中游
憶得影娥池上金粟盈盈滿樹風露九天秋折取一枝
去簪向玉人頭 夜如年天似水月如鉤只恐芳時暗
換脈脈背人流莫唱竹西古調喚醒三生杜牧遺夢遶
揚州醉跨青鸞去雙闕對瓊樓

陸

仁字良貴
河南人

水調歌頭 前題

露冷廣寒夜喚醒玉真愁銀橋憶得飛度曾侍上皇游
一曲霓裳按罷兩袖天香歸後人去已千秋笑倚金粟
樹斜插玉搔頭 憶錢塘今夜月也如鉤題詩欲寄紅

葉又怕水西流誰把琵琶彈恨愁絕多情司馬不是在
江州醉飲玉山裏有霧遶飛樓

張遜

水調歌頭 前題

玉樹後庭曲千載有餘愁碧月夜涼人靜曾賦采華游
玉露細搖金縷香霧輕籠翠葆折下一天秋張緒總能
老還自鎖眉頭 把鸞箋裁繡句寫銀鈎回文巧成錦
字長恨與江流漠漠梁間燕子款款花邊蝴蝶夢覺却
并州獨感舊時貌還復照西樓

石民瞻

京口人

元

同宗卷二十九

三

清平樂 題桐花道人吳國良卷

吳郎丰度邂逅春城暮暖日晴雲花滿樹恰似故人詩
句 坐中翔鳳飛霞來尋弄玉仙家說與江州司馬淚
痕只為琵琶

郊 韶 字興人

清平樂 次前韻

湘雲微度六曲朱欄暮簾外香飄梅子樹知有王孫索
句 誰將瓊瑋吹霞柳花飛過東家說與門前去馬斷
腸休為琵琶

柯九思 字敬仲號丹丘天台人

柳梢青 詠梅

懊恨春初飄零月下輕離輕隔重醞梨雲乍舒椒眼羞
人曾識 已堪索笑巡檐早准備憐憐惜惜莫是溪橋
攬先開却試馳金勒

王 逢 字原吉江陰人至正中作河清頌臺

如夢令 蘇村賦贈

簷簷數株松子村繞一灣菰米鷗外迴聞雞望望雲山
烟水多此多此酒進玉盤雙鯉

何景福 字介夫涪安人別號鐵牛翁至正末

虞美人 別魯道源

三年奔走荒山道喜說茗溪好茗溪秋水漫悠悠載將
離恨上杭州 干戈未已身如寄安樂知何處青溪溪
上釣魚磯縱使無魚還有蟹螯肥

詞綜卷二十九調名

蘇武慢 虞

南鄉一剪梅

穆護砂 宋

謁金門 劉 張

摸魚子 許 張 許 馬

沁園春

小闌干

木蘭花慢 張

瑞龍吟 張

風入松 張 舒

念奴嬌 鮮 于

浣溪沙 洪

南鄉子 曹

太常引 馬 許 舒

滿江紅 薩 張

百字令 又作酹江月

水龍吟 張

多麗

疎影

綺羅香

摘紅英

真珠簾

陌上花

八聲甘州

露華

臺城路袁

鷓鴣天楊

感皇恩舒

解連環

喜遷鶯

齊天樂

東風第一枝

定風波

踏莎行

沈

唐多令

燭影搖紅

天淨沙孟

蝶戀花何

玉樓春

清平樂石

如夢令王

郊

水調歌頭袁

柳梢青柯

虞美人何

于

陸

詞綜卷三十

元詞八十首

張 埜 五首
倪 瓚 六首
陶宗儀 三首
邵亨貞 十二首
羅 慶 一首
凌雲翰 一首
錢抱素 三首
楊樵雲 三首

吳 鎮 一首
顧 瑛 四首
汪 斌 一首
沈景高 一首
唐桂芳 二首
王 行 三首
錢應庚 四首
周晴川 一首

張

吳 璿 一首

王 蒙 一首

陸 祖 先 一首

王 燧 一首

張 昶 一首

金 綱 一首

張 半 湖 一首

蕭 東 父 一首

黃 水 村 一首

馬 致 遠 三首

王 容 谿 一首

傅 按 察 一首

無 名 氏 一首

管 道 昇 一首

劉 燕 哥 一首

陳 鳳 儀 一首

夢 庵 一首

張 雨 八首

滕 賓 二首

張

楚

字楚夫邯鄲人有古山樂府二卷

水龍吟

游絲

落花天氣初晴隨風幾縷來何處飄飄冉冉悠悠颺
欲留還去雪繭新抽青蟲暗墜簷蛛輕度看垂虹百尺
縈迴不下似欲繫春光住憑仗何人收取付天孫雲
綃機杼浮踪浪跡忍教長伴章臺飛絮惹起閒愁織成
離恨萬端千緒望天涯盡日柔情不斷又閒庭暮

又

皇慶癸丑重九登南高峯寄柳湯佐同知

重陽何處登臨玉驄慣識南山路秋空絕頂西風兩鬢
白雲雙屨浙浦寒潮蘇隄畫舸吳宮烟樹不一尊瓊露

數聲金縷將此景成虛負 試覓舊題詩句早爛斑雨
苔無數瓊泉寶瑟不堪重記泛觴流羽笑撚黃花閒尋
紅葉故人何處倚危欄北望燕雲晻靄又征鴻暮

石州慢

紅雨西園香雪東風還又春暮當時雙槳悠悠送客綠
波南浦陽關一闋至今隱隱餘音眼前渾是分携處此
恨有誰知倚欄無語 凝竚天涯幾許離情化作暮雲
千縷過盡征鴻依舊歸期無據京塵染袂故人應念飄
零豈知翻被功名誤無處著羈愁滿春城烟雨

念奴嬌賦白蓮用仲殊韻

水風清暑記平湖十里寒生紈素羅襪塵輕雲冉冉鬢
髻凌波仙女雪艷明秋瓊肌沁露香滿西陵浦蘭舟一
葉月明曾到深處 誰念玉珮飄零翠房淒澹幾度相
思苦異地相看渾是夢忍把荷觴深注碧藕多絲霜莖
有刺脈脈愁烟兩江雲撩亂倚欄終日凝竚

奪錦標七夕

涼月橫舟銀潢浸練萬里秋容如拭冉冉鸞驂鶴馭橋
倚高寒鵲飛空碧問歡情幾許早收拾新愁重織恨人
間會少離多萬古千秋今夕 誰念文園病客夜色沈
沈獨抱一天岑寂忍記穿鍼亭榭金鴨香寒玉微塵積

張 璽 吳 鎮 倪 瓚
凭新涼半枕又依稀行雲消息聽窗前淚雨浪浪夢裏
簷聲猶滴

吳 鎮字仲圭

漁父詞題麇溪沈彥實處士畫冊

紅葉村西日影餘黃蘆灘畔月痕初輕撥棹且歸與挂
起漁竿不釣魚

倪 瓚字元鎮無錫人有清

人月圓

傷心莫問前朝事重上越王臺鷓鴣啼處東風草綠殘
照花開 悵然孤嘯青山故國喬木蒼苔當時明月依

依素影何處飛來

又

驚迴一枕當年夢漁唱起南津畫屏雲嶂池塘春草無
限消魂 舊家應在梧桐覆井楊柳藏門閒身空老孤
篷聽雨燈火江村

柳梢青贈伎小瑤英

樓上玉笙吹徹白露冷飛瑤珮玦黛淺含顰香殘栖夢
子規啼月 揚州往事荒涼有多少愁縈思結燕語空
津鷗盟寒渚畫欄飄雪

江城子感舊

窗前翠影溼芭蕉雨瀟瀟思無聊夢入鄉園山水碧迢迢
依舊當年行樂地香徑杳綠苔饒沈香火底坐吹
簫憶嬌嬈想風標同步芙蓉花畔赤欄橋漁唱一聲驚
夢斷無處覓不堪招

小桃紅

一江秋水淡寒烟水影明如練眼底離愁數行鴈雪晴
天綠蘋紅蓼參差見吳歌蕩槳一聲哀怨驚起白鷗
眠

凭欄人贈吳國良

客有吳郎吹洞簫明月沈江春霧曉湘靈不可招水雲

中環珮搖

顧瑛

諭一名德輝字仲瑛崑山人舉茂才署會稽教
有男晚稱金粟道人

蝶戀花陳浩然招游觀音山宴張氏樓徐姬楚蘭
佐酒以琵琶度曲郊雲臺為之心醉口占

春江暖漲桃花水畫舫珠簾載酒東風裏四面青山青
似洗白雲不斷山中起過眼韶華渾有幾玉手佳人
笑把琵琶理枉殺雲臺標外史斷腸只合江州死

水調歌頭桂

金粟綴仙樹玉露浣人愁誰道買花載酒不似少年游
最是宮黃一點散下天香萬斛來自廣寒秋蝴蝶逐人

去雙立鳳釵頭 向樽前風滿袖月盈鈎縹緲羽衣天
上遺響遏雲流二十五聲秋點三十六宮夜月橫笛按
伊州同躡彩鸞背飛過小紅樓

青玉案

春寒惻惻春陰薄整半月春蕭索晴日朝來升屋角樹
頭幽鳥對調新語語罷雙飛却紅入花腮青入萼盡
不爽花期約可恨狂風空自惡曉來一陣晚來一陣難
道都吹落

清平樂 和石民瞻題桐花道人卷

鳳簫聲度十二瑤臺暮開遍瓊花千萬樹纔入謝家詩

句 仙人酌我流霞夢中知在誰家酒醒休扶上馬為
君一洗琵琶

陶宗儀

字九成台州人流寓松江有南村集賦碧桃用南湖韻

露華

武陵夜寂記露影璇空一笑曾識素臉暈鉛巧把黛螺
輕暮莫是歌渡烟江浣却舊家顏色還又訝深宮紺袖
唾花猶溼問他阿母消息甚落寞梨雲青鳥難覓不
比錦紅輕薄容易狼藉嫩綠護出溪頭誰顧采香仙客
春晚也頻溫玉笙是得

念奴嬌 九日有感次韻

黃花白髮又匆匆佳節感今懷昔雨覆雲翻無限態故
國寒烟榛棘杜老漂零沈郎瘦損此意天應識劃然長
嘯不知身是孤客呼酒謾撥清愁玉奴頻勸兩臉添
春色眼底生平空四海倦拂紅塵風憤戲馬臺荒登龍
人老往事休追惜山林無恙也須容我高屐

南浦

如此好溪山羨雲屏九疊波影涵素暖翠隔紅塵空明
裏著我扁舟容與高歌鼓柁鷗邊長是尋盟去頭白江
南看不了何況幾番風雨畫圖依約天開蕩晴暉別
有越中真趣孤嘯拓篷窗幽情遠都在酒瓢茶具水蒸

搖晚月明一笛潮生浦欲問漁郎無恙否回首武陵何
許

汪

斌字以質績溪
人有雲坡集

蝶戀花

送春

芳草天涯猶未歇暗綠稀紅柳絮纒飄雪有意送春還
惜別杜鵑爭奈催歸切繡閣無人簾半揭苦憶邊城
十載音書絕惟有東風無異說年年來趁梅花月

邵亨貞

字復孺號清溪華亭
人有蛾術詞選四卷

浣溪沙

西子湖頭三月天半篙新漲柳如烟十年不上斷橋船

百媚燕姬紅錦瑟五花宛馬紫絲鞭年年春色暗相牽

後庭花

銅壺更漏殘紅妝春夢闌江上花無語天涯人未還倚樓閒月明千里隔江何處山

又

刺船鸚鵡洲題詩黃鶴樓金谷銅駝夢湘雲楚水愁少年遊好懷依舊故人還在不

凭欄人題曹雲西贈伎小畫

誰寫江南一段秋妝點錢塘蘇小樓樓中多少愁楚山

無盡頭

掃花遊 春晚次南金韻

柳花巷陌悄不見銅駝采香芳侶畫樓在否幾東風怨
笛凭欄日暮一片閑情尚繞斜陽錦樹黯無語記花外
馬嘶曾送人去 風景長暗度奈好夢微茫艷情清苦
後期已誤剪燭花未卜故人來處水驛相逢待說當年
恨賦寄愁與鳳城東舊時行旅

祝英臺近 和雲西老人秋懷韻

普天雲深夜雨幽興到何許風拍疎簾燈影逗窗戶自
從暝宿河橋露聽江笛久不記舊游湘楚 正無緒可

奈滿目清商蕭蕭五陵樹斜掩屏山腸斷庾郎賦幾回
思遶蘋花夢尋蘭棹怕驚起故溪鷗鷺

沁園春 美人眉

巧鬪彎環纖凝嫵媚明妝未收似江亭曉望遙山拂翠
宮簾暮捲新月橫鈎掃黛嫌濃塗鉛訝淺能畫張郎不
自由傷春倦為皺多無力翻做嬌羞 填來不滿橫秋
料著得人間多少愁記魚箋緘啓背人偷斂鴈鈿交併
蓮指輕柔有喜先占長顰難效柳葉輕黃今在不雙尖
鎖試臨鸞一展依舊風流

又目

漆點填眶鳳梢侵鬢天然俊生記隔花瞥見疎星炯炯
倚欄凝注止水盈盈端正窺簾曹騰竝枕睥睨檀郎長
是青端相久待嫣然一笑密意將成 因酣曾被鶯驚
強臨鏡按抄猶未醒憶帳中親見似嫌羅密尊前相顧
翻怕燈明醉後看承歌闌鬪弄幾度孜孜頻送情難忘
處是鮫綃搵透別淚雙零

蘭陵王

歲晚憶王彥強作

暮天碧長是登臨望極松江上雲冷鴈稀立盡斜陽耿
相憶凭欄起歎息人隔吳王故國年華晚烟水正深難
折梅花寄寒驛 東風舊遊歷記草暗書簾苔滿吟屐

無情征旆催離席嗟月墮寒影夜移清漏依稀曾向夢
裏識恍疑見顏色空惜鬢毛白恨莫趁金鞍猶誤塵
跡何時弭棹蘇臺側共漉酒紗帽放歌瑤瑟春來雙燕
定到否舊巷陌

摸魚子 吳門九日次魏彥文韻

鴈來時晚寒初勁青燈搖動窗戶商聲暗起鄰牆樹觸
景亂愁還聚秋又暮奈合造淒涼無處無笳鼓狂吟醉
舞記滿帽簪花分籌藉草騎馬忘歸路懷人遠有恨
憑誰寄語虛名長是相誤天涯節序渾非舊留得滿城
風雨心萬縷謾自喜孤高不惹沾泥絮羈懷倦訴好分

付兒曹耘鋤三徑早晚賦歸去

又 乙巳 山九日

記年時滿城風雨姑蘇臺下重九客樓已辦登臨屐曾
為好山回首延佇久望翠壁嶙峋間却題詩手相逢野
叟強笑折黃花亂簪烏帽來與共尊酒流光去肯為
閒人宿留驚心節序依舊西風只管吹蓬鬢病骨尚堪
馳驟官渡口便擬喚扁舟往問江潭柳明年健否縱世
故無情未應遲暮姑負此時候

齊天樂 甲戌清明雨中

離歌一曲江南暮依稀灞橋回首立馬東風送人南浦

認得當年楊柳梨花過後悄不見鄰牆弄梅纖手綺陌
東頭箇人還似舊時否 相如近來病久縱腰圍暗減
猶未全瘦宿酒昏燈重門夜雨寒食清明依舊新愁謾
有第一是傷心粉銷紅溜待約明朝問舟官渡口

沈景高 烏程人

沁園春 和劉龍洲指甲

新脫魚鱗平分鴛管愛勒眉彎記搯恨香蕉愁悰細說
劃情嫩竹怨曲新翻纔貼梅鈿旋挑鉛粉繡領重交猶
道寒嬌無奈笑輕拈杏帶淺揭湘斑 官棋也學偷彈
時縮就同心羞自看解傳杯頻賭藏鬪羅袖歸鞭重數

刻印闌干暗解綃囊倦調瑤瑟餵蕊鶯兒繡閣間凝情
處把瓜犀謾剝消遣春閒 此詞繼麗可愛因定交焉

羅慶

水調歌頭 遊武夸

雨晴山潑翠溪淨水拖藍閒來共陪杖屨邂逅已成三
齒齒清泉白石步步碧桃翠竹是處輒幽探行到釣臺
下怪樹蔭空潭 踏芳洲尋別館履巉巖壺天日月長
在雲氣滿東南沽得一尊濁酒喚取山花谿鳥聽我醉
中談異日再過此端為解征驂

唐桂芳 字仲寔新安人以薦授建寧路崇安縣教諭

遷南雄路儒學正學者稱白雲先生所著有

武夸稿

水調歌頭前題次和

武夸最佳處晴氣碧於藍遠瞻崖壑溪曲六六與三三
莫問塵生滄海休歎鶴歸華表好景且容探鐵笛破龍
睡黑雨滿深潭笑神仙留蛻骨閱空巖幾人蹭蹬不
遇太史滯周南最好擅場老子筆底文章如許何必事
清談暫憩桃花下白馬稅飛驂

南鄉子送李仲先還集慶

社雨燕交飛不解行人有別離明月鳳凰臺上酒堪思
天闊雲昏海樹低風正一帆遲簾卷芙蓉江上移去

去霜臺消息近誰知滿眼江山太白詩

凌雲翰

字彥珩錢唐山人至正己亥登鄉試榜授紹興路蘭亭書院山長不赴退居吳興梅林村號避俗翁有柯軒集詞一卷

蝶戀花

過雨春波浮鴨綠草閣三間人住清溪曲舊種小桃多
映竹亂紅遮斷松間屋有客抱琴穿翠麓隔水呼舟
應是憐幽獨歷歷武陵如在目幾時同借仙源宿

王

行字止仲長洲人有半軒集詞一卷如夢令題雪景便面

滿眼落花飛絮回首瓊林玉樹驢背是何人得了灞橋

詩句歸去歸去春到故園深處

虞美人 顧氏隱居

黃花翠竹臨溪處正是幽人住不嫌拄杖破蒼苔便道
有時陰雨也須來 隔簾塵土紛紛起久厭襄陽市若
能招我作西鄰從此一溪春水兩家分

又 鄒氏隱居

白雲紅樹秋山下一片江南畫門前流水帶晴沙更是
繞籬寒菊正開花 如何眼底逢佳處偏許幽人住也
須來此結茅茨莫待有人相寄草堂資

錢抱素 字素菴南
金之兄

臺城路 次邵復孺韻

碧雲深處遙天暮經年雁書沈影雨散梅魂風醒草夢
遙見春回鄉井花明柳暝念賈閣香空謝池詩冷流水
斜陽舊游那是舊風景 懷思橫泖雅趣故人吟嘯裏
得意酬領譜綴臺城緘傳舊水肯把後游重省憑高倚
迴縱老興猶濃不堪馳騁隔斷相思浦潮波萬頃

春草碧

客窗閒理清商譜彈到斷腸聲傷今古自憐素髮無多
猶記紋疏夜深語空剩舊時踪迷南浦 梨花燕子清
明誰家院宇沒箇好情懷杯慵舉天涯行李蕭蕭還是

新愁老羈旅那更落花深紅似雨

瑣窗寒 題玉山草堂

書帶生香忘憂弄色四窗虛悄茅茨淨覆棟宇洗空文
藻捲珠簾雨痕暮收綺羅靜隔紅塵鳥對紙屏素榻拂
潭烟樹掃簷風篠 深窈西園曉似日照爐峰數聲啼
鳥瑠連倚蓋曉水靚妝孤負浣花溪尚餘舊春穠芳賸
馥吟未了望東林小徑斜通夢約香山老

錢應庚

字南金

八聲甘州 倚和邵復孺

折蘭難寄遠渺汀蒲烟柳思依依甚檐花聽斷騷章歌

罷此意誰知滿眼孤村流水腸斷去年時過了重陽日
重問歸期 同是天涯羈旅歎湘靈鼓瑟笑我全非九
江風雨外客有澹忘歸正木杪塞情愁予又吳潮吹上
竹枝詞西窗夜待剪燈深坐却話相思

隔浦蓮近拍 水檻對雨

緋榴開滿露井竹映琅玕瑩幔卷方池雨微微落飛檐
影荷蓋擎萬柄明妝靚浪破魚吹鏡 翠禽並梅風乍
起桃笙微帶新潤瀟湘舊夢喚我綠蓑歸興憑徧闌干
暗自省人靜夕陽移下清景

春草碧 次韻酬復孺

折衝尊俎談兵略還記五湖船烟波約東鄰有客歸來
應訝山翁瘦如鶴問訊舊元都今非昨 當年錦里依
稀青山似削天地一蘧廬從栖泊西園長記前遊乘興
重來看蘭藥白首友于情同憂樂

臺城路 寒食後雨軒獨坐次復孺韻

一庭芳草閒春晝疎疎弄簾花影鼓子風暄苔痕雨潤
還聽鳴蛙喧井沈吟坐暝正綺席杯空蕙爐烟冷老去
無情好春不減舊芳景 天涯誰念倦旅閉門風雨意
獨自難禁南浦歌長西堂夢遠往事不堪追省滄浪望
迴記那日歸舟此懷猶騁莫倚危樓亂紅愁萬頃

楊樵雲

涂川人

滿庭芳 影

只道空烟又疑流水依依却是行雲了然相對又是夢
紛紜半面春風圖畫黃金在難鑄昭君溪橋斷梅花晴
雪端的白三分 真真難喚醒三年抽藕織得榴裙甚
徘徊窺鏡交翼鸞文一片飛花來去并刀快剪取晴紋
無情處分明著眼強半滯春醺

水龍吟 夢

多情不在分明繡窗日日花陰午依依雲絮溶溶香雪
覩他尋路一滴東風怎生消得翠苞紅栩被疎鐘敲斷

流鶯喚起但長記弓彎舞 定是相思入骨到如今月
痕同醉教人枉了若還真箇匆匆如此全未惺鬆纈紋
生眼胡牀猶據算從前總是無憑待說與如何寄

又梅

一枝斜墮牆腰向人顫 裏如相媚是誰剪取斷雲零玉
輕輕妝綴不是幽人如何能到水邊沙際又匆匆過了
春風半面儘長把重門閉 只管相思成夢道無情又
關鄉意蒼苔半畝如今已是鹿胎田地甚欲追陪却嫌
花下翠環解語待何時月轉幽房醉了不教歸去

周晴川

程雪樓云予於近世諸家樂府惟清真犁然
當于心晴川殊有宗風兩坐空山試閱一解
便如輕衫駿騎上下五陵花發鶯啼垂楊拂
面時也

十六字令

眠月影穿窗白玉錢 無人弄移過枕函邊 按十六字令

張安國集中三首蔡伸道集中一首其首俱以一字句
斷今本訛眠字為明遂作三字句斷非也是詞見天機
餘錦係周晴川作今相沿刻周美成然片玉集無此其
不係美成明矣

吳 瓘 字瑩之 號竹莊

柳梢青

牆角孤根株身纖小嬌羞無力蟹眼微紅粉容未露不
禁春色 待東君汨沒芳姿漸迤邐檀心半坼緩步迴

廊黃昏淡月那時相得

王蒙連之子字叔明別號黃鶴山樵

憶秦娥

花如雪東風夜掃蘇隄月蘇隄月香銷南國幾回圓缺
錢塘江上潮聲歇江邊楊柳誰攀折誰攀折西陵渡口古今離別

陸祖先

菩薩蠻題趙松雪水村圖

當年圖畫知何處如今身向滄洲住吾亦愛吾廬芸窗
幾卷書青山天際小目送飛鴻杳試問釣魚船蘆花

淺水邊

王燧吳人

臺城路題楚江秋曉卷

黃陵廟下瀟湘浦依稀少年羈旅夢澤風生渚宮花落
收盡峽雲巫雨長天帶水正日出三竿客船猶艤回望
蒼蒼秋光都在白蘋渚流年暗驚易度向畫中空見
舊遊如許鼓瑟人遙細蘭事往誰折芳馨寄與銷魂凝
佇待收拾閒情寫成新句心與鴻飛空江烟浪裏

張昞嘉興人

踏莎行破窗風雨為性初徵君賦

元

詞綜卷三十

七

周晴川 吳瓘 王蒙 陸祖先

五 燈 張 翥 金 絢 張 半 湖
簷宿吳雲風經楚袂門深不似春宵閉碧疏吹雷溼燈
花客鄉無夢尋珂里 剪韭吟邊聽潮浪裏江懸漏杳
歸心碎相思鳩外綠萋寒一簾蕉響秋如水

金 絢 嘉興人

踏莎行 前題用韻

草帶殘編荷衣斷袂破窗風雨深深閉江南倦客正思
家地花搖夢來鄉里 翠竹簷前碧蕉叢裏秋聲鬪合
愁心碎不教潘鬢總成霜也應有淚如鉛水

張 半 湖

掃花游

柳絲曳綠正豈雨初晴水天清夏石榴綻也看猩紅萬
點倚亭敲榭瑣闥深中料想酒闌歌罷日將下是那處
藕花香勝沈麝 窗外風竹打似曼玉敲金送聲瀟灑
共觀古畫喚石鼎烹茶細商幽話寶鴨烟消天外新蟾
依挂涼無價又丁東數聲簷馬

蕭 東 父

齊 天 樂

扇鸞收影驚秋晚梧桐又鳴疎雨翠箔涼多繡囊香減
陡覺簟冰如許温存誰與更禁得荒苔露蛩相訴恨結
愁縈風刀難剪幾千縷 閑思前事易遠悵舊歡無據

月墮湘浦軟玉分稠膩雲侵枕猶憶吹蘭低語如今最
苦甚怕見燈昏夢游間阻怨殺嬌癡綠窗還嚏否

黃水村

解連環 春夢

鳳樓倚倦正海棠睡足錦香衾軟似不似霧閣雲窗擁
絕妙輕盈霎時曾見屏裏吳山又依約獸環半掩乍教
人覩了疑假疑真一種淒怨 游絲落花滿院料當時
錯怪杏梁歸燕謾記得栩栩多情似蝴蝶飛來撲翻輕
扇偷眼簾帷早不見畫眉人面但凝思紅生半臉枕痕
一線

馬致遠 號東籬

天淨沙

見老學叢談

枯藤老樹昏鴉小橋流水平沙古道淒風瘦馬夕陽西
下斷腸人在天涯

又

平沙細草斑斑曲溪流潺潺塞上清秋早寒一聲新
鴈黃雲紅葉青山

又

西風塞上胡笳月明馬上琵琶那抵昭君怨多李陵臺
下淡烟衰草黃沙

王容溪

如夢令

林下一溪春水林上數峯嵐翠中有隱居人茅屋數間而已無事無事石上坐看雲起

傅按察

綠頭鴨 錢塘懷古

靜中看字缺六記昔日淮山隱隱宛若虎踞龍盤下樊襄指揮湘漢鞭雲騎圍繞江干勢不成三時當混一過唐之數不為難二字缺十陳橋驛孤兒寡婦久假當還 挂征帆龍舟催發紫宸初卷朝班禁庭空土花暈碧輦路悄

綠頭鴨不多麗原誤作鴨頭編看下直接記昔因語氣未定元難下直接陳橋曰校別家詞均不若其缺三句十八字故為編註後闕能餘得下三句誤置在去國三句後為改正其供句如無從補也

呵喝聲乾去國三千游仙一夢依然天淡夕陽間縱餘得西湖風景花柳亦凋殘昨宵也一輪明月還照臨安

無名氏

憶秦娥

花蹊側秦樓夜訪金釵客金釵客江梅風韻海棠顏色尊前醉倒君休惜河橋去後空相憶空相憶山長水遠幾時見得

管道昇字仲姬趙子昂室

漁父詞

遙想山堂數樹梅凌寒玉蕊發南枝山月照曉風吹只

為清香苦欲歸

劉燕哥

女伎

太常引 錢劉參議歸山東

故人別我出陽關無計鎖雕鞍今古別離難兀誰畫蛾
眉遠山一樽別酒一聲杜宇寂寞又春殘明月小樓
間第一夜相思淚彈

陳鳳儀

成都樂伎

一絡索 送別

蜀江春色濃如霧擁雙旌歸去海棠也似別君難一點
點啼紅雨此去馬蹄何處向沙隄新路禁林賜宴賞

花時還憶著西樓否

夢庵

齊天樂 題燕文貴楚江秋曉卷

曉風吹醒篷窗夢驚心斷魂潮尾深鬢蕭蕭秋烟黯黯
殘月漸看西墜披衣乍起對萬頃蒼茫半空飛露曙色
纔分巫山隱隱掃晴翠行舟此際競發歎還吳適楚
盡趨名利投老襟懷思鄉情緒慵賦天涯羈旅鷗汀雁
渚記彷彿當年暗經行處今日披圖舊遊如夢裏

張

雨 字伯雨號貞居杭州人宋崇國公九成

燕山亭 楊梅

鶴頂珠圓蝟肌粟聚寶葉揉藍初洗親剪翠柯遠贈筠
籠脈脈紅泉流齒骨換丹砂笑尚帶儒酸風味誰記曾
問譜西泠綠陰青子 君家幾度樽前摘天上繁星伴
人同醉纖手素盤歷亂殷紅浮沈半壺脂水珍果同時
惟醉寫來禽青李爭似為越女吳姬染指

滿江紅 玉簪次班彥功韻

玉導纖長頓化作雲英香莢風弄影綠鬟撩亂搔頭斜
插璞小還思釵燕並叢幽畧比蕉心狹看柔鬢點綴半
開時微烘蠟 冰筋瘦瓊林滑芳徑底誰偷掐怕夜涼
消得錦圍紅匝鴛管不禁仙露重蜜脾勝借清香發待

使君絕妙好詞成須彈壓

雪獅兒 賦梅次仇山村韻

含香弄粉便句引游騎尋芳城南城北別有西村斷港
冰澌微綠孤山路熟伴老鶴晚先尋宿怕凍損三花兩
蕊寒泉幽谷 幾番花影濯足記歸來醉卧雪深平屋
春夢無憑鬢底門蛾爭撲不如圖畫相對展官奴風竹
燒黃燭 獨一作自聽瓶笙調曲

蝶戀花 新柳

誰道鶯兒黃似酒對酒新鶯得似垂絲柳鉛粉泥金初
染就年年春雪消時候 一縷柔情能斷否雨重烟輕

無力縈窗牖試看溪南陰十畝落花都聚紅雲帚

東風第一枝 五簪

清淚如鉛綠房迎曉寶階低擁雲葉蜻蜓飛上搔頭依
前艷香未歇西窗夜雨怪簾底參差涼月正一叢深倚
琅玕石上只愁磨折 問瑤草應憐短髮曾醉墮無聲
膩滑羞他金雀鈿蟬高似水仙羅襪芳心斷絕誰與贈
湘臯瓊玦試折花擲作銀橋看舞素鸞回雪

早春怨 擬白石

眇得春來春寒春困陡頓無聊半別殘釭片時春夢過
了元宵 空山暮暮朝朝到此際無魂可消却倚東風

水如衣帶草似裙腰

朝中措

早春書易元九曲新居壁

草堂移住古城隈堂後水平階要結柴桑鄰里不須鷗
鷺驚猜 行厨竹裏園官菜把野老山杯說與定巢新
燕杏花開了重來

太常引

題李仁仲畫舫

莫將西子比西湖千古一陶朱生怕在樓居也用著風
帆短蒲 銀瓶索酒并刀斫鱸船背錦模糊隄上早傳
呼是那箇烟波釣徒

滕

賓

字玉霄睢陽人官江西儒學
提舉後棄家入天台為道士

齊天樂 華光閣誌別分韻得與字

片帆呼度西山曲匆匆載將春去路入翠寒浪翻紅煖
一枕敲眠烟雨酒朋詩侶儘醉舞狂歌氣吞吳楚一樣
風流依然猶是晉風度 人生如此良遇問碧翁何意
萍蓬教聚句落瑤臺香霏珠唾驚倒世間兒女渭川雲
樹悵後夜相思玉蟾明處怕有新詩鴈來頻寄與

鵲橋仙

斜陽一抹青山數點萬里澄江如練肅風吹落櫓聲遙
又喚起寒雲片片 殘鴉古渡瘦驢村店漸覺樓頭人
遠桃花流水小橋東是那箇柴門半掩

詞綜卷三十全

詞綜卷三十調名

水龍吟

張

石州慢

念奴嬌

陶

奪錦標

漁父詞

吳

管

人月圓

倪

柳梢青

吳

江城子

小桃紅

侁欄人

邵

水調歌頭

顧

羅 唐

蝶戀花

汪 凌 張

青玉案

清平樂

南浦

陶

露華

浣溪沙

邵

後庭花

掃花遊張邵

沁園春沈

摸魚子

南鄉子唐

虞美人

春草碧錢錢

八聲甘州錢

滿庭芳楊

十六字令周

菩薩蠻陸

祝英臺近邵

蘭陵王

齊天樂蕭夢庵 滕

如夢令王 王

臺城路錢 錢 王

瑣窗寒

隔浦蓮近拍

水龍吟又名小樓連苑

憶秦娥王 佚名

踏莎行張 金

解連環黃

鴨頭綠傅

一絡索陳

滿江紅

早春怨

東風第一枝

天淨沙馬

太常引劉 張

燕山亭張

雪獅兒

朝中措

鵲橋仙滕

補遺後序

詞綜之刻成於戊午會錫鬯以應薦入都官翰林嗣不省故集繼典試江南事竣會予與青士於故里論及前刻挂漏尚多欲謀為定本而卒難刊改思補輯以成完書未幾北去間遺一二鈔本前此所未經見者然約而未廣不足以成卷辛酉春青士偕山子過舍相與燕坐草堂出其遠近所搜輯并錫鬯所遺復從故集繙閱彙為兩卷得詞若干首猶未備也久之各以事罷去其後從吳門藏書家得梅苑翰墨全書鐵網珊瑚及宋元小集二十餘種青士又從魏塘柯南陔携草窗所輯絕妙

好辭偕山子相為討論目視手鈔日無寧晷而郡城曹
子民表亦時有緘寄佐所不逮共補人百二十有二補
詞三百六十餘首哀然可觀矣乃青士旅食京華二載
幾歸里門而又客死徐塘山子則繼去北遊余復哭伯
兄於嶺表風流雲散悲何可言夫邊馬依北風以嘶越
烏望南枝而逝古人所以興感於離別也矧百年有盡
之身為升沈為聚散日月如駛其中之笑言晨夕曾幾
何時而顧可長恃乎哉辛未秋殘未退山子過予別業
消散於梧風桂月間留兩月而去冬初重過將送予還
新安遽捐館舍老友凋零為之傷悼不已爰亟詮次其

先後凡六卷以附於初刻之末并誌其歲月以道其感
慨云休甯汪森書

補遺六卷予已并入前編特存其序以不忘緣起云爾
張月如書